

দুর্গেশনন্দিনী

বঙ্কিমচন্দ্র চট্টোপাধ্যায়



দুর্গেশনন্দিনী

বঙ্কিমচন্দ্র চট্টোপাধ্যায়

সুপ্রবন্ধিনী

৮ বি, কলকাতা রো, কলিকাতা-৯

প্রকাশকাল—বৈশাখ, ১৩৬৭

প্রকাশক

শ্রীবিষ্ণুনাথ মৈত্র

৮ বি, কলেজ রো,

কলিকাতা ৭০০০০৯

মুদ্রণে

নিউ মহানগর প্রেস

৬৫/৭ কংগ্রেস স্ট্রিট,

কলিকাতা ৭০০০৭৩

দুর্গেশনন্দিনী

প্রথম খণ্ড

প্রথম পরিচ্ছেদ : দেবমন্দির

১৯৭ বঙ্গাব্দের নিদাঘশেষে একদিন একজন অশ্বারোহী পুরুষ বিষ্ণুপুর হইতে মান্দারণের পথে একাকী গমন করিতেছিলেন। দিনমণি অস্তাচলগমনোচ্ছোগী দেখিয়া অশ্বারোহী দ্রুতবেগে অশ্ব সঞ্চালন করিতে লাগিলেন। কেন না, সম্মুখে প্রকাণ্ড প্রাস্তর; কি জানি, যদি কালধর্ম্মে প্রদোষকালে প্রবল ঝটিকা বৃষ্টি আরম্ভ হয়, তবে সেই প্রাস্তবে, নিরাশ্রয়ে যৎপরোনাস্তি পীড়িত হইতে হইবে। প্রাস্তর পার হইতে না হইতেই সূর্যাস্ত হইল; ক্রমে নৈশ গগন নীলনীরদমালায় আবৃত হইতে লাগিল। নিশারন্তেই এমন ঘোরতর অন্ধকার দিগন্তসংস্থিত হইল যে, অশ্বচালনা অতি কঠিন বোধ হইতে লাগিল। পাস্বে কেবল বিদ্যুদীপ্তিপ্রদর্শিত পথে কোন মতে চলিতে লাগিলেন।

অল্পকাল মধ্যে মহারবে নৈদাঘ ঝটিকা প্রধাবিত হইল, এবং সঙ্গে সঙ্গে প্রবল বৃষ্টিধারা পড়িতে লাগিল। ঘোটকাক্রুড় ব্যক্তি গম্ভব্য পথেব আর কিছুমাত্র স্থিরতা পাইলেন না। অশ্ব-বল্লা শ্লথ করাতে অশ্ব যথেষ্ট গমন করিতে লাগিল। এইরূপ কিয়দূর গমন করলে ঘোটকচরণে কোন কঠিন দ্রব্যসংঘাতে ঘোটকেব পদস্থলন হইল। ঐ সময়ে একবাব বিদ্যুৎ প্রকাশ হওয়াতে পশ্চিম সম্মুখে প্রকাণ্ড ধবলাকার কোন পদার্থ চকিতমাত্র দেখিতে পাইলেন। ঐ ধবলাকার স্তূপ অট্টালিকা হইবে, এই বিবেচনায় অশ্বারোহী লাফ দিয়া ভূতলে অবতরণ করিলেন। অবতরণমাত্র জানিতে পারিলেন যে, প্রস্তরনির্ম্মিত সোপানাবলীর সংস্রবে ঘোটকের চরণ স্থলিত হইয়াছিল; অতএব নিকটে আশ্রয়-স্থান আছে জানিয়া, অশ্বকে ছাড়িয়া দিলেন। নিজে অন্ধকারে সাবধানে সোপানমার্গে পদক্ষেপ করিতে লাগিলেন। অচিরে তাড়িতালোকে জানিতে পারিলেন যে, সম্মুখস্থ অট্টালিকা এক দেবমন্দির। কৌশলে মন্দিরের ক্ষুদ্র দ্বারে উপস্থিত

হইয়া দেখিলেন যে, দ্বার রুদ্ধ ; হস্তমার্জনে জানিলেন, দ্বার বহির্দিক্ হইতে রুদ্ধ হয় নাই । এই জনহীন প্রান্তরস্থিত মন্দিরে এমন সময় সময়ে কে ভিতর হইতে অর্গল আবদ্ধ করিল, এই চিন্তায় পথিক কিঞ্চিৎ বিস্মিত ও কৌতূহলাবিষ্ট হইলেন । মস্তকোপরি প্রবল বেগে ধারাপাত হইতেছিল, সুতরাং যে কোন ব্যক্তি দেবালয়মধ্যবাসী হউক, পথিক দ্বারে ভূয়োভূয়ো বলদর্পিত করাঘাত করিতে লাগিলেন, কেহই দ্বারোন্মোচন করিতে আসিল না । ইচ্ছা, পদাঘাতে কবাট মুক্ত কবেন, কিন্তু দেবালয়ের পাছে অমর্যাদা হয়, এং আশঙ্কায় পথিক তত দূর করিলেন না ; তথাপি তিনি কবাটে যে দাঙ্গা কবপ্রহার করিতেছিলেন, কাষ্ঠের কবাট তাহা অধিকক্ষণ সহিতে পারিল না, অল্পকালেই অর্গল হুত হইল । দ্বার খুলিয়া যাইবামাত্র, যুবা যেমন মন্দিরাভ্যন্তরে প্রবেশ করিলেন, অমনই মন্দির-মধ্যে অক্ষুণ্ণ চাৎকারধ্বনি তাঁহার কর্ণে প্রবেশ করিল ও তন্মুহূর্ত্তে মুক্ত দ্বারপথে ঝটিকাবেগ প্রবাহিত হওয়াতে তথা যে ক্ষীণ প্রদীপ জ্বলিতেছিল, তাহা নিবিয়া গেল । মন্দিরমধ্যে মল্লগুহই বা কে আছে, দেবই বা কি মূর্ত্তি, প্রবেষ্টা তাহার কিছুই দেখিতে পাইলেন না । আপনার অবস্থা এইরূপ দেখিয়া নির্ভীক যুবা পুরুষ কেবল ঈষৎ হাস্য করিয়া, প্রথমতঃ ভক্তিতাবে মন্দিরমধ্যস্থ অদৃশ্য দেবমূর্ত্তিকে উদ্দেশে প্রণাম করিলেন । পরে গাত্রোথান করিয়া অন্ধকারমধ্যে ডাকিয়া কহিলেন, “মন্দিরমধ্যে কে আছে ?” কেহই প্রশ্নের উত্তর কবিল না ; কিন্তু অলঙ্কারবন্ধারশব্দ কর্ণে প্রবেশ করিল । পথিক তখন বৃথা বাক্যব্যয় নিষ্প্রয়োজন বিবেচনা করিয়া বৃষ্টিধারা ও ঝটিকার প্রবেশ রোধার্থ দ্বার যোজিত করিলেন, এবং ভগ্নার্গলের পরিবর্তে আশ্রয়রী দ্বাবে নিবিষ্ট করিয়া পুনর্ব্বার কহিলেন, “যে কেহ মন্দিরমধ্যে থাক, শ্রবণ কব ; এই আমি সশব্দ দ্বারদেশে বসিলাম, আমার বিশ্বামের বিশ্ব করিও না । বিশ্ব করিলে, যদি পুরুষ হও, তবে ফলভোগ করিবে ; আর যদি স্ত্রীলোক হও, তবে নিশ্চিন্ত হইয়া নিদ্রা যাও, রাজপুত-হস্তে অসিচর্ম্ম থাকিতে তোমাদিগের পদে কুশাক্ষরও বিঁধিবে না ।”

“আপনি কে ?” বামাস্তরে মন্দিরমধ্য হইতে এই প্রশ্ন হইল । শুনিয়া সবিস্ময়ে পথিক উত্তর করিলেন, “স্ববে বুঝিতেছি, এ প্রশ্ন কোন

মুন্দরী করিলেন। আমার পরিচয়ে আপনার কি হইবে ?”

মন্দিরমধ্য হইতে উত্তর হইল, “আমরা বড় ভীত হইয়াছি।”

যুবক তখন কহিলেন, “আমি যেই হই, আমাদিগের আত্মপরিচয় আপনারা দিবার রীতি নাই। কিন্তু আমি উপস্থিত থাকিতে অবলাজাতির কোন প্রকার বিদ্রোহ আশঙ্কা নাই।”

রমণী উত্তর করিল, “আপনাব কথা শুনিয়া আমার সাহস হইল, এতক্ষণ আমরা ভয়ে মৃতপ্রায় ছিলাম। এখনও আমার সহচরী অর্দ্ধ-মূর্ছিতা রহিয়াছেন। আমরা সায়াহ্নকালে এই শৈলেশ্বর শিব পূজার জন্ত আসিয়াছিলাম। পরে ঝড় আসিলে, আমাদিগের বাহক দাস-দাসীগণ আমাদিগকে ফেলিয়া কোথায় গিয়াছে, বলিতে পারি না।”

যুবক কহিলেন, “চিন্তা কবiven না, আপনারা বিশ্রাম করুন, কাল প্রাতে আমি আপনাদিগকে গৃহে রাখিয়া আসিব।” রমণী কহিল, “শৈলেশ্বর আপনার মঙ্গল করুন।”

অর্দ্ধরাত্রে ঝটিকা বৃষ্টি নিবারণ হইলে যুবক কহিলেন, “আপনারা এইখানে কিছুকাল কোনরূপে সাহসে ভর কবিয়া থাকুন। আমি একটা প্রদীপ সংগ্রহের জন্ত নিকটবর্তী গ্রামে যাই।”

এই কথা শুনিয়া যিনি কথা কহিতেছিলেন, তিনি কহিলেন, “মহাশয়, গ্রাম পর্যন্ত যাইতে হইবে না। এই মন্দিরের রক্ষক একজন ভৃত্য অতি নিকটেই বসতি করে; জ্যোৎস্না প্রকাশ হইয়াছে, মন্দিরের বাহির হইতে তাহার কুটার দেখিতে পাইবেন। সে ব্যক্তি একাকী প্রান্তবমধ্যে বাস করিয়া থাকে, এজন্য সে গৃহে সর্বদা অগ্নি জালিবার সামগ্রী রাখে।”

যুবক এই কথানুসাবে মন্দিরের বাহিরে আসিয়া জ্যোৎস্নার আলোকে দেবালয়বক্ষকের গৃহ দেখিতে পাইলেন। গৃহদ্বারে গমন করিয়া তাহার নিজাভঙ্গ করিলেন। মন্দিররক্ষক ভয়প্রযুক্ত দ্বারোদঘাটন না করিয়া, প্রথমে অন্তরাল হইতে কে আসিয়াছে দেখিতে লাগিল। বিশেষ পর্যবেক্ষণে পথিকের কোন দণ্ডালক্ষণ দৃষ্ট হইল না; বিশেষতঃ তৎস্বীকৃত অর্থের লোভ সম্বরণ করা তাহার পক্ষে কষ্টসাধ্য হইয়া উঠিল। সাত

পাঁচ ভাবিয়া মন্দিররক্ষক দ্বার খুলিয়া প্রদীপ জালিয়া দিল ।

পান্থ প্রদীপ আনিয়া দেখিলেন, মন্দিরমধ্যে খেত-প্রস্তর-নির্মিত শিবমূর্ত্তি স্থাপিত আছে । সেই মূর্ত্তির পশ্চাত্তাগে দুইজন মাত্র কামিনী । যিনি নবীনা, তিনি দীপ দেখিবামাত্র সাবগুঠনে নতমুখী হইয়া বসিলেন । পরন্তু তাঁহার অনাবৃত প্রকোষ্ঠে হীরকমণ্ডিত চূড় এবং বিচিত্র কারু-কার্য্যখচিত পরিচ্ছদ, তত্বপরি রত্নাভরণপারিপাট্য দেখিয়া পান্থ নিঃসন্দেহ জানিতে পারিলেন যে, এই নবীনা হীনবংশসম্ভূতা নহে । দ্বিতীয়া রমণীর পরিচ্ছদের অপেক্ষাকৃত হীনার্ঘ্যতায় পথিক বিবেচনা করিলেন যে, ইনি নবীনীর সহচারিণী দাসী হইবেন ; অথচ সচরাচর দাসীর অপেক্ষা সম্পূর্ণ । বয়ঃক্রম পঞ্চত্রিংশৎ বর্ষ বোধ হইল । সহজেই যুবা পুরুষের উপলব্ধি হইল যে, বয়োজ্যেষ্ঠারই সহিত তাঁহার কথোপকথন হইতেছিল । তিনি সবিস্ময়ে ইহাও পর্য্যবেক্ষণ করিলেন যে, তত্বভয় মধ্যে কাহারও পরিচ্ছদ এতদ্দেশীয় স্ত্রীলোকদিগের হ্রাস নহে, উভয়েই পশ্চিমদেশীয়, অর্থাৎ হিন্দুস্থানী স্ত্রীলোকের বেশধারিণী । যুবক মন্দিরাভ্যন্তরে উপযুক্ত স্থানে প্রদীপ স্থাপন করিয়া রমণীদিগের সম্মুখে দাড়াইলেন । তখন তাঁহার শরীরোপরি দীপরশ্মিসমূহ প্রপতিত হইলে, রমণীরা দেখিলেন যে, পথিকের বয়ঃক্রম পঞ্চবিংশতি বৎসরের কিঞ্চিদ্ভিন্ন অধিক হইবে ; শরীর এতাদৃশ দীর্ঘ যে অন্তের তাদৃশ দৈর্ঘ্য অসৌষ্ঠবের কাবণ হইত । কিন্তু যুবকের বক্ষোবিশালতা এবং সর্ব্বাঙ্গের প্রচুরায়ত গঠনগুণে সে দৈর্ঘ্য অলৌকিক ত্রীসম্পাদক হইয়াছে । প্রাবৃটসম্ভূত নবদুর্বাদলতুল্য, অথবা তদধিক মনোজ্ঞ কান্তি ; বসন্তপ্রসূত নবপত্রাবলী-তুল্য বর্ণোপরি কবচাদি রাজপুত জাতির পরিচ্ছদ শোভা করিতেছিল, কটিদেশে কটিবন্ধে কোষসম্বন্ধ অসি, দীর্ঘ করে দীর্ঘ বর্শা ছিল ; মস্তকে উষ্মীষ, তত্বপরি একখণ্ড হীরক ; কর্ণে মুক্তাসহিত কুণ্ডল ; কণ্ঠে রত্নহার ।

পরস্পর সন্দর্শনে উভয় পক্ষই পরস্পরের পরিচয় জ্ঞাত বিশেষ ব্যগ্র হইলেন, কিন্তু কেহই প্রথমে পরিচয় জিজ্ঞাসাব অভদ্রতা স্বীকার করিতে সহসা ইচ্ছুক হইলেন না ।

দ্বিতীয় পরিচ্ছেদ : আলাপ

প্রথমে যুবক নিজ কৌতূহলপরবশতা প্রকাশ করিলেন। বয়োজ্যেষ্ঠাকে সম্বোধন করিয়া কহিলেন, “অনুভবে বুঝিতেছি, আপনারা ভাগ্যবানের পুরস্কারী, পরিচয় জিজ্ঞাসা করিতে সঙ্কোচ হইতেছে; কিন্তু আমার পরিচয় দেওয়ার পক্ষে যে প্রতিবন্ধক, আপনাদের সে প্রতিবন্ধক না থাকিতে পারে, এজন্ত জিজ্ঞাসা করিতে সাহস করিতেছি।”

জ্যেষ্ঠা কহিলেন, “জ্ঞীলোকের পরিচয়ই বা কি? যাহারা কুলোপাধি ধারণ করিতে পারে না, তাহারা কি বলিয়া পরিচয় দিবে? গোপনে বাস করা যাহাদিগের ধর্ম, তাহারা কি বলিয়া আত্মপ্রকাশ করিবে? যে দিন বিধাতা জ্ঞীলোককে স্বামীর নাম মুখে আনিতে নিষেধ করিয়াছেন, সেই দিন আত্মপরিচয়ের পথও বন্ধ করিয়াছেন।”

যুবক এ কথার উত্তর করিলেন না। তাঁহার মন অগ্র দিকে ছিল। নবীনা রমণী ক্রমে ক্রমে অবগুষ্ঠনের কিয়দংশ অপসৃত করিয়া সহচরীর পশ্চাত্তাগ হইতে অনিমেঘচক্ষুতে যুবকের প্রতি দৃষ্টি করিতেছিলেন। কথোপকথনমধ্যে অকস্মাৎ পথিকেরও সেই দিকে দৃষ্টিপাত হইল; আর দৃষ্টি ফিরিল না; তাঁহার বোধ হইল, যেন তাদৃশ অলৌকিক রূপরাশি আর কখন দেখিতে পাইবেন না। যুবতীর চক্ষুর্দ্বয়ের সহিত পথিকের চক্ষু সংমিলিত হইল। যুবতী অমনি লোচনযুগল বিনত করিলেন। সহচরী বাক্যের উত্তর না পাইয়া পথিকের মুখপানে চাহিলেন। কোন্ দিকে তাঁহার দৃষ্টি, তাহাও নিরীক্ষণ করিলেন, এবং সমভিব্যাহারিণী যে যুবক প্রতি সতৃষ্ণনয়নে চাহিতেছিলেন, তাহা জানিতে পারিয়া, নবীনার কানে কানে কহিলেন, “কি লো! শিবসাক্ষাৎ স্বয়ম্বরা হবি না কি?”

নবীনা, সহচরীকে অঙ্গুলিনিপীড়িত করিয়া, তজ্জপ মৃদুস্বরে কহিল, “তুমি নিপাত যাও।” চতুরা সহচারিণী এই দেখিয়া মনে মনে ভাবিলেন যে, যে লক্ষণ দেখিতেছি, পাছে এই অপরিচিত যুবা পুরুষের ভেজঃপুঞ্জ

কাস্তি দেখিয়া আমার হস্তসমর্পিতা এই বালিকা মন্থশরজালে বিদ্ধ হয় : তবে আর কিছু হউক না হউক, ইহার মনের সুখ চিরকালের জ্ঞান নষ্ট হইবে, অতএব সে পথ এখনই রুদ্ধ করা আবশ্যক । কিরূপেই বা এ অভিপ্রায় সিদ্ধ হয় ? যদি ইজিতে বা ছলনাক্রমে যুবককে স্থানান্তরে প্রেরণ করিতে পারি, তবে তাহা কর্তব্য বটে, এই ভাবিয়া নারীস্বভাবসিদ্ধ চতুরতার সহিত কহিলেন, “মহাশয় ! স্ত্রীলোকের সুনাম এমনই অপদার্থ বস্তু যে, বাতাসের ভর সহ্য না । আজিকার এ প্রবল ঝড়ে রক্ষা পাওয়া দুষ্কর, অতএব এক্ষণে বাড় থামিয়াছে, দেখি যদি আমরা পদব্রজে বাটী গমন করিতে পারি ।”

যুবা পুরুষ উত্তর করিলেন, “যদি একান্ত এ নিশীথে আপনারা পদব্রজে যাইবেন, তবে আমি আপনাদিগকে রাখিয়া আসিতেছি । এক্ষণে আকাশ পরিষ্কার হইয়াছে, আমি এতক্ষণ নিজস্থানে যাত্রা করিতাম, কিন্তু আপনার সখীর সদৃশ রূপসীকে বিনা রক্ষকে রাখিয়া যাইব না বলিয়াই এখন এ স্থানে আছি ।”

কামিনী উত্তর করিল, “আপনি আমাদিগের প্রতি যেরূপ দয়া প্রকাশ করিতেছেন, তাহাতে পাছে আমাদিগকে অকৃতজ্ঞ মনে করেন, এজন্যই সকল কথা ব্যক্ত করিয়া বলিতে পারিতেছি না । মহাশয় ! স্ত্রীলোকের মন্দ কপালের কথা আপনার সাক্ষাতে আর কি বলিব । আমরা সহজে অবিশ্বাসিনী ; আপনি আমাদিগকে রাখিয়া আসিলে আমাদিগের সৌভাগ্য, কিন্তু যখন আমার প্রভু—এই কণ্ঠার পিতা—ইহাকে জিজ্ঞাসা করিবেন, তুমি এ রাত্রে কাহার সঙ্গে আসিয়াছ, তখন ইনি কি উত্তর করিবেন ?”

যুবক ক্ষণকাল চিন্তা করিয়া কহিলেন, “এই উত্তর করিবেন যে, আমি মহারাজ মানসিংহের পুত্র জগৎসিংহের সঙ্গে আসিয়াছি ।”

যদি তন্মুহূর্ত্তে মন্দিরমধ্যে বজ্রপতন হইত, তাহা হইলেও মন্দিরবাসিনী স্ত্রীলোকেরা অধিকতর চমকিত হইয়া উঠিতেন না । উভয়েই অমনি গাত্রোত্থান করিয়া দণ্ডায়মান হইলেন । কনিষ্ঠা শিবলিঙ্গের পশ্চাতে সরিয়া গেলেন । বাগ্‌বিদগ্ধা বয়োযৌবন গলদেশে অঞ্চল দিয়া দণ্ডবৎ

হইলেন ; অঞ্জলিবদ্ধকরে কহিলেন, “যুবরাজ ! না জানিয়া সহস্র অপরাধ করিয়াছি, অবোধ ঐলোকদিগকে নিজগুণে মার্জনা করিবেন ।”

যুবরাজ হাসিয়া কহিলেন, “এ সকল গুণতর অপরাধেব ক্ষমা নাই। তবে ক্ষমা করি, যদি পরিচয় দাও, পরিচয় না দিলে অবশ্য সমুচিত দণ্ড দিব ।”

নরম কথায় রসিকার সকল সময়েই সাহস হয় ; রমণী ঈষৎ হাসিয়া কহিল, “কি দণ্ড, আজ্ঞা হটুক, স্বীকৃত আছি ।”

জগৎসিংহও হাসিয়া কহিলেন, “সঙ্গে গিয়া তোমাদের বাটী রাখিয়া আসিব ।”

সহচরী দেখিলেন, বিষম সঙ্কট। কোন বিশেষ কাবণে তিনি নবীনাব পরিচয় দিল্লীশ্বরের সেনাপতির নিকট দিতে সম্মত ছিলেন না ; তিনি যে তাঁহাদিগকে সঙ্গে করিয়া রাখিয়া আসিবেন, ইহাতে আরও ক্ষতি, সে ত পরিচয়ের অধিক ; অতএব সহচরী অধোবদনে রহিলেন ।

এমন সময়ে মন্দিরের অনতিদূরে বহুতর অশ্বের পদধ্বনি হইল ; রাজপুত্র অতি ব্যস্ত হইয়া মন্দিরের বাহিরে যাইয়া দেখিলেন যে, প্রায় শত অশ্বাবোহী সৈন্য যাইতেছে । তাহাদিগের পরিচ্ছদ দৃষ্টিমাত্র জানিতে পারিলেন যে, তাহারা তাঁহারই রাজপুত্র সেনা । ইতিপূর্বে যুবরাজ যুদ্ধ-সম্বন্ধীয় কার্য সম্পাদনে বিষ্ণুপুর অঞ্চলে যাইয়া, স্থরিত একশত সেনা লইয়া পিতৃসমক্ষে যাইতেছিলেন । অপরাহ্নে সমভিব্যাহারিগণেব অগ্রসর হইয়া আসিয়াছেন ; পশ্চাৎ তাহারা এক পথে, তিনি অগ্ৰ পথে যাওয়াতে, তিনি একাকী প্রান্তবমধ্যে ঝটিকা বৃষ্টিতে বিপদগ্রস্ত হইয়াছিলেন । এক্ষণে তাহাদিগকে পুনর্ব্বার দেখিতে পাইলেন, এবং সেনাগণ তাঁহাকে দেখিতে পাইয়াছে কি না, জানিবার জ্ঞান কহিলেন, “দিল্লীশ্বরের জয় হটুক ।” এই কথা কহিলামাত্র একজন অশ্বারোহী তাঁহার নিকট আসিল । যুবরাজ তাহাকে দেখিয়া কহিলেন, “ধরমসিংহ, আমি ঝড় বৃষ্টির কারণে এখানে অপেক্ষা করিতেছিলাম ।”

ধরমসিংহ নতভাবে প্রণাম করিয়া কহিল, “আমরা যুবরাজের বহু অনুসন্ধান করিয়া এখানে আসিয়াছি, অশ্বকে এই বটবৃক্ষের নিকটে

পাইয়া আনিয়াছি।”

জগৎসিংহ বলিলেন, “অশ্ব লইয়া তুমি এখানে অপেক্ষা কর, আর দুইজনকে নিকটস্থ কোন গ্রাম হইতে শিবিকা ও তত্পরযুক্ত বাহক আনিতে পাঠাও, অবশিষ্ট সেনাগণকে অগ্রসর হইতে বল।”

ধরমসিংহ এই আদেশ প্রাপ্ত হইয়া কিঞ্চিৎ বিস্মিত হইল, কিন্তু প্রভুর আজ্ঞায় প্রবৃত্তি অনাবশ্যক জানিয়া, “যে আজ্ঞা” বলিয়া সৈন্যদিগকে যুবরাজের অভিপ্রায় জানাইল। সৈন্যমধ্যে কেহ কেহ শিবিকার বার্তা শুনিয়া ঈষৎ হাস্য করিয়া অপরকে কহিল, “আজ যে বড় নূতন পদ্ধতি।” কেহ বা উত্তর করিল, “না হবে কেন? মহারাজ রাজপুত্রপতির শত শত মহিষী।”

এদিকে যুবরাজের অনুপস্থিতিকালে অবসর পাইয়া অবগুষ্ঠন মোচনপূর্বক সুন্দরী সহচরীকে কহিল, “বিমলা, রাজপুত্রকে পরিচয় দিতে তুমি অসম্মত কেন?”

বিমলা কহিল, “সে কথার উত্তর আমি তোমার পিতার কাছে দিব; এক্ষণে আবার এ কিসের গোলযোগ শুনিতে পাই?”

নবীনা কহিল, “বোধ করি, রাজপুত্রের কোন সৈন্যাদি তাহার অনুসন্ধানে আসিয়া থাকিবে; যেখানে স্বয়ং যুবরাজ রহিয়াছেন, সেখানে চিন্তা কর কেন?”

যে অশ্বারোহিণ শিবিকাবাহকাদির অশ্বেষণে গমন কবিয়াছিল, তাহারা প্রত্যাগমন করিবার পূর্বেই, যে বাহক ও রক্ষিবর্গ স্ত্রীদিগকে রাখিয়া বৃষ্টির সময়ে গ্রামমধ্যে গিয়া আশ্রয় লইয়াছিল, তাহারা ফিরিয়া আসিল। দূর হইতে তাহাদিগকে দেখিয়া জগৎসিংহ মন্দিরমধ্যে পুনঃপ্রবেশপূর্বক পরিচারিকাকে কহিলেন, “কয়েকজন অস্বধারী ব্যক্তির সহিত বাহকগণ শিবিকা লইয়া আসিতেছে, উহারা তোমাদিগের লোক কি না, বাহিবে আসিয়া দেখ।” বিমলা মন্দিরদ্বারে দাঁড়াইয়া দেখিল যে, তাহারা তাহাদিগের রক্ষিণ ঘটে।

রাজকুমার কহিলেন, “তবে আমি আর এখানে দাঁড়াইব না; আমার সহিত ইহাদিগেব সাক্ষাতে অনিষ্ট ঘটিতে পারে। অতএব আমি

চলিলাম। শৈলেশ্বরের নিকটে প্রার্থনা করি, তোমরা নির্বিঘ্নে বাটী উপনীত হও; তোমাদিগের নিকট এই প্রার্থনা করি যে, আমার সহিত সাক্ষাৎ হইয়াছিল এ কথা সপ্তাহ মধ্যে প্রকাশ করিও না; বিশ্বস্ত হইও না, বরং স্মরণার্থ এই সামান্য বস্তু নিকটে রাখ। আর আমি তোমার প্রভুকন্যার যে পরিচয় পাইলাম না, এই কথাই আমার হৃদয়ে স্মরণার্থ চিহ্নস্বরূপ রহিল।” এই বলিয়া উষ্ণীয় হইতে মুক্তাহার লইয়া বিমলার মস্তকে স্থাপন করিলেন। বিমলা মহার্ঘ রত্নহার কেশপাশে ধরিয়া রাজকুমারকে বিনীতভাবে প্রণাম করিয়া কহিল, “যুবরাজ, আমি যে পরিচয় দিলাম না, ইহাতে আমাকে অপরাধিনী ভাবিবেন না, ইহার অবশ্য উপযুক্ত কারণ আছে। যদি আপনি এ বিষয়ে নিতান্ত কৌতূহলাক্রান্ত হইয়া থাকেন, তবে অত্ন হইতে পক্ষান্তরে আপনার সহিত কোথায় সাক্ষাৎ হইতে পারিবে, বলিয়া দিন।”

জগৎসিংহ কিয়ৎকাল চিন্তা করিয়া কহিলেন, “অত্ন হইতে পক্ষান্তরে রাত্রিকালে এই মন্দিরমধ্যেই আমার সাক্ষাৎ পাইবে। এই স্থলে দেখা না পাও—সাক্ষাৎ হইল না।”

“দেবতা আপনাকে রক্ষা করুন” বলিয়া বিমলা পুনর্ব্বার প্রণতা হইল। রাজকুমার পুনর্ব্বার অনিবার্য্য তৃষ্ণাকাতর লোচনে যুবতীর প্রতি দৃষ্টিপাত করিয়া, লক্ষ্য দিয়া অস্বারোহণপূর্ব্বক চলিয়া গেলেন।

তৃতীয় পরিচ্ছেদ : মোগল পাঠান

নিশীথকালে জগৎসিংহ শৈলেশ্বরের মন্দির হইতে যাত্রা করিলেন। আপাততঃ তাঁহার অনুগমনে অথবা মন্দিরাধিষ্ঠাত্রী মনোমোহিনীর সংবাদ কখনে পাঠক মহাশয়দিগের কৌতূহল নিবারণ করিতে পারিলাম না। জগৎসিংহ রাজপুত, কি প্রয়োজনে বঙ্গদেশে আসিয়াছিলেন, কেনই বা প্রাস্তুরমধ্যে একাকী গমন করিতেছিলেন, তৎপরিচয় উপলক্ষে এই সময়ের বঙ্গদেশ সম্বন্ধীয় রাজকীয় ঘটনা কতক কতক সংক্ষেপে বিবৃত করিতে হইল। অতএব এই পরিচ্ছেদ ইতিবৃত্তসম্পর্কীয়। পাঠকবর্গ একান্ত

অধীৰ হইলে ইহা ত্যাগ কৰিতে পাবেন, কিন্তু ঐশ্ব্যকাৱেৰ পৰামৰ্শ এই যে, অধৈৰ্য্য ভাল নহে ।

প্ৰথমে বঙ্গদেশে বখ্তিয়াৰ খিলিজি মহম্মদীয় জয়ধ্বজ সংস্থাপিত কৰিলে পৰ, মুসলমানেরা অবাধে কয়েক শতাব্দী তাজাজা শাসন কৰিতে থাকেন । ১৭২ হেঃ অন্ধে সুবিখ্যাত সুলতান বাবৰ, ৰণক্ষেত্ৰে দিল্লীৰ বাদশাহ হুৱাহিম লদীকে পৰাভূত কৰিয়া, তৎসিংহাসনে আৰোহণ কৰেন ; কিন্তু তৎকালেই বঙ্গদেশ তৈমুৰলঙ্গবংশীয়দিগেৰ দণ্ডাধীন হয় নাই ।

যতদিন না মোগল সম্ৰাটদিগেৰ কুলতিলক আকবৰেৰ অভ্যুদয় হয়, ততদিন এ দেশে স্বাধীন পাঠান ৰাজগণ ৰাজত্ব কৰিতেছিলেন । কুক্ষণে নিৰ্বোধ দাউদ খাঁ সুপ্ত সিংহেৰ অঙ্গে হস্তক্ষেপণ কৰিলেন ; আত্মকৰ্ম্মফলে আকবৰেৰ সেনাপতি মনাইম খাঁ কৰ্তৃক পৰাজিত হইয়া ৰাজ্যভ্ৰষ্ট হইলেন । দাউদ ১৮২ হেঃ অন্ধে সগণে উড়িষ্যায় পলায়ন কৰিলেন ; বঙ্গৰাজ্য মোগল ভূপালেৰ কৰ-কবলিত হইল । পাঠানেৰা উৎকলে সংস্থাপিত হইলে, তথা হইতে তাহাদিগেৰ উচ্ছেদ কৰা মোগলদিগেৰ কষ্টসাধ্য হইল । ১৮৬ অন্ধে দিল্লীশ্বৰেৰ প্ৰতিনিধি খাঁ জাঁহা খাঁ পাঠানদিগেৰ দ্বিতীয় বাৰ পৰাজিত কৰিয়া উৎকল দেশ নিজ প্ৰভুৰ দণ্ডাধীন কৰিলেন । ইহাৰ পৰ আৰ এক দাৰুণ উপদ্ৰৱ উপস্থিত হইয়াছিল । আকবৰ শাহা কৰ্তৃক বঙ্গদেশেৰ ৰাজকৰ আদায়েৰ যে নূতন প্ৰণালী সংস্থাপিত হইল, তাহাতে জায়গীৰদাৰ প্ৰভৃতি ভূম্যধিকাৰিগণেৰ গুৰুতৰ অসন্তুষ্টি জন্মিল । তাঁহাৰা নিজ নিজ পূৰ্বাধিপত্য ৰক্ষাৰ্থে ঝগাহস্ত হইয়া উঠিলেন । অতি হৃদম্য ৰাজবিদ্ৰোহ উপস্থিত হওয়াতে, সময় পাইয়া উড়িষ্যাৰ পাঠানেৰা পুনৰ্বাৰ মন্তক উন্নত কৰিল ও কতলু খাঁ নামক এক পাঠানকে আধিপত্যে বৰণ কৰিয়া পুনৰপি উড়িষ্যা স্বকৰগ্ৰস্ত কৰিল । মেদিনীপুৰও তাহাদেৰ অধিকাৰভুক্ত হইল ।

কৰ্ম্মঠ ৰাজপ্ৰতিনিধি খাঁ আজিম, তৎপৰে শাহবাজ খাঁ, কেহই শত্ৰুবিজিত দেশ পুনৰুদ্ধাৰ কৰিতে পাৰিলেন না । পৰিশেষে এই আয়াসসাধ্য কাৰ্য্যোদ্ধাৰ জন্ত একজন হিন্দু যোদ্ধা প্ৰেৰিত হইলেন ।

মহামতি আকবর তাঁহার পূর্বগামী সম্রাটদিগের হইতে সর্বাংশে বিজ্ঞ ছিলেন। তাঁহার হৃদয়ে বিশেষ প্রীতি জন্মিয়াছিল যে, এতদেশীয় রাজকার্য সম্পাদনে এতদেশীয় লোকই বিশেষ পটু—বিদেশীয়েরা তাদৃশ নহে ; আব যুদ্ধে বা রাজ্যশাসনে রাজপুতগণ দক্ষাগ্রগণ্য। অতএব তিনি সর্বদা এতদেশীয় বিশেষতঃ রাজপুতগণকে গুরুতব রাজকার্যে নিযুক্ত করিতেন।

আখ্যায়িকাবর্ণিত কালে যে সকল রাজপুত উচ্চপদাভিষিক্ত ছিলেন, তন্মধ্যে মানসিংহ একজন প্রধান। তিনি স্বয়ং আকবরের পুত্র সেলিমের শ্যালক। আজিম খাঁ ও শাহবাজ খাঁ উৎকলজয়ে অক্ষম হইলে, আকবর এই মহাত্মাকে বঙ্গ ও বেহারের শাসনকর্তা করিয়া পাঠাইলেন।

১৯৬ সালে মানসিংহ পাটনা নগরীতে উপনীত হইয়া প্রথমে অপরাপর উপদ্রবের শাস্তি করিলেন। পরবৎসরে উৎকলবিজিগীষু হইয়া তদভিমুখে যাত্রা করিলেন। মানসিংহ প্রথমে পাটনায় উপস্থিত হইলে পর, নিজে তন্নগরীতে অবস্থিতি করিবার অভিপ্রায় করিয়া বঙ্গপ্রদেশ শাসন জন্য সৈদ খাঁকে নিজে প্রতিনিধি নিযুক্ত করিলেন। সৈদ খাঁ এই ভারপ্রাপ্ত হইয়া বঙ্গদেশের তাত্‌কালিক রাজধানী তণ্ডা নগরে অবস্থিতি করিতেছিলেন। এক্ষণে রণাশায় যাত্রা করিয়া মানসিংহ প্রতিনিধিকে যুদ্ধে আহ্বান করিলেন। সৈদ খাঁকে লিখিলেন যে, তিনি বর্দ্ধমানে তাঁহার সহিত সৈন্য মিলিত হইতে চাহেন।

বর্দ্ধমানে উপনীত হইয়া রাজা দেখিলেন যে, সৈদ খাঁ আসেন নাই, কেবলমাত্র দূত দ্বারা এই সংবাদ পাঠাইয়াছেন যে, সৈন্যাদি সংগ্রহ করিতে তাঁহার বিস্তর বিলম্ব সম্ভাবনা, এমন কি, তাঁহার সৈন্যসজ্জা করিয়া যাইতে বর্ষাকাল উপস্থিত হইবে ; অতএব রাজা মানসিংহ আপাততঃ বর্ষা শেষ পর্য্যন্ত শিবির সংস্থাপন করিয়া থাকিলে তিনি বর্ষাপ্রভাতে সেনা সমভিব্যাহারে রাজসন্নিধানে উপস্থিত হইবেন। রাজা মানসিংহ অগত্যা তৎপরামর্শানুবর্তী হইয়া দারুকেশ্বরতীরে শিবির সংস্থাপিত করিলেন। তথায় সৈদ খাঁর প্রতীক্ষায় রহিলেন।

তথায় অবস্থিতিকালে লোকমুখে রাজা সংবাদ পাইলেন যে, কতলু

ঈ। তাঁহার আলস্য দেখিয়া সাহসিক হইয়াছে, সেই সাহসে মান্দারণের অনতিদূর মধ্যে সৈন্ধ্য আসিয়া দেশ লুণ্ঠ করিতেছে। রাজা উদ্বিগ্নচিত্ত হইয়া, শত্রুবল কোথায়, কি অভিপ্রায়ে আসিয়াছে, কি করিতেছে, এই সকল সংবাদ নিশ্চয় জানিবার জন্ত তাঁহার একজন প্রধান সৈন্তাধ্যক্ষকে প্রেরণ করা উচিত বিবেচনা করিলেন। মানসিংহের সহিত তাঁহার প্রিয়তম পুত্র জগৎসিংহ যুদ্ধে আসিয়াছিলেন। জগৎসিংহ এই দুঃসাহসিক কার্যের ভার লইতে সোৎসুক জানিয়া, রাজা তাঁহাকেই শতক অশ্বারোহী সেনা সমভিব্যাহারে শত্রু শিবিরোদ্দেশে প্রেরণ করিলেন। রাজকুমার কার্য সিদ্ধ করিয়া অচিৎ প্রত্যাবর্তন করিলেন। যৎকালে কার্য সমাধা করিয়া শিবিরে প্রত্যাগমন করিতেছিলেন, তখন প্রাস্তুরমধ্যে পাঠক মহাশয়ের সহিত তাঁহার পরিচয় হইয়াছে।

চতুর্থ পরিচ্ছেদ : নবীন সেনাপতি

শৈলেশ্বর-মন্দির হইতে যাত্রা করিয়া জগৎসিংহ পিতৃশিবিরে উপস্থিত হইলে পর, মহাবাজ মানসিংহ পুত্রপ্রমুখাৎ অবগত হইলেন যে, প্রায় পঞ্চাশং সহস্র পাঠান সেনা ধরপুর গ্রামের নিকট শিবির সংস্থাপন করিয়া নিকটস্থ গ্রামসকল লুণ্ঠ করিতেছে, এবং স্থানে স্থানে দুর্গ নির্মাণ বা অধিকার করিয়া তদাশ্রয়ে এক প্রকার নির্বিঘ্নে আছে। মানসিংহ দেখিলেন যে, পাঠানদিগের দুর্বৃত্তির আশু দমন নিতান্ত আবশ্যক হইয়াছে, কিন্তু এ কার্য অতি দুঃসাধ্য। কর্তব্যাকর্তব্য নিরূপণ জন্ত সমভিব্যাহারী সেনাপতিগণকে একত্র করিয়া এই সকল বৃত্তান্ত বিবৃত করিলেন এবং কহিলেন, “দিনে দিনে গ্রাম গ্রাম, পরগণা পরগণা দিল্লীশ্বরের হস্তস্থলিত হইতেছে, এক্ষণে পাঠানদিগকে শাসিত না করিলেই নয়, কিন্তু কি প্রকারেই বা তাহাদিগের শাসন হয় ? তাহারা আমাদের অপেক্ষা সংখ্যায় বলবান ; তাহাতে আবার দুর্গশ্রেণীর আশ্রয়ে থাকিয়া যুদ্ধ করিবে ; যুদ্ধে পরাজিত করিলেও তাহাদিগকে বিনষ্ট বা স্থানচ্যুত করিতে পারিব না ; সহজেই দুর্গমধ্যে নিরাপদ হইতে পারিবে। কিন্তু

সকলে বিবেচনা করিয়া দেখ, যদি রণে আমাদের বিজিত হইতে হয়, তবে শত্রুর অধিকারমধ্যে নিরাশ্রয়ে একেবারে বিনষ্ট হইতে হইবে। এরূপ অশ্রায় সাহসে ভয় করিয়া দিল্লীশ্বরের এত অধিক সেনানাশের সম্ভাবনা জন্মান, এবং উড়িয়াজয়ের আশা একেবারে লোপ করা, আমার বিবেচনায় অনুচিত হইতেছে ; সৈদ খাঁর প্রতীক্ষা করাই উচিত হইতেছে ; অথচ বৈরিশাসনের আশু কোন উপায় করাও আবশ্যক হইতেছে। তোমরা কি পরামর্শ দাও ?”

বৃদ্ধ সেনাপতিগণ সকলে একমত হইয়া এই পরামর্শ স্থির করিলেন যে, আপাততঃ সৈদ খাঁর প্রতীক্ষায় থাকাই কর্তব্য। রাজা মানসিংহ কহিলেন, “আমি অভিপ্রায় করিতেছি যে, সমুদায় সৈন্যনাশের সম্ভাবনা না রাখিয়া কেবল অল্পসংখ্যক সেনা কোন দক্ষ সেনাপতির সহিত শত্রুসমক্ষে প্রেরণ করি।”

একজন প্রাচীন মোগল সৈনিক কহিলেন, “মহারাজ ! যথা তাবৎ সেনা পাঠাইতেও আশঙ্কা, তথা অল্পসংখ্যক সেনার দ্বারা কোন কার্য সাধন হইবে ?”

মানসিংহ কহিলেন, “অল্প সেনা সম্মুখ রণে অগ্রসর হইতে পাঠাইতে চাহিতেছি না। ক্ষুদ্র বল অস্পষ্ট থাকিয়া গ্রামপীড়নাসক্ত পাঠানদিগের সামান্য দলসকল কতক দমনে রাখিতে পারিবে।”

তখন মোগল কহিল, “মহারাজ ! নিশ্চিত কালগ্রাসে কোন সেনাপতি যাইবে ?”

মানসিংহ জ্রুভঙ্গী করিয়া বলিলেন, “কি ! এত রাজপুত ও মোগল মধ্যে মৃত্যুকে ভয় কবে না, এমন কি কেহই নাই ?”

এই কথা শ্রুতিমাত্র পাঁচ-সাতজন মোগল ও রাজপুত গাত্রোতান করিয়া কহিল, “মহারাজ ! দাসেরা যাইতে প্রস্তুত আছে।” জগৎসিংহও তথায় উপস্থিত ছিলেন ; তিনি সর্ব্বাপেক্ষা বয়ঃকনিষ্ঠ ; সকলের পশ্চাতে থাকিয়া কহিলেন, “অনুমতি হইলে এ দাসও দিল্লীশ্বরের কার্যসাধনে যত্ন করে।”

রাজা মানসিংহ সন্মিতবদনে কহিলেন, “না হবে কেন ? আজ

জানিলাম যে, মোগল রাজপুত নাম লোপের বিলম্ব আছে। তোমরা সকলেই এ ছুফর কার্যে প্রস্তুত, এখন কাহাকে রাখিয়া কাহাকে পাঠাই?”

একজন পারিষদ সহাস্ত্রে কহিল, “মহারাজ! অনেকে যে এ কার্যে উত্তম হইয়াছেন, সে ভালই হইয়াছে। এই উপলক্ষে সেনাব্যয়ের অল্পতা করিতে পারিবেন। যিনি সর্বাপেক্ষা ক্ষুদ্র সেনা লইয়া যাইতে স্বীকৃত হইলেন, তাঁহাকেই রাজকার্য সাধনের ভার দিউন।”

রাজা কহিলেন, “এ উত্তম পরামর্শ।” পরে প্রথম উত্তমকারীকে জিজ্ঞাসা করিলেন, “তুমি কত সংখ্যক সেনা লইয়া যাইতে ইচ্ছা কর?” সেনাপতি কহিলেন, “পঞ্চদশ সহস্র পদাতিবলে রাজকার্য উদ্ধার করিব।”

রাজা কহিলেন, “এ শিবির হইতে পঞ্চদশ সহস্র ভগ্ন করিলে অধিক থাকে না। কোন্ বীৰ দশ সহস্র লইয়া যুদ্ধে যাত্রা করিতে চাহে?”

সেনাপতিগণ নীরব হইয়া রহিলেন। পরিশেষে রাজার প্রিয়পাত্র যশোবন্তসিংহ নামক রাজপুত যোদ্ধা রাজ্যদেশ পালন করিতে অনুমতি প্রার্থিত হইলেন। রাজা হৃষ্টচিত্তে সকলের প্রতি দৃষ্টিপাত কবিতে লাগিলেন। কুমার জগৎসিংহ তাঁহার দৃষ্টির অভিলାষী হইয়া দাঁড়াইয়া ছিলেন, তৎপ্রতি রাজার দৃষ্টি নিষ্কিপ্ত হইবামাত্র তিনি বিনীতভাবে কহিলেন, “মহারাজ! রাজপ্রসাদ হইলে এ দাস পঞ্চ সহস্র সহায়ে কতনু স্বীকে সুবর্ণবেথাপারে রাখিয়া আইসে।”

রাজা মানসিংহ অবাক হইলেন। সেনাপতিগণ কানাকানি করিতে লাগিলেন। ক্ষণেক পরে রাজা কহিলেন, “পুত্র! আমি জানি যে, তুমি রাজপুতকুলের গরিমা; কিন্তু তুমি অত্নায় সাহস করিতেছ।”

জগৎসিংহ বন্ধাজলি হইয়া কহিলেন, “যদি প্রতিজ্ঞাপালন না করিয়া বাদশাহের সেনাবল অপচয় করি, তবে রাজদণ্ডে দণ্ডনীয় হইব।”

রাজা মানসিংহ কিয়ৎক্ষণ চিন্তা করিয়া কহিলেন, “আমি তোমার রাজপুত-কুলধর্ম প্রতিপালনেব ব্যাঘাত করিব না; তুমিই এ কার্যে যাত্রা কর।”

এই বলিয়া রাজকুমারকে বাস্পাকুললোচনে গাঢ় আলিঙ্গন করিয়া বিনায় কবিলেন। সেনাপতিগণ স্ব স্ব শিবিরে গেলেন।

পঞ্চম পরিচ্ছেদ : গড় মান্দারগ

যে পথে বিষ্ণুপুর প্রদেশ হইতে জগৎসিংহ জাহানাবাদে প্রত্যাগমন করিয়াছিলেন, সেই পথের চিহ্ন অद्याপি বর্তমান আছে। তাঁহার কিঞ্চিৎ দক্ষিণে মান্দারগ গ্রাম। মান্দারগ এক্ষণে ক্ষুদ্র গ্রাম, কিন্তু তৎকালে ইহা সৌষ্ঠবশালী নগর ছিল। যে রমণীদিগের সহিত জগৎসিংহের মন্দির-মধ্যে সাক্ষাৎ হয় তাঁহারা মন্দির হইতে যাত্রা করিয়া এই গ্রামাভিমুখে গমন করেন।

গড় মান্দারগে কয়েকটি প্রাচীন দুর্গ ছিল এই জন্য তাহার নাম গড় মান্দারগ হইয়া থাকিবে। নগরমধ্যে আমোনব নদী প্রবাহিত ; এক স্থানে নদীর গতি এতাদৃশ বক্রতা প্রাপ্ত হইয়াছিল যে, তদ্বারা পার্শ্বস্থ এক খণ্ড ত্রিকোণ ভূমির দুই দিক্ বেষ্টিত হইয়াছিল ; তৃতীয় দিকে মানবহস্তনিখাত এক গড় ছিল ; এই ত্রিকোণ ভূমিখণ্ডের অগ্রদেশে যথায় নদীর বক্রগতি আরম্ভ হইয়াছে, তথায় এক বৃহৎ দুর্গ জল হইতে অকাশপথে উত্থান করিয়া বিরাজমান ছিল। অট্টালিকা আমূলশিরঃপর্য্যন্ত কৃষ্ণপ্রস্তরনির্মিত ; দুই দিকে প্রবল নদীপ্রবাহ দুর্গমূল প্রহত করিত। অद्याপি পর্য্যটক গড় মান্দারগ গ্রামে এই আয়াসলজ্জ্য দুর্গের বিশাল স্তূপ দেখিতে পাইবেন ; দুর্গের নিম্নভাগমাত্র এক্ষণে বর্তমান আছে, অট্টালিকা কালের করাল স্পর্শে ধূলিরাশি হইয়া গিয়াছে ; তদুপরি তিস্তিড়ী, মাধবী প্রভৃতি বৃক্ষ ও লতাসকল কাননাকারে বহুতর ভূজঙ্গ ভল্লুকাদি হিংস্র পশুগণকে আশ্রয় দিতেছে। নদীপারে অপর কয়েকটা দুর্গ ছিল।

বাঙ্গালার পাঠান সম্রাটদিগের শিরোভূষণ হোসেন শাহার বিখ্যাত সেনাপতি ইস্‌মাইল গাজি এই দুর্গ নির্মাণ করেন। কিন্তু কালক্রমে জয়ধরসিংহ নামে একজন হিন্দু সৈনিক ইহা জয়গীর পান। এক্ষণে বীরেন্দ্রসিংহনামা জয়ধরসিংহের একজন উত্তরপুরুষ এখানে বসতি করিতেন।

যৌবনকালে বীরেন্দ্রসিংহের পিতার সহিত সম্প্রীতি ছিল না।

বীরেন্দ্রসিংহের স্বভাবতঃ দান্তিক এবং অধীর ছিলেন, পিতার আদেশ কদাচিৎ প্রতিপালন করিতেন, এজ্ঞা পিতাপুত্রে সর্বদা বিবাদ বচসা হইত। পুত্রের বিবাহার্থ বৃদ্ধ ভূস্বামী নিকটস্থ স্বজাতীয় অপর কোন ভূস্বামিকন্ঠার সহিত সম্বন্ধ স্থির করিলেন। কন্ঠার পিতা পুত্রহীন, এজ্ঞা এই বিবাহে বীরেন্দ্রের সম্পত্তিবৃদ্ধির সম্ভাবনা; কন্ঠাও সুন্দরা বটে, সুতরাং এমত সম্বন্ধ বৃদ্ধেব বিবেচনায় অতি আদরণীয় বোধ হইল; তিনি বিবাহের উদ্যোগ করিতে লাগিলেন। কিন্তু বীরেন্দ্র সে সম্বন্ধে আদর না করিয়া নিজ পত্নীস্থ এক পতিপুত্রহীনা দরিদ্রা রমণীর ছুহিতাকে গোপনে বিবাহ করিয়া আবার বিবাহ কবিতে অস্বীকৃত হইলেন। বৃদ্ধ রোষপরবশ হইয়া পুত্রকে গৃহ-বহিষ্কৃত করিয়া দিলেন; যুবা পিতৃগৃহ হইতে বহিষ্কৃত হইয়া যোদ্ধবৃত্তি অবলম্বন করণাশায় দিল্লী যাত্রা করিলেন। তাঁহার সহধর্মিণী তৎকালে অন্তঃসম্বা, এজ্ঞা তাঁহাকে সমভিব্যাহারে লইয়া যাইতে পারিলেন না। তিনি মাতৃকুটীরে রহিলেন।

এদিকে পুত্র দেশান্তর যাইলে পর বৃদ্ধ ভূস্বামীর অন্তঃকরণে পুত্র-বিচ্ছেদে মনঃপীড়ার সঞ্চার হইতে লাগিল; গতানুশোচনার পরবশ হইয়া পুত্রের সংবাদ আনয়নে যত্নবান হইলেন; কিন্তু যত্নে কৃতকার্য্য হইতে পারিলেন না। পুত্রকে পুনরানয়ন করিতে না পারিয়া তৎপরিবর্তে পুত্রবধূকে দরিদ্রার গৃহ হইতে সাদরে নিজালয়ে আনিলেন। উপযুক্ত কালে বীরেন্দ্রসিংহের পত্নী এক কন্ঠা প্রসব করিলেন। কিছু দিন পরে কন্ঠার প্রসূতির পরলোক প্রাপ্তি হইল।

বীরেন্দ্র দিল্লীতে উপনীত হইয়া মোগল সম্রাটের আঞ্জাকারী রাজপুতসেনা-মধ্যে যোদ্ধে বৃত্ত হইলেন; অল্পকালে নিজগুণে উচ্চপদস্থ হইতে পারিলেন। বীরেন্দ্রসিংহ কয়েক বৎসরে ধন ও যশ সঞ্চয় করিয়া পিতার লোকান্তরসংবাদ পাইলেন। আর এক্ষণে বিদেশ পর্য্যটন বা পরাধীনবৃত্তি নিম্প্রয়োজন বিবেচনা করিয়া বাটী প্রত্যাগমন করিলেন। বীরেন্দ্রের সহিত দিল্লী হইতে অনেকানেক সহচর আসিয়াছিল। তন্মধ্যে জনৈক পরিচারিকা আর এক পরমহংস ছিলেন। এই আখ্যায়িকায় এই দুই জনের পরিচয় আবশ্যক হইবেক। পরিচারিকার নাম বিমলা,

পরমহংসের নাম অভিরাম স্বামী ।

বিমলা গৃহমধ্যে গৃহকর্মে বিশেষতঃ বীরেশ্বরের কণ্ঠার লালনপালন ও রক্ষণাবেক্ষণে নিযুক্ত থাকিতেন, তদ্ব্যতীত দুর্গমধ্যে বিমলার অবস্থিতি করার অল্প কারণ লক্ষিত হইত না, সুতরাং তাঁহাকে দাসী বলিতে বাধ্য হইয়াছি ; কিন্তু বিমলাতে দাসীর লক্ষণ কিছুই ছিল না । গৃহিণী যাদৃশী মায়া, বিমলা পৌরগণের নিকট প্রায় তাদৃশী মায়া ছিলেন ; পৌর-জন সকলেই তাঁহার বাধ্য ছিল । মুখত্ৰী দেখিলে বোধ হইত যে, বিমলা যৌবনে পরমা সুন্দরী ছিলেন । প্রভাতে চন্দ্রাস্তের শ্রায় সে রূপের প্রতিভা এ বয়সেও ছিল । গজপতি বিদ্যাদিগ্গজ নামে অভিরাম স্বামীর একজন শিষ্য ছিলেন, তাঁহার অলঙ্কারশাস্ত্রে যত ব্যুৎপত্তি থাকুক বা না থাকুক, রসিকতা প্রকাশ করার তৃষ্ণাটা বড় প্রবল ছিল । তিনি বিমলাকে দেখিয়া বলিতেন, “দাই যেন ভাগুস্থ ঘৃত ; মদন-আগুন যত শীতল হইতেছে, দেহখানি ততই জমাট বাঁধিতেছে ।” এইখানে বলা উচিত, যেদিন গজপতি বিদ্যাদিগ্গজ এইরূপ রসিকতা করিয়া ফেলিলেন, সেই দিন অবধি বিমলা তাঁহার নাম রাখিলেন—“রসিকরাজ রসোপাধায়” ।

আকারেঞ্জিত ব্যতীত বিমলার সভ্যতা ও বাগ্‌বৈদগ্ধ এমন প্রসিদ্ধ ছিল যে, তাহা সামান্য পরিচারিকায় সম্ভবে না । অনেকে এরূপ বলিতেন যে, বিমলা বহুকাল মোগল সম্রাটের পুরবাসিনী ছিলেন । এ কথা সত্য, কি মিথ্যা, তাহা বিমলাই জানিতেন, কিন্তু কখন সে বিষয়ের কোন প্রসঙ্গ করিতেন না ।

বিমলা বিধবা, কি সধবা ? কে জানে ? তিনি অলঙ্কার পরিতেন, একাদশী করিতেন না । সধবার শ্রায় সকল আচরণ করিতেন ।

দুর্গেশনন্দিনী তিলোত্তমাকে বিমলা যে আন্তরিক স্নেহ করিতেন, তাহার পরিচয় মন্দিরমধ্যে দেওয়া গিয়াছে । তিলোত্তমাও বিমলার তরুণ অনুরাগিণী ছিলেন । বীরেশ্বরসিংহের অপর সমভিব্যাহারী অভিরাম স্বামী সর্বদা দুর্গমধ্যে থাকিতেন না । মধ্যে মধ্যে দেশপর্য্যটনে গমন করিতেন । দুই এক মাস গড় মান্দারগে, দুই এক মাস বিদেশ পরিভ্রমণে

যাপন করিতেন। পুরবাসী ও অপরাপর লোকের এইরূপ প্রতীতি ছিল যে, অভিরাম স্বামী বীরেন্দ্রসিংহের দীক্ষাগুরু; বীরেন্দ্রসিংহ তাঁহাকে যেরূপ সম্মান এবং আদর করিতেন, তাহাতে সেইরূপই সম্ভাবনা। এমন কি, সাংসারিক যাবতীয় কার্য্য অভিরাম স্বামীর পরামর্শ ব্যতীত করিতেন না ও গুরুদত্ত পরামর্শও প্রায় সতত সফল হইত। বস্তুতঃ অভিরাম স্বামী বহুদর্শী ও তীক্ষ্ণবুদ্ধিসম্পন্ন ছিলেন; আবও নিজ ব্রতধর্মে, সাংসারিক অধিকাংশ বিষয়ে রিপু সংযত করা অভ্যাস করিয়াছিলেন; প্রয়োজন মতে রাগক্ষোভাদি দমন করিয়া স্থির চিত্তে বিষয়ালোচনা করিতে পারিতেন। সে স্থলে যে অধীব দাস্তিক বীরেন্দ্রসিংহেব অভিসন্ধি অপেক্ষা তাঁহার পবামর্শ ফলপ্রদ হইবে, আশ্চর্য্য কি ?

বিমলা ও অভিরাম স্বামী ভিন্ন আশমানি নান্নী একজন দাসী বীরেন্দ্রসিংহের সঙ্গে আসিয়াছিল।

ষষ্ঠ পরিচ্ছেদ : অভিরাম স্বামীর মন্ত্রণা

তিলোত্তমা ও বিমলা শৈলেশ্বরের মন্দির হইতে নির্বিঘ্নে ছুর্গে প্রত্যাগমন করিলেন। প্রত্যাগমনেব তিন চারি দিবস পরে বীরেন্দ্রসিংহ নিজ দেওয়ানখানায় মছনদে বসিয়া আছেন, এমন সময় অভিরাম স্বামী তথায় উপস্থিত হইলেন। বীরেন্দ্রসিংহ গাত্রোথানপূর্ব্বক দণ্ডবৎ হইলেন, অভিরাম স্বামী বীরেন্দ্রের হস্তদত্ত কুশাসনোপরি উপবিষ্ট হইলেন; অনুমতিক্রমে বীরেন্দ্র পুনরুপবেশন করিলেন। অভিরাম স্বামী কহিলেন, “বীরেন্দ্র ! অত্র তোমার সহিত কোন বিশেষ কথা আছে।”

বীরেন্দ্র কহিলেন, “আজ্ঞা করুন।”

অভিরাম স্বামী কহিলেন, “এক্ষণে মোগল পাঠানের তুমুল সংগ্রাম উপস্থিত।”

বী। হাঁ; কোন বিশেষ গুরুতর ঘটনা উপস্থিত হওয়াই সম্ভব।

অ। সম্ভব—এক্ষণে কি কর্তব্য স্থির করিয়াছ ?

বীরেন্দ্র সদর্পে উত্তর করিলেন, “শত্রু উপস্থিত হইলে বাহুবলে

পরামুখ করিব।”

পরমহংস অধিকতর মৃদুভাবে কহিলেন, “বীরেন্দ্র ! এ তোমার তুল্য বীরের উপযুক্ত প্রত্যুত্তর ; কিন্তু কথা এই যে, কেবল বীরত্বে জয়লাভ নাই ; যথানীতি সন্ধিবিগ্রহ করিলেই জয়লাভ । তুমি নিজে বীরাগ্রগণ্য ; কিন্তু তোমার সেনা সহস্রাধিক নহে ; কোন্ যোদ্ধা সহস্রেক সেনা লইয়া শতগুণ সেনা বমুখ করিতে পারে ? মোগল পাঠান উভয় পক্ষই সেনা-বলে তোমার অপেক্ষা শতগুণ বলবান্ ; এক পক্ষের সাহায্য ব্যতীত অপব পক্ষের হস্ত হইতে উদ্ধার পাইতে পাবিবে না । এ কথায় রুষ্ট হইও না। স্থিতিচিন্তে বিবেচনা কর । আরও কথা এই যে, দুই পক্ষেরই সহিত শত্রুভাবে প্রয়োজন কি ? শত্রু ত মন্দ ; দুই শত্রুর অপেক্ষা এক শত্রু ভাল না ? হতএব আমাব বিবেচনায় পক্ষাবলম্বন কবাই উচিত ।”

বীরেন্দ্র বহুক্ষণ নিস্তব্ধ থাকিয়া কহিলেন, “কোন্ পক্ষ অবলম্বন করিতে অমুমতি করেন ?”

অভিরাম স্বামী উত্তর কবিলেন, “যতো ধর্ম্যস্ততো জয়ঃ,—যে পক্ষ অবলম্বন কবিলে অধর্ম্য নাই, সেই পক্ষে যাও, রাজবিদ্রোহিতা মহাপাপ, রাজপক্ষ অবলম্বন কর ।”

বীরেন্দ্র পুনর্ব্বাব ক্ষণেক চিন্তা করিয়া কহিলেন, “রাজ্য কে ? মোগল পাঠান উভয়েই বাজত্ব লইয়া বিবাদ ।”

অভিরাম স্বামী উত্তর কবিলেন, “যিনি করগ্রাহী, তিনিই রাজ্য ।”

বী। আকবর শাহা ?

অ। অবশ্য ।

এই কথায় বীরেন্দ্রসিংহ অপ্রসন্ন মুখভঙ্গী করিলেন ; ক্রমে চক্ষু আরক্তবর্ণ হইল ; অভিরাম স্বামী আকাবেষ্জিত দেখিয়া কহিলেন, “বীরেন্দ্র ! ক্রোধ সংবরণ কর, আমি তোমাকে দিল্লীখবের অমুগত হইতে বলিয়াছি ; মানসিংহের অমুগত্য করিতে বলি নাই ।”

বীরেন্দ্রসিংহ দক্ষিণ হস্ত প্রসারণ কবিয়া পরমহংসকে দেখাইলেন ; দক্ষিণ হস্তের উপর বাম হস্তের অঙ্গুলি নির্দেশ করিয়া কহিলেন, “ও

পাদপদ্মের আশীর্বাদে এই হস্ত মানসিংহের রক্তে প্রাণিত করিব।”

অভিরাম স্বামী কহিলেন, “স্থির হও ; রাগাঙ্ক হইয়া আত্মকার্য্য নষ্ট করিও না, মানসিংহের পূর্ব্বকৃত অপরাধের অবশ্য দণ্ড করিও, কিন্তু আকবর শাহের সহিত যুদ্ধে কার্য্য কি ?”

বীরেন্দ্র সক্রোধে কহিতে লাগিলেন, “আকবর শাহের পক্ষ হইলে কোন্ সেনাপতির অধীন হইয়া যুদ্ধ করিতে হইবে ? কোন্ যোদ্ধার সাহায্য করিতে হইবে ? কাহার আশ্রয় করিতে হইবে ? মানসিংহের। গুরুদেব ! এ দেহ বর্ত্তমানে এ কার্য্য বীরেন্দ্রসিংহ হইতে হইবে না।”

অভিরাম স্বামী বিষণ্ণ হইয়া নীরব হইলেন। কিয়ৎক্ষণ পবে জিজ্ঞাসা কবিলেন, “তবে কি পাঠানের সহায়তা কবা তোমার শ্রেয়ঃ হইল ?”

বীরেন্দ্র উত্তর করিলেন, “পক্ষাপক্ষ প্রভেদ করা কি শ্রেয়ঃ ?”

‘অ। হাঁ, পক্ষাপক্ষ প্রভেদ করা শ্রেয়ঃ।

বী। তবে আমার পাঠান-সহকারী হওয়া শ্রেয়ঃ।

অভিরাম স্বামী দীর্ঘ নিশ্বাস ত্যাগ করিয়া পুনরায় নীরব হইলেন ; চক্ষে তাঁহার বারিবিन्दু উপস্থিত হইল। দেখিয়া বীরেন্দ্রসিংহ যৎপরোনাস্তি বিস্ময়াপন্ন হইয়া কহিলেন, “গুরো ! ক্ষমা করুন ; আমি না জানিয়া কি অপরাধ কবিলাম আজ্ঞা করুন।”

অভিরাম স্বামী উত্তরীয় বস্ত্রে চক্ষু পরিষ্কার করিয়া কহিলেন, “শ্রবণ কর, আমি কয়েক দিবস পর্য্যন্ত জ্যোতিষী-গণনায় নিযুক্ত আছি, তোমা অপেক্ষা তোমার কণ্ঠা আমার স্নেহের পাত্রী, ইহা তুমি অবগত আছ ; স্বভাবতঃ তৎসম্বন্ধেই বহুবিধ গণনা কবিলাম।” বীরেন্দ্রসিংহের মুখ বিগুঢ় হইল ; আগ্রহ সহকারে পরমহংসকে জিজ্ঞাসা কবিলেন, “গণনায় কি দেখিলেন ?” পরমহংস কহিলেন, “দেখিলাম যে, মোগল সেনাপতি হইতে তিলোত্তমার মহৎ অমঙ্গল।” বীরেন্দ্রসিংহের মুখ কৃষ্ণবর্ণ হইল। অভিরাম স্বামী কহিতে লাগিলেন, “মোগলেরা বিপক্ষ হইলেই তৎকর্ত্তৃক তিলোত্তমার অমঙ্গল সম্ভবে ; স্বপক্ষ হইলে সম্ভবে না, এজ্ঞায় আমি তোমাকে মোগল পক্ষে প্রবৃ্ত্তি লওয়াইতেছিলাম। এই কথা ব্যক্ত কবিয়া তোমাকে মনঃপীড়া দিতে আমার ইচ্ছা ছিল না ;

মনুষ্যবদ্ভ বিফল ; বুঝি ললাটলিপি অবশ্য ঘটবে, নহিলে তুমি এত স্থিরপ্রতিজ্ঞ হইবে কেন ?”

বীরেন্দ্রসিংহ মোন হইয়া থাকিলেন। অভবাম স্বামী কহিলেন, “বীরেন্দ্র দ্বাবে কতলু খাঁব দূত দণ্ডায়মান ; আমি তাহাকে দেখিয়াই তোমার নিকট আসিয়াছি, আমার নিষেধক্রমেই দৌবারিকেরা এ পর্য্যন্ত তাহাকে তোমার সম্মুখে আসিতে দেয় নাই। এক্ষণে আমার বক্তব্য সমাপন হইয়াছে, দূতকে আহ্বান কবিয়া উচিত প্রত্যুত্তর দাও।” বীরেন্দ্রসিংহ নিশ্বাসসহকাৰে মস্তকোত্তলন করিয়া কহিলেন, “গুরুদেব ! যতদিন তিলোত্তমাকে না দেখিয়াছিলাম, ততদিন কথা বলিয়া তাহাকে স্বৰ্গণ কবিতাম না ; এক্ষণে তিলোত্তমা ব্যতীত আর আমার সংসারে কেহই নাই ; আপনার আজ্ঞা শিরোধার্য কবিলাম ; অত্যাধিক ভূতপূৰ্ব্ব বিসৰ্জন দিলাম ; মানসিংহের অনুগামী হইব ; দৌবারিক দূতকে আনয়ন করুক।”

আজ্ঞামতে দৌবারিক দূতকে আনয়ন করিল। দূত কতলু খাঁর পত্র প্রদান করিল। পত্রের মর্ম্ম এই যে, বীরেন্দ্রসিংহ এক সহস্র অশ্বারোহী সেনা আর পঞ্চ সহস্র স্বর্ণমুদ্রা পাঠানশিবিরে প্রেরণ করুন, নচেৎ কতলু খাঁ বিংশতি সহস্র সেনা গড় মান্দারণে প্রেরণ করিবেন।

বীরেন্দ্রসিংহ পত্র পাঠ করিয়া কহিলেন, “দূত ! তোমার প্রভুকে কহিও, তিনিই সেনা প্রেরণ করুন।” দূত নতশির হইয়া প্রস্থান করিল।

সকল কথা অন্তরালে থাকিয়া বিমলা আত্মোপাস্ত শ্রবণ করিলেন।

সপ্তম পরিচ্ছেদ : অসাবধানতা

হুর্গের যে ভাগে হুর্গমূল বিধোত করিয়া আমোদর নদী কলকল রবে প্রবহণ করে, সেই অংশে এক কঙ্কবাতায়নে বসিয়া তিলোত্তমা নদী-জলাবর্ত্ত নিরীক্ষণ করিতেছিলেন। সায়াহ্নকাল উপস্থিত, পশ্চিমগগনে অস্তাচলগত দিনমণির স্নান করণে যে সকল মেঘ কাঞ্চনকাস্তি ধারণ

করিয়াছিল, তৎসহিত নীলাম্বরপ্রতিবিম্ব শ্রোতস্বতীজলমধ্যে কম্পিত হইতেছিল ; নদীপারস্থিত উচ্চ অট্টালিকা এবং দীর্ঘ তরুণের সকল বিমলাকাশপটে চিত্রবৎ দেখাইতেছিল ; দুর্গমধ্যে ময়ূর সারসাদি কলনাদী পক্ষিগণ প্রফুল্লচিত্তে রব করিতেছিল ; কোথাও রজনীর উদয়ে নীড়াশ্বেষণে ব্যস্ত বিহঙ্গম নীলাম্বরতলে বিনা শব্দে উড়িতেছিল ; আশ্রয়কানন দোলাইয়া আমোদর-স্পর্শ-শীতল নৈদাঘ বায়ু তিলোত্তমার অলককুন্তল অথবা অংসারূঢ় চারুবাস কম্পিত করিতেছিল ।

তিলোত্তমা সুন্দরী । পাঠক ! কখন কিশোর বয়সে কোন স্থিরা, ধীরা, কোমল-প্রকৃতি কিশোরী বনবসষ্ঠারিত লাবণ্য প্রেমচক্ষুতে দেখিয়াছেন ? একবার মাত্র দেখিয়া চিরজীবন মধ্যে যাহাতে মাধুর্য্য বিস্মৃত হইতে পারেন নাই ; কৈশোরে, যৌবনে, প্রগল্ভ বয়সে, কার্য্যে, বিশ্রামে, জাগ্রতে, নিদ্রায়, পুনঃ পুনঃ যে মনোমোহিনী মূর্ত্তি স্মরণ-পথে স্বপ্নবৎ যাতায়াত করে, অথচ তৎসম্বন্ধে কখনও চিন্তমানিনিয়াজনক লালসা জন্মায় না, এমন তরুণী দেখিয়াছেন ? যদি দেখিয়া থাকেন, তবেই তিলোত্তমার অবয়ব মনোমধ্যে স্বরূপ অনুভূত করিতে পারিবেন । যে মূর্ত্তি সৌন্দর্য্যপ্রভাপ্রাচুর্য্যে মন প্রদীপ্ত করে, যে মূর্ত্তি লীলালাবণ্যাদির পাবিপাটো হৃদয়মধ্যে বিষধরদন্ত রোপিত করে, সে এ মূর্ত্তি নহে ; যে মূর্ত্তি কোমলতা, মাধুর্য্যাদি গুণে চিত্তের সম্ভ্রান্তি জন্মায়, এ সেই মূর্ত্তি । যে মূর্ত্তি সঙ্কাসমীরণকল্লিতা বসন্তলতার ত্রায় স্মৃতিমধ্যে ছলিতে থাকে, এ সেই মূর্ত্তি ।

তিলোত্তমার বয়স ষোড়শ বৎসর, স্মৃতরাং তাঁহার দেহায়তন প্রগল্ভ-বয়সী রমণীদিগের ত্রায় অতাপি সম্পূর্ণতা প্রাপ্ত হয় নাই । দেহায়তনে ও মুখাবয়বে কিঞ্চিৎ বালিকাভাব ছিল । সুগঠিত শৃঙ্গোল ললাট, অপ্রশস্ত নহে, অথচ অতিপ্রশস্তও নহে, নিশীথ-কৌমুদীদীপ্ত নদীর ত্রায় প্রশান্তভাব-প্রকাশক ; তৎপার্শ্বে অতি নিবিড়-বর্ণ কুক্ষিতালক সকল ক্রয়ুগে কপোলে, গণ্ডে, অংসে উরসে আসিয়া পড়িয়াছে ; মস্তকের পশ্চাত্তাগে অঙ্ককারময় কেশরাশি সুবিশ্লস্ত মুক্তাহারে গ্রথিত রহিয়াছে ; ললাটতলে ক্রয়ুগ সুবন্ধিম, নিবিড়-বর্ণ, চিত্রকরলিখিতবৎ হইয়াও কিঞ্চিৎ

অধিক সূক্ষ্মাকার ; আর এক সূতা স্থূল হইলে নির্দোষ হইত । পাঠক কি চক্ষু চক্ষু ভালবাস ? তবে তিলোত্তমা তোমার মনোরঞ্জিনী হইতে পারিবে না । তিলোত্তমার চক্ষু অতি শাস্ত ; তাহাতে “বিদ্যাদামক্ষুরণ-চকিত” কটাক্ষ নিক্ষেপ হইত না । চক্ষু দুটি অতি প্রশস্ত, অতি সুঠাম, শাস্তজ্যোতিঃ । আর চক্ষুর বর্ণ, উষাকালে সূর্য্যোদয়ের কিঞ্চিৎ পূর্বে, চন্দ্রাস্তের সময়ে আকাশে যে কোমল নীলবর্ণ প্রকাশ পায়, সেইরূপ ; সেই প্রশস্ত পরিষ্কার চক্ষু যখন তিলোত্তমা দৃষ্টি করিতেন, তখন তাহাতে কিছুমাত্র কুটিলতা থাকিত না ; তিলোত্তমা অপাঙ্গে অর্দ্ধদৃষ্টি করিতে জানিতেন না, দৃষ্টিতে কেবল স্পষ্টতা আর সরলতা । দৃষ্টির সরলতাও বটে, মনের সরলতাও বটে ; তবে যদি তাঁহার পানে কেহ চাহিয়া দেখিত, তবে তৎক্ষণাৎ কোমল পল্লব দুখানি পড়িয়া যাইত ; তিলোত্তমা তখন ধরাতল ভিন্ন অগ্ন্যত্র দৃষ্টি করিতেন না । ওষ্ঠাধর দুখানি গোলাবী, রসে টলমল করিত ; ছোট ছোট, একটু ঘুরান, একটু ফুলান, একটু হাসি হাসি ; সে ওষ্ঠাধরে যদি একবার হাসি দেখিতে, তবে যোগী হও, মুনি হও, যুবা হও, বৃদ্ধ হও, আর ভুলিতে পারিতে না । অথচ সে হাসিতে সরলতা ও বালিকাভাব ব্যতীত আর কিছুই ছিল না ।

তিলোত্তমার শরীর সুগঠন হইয়াও পূর্ণায়ত ছিল না ; বয়সের নবীনতা প্রযুক্তই হটক বা শরীরের স্বাভাবিক গঠনের জগ্নাই হটক, এই সুন্দর দেহে ক্ষীণতা ব্যতীত স্থূলতাগুণ ছিল না । অথচ তদ্বীর শরীরমধ্যে সকল স্থানই সুগোল আর সুললিত । সুগোল প্রকোষ্ঠে রত্নবলয় ; সুগোল বাহুতে হীরকমণ্ডিত তাড় ; সুগোল অঙ্গুলীতে অঙ্গুরীয় ; সুগোল উরুতে মেখলা ; সুগঠন অংসোপরে স্বর্ণহার, সুগঠন কণ্ঠে রত্নকণ্ঠী ; সর্বত্রের গঠন সুন্দর ।

তিলোত্তমা একাকিনী কক্ষবাতায়নে বসিয়া কি করিতেছেন ? সায়াহুগগনের শোভা নিরীক্ষণ করিতেছেন ? তাহা হইলে ভূতলে চক্ষু কেন ? নদীতীরজ কুসুমসুবাসিত বায়ু সেবন করিতেছেন ? তাহা হইলে ললাটে বিন্দু বিন্দু বর্ষ্ম হইবে কেন ? মুখের এক পার্শ্ব ব্যতীত ত বায়ু লাগিতেছে না । গোচারণ দেখিতেছেন ? তাও নয়, গাভীসকল ত ক্রমে

ক্রমে গৃহে আসিল। কোকিল-রব শুনিতেছেন ? তবে মুখ এত স্নান কেন ? তিলোত্তমা কিছুই দেখিতেছেন না, শুনিতেছেন না, চিন্তা করিতেছেন।

দাসীতে প্রদীপ জালিয়া আনিল। তিলোত্তমা চিন্তা ত্যাগ করিয়া একখানা পুস্তক লইয়া প্রদীপের কাছে বসিলেন। তিলোত্তমা পড়িতে জানিতেন ; অভিরাম স্বামীর নিকট সংস্কৃত পড়িতে শিখিয়াছিলেন। পুস্তকখানি কাদম্বরী। কিয়ৎক্ষণ পড়িয়া বিরক্তি প্রকাশ কবিয়া কাদম্বরী পরিত্যাগ করিলেন। আর একখানা পুস্তক আনিলেন ; শুব্ধকৃত বাসবদত্তা ; কখন পড়েন, কখন ভাবেন, আর বার পড়েন ; আর বার অগ্ৰমনে ভাবেন ; বাসবদত্তাও ভাল লাগিল না। তাহা ত্যাগ করিয়া গীতগোবিন্দ পড়িতে লাগিলেন ; গীতগোবিন্দ কিছুক্ষণ ভাল লাগিল, পড়িতে পড়িতে সলজ্জ ঈষৎ হাসি হাসিয়া পুস্তক নিক্ষেপ করিলেন। পরে নিষ্কর্মা হইয়া শয্যার উপর বসিয়া রহিলেন। নিকটে একটা লেখনী ও মসীপত্র ছিল ; অগ্ৰমনে তাহা লইয়া পালঙ্কের কাষ্ঠে এ ও তা “ক” “স” “ম” ঘর দ্বার, গাছ, মানুষ ইত্যাদি লিখিতে লাগিলেন ; ক্রমে ক্রমে খাটের এক বাজু কালির চিহ্নে পরিপূর্ণ হইল ; যখন আর স্থান নাই, তখন সে বিষয়ে চেতনা হইল। নিজ কার্য্য দেখিয়া ঈষৎ হাস্য করিলেন ; আবার কি লিখিয়াছেন, তাহা হাসিতে হাসিতে পড়িতে লাগিলেন। কি লিখিয়াছেন ? “বাসবদত্তা”, “মহাশ্বেতা”, “ক,” “ঈ,” “ই,” “প,” একটা বৃক্ষ, সৈজুতির শিব, “গীতগোবিন্দ,” “বিমলা” লতা, পাতা হিজি, বিজি, গড়—সর্বনাশ, আর কি লিখিয়াছেন ?—
“কুমার জগৎসিংহ।”

লজ্জায় তিলোত্তমার মুখ রক্তবর্ণ হইল। নির্বুদ্ধি ! ঘরে কে আছে যে লজ্জা ?

“কুমার জগৎসিংহ।” তিলোত্তমা দুইবার, তিনবার, বহুবার পাঠ করিলেন ; দ্বারের দিকে চাহেন আর পাঠ করেন ; পুনর্ব্বার চাহেন আর পাঠ করেন, যেন চোর চুরি করিতেছে।

বড় অধিকক্ষণ পাঠ করিতে সাহস হইল না, কেহ আসিয়া দেখিতে

পাইবে । অতি ব্যস্তে জল আনিয়া লিপি ধোত করিলেন ; ধোত করিয়া মনঃপূত হইল না ; বস্ত্র দিয়া উত্তম করিয়া মুছিলেন ; আবার পড়িয়া দেখিলেন, কালির চিহ্ন মাত্র নাই ; তথাপি বোধ হইল, যেন এখনও পড়া যায় ; আবার জল আনিয়া ধুইলেন, আবার বস্ত্র দিয়া মুছিলেন, তথাপি বোধ হইতে লাগিল, যেন লেখা রহিয়াছে “কুমার জগৎসিংহ ।”

অষ্টম পরিচ্ছেদ : বিমলার মন্তব্য

বিমলা অভিরাম স্বামীর কুটারমধ্যে দণ্ডায়মান আছেন । অভিরাম স্বামী ভূমির উপর যোগাসনে বসিয়াছেন । জগৎসিংহের সহিত যে প্রকারে বিমলা ও তিলোত্তমার সাক্ষাৎ হইয়াছিল বিমলা তাহা আত্মোপাস্ত অভিরাম স্বামীর নিকট বর্ণন করিতেছিলেন ; বর্ণনা সমাপ্ত করিয়া কহিলেন, “আজ চতুর্দশ দিবস ; কাল পক্ষ পূর্ণ হইবেক ।” অভিরাম স্বামী কহিলেন, “এক্ষণে কি স্থির করিয়াছ ?”

বিমলা উত্তর করিলেন, “উচিত পরামর্শ জন্মই আপনার কাছে আসিয়াছি ।”

স্বামী কহিলেন, “উত্তম আমার পরামর্শ এই যে, এ বিষয় আর মনে স্থান দিও না ।”

বিমলা অতি বিষন্ন বদনে নীরব হইয়া রহিলেন । অভিরাম স্বামী জিজ্ঞাসা করিলেন, “বিষন্ন হইলে কেন ?”

বিমলা কহিলেন, “তিলোত্তমার কি উপায় হইবে ?”

অভিরাম স্বামী সবিস্ময়ে জিজ্ঞাসা করিলেন, “কেন ? তিলোত্তমার মনে কি অনুরাগ সঞ্চার হইয়াছে ?”

বিমলা ক্রিয়াকাল নীরবে থাকিয়া কহিলেন, “আপনাকে কত কহিব ! আমি আজ চৌদ্দ দিন অহোরাত্র তিলোত্তমার ভাবগতিক বিলক্ষণ করিয়া দেখিতেছি, আমার মনে এমন বোধ হইয়াছে যে, তিলোত্তমার মনোমধ্যে অতি প্রগাঢ় অনুরাগের সঞ্চার হইয়াছে ।”

পরমহংস ঈশ্বর হাস্য করিয়া কহিলেন, “তোমরা স্ত্রীলোক ; মনোমধ্যে

অনুরাগের লক্ষণ দেখিলেই গাঢ় অনুরাগ বিবেচনা কব। বিমলে, তিলোত্তমার মনের সুখেব জন্ম চিস্তিত হইও না ; বালিকা—স্বভাবতঃই প্রথম দর্শনে মনশ্চাক্ষু হইয়াছে ; এ বিষয়ে কোন কথাবার্তা উত্থাপন না হইলেই শীঘ্র জগৎসিংহকে বিস্মৃত হইবে।”

বিমলা কহিল, “না না, প্রভু, সে লক্ষণ নয়। পক্ষমধ্যে তিলোত্তমার স্বভাব পবিবর্তন হইয়াছে ! তিলোত্তমা আমার সঙ্গে বয়সাদিগেব সঙ্গে সেকপ দিবাবাত্র হাসিয়া কথা কহে না ; তিলোত্তমা আব প্রায় কথা কয় না ; তিলোত্তমাব পুস্তকসকল পালঙ্কেব নীচে পড়িয়া পচিতেছে ; তিলোত্তমাব ফুলগাহসকল জলাভাবে শুক হইল ; তিলোত্তমাব পাখী-গুলিতে আব সে যত্ন নাই ; তিলোত্তমা নিজে আহাব কবে না ; বাত্রে নিদ্রা যায় না ; তিলোত্তমা বেশভূষা কবে না ; তিলোত্তমা কখন চিস্তা কবে না, এক্ষণে দিবানিশি অশ্রমনে থাকে। তিলোত্তমাব মুখে কান্না পড়িয়াছে।”

অভিব্যম স্বামী শুনিয়া নিস্তব্ধ বহিলেন। ক্ষণেক পবে কহিলেন, “আমাব বোধ ছিল যে, দর্শনমাত্র গাঢ় অনুরাগ জন্মিতে পাবে না ; তবে জীচরিত্র, বিশেষতঃ বালিকাচরিত্র, ঈশ্বরই জানেন। কিন্তু কি করিবে ? বীরেন্দ্র এ সম্বন্ধে সম্মত হইবে না।”

বিমলা কহিল, “আমি সেই আশঙ্কায় এ পর্য্যন্ত ইহাব কোন উল্লেখ করি নাই, মন্দিবমধ্যেও জগৎসিংহকে পবিচয় দিই নাই। কিন্তু এক্ষণে যদি সিংহ মহাশয়”—এই কথা বলিতে বিমলাব মুখেব কিঞ্চিৎ ভাবান্তর হইল—“এক্ষণে যদি সিংহ মহাশয় মানসিংহেব সহিত মিত্রতা করিলেন, তবে জগৎসিংহকে জামাতা করিতে হানি কি ?”

অ। মানসিংহই বা সম্মত হইবে কেন ?

বি। না হয়, যুববাজ স্বাধীন।

অ। জগৎসিংহই বা বীরেন্দ্রসিংহেব কণ্ঠাকে বিবাহ করিবে কেন ?

বি। জাতিকুলের দোষ কোন পক্ষেই নাই, জয়ধরসিংহের পূর্ব্ব-পুরুষেরাও যত্নবংশীয়।

অ। যত্নবংশীয় কণ্ঠা মুসলমানের শ্যালকপুত্রের বধু হইবে ?

বিমলা উদাসীনের প্রতি স্থিরদৃষ্টি করিয়া কহিল, “না হইবেই বা কেন, যত্নবংশের কোন্ কুল ঘৃণ্য ?”

এই কথা বলিবামাত্র ক্রোধে পরমহংসের চক্ষু হইতে অগ্নি স্ফুরিত হইতে লাগিল ; কঠোব স্বরে কহিলেন, “পাপীয়সি ! নিজ হতভাগ্য বিস্মৃত হও নাই ? দূব হও !”

নবম পরিচ্ছেদ : কুলাভিলক

জগৎসিংহ পিতৃচরণ হইতে সৈন্য বিদায় হইয়া যে যে কার্য্য করিলেন, তাহাতে পাঠান সৈন্যমধ্যে মহাভীতি প্রচার হইল। কুমার প্রতিজ্ঞা করিয়াছিলেন, পঞ্চ সহস্র সেনা লইয়া তিনি কতলু খাঁব পঞ্চাশৎ সহস্রকে সুবর্ণবেখা পাব করিয়া দিবেন, যদিও এ পর্য্যন্ত তত দূর কৃতকার্য্য হইবাব সম্ভাবনা দেখাইতে পাবেন নাই, তথাপি তিনি শিবির হইতে আসিয়া দুই সপ্তাহে যে পর্য্যন্ত যোদ্ধাপতিত্ব গুণের পরিচয় দিয়াছিলেন, তাহা শ্রবণ করিয়া মানসিংহ করিয়াছিলেন, “বুঝি আমার কুমাব হইতে বাজপুত নামের পূর্ব্বগৌরব পুনরুদ্দীপ্ত হইবে।”

জগৎসিংহ উত্তমরূপে জানিতেন, পঞ্চ সহস্র সেনা লইয়া পঞ্চাশৎ সহস্রকে সম্মুখসংগ্রামে বিমুখ করা কোনরূপেই সম্ভব নহে, ববং পরাজয় বা মৃত্যুই নিশ্চয়। অতএব সম্মুখসংগ্রামের চেষ্টায় না থাকিয়া, যাহাতে সম্মুখসংগ্রাম না হয় এমন প্রকার রণপ্রণালী অবলম্বন করিলেন। তিনি নিজ সামান্যসংখ্যক সেনা সর্ব্বদা অতি গোপনে লুক্কায়িত রাখিতেন, নিবিড় বনমধ্যে বা ঐ প্রদেশে সমুদ্র-তরঙ্গবৎ কোথাও নিম্ন, কোথাও উচ্চ যে সকল ভূমি আছে, তন্মধ্যে এমন স্থানে শিবির করিতেন যে, পান্থবর্ত্তী উচ্চ ভূমিখণ্ড সকলের অন্তর্ভালে অতি নিকট হইতেও কেহ তাঁহার সেনা দেখিতে পাইত না। এইরূপ গোপন ভাবে থাকিয়া, যখন কোথাও স্বল্পসংখ্যক পাঠান সেনার সন্ধান পাইতেন, তরঙ্গপ্রপাতবৎ বেগে ওড়পরি সৈন্য পতিত হইয়া তাহা একেবারে নিঃশেষ করিতেন। তাঁহার বহু-সংখ্যক চর ছিল ; তাহারা ফলমূলমৎস্তাদিবিক্রেতা বা ভিক্ষুক উদাসীন

ভ্রাক্ষণ বৈজ্ঞানিকের বেশে নানা স্থানে ভ্রমণ করিয়া, পাঠান-সেনার গতিবিধির সন্ধান আনিয়া দিত । জগৎসিংহ সংবাদ পাইবামাত্র অতি সাবধানে অথচ দ্রুতগতি এমন স্থানে গিয়া সৈন্য সংস্থাপন করিতেন যে, যেন আগন্তুক পাঠান-সেনার উপরে সুকৌশলে এবং অপূর্বদৃষ্ট হইয়া আক্রমণ করিতে পাবেন । যদি পাঠান-সেনা অধিকসংখ্যক হইত, তবে জগৎসিংহ তাহাদিগকে আক্রমণ কবার কোন স্পষ্ট উদ্ভম করিতেন না ; কেন না, তিনি জানিতেন, তাঁহাব বর্তমান অবস্থায় এক যুদ্ধে পরাজয় হইলে সকল নষ্ট হইবে । তখন কেবল পাঠান-সেনা চলিয়া গেলে সাবধানে তাহাব পশ্চাৎ পশ্চাৎ গিয়া তাহাদিগের আহারীয় দ্রব্য, অশ্ব কামান ইত্যাদি অপহরণ করিয়া লইয়া চলিয়া আসিতেন । আর যদি পাঠান-সেনা প্রবল না হইয়া স্বল্পসংখ্যক হইত, তবে যতক্ষণে সেনা নিজ মনোমত স্থান পর্য্যন্ত না আসিত, সে পর্য্যন্ত স্থির হইয়া গোপনীয় স্থানে থাকিতেন ; পরে সময় বুঝিয়া, ক্ষুধিত ব্যাঘ্রের ন্যায় চীৎকার শব্দে ধাবমান হইয়া হতভাগ্য পাঠানদিগকে খণ্ড খণ্ড করিয়া ফেলিতেন । সে অবস্থায় পাঠানেরা শত্রুর নিকটস্থিতি অবগত থাকিত না ; স্মৃতরাং রণ জন্ম প্রস্তুত থাকিত না । অকস্মাৎ শত্রুপ্রবাহমুখে পতিত হইয়া প্রায় বিনা যুদ্ধে প্রাণ হারাইত ।

এইরূপে বহুতর পাঠান-সৈন্য নিপাত হইল । পাঠানেরা অত্যন্ত ব্যতিব্যস্ত হইল, এবং সম্মুখসংগ্রামে জগৎসিংহের সৈন্য বিনষ্ট করিবার জন্ম বিশেষ সম্ভব হইল । কিন্তু জগৎসিংহের সৈন্য কোথায় থাকে, কোন সন্ধান পাওয়া যায় না ; কেবল যমদূতের ন্যায় পাঠান-সেনার মৃত্যুকালে একবার দেখা দিয়া মৃত্যুকার্য্য সম্পাদন করিয়া অন্তর্ধান করে । জগৎসিংহ কৌশলময় ; তিনি পঞ্চ সহস্র সেনা সর্বদা একত্র রাখিতেন না, কোথায় সহস্র, কোথায় পঞ্চ শত, কোথায় দ্বিশত, কোথায় দ্বিসহস্র এইরূপে ভাগে ভাগে, যখন যথায় যেক্রপ শত্রু সন্ধান পাইতেন, তখন সেইরূপ পাঠাইতেন ; কার্য্য সম্পাদন হইলে আর তথায় রাখিতেন না । কখন কোনখানে রাজপুত আছে, কোনখানে নাই, পাঠানেরা কিছুই স্থির করিতে পারিত না । কতলু খাঁর নিকট প্রত্যহই সেনা-নাশের সংবাদ

আসিত। প্রাতে, মধ্যাহ্নে, সায়াক্লে, সকল সময়েই অমঙ্গল সংবাদ আসিত। ফলে যে কার্য্যেই হউক না, পাঠান-সেনার অগ্ন সংখ্যায় দুর্গ হইতে নিষ্কাশিত হওয়া দুঃসাধ্য হইল। লুণ্ঠপাট একেবারে বন্ধ হইল; সেনাসকল দুর্গমধ্যে আশ্রয় লইল; অধিকন্তু আহার আহরণ করা সুকঠিন হইয়া উঠিল। শত্রুপীড়িত প্রদেশ এইরূপ শূন্যসিদ্ধ হওয়ার সংবাদ পাইয়া মহারাজ মানসিংহ পুত্রকে এই পত্র লিখিলেন,

“কুলভিলক! তোমা হইতে রাজ্যাধিকার পাঠানশূণ্য হইবে জানিলাম; অতএব তোমার সাহায্যার্থে আর দশ সহস্র সেনা পাঠাইলাম।”

যুবরাজ প্রত্যুত্তরে লিখিলেন,—

“মহারাজের যেরূপ অভিপ্রায়; আর সেনা আইসে ভাল; নচেৎ ও শ্রীচরণাশীর্বাদে এ দাস পঞ্চ সহস্রে ক্ষত্রকুলোচিত প্রতিজ্ঞাপালন করিবেক।”

কুমার বীরমদে মত্ত হইয়া অবাধে রণজয় করিতে লাগিলেন। শৈলেশ্বর! তোমার মন্দিরমধ্যে যে সুন্দরীর সরল দৃষ্টিতে এই যোদ্ধা পরাভূত হইয়াছিলেন, সে সুন্দরীকে সেনা-কোলাহল মধ্যে কি তাঁহার একবারও মনে পড়ে নাই? যদি না পড়িয়া থাকে, তবে জগৎসিংহ তোমারই শ্রায় পাষণ।

দশম পরিচ্ছেদ : মল্লগার পর উত্তোগ

যে দিবস অভিরাম স্বামী বিমলার প্রতি ক্রুদ্ধ হইয়া তাহাকে গৃহ-বহিষ্কৃত করিয়া দেন, তাহার পরদিন প্রদোষকালে বিমলা নিজ কক্ষে বসিয়া বেশভূষা করিতেছিলেন। পঞ্চত্রিংশৎ বর্ষীয়ার বেশভূষা? কেনই বা না করিবে? বয়সে কি যৌবন যায়? যৌবন যায় রূপে আর মনে; যার রূপ নাই, সে বিংশতি বয়সেও বৃদ্ধা; যার রূপ আছে, সে সকল বয়সেই যুবতী। যাব মনে রস নাই, সে চিরকাল প্রবীণ; যার রস আছে, সে চিরকাল নবীন। বিমলার আজও রূপে শরীর ঢলঢল করিতেছে,

রসে মন টলটল করিতেছে। বয়সে আরও রসের পরিপাক ; পাঠক মহাশয়ের যদি কিঞ্চিৎ বয়স হইয়া থাকে, তবে এ কথা অবশ্য স্বীকার করিবেন।

কে বিমলার সে তাহুলরাগরক্ত ওষ্ঠাধর দেখিয়া বলিবে, এ যুবতী নয় ? তাহার কজ্জল-নিবিড় প্রশস্ত লোচনের চকিত কটাক্ষ দেখিয়া কে বলিবে যে, এ চতুর্বিংশতির পবপারে পড়িয়াছে ? কি চক্ষু ! সুদীর্ঘ ; চঞ্চল ; আবেশময়। কোন কোন প্রগল্ভ-যৌবনা কামিনীর চক্ষু দেখিলামাত্র মনোমধ্যে বোধ হয় যে, এই রমণী দর্পিতা ; এ রমণী সুখলালসাপরিপূর্ণা। বিমলার চক্ষু সেইরূপ। আমি নিশ্চিত পাঠক মহাশয়কে বলিতেছি, বিমলা যুবতী, স্থিরযৌবনা বলিলেও বলা যায়। তাঁহাব সে চম্পকবর্ণ স্বকের কোমলতা দেখিলে কে বলিবে যে, ষোড়শী তাঁহাব অপেক্ষা কোমলা ? যে একটি অতি ক্ষুদ্র গুচ্ছ অলককেশ কুঞ্চিত হইয়া কর্ণমূল হইতে অসাবধানে কপোলদেশে পড়িয়াছে, কে দেখিয়া বলিবে যে, যুবতীর কপোলে যুবতীর কেশ পড়ে নাই ? পাঠক ! মনঃচক্ষু উন্মীলন কর ; যেখানে বসিয়া দর্পণ সম্মুখে বিমলা কেশবিশ্রাস করিতেছে, তাহা দেখ ; বিপুল কেশগুচ্ছ বাম করে লইয়া, সম্মুখে রাখিয়া যে প্রকাবে তাহাতে চিরঙ্গী দিতেছে, দেখ ; নিজ যৌবনভাব দেখিয়া টিপি টিপি যে হাসিতেছে, তাহা দেখ ; মধ্যে মধ্যে বীণানিন্দিত মধুর স্বরে যে মুছ মুছ সঙ্গীত করিতেছে, তাহা শ্রবণ কর ; দেখিয়া শুনিয়া বল, বিমলা অপেক্ষা কোন্ নবীনা তোমার মনোমোহিনী ?

বিমলা কেশ বিশ্রাস্ত করিয়া কবরী বন্ধ করিলেন না ; পৃষ্ঠদেশে বেণী লব্ধিত কবিলেন। গন্ধবারিসিক্ত রুমালে মুখ পরিষ্কার করিলেন ; গোলাপপুগকপূর্ণপূর্ণ তাহুলে পুনর্বীর ওষ্ঠাধর রঞ্জন করিলেন ; মুক্তাভূষিত কাঁচলি লইয়া বক্ষে দিলেন ; সর্বত্র কনকরত্নভূষা পরিধান করিলেন ; আবার কি ভাবিয়া তাহার কিয়দংশ পরিত্যাগ করিলেন ; বিচিত্র কারুকার্যখচিত বসন পরিলেন ; মুক্তা-শোভিত পাছকা গ্রহণ করিলেন ; এবং সুবিশ্রাস্ত চিকুরে যুবরাজদত্ত বহুমূল্য মুক্তাহার রোপিত করিলেন।

বিমলা বেশ করিয়া তিলোত্তমার কক্ষে গমন করিলেন। তিলোত্তমা

দেখিবামাত্র বিস্ময়াপন্ন হইলেন ; হাসিয়া কহিলেন, “এ কি বিমলা ! এ বেশ কেন ?”

বিমলা কহিলেন, “তোব সে কথায় কাজ কি ?”

তি। সত্য বল না, কোথায় যাবে ?

বি। আমি যে কোথায় যাব, তোমাকে কে বলিল ?

তিলোত্তমা অপ্রতিভ হইলেন। বিমলা তাঁহার লজ্জা দেখিয়া সক্রোধে হাসিয়া কহিলেন, “আমি অনেক দূর যাব।”

তিলোত্তমার মুখ প্রফুল্ল পদ্মে ঞায় হর্ষবিকসিত হইল। মৃদুস্বরে জিজ্ঞাসা করিলেন, “কোথা যাবে ?”

বিমলা সেইকপ মুখ টিপিয়া হাসিতে হাসিতে কহিলেন, “আন্দাজ কর না ?”

তিলোত্তমা তাঁহার মুখপানে চাহিয়া বহিলেন।

বিমলা তখন তাঁহার হস্তধারণ করিয়া, “শুন দেখি” বলিয়া গবাক্ষের নিকট লইয়া গেলেন। তথায় কাণে কাণে কহিলেন, “আমি শৈলেশ্বর-মন্দিরে যাব ; তথায় কোন রাজপুত্রের সহিত সাক্ষাৎ হইবে।”

তিলোত্তমার শরীর রোমাঞ্চিত হইল। কিছুই উত্তর করিলেন না।

বিমলা বলিতে লাগিলেন, “অভিরাম ঠাকুরের সঙ্গে আমার কথা হইয়াছিল, ঠাকুরের বিবেচনায় জগৎসিংহের সহিত তোমার বিবাহ হইতে পারে না। তোমার বাপ কোন মতে সম্মত হইবেন না। তাঁর সাক্ষাতে এ কথা পাড়িলে ঝাঁটা লাথি না খাই ত বিস্তর।”

“তবে কেন”— তিলোত্তমা অধোবদনে, অস্ফুটস্বরে, পৃথিবী পানে চাহিয়া এই দুইটি কথা বলিলেন, “তবে কেন ?”

বি। কেন ? আমি রাজপুত্রের নিকট স্বীকার করিয়া আসিয়া-ছিলাম, আজ রাত্রে তাঁহার সহিত সাক্ষাৎ করিয়া পরিচয় দিব। শুধু পরিচয় পাইলে কি হইবে ? এখন ত পরিচয় দিই, তার পর তাঁহার কর্তব্যাকর্তব্য তিনি করিবেন। রাজপুত্র যদি তোমাতে অনুরক্ত হন—

তিলোত্তমা তাঁহাকে আর বলিতে না দিয়া মুখে বস্ত্র দিয়া কহিলেন, “তোমার কথা শুনিয়া লজ্জা করে ; তুমি যেখানে ইচ্ছা, সেখানে যাও না

কেন, আমার কথা কাহাকে বলিও না, আর আমার কাছে কাহারও কথা বলিও না ।”

বিমলা পুনর্ব্বার হাসিয়া কহিলেন, “তবে এ বালিকা-বয়সে এ সমুদ্রে ঝাঁপ দিলে কেন ?”

তিলোত্তমা কহিলেন, “তুই যা ? আমি আর তোর কোন কথা শুনিব না ।”

বি । তবে আমি মন্দিরে যাব না ।

তি । আমি কি কোথাও যেতে বারণ কবিতেছি ? যেখানে ইচ্ছা, সেখানে যাও না ।

বিমলা হাসিতে লাগিলেন ; কহিলেন, “তবে আমি যাইব না ।”

তিলোত্তমা পুনরায় অধোমুখী হইয়া কহিলেন, “যাও ।” বিমলা আবার হাসিতে লাগিলেন । কিয়ৎক্ষণ পরে কহিলেন, “আমি চলিলাম ; আমি যতক্ষণ না আসি, ততক্ষণ নিদ্রা যাইও না ।”

তিলোত্তমাও ঈষৎ হাসিলেন ; সে হাসির অর্থ এই যে, “নিদ্রা আসিবে কেন ?” বিমলা তাহা বুঝিতে পারিলেন । গমনকালে বিমলা এক হস্ত তিলোত্তমার অংসদেশে গ্রাস্ত করিয়া, অপর হস্তে তাঁহার চিবুক গ্রহণ করিলেন ; এবং কিয়ৎক্ষণ তাঁহার সরল প্রেমপবিত্র মুখপ্রতি দৃষ্টি করিয়া সন্মোহে চুম্বন করিলেন । তিলোত্তমা দেখিতে পাইলেন, যখন বিমলা চলিয়া যান, তখন তাঁহার চক্ষে এক বিন্দু বারি রহিয়াছে ।

কক্ষদ্বারে আশমানি আসিয়া বিমলাকে কহিল, “কর্ত্তা তোমাকে ডাকিতেছেন ।”

তিলোত্তমা শুনিতে পাইয়া, আসিয়া কাণে-কাণে কহিলেন, “বেশ ত্যাগ করিয়া যাও ।”

বিমলা কহিলেন, “ভয় নাই ।”

বিমলা বীরেন্দ্রসিংহের শয়নকক্ষে গেলেন । তথায় বীরেন্দ্রসিংহ শয়ন করিয়া রহিয়াছেন । এক দাসী পদসেবা, অগ্নে ব্যঞ্জন করিতেছিল । পালঙ্কের নিকট উপস্থিত হইয়া বিমলা কহিলেন, “আমার প্রতি কি আজ্ঞা ?”

বীরেন্দ্রসিংহ মস্তকোত্তোলন করিয়া চমৎকৃত হইলেন ; বলিলেন,
“বিমলা, তুমি কৰ্ম্মাস্তরে যাইবে না কি ?”

বিমলা কহিলেন, “আজ্ঞা । আমার প্রতি কি আজ্ঞা ছিল ?”

বী । তিলোত্তমা কেমন আছে ? শরীর অসুস্থ ছিল, ভাল
হইয়াছে ?

বি । ভাল হইয়াছে ।

বী । তুমি আমাকে ক্ষণেক ব্যঞ্জন কর, আশমানি তিলোত্তমাকে
আমার নিকট ডাকিয়া আনুক ।

ব্যঞ্জনকারিণী দাসী ব্যঞ্জন রাখিয়া গেল ।

বিমলা আশমানিকে বাহিরে দাড়াইতে ইঙ্গিত করিলেন । বীরেন্দ্র
অপর দাসীকে কহিলেন, “লচমণি, তুই আমার জন্ম পান তৈয়ার করিয়া
আন ।” পদসেবাকারিণী চলিয়া গেল ।

বী । বিমলা, তোমার আজ এ বেশ কেন ?

বি । আমার প্রয়োজন আছে ।

বী । কি প্রয়োজন আছে আমি শুনিব ।

বি । “তবে শুনু” বলিতে বলিতে বিমলা মন্থথশয্যারূপী চক্ষুর্দ্বয়ে
বীরেন্দ্রের প্রতি দৃষ্টিপাত করিতে লাগিলেন, “তবে শুনুন, আমি এখন
অভিসারে গমন করিব ।”

বী । যমের সঙ্গে না কি ?

বি । কেন, মানুষের সঙ্গে কি হইতে নাই ?

বী । সে মানুষ আজিও জন্মে নাই ।

বি । একজন ছাড়া ।

এই বলিয়া বিমলা বেগে প্রস্থান করিল ।

একাদশ পরিচ্ছেদ : আশমানির দৌত্য

এদিকে বিমলার ইঙ্গিতমত আশমানি গৃহের বাহিরে আসিয়া
প্রতীক্ষা করিতেছিল । বিমলা আসিয়া তাহাকে কহিলেন, “আশমানি,

তোমার সঙ্গে কোন বিশেষ গোপনীয় কথা আছে।”

আশমানি কহিল, “বেশভূষা দেখিয়া আমিও ভাবিতেছিলাম, আজ কি একটা কাণ্ড।”

বিমলা কহিলেন, “আমি আজ কোন প্রয়োজনে অধিক দূরে যাইব। এ রাত্রে একাকিনী যাইতে পাবিব না ; তুমি ছাড়া আর কাহাকেও বিশ্বাস কবিয়া সঙ্গে লইতে পাবিব না ; তোমাকে আমার সঙ্গে যাইতে হইবে।”

আশমানি জিজ্ঞাসা করিল, “কোথা যাবে ?”

বিমলা কহিলেন, “আশমানি, তুমি ত সকালে এত কথা জিজ্ঞাসা করিতে না ?”

আশমানি কিছু অপ্রতিভ হইয়া কহিল, “তবে তুমি একটু অপেক্ষা কর, আমি কতকগুলি কাজ সাবিয়া আসি।”

বিমলা কহিলেন, “আব একটা কথা আছে ; মনে কর, যদি তোমার সঙ্গে আজ সকালের কোন লোকের দেখা হয়, তবে কি তোমাকে সে চিনিতে পারিবে ?”

আশমানি বিস্মিতা হইয়া কহিল, “সে কি ?”

বিমলা কহিলেন, “মনে কর, যদি কুমার জগৎসিংহের সহিত দেখা হয় ?”

আশমানি অনেকক্ষণ নীরব থাকিয়া গদগদ স্বরে কহিল, “এমন দিন কি হবে ?”

বিমলা কহিলেন, “হইতেও পাবে।”

আশমানি কহিল, “কুমার চিনিতে পাবিবেন বৈ কি।”

বিমলা কহিলেন, “তবে তোমাব যাওয়া হইবে না, আর কাহাকে লইয়া যাই—একাও ত যাইতে পারি না।”

আশমানি কহিল, “কুমার দেখিব মনে বড়ই সাধ হইতেছে।”

বিমলা কহিলেন, “মনের সাধ মনে থাক ; এখন আমি কি করি ?”

বিমলা চিন্তা করিতে লাগিলেন। আশমানি অকস্মাৎ মুখে কাপড় দিয়া হাসিতে লাগিল। বিমলা কহিলেন, “মব্! আপনা আপনি হেসে

“রিস কেন?”

আশমানি কহিল, “মনে মনে ভাবিতেছিলাম, বলি আমার সোনার দাদ দিগ্‌গজকে তোমার সঙ্গে পাঠাইলে কি হয়?”

বিমলা হাসিয়া উল্লাসে কহিলেন, “সেই কথাই ভাল ; রসিকরাজকেই সঙ্গে লইব।”

আশামানি বিস্মিত হইয়া কহিল, “সে কি, আমি যে তামাসা কবিতেছিলাম!”

বিমলা কহিলেন, “তামাসা না, বোকা বামুনকে আমার অবিশ্বাস মাই। অন্ধের দিন রাত্রি নাই, ও ত কিছুই বুঝিতে পারিবে না, সুতরাং একে অবিশ্বাস নাই। তবে বামুন যেতে চাইবে না।”

আশমানি হাসিয়া কহিল, “সে ভার আমার ; আমি তাহাকে সঙ্গে কবিয়া নিয়া আসিতেছি, তুমি ফটকের সম্মুখে একটু অপেক্ষা করিও।”

এই বলিয়া আশমানি হাসিতে হাসিতে দুর্গমধ্যস্থ একটি ক্ষুদ্র কুটীরাভিমুখে চলিল।

অভিরাম স্বামীর শিষ্য গজপতি বিজ্ঞাদিগ্‌গজ ইতিপূর্বেই পাঠক মহাশয়ের নিকট একবার পরিচিত হইয়াছেন। যে হেতুতে বিমলা তাঁহার রসিকরাজ নাম রাখিয়াছিলেন, তাহাও পাঠক মহাশয় অবগত আছেন। সেই মহাপুরুষ এই কুটীরের অধিকারী। দিগ্‌গজ মহাশয় দৈর্ঘ্যে প্রায় সাড়ে পাঁচ হাত হইবেন, প্রস্থে বড় জোর আধ হাত তিন আঙ্গুল। পা দুইখানি কঁকল হইতে মাটি পর্য্যন্ত মাপিলে চৌদ্দপুয়া চারি হাত হইবেক ; প্রস্থে রলা কাষ্ঠের পরিমাণ। বর্ণ দোয়াতের কালি ; বোধ হয়, অগ্নি কাষ্ঠভ্রমে পা দুখানি ভক্ষণ করিতে বসিয়াছিলেন, কিছুমাত্র রস না পাইয়া আন্ধেক অঙ্গার করিয়া ফেলিয়া দিয়াছেন। দিগ্‌গজ মহাশয় অধিক দৈর্ঘ্যবশতঃ একটু একটু কুঁজো, অবয়বের মধ্যে নাসিকা প্রবল, শরীরের মাংসভাব সেইখানেই সংশোধন হইয়াছে। মাথাটি বেহারা-কামান, কামান চুলগুলি যাহা আছে তাহা ছোট ছোট, আবার হাত দিয়ে সূচ ফুটে। আর্ক-ফাঁর ঘটাটা জঁকাল রকম।

গজপতি, ‘বিজ্ঞাদিগ্‌গজ’ উপাধি সাধ করিয়া পান নাই। বুদ্ধিখান অতি তীক্ষ্ণ। বালাকালে চতুর্পাঠিতে ব্যাকরণ আরম্ভ করিয়াছিলেন, সাড়ে সাত মাসে “সহর্ষে ধঃ” সূত্রটি ব্যাখ্যা শুদ্ধ মুখস্থ হয়। ভট্টাচার্য্য-হাশয়ের অনুগ্রহে আর দশজনের গোলে হরিবোলে পঞ্চদশ বৎসর পাঠ করিয়া শব্দকাণ্ড শেষ করিলেন। পরে অশ্ব কাণ্ড আরম্ভ করিবার পূর্বে অধ্যাপক ভাবিলেন, “দেখি দেখি কাণ্ডখানাই কি?” শিষ্যকে জিজ্ঞাসা করিলেন, “বল দেখি বাপু, রাম শব্দের উত্তর অম্ করিলে কি হয়?” ছাত্র অনেক ভাবিয়া উত্তর করিলেন, “রামকান্ত।” অধ্যাপক কহিলেন, “বাপু, তোমার বিজ্ঞা হইয়াছে; তুমি এক্ষণে গৃহে যাও, তোমার এখানকার পাঠ সাক্ষ হইয়াছে; আমার আর বিজ্ঞা নাই যে তোমাকে দান করিব।”

গজপতি অতি সাহস্কার-চিন্ত হইয়া কহিলেন, “আমার এক নিবেদন—আমার উপাধি?”

অধ্যাপক কহিলেন, “বাপু, তুমি যে বিজ্ঞা অর্জন করিয়াছ, তোমার নূতন উপাধি আবশ্যক। তুমি ‘বিজ্ঞাদিগ্‌গজ’ উপাধি গ্রহণ কর।”

দিগ্‌গজ হৃষ্টচিন্তে গুরুপদে প্রণাম করিয়া গৃহে চলিলেন।

গৃহে আসিয়া দিগ্‌গজ পণ্ডিত মনে মনে ভাবিলেন, “ব্যাকরণাদিতে ত কৃতবিজ্ঞ হইলাম। এক্ষণে কিঞ্চিৎ স্মৃতি পাঠ করা আবশ্যক। শুনিয়াছি, অভিরাম স্বামী বড় পণ্ডিত, তিনি ব্যতীত আমাকে শিক্ষা দেয়, এমন লোক আর নাই, অতএব তাঁহার নিকটে গিয়া কিছু স্মৃতি শিক্ষা করা উচিত।” এই স্থির করিয়া দিগ্‌গজ দুর্গমধ্যে অধিষ্ঠান করিলেন। অভিরাম স্বামী অনেককে শিক্ষা দিতেন; কাহারও প্রতি বিরক্ত ছিলেন না। দিগ্‌গজ কিছু শিখুক বা না শিখুক, অভিরাম স্বামী তাহাকে পাঠ দিতেন।

গজপতি ঠাকুর কেবল বৈয়াকরণ আর স্মার্ত নহেন; একটু আলঙ্কারিক, একটু একটু রসিক, ঘৃতভাণ্ড তাহার পরিচয়ের স্থল। তাঁহার রসিকতার আড়ম্বরটা কিছু আশমানির প্রতি গুরুতর হইত; তাহার কিছু গুঢ় তাৎপর্য্যও ছিল। গজপতি মনে করিতেন, “আমার তুল্য ব্যক্তির ভারতে কেবল লীলা করিতে আসা; এই আমার শ্রীবৃন্দাবন, আশমানি

আমার রাধিকা।” আশমানিও রসিকা ; মদনমোহন পাইয়া বানর-পোষার সাধ মিটাইয়া লইত। বিমলাও সন্ধান পাইয়া কখনও বানর নাচাইতে যাইতেন। দিগ্গজ মনে করিতেন, “এই আমার চন্দ্রাবলী জুটিয়াছে ; না হবে কেন ? যে ঘৃতভাণ্ড ঝাড়িয়াছি ; ভাগ্যে বিমলা জানে না, ওটি আমার শোনা কথা।”

ষাদশ পরিচ্ছেদ : আশমানির অভিসার

দিগ্গজ গজপতির মনোমোহিনী আশমানি কিরূপ রূপবতী, জানিতে পাঠক মহাশয়ের কোঁতুহল জন্মিয়াছে সন্দেহ নাই। অতএব তাঁহার সাধ পূরাইব। কিন্তু স্ত্রীলোকের রূপবর্ণনবিষয়ে গ্রন্থকারগণ যে পদ্ধতি অবলম্বন করিয়া থাকেন, আমার সদৃশ অকিঞ্চন জনের তৎপদ্ধতি-বহির্ভূত হওয়া অতি ধৃষ্টতার বিষয়। অতএব প্রথমে মঙ্গলাচরণ করা কর্তব্য।

হে বাগ্‌দেবি ! হে কমলাসনে ! শরদিন্দুনিভাননে ! অমলকমল-দলিনিন্দিত-চরণ-ভক্তজন-বৎসলে ! আমাকে সেই চরণকমলের ছায়া দান কর ; আমি আশমানির রূপ বর্ণন করিব। হে অরবিন্দানন-মুন্দরীকুল-গব্ব'খব্ব'কারিণি ! হে বিশাল রসাল দীর্ঘ-সমাস-পটল-সৃষ্টিকারিণি ! একবার পদনখের এক পার্শ্বে স্থান দাও, আমি রূপ বর্ণন করিব। সমাস-পটল, সন্ধি-বেগুন, উপমা-কাঁচকলার চড়চড়ি রাঁধিয়া এই থিচুড়ি তোমায় ভোগ দিব। হে পণ্ডিতকুলেঙ্গিত-পয়ঃপ্রস্রবিণি ! হে মূৰ্খজনপ্রতি কচিং কৃপাকারিণি ! হে অঙ্গুলি-কণ্ঠয়ন-বিষমবিকার সমুৎপাদিনি ! হে বটতলা-বিত্তাপ্রদীপ-তৈলপ্রদায়িনি ! আমার বুদ্ধির প্রদীপ একবার উজ্জ্বল করিয়া দিয়া যাও। মা ! তোমার ছই রূপ ; যে রূপে তুমি কালিদাসকে বরপ্রদা হইয়াছিলে, যে প্রকৃতির প্রভাবে রঘুবংশ, কুমার-সম্ভব, মেঘদূত, শকুন্তলা জন্মিয়াছিল, যে প্রকৃতির ধ্যান করিয়া বাল্মিকী রামায়ণ, ভবভূতি উত্তররামচরিত, ভারবি কিরাতার্জুনীয় রচনা করিয়া-ছিলেন, সে রূপে আমার স্বন্ধে আরোহণ করিয়া পীড়া জন্মাইও না ; যে

মূর্তি ভাবিয়া ত্রীর্ষ নৈষধ লিখিয়াছিলেন, যে প্রকৃতিপ্রসাদে ভারতচন্দ্র
 বিজ্ঞার অপূৰ্ব রূপবর্ণন করিয়া বঙ্গদেশের মনোমোহন করিয়াছেন, যাহার
 প্রসাদে দাসরথি রায়ের জন্ম, যে মূর্তিতে আজও বটতলা আলো করিতেছে,
 সেই মূর্তিতে একবার আমার স্বন্ধে আবির্ভূত হও, আমি আশমানির রূপ
 বর্ণন করি ।

আশমানির বেগীর শোভা ফণিনীর গায় ; ফণিনী সেই তাপে মনে
 ভাবিল, যদি বেগীর কাছে পরাস্ত হইলাম, তবে আর এ দেহ লোকের
 কাছে লইয়া বেড়াইবার প্রয়োজনটা কি ! আমি গর্ভে যাই । এই
 ভাবিয়া সাপ গর্ভের ভিতর গেলেন । ব্রহ্মা দেখিলেন প্রমাদ ; সাপ গর্ভে
 গেলেন, মানুষ দংশন করে কে ? এই ভাবিয়া তিনি সাপকে ল্যাজ
 ধরিয়া টানিয়া বাহির করিলেন, সাপ বাহিরে আসিয়া, আবার মুখ
 দেখাইতে হইল, এই ক্ষোভে মাথা কুটিতে লাগিল, মাথা কুটিতে কুটিতে
 মাথা চেষ্টা হইয়া গেল, সেই অবধি সাপের ফণা হইয়াছে । আশমানির
 মুখচন্দ্র অধিক সুন্দর, সুতরাং চন্দ্রদেব উদিত হইতে না পারিয়া ব্রহ্মার
 নিকট নালিশ করিলেন । ব্রহ্মা কহিলেন, ভয় নাই, তুমি গিয়া উদিত
 হও, আজি হইতে স্ত্রীলোকদিগের মুখ আবৃত হইবে ; সেই অবধি
 ঘোমটার সৃষ্টি । নয়ন ছুটি যেন খঞ্জন, পাছে পাখী ডানা বাহির করিয়া
 উড়িয়া পলায়, এই জন্ত বিধাতা পল্লবরূপ পিঁজরার কবাট করিয়া
 দিয়াছেন । নাসিকা গরুড়ের নাসার গায় মহাবিশাল ; দেখিয়া গরুড়
 আশঙ্কায় বৃক্ষারোহণ করিল, সেই অবধি পক্ষিকুল বৃক্ষের উপরেই থাকে ।
 কারণান্তরে দাড়িম্ব বঙ্গদেশ ছাড়িয়া পাটনা অঞ্চলে পলাইয়া রহিলেন ;
 আর হস্তী কুম্ভ লইয়া ব্রহ্মদেশে পলাইলেন ; বাকি ছিলেন ধবলগিরি,
 তিনি দেখিলেন যে, আমার চূড়া কতই বা উচ্চ. আড়াই ক্রোশ বই ত
 নয়, এ চূড়া অনূন তিন ক্রোশ হইবেক ; এই ভাবিতে ভাবিতে ধবল-
 গিরির মাথা গরম হইয়া উঠিল, বরফ ঢালিতে লাগিলেন, তিনি সেই
 অবধি মাথায় বরফ দিয়া বসিয়া আছেন ।

কপালের লিখন দোষে আশমানি বিধবা ! আশমানি দিগ্গজের
 কুটারে আসিয়া দেখিল যে, কুটারের দ্বার রুদ্ধ, ভিতরে প্রদীপ

অলিতেছে। ডাকিল, “ও ঠাকুর !”

কেউ উত্তর দিল না।

“বলি ও গোসাই !”

উত্তর নাই।

“মন্ বিটলে কি করিতেছে ? ও রসিকরাজ রসোপাধ্যায় প্রভু !”

উত্তর নাই।

আশমানি কুটারের দ্বারের ছিদ্র দিয়া উকি মারিয়া দেখিল, ব্রাহ্মণ আহারে বসিয়াছে, এই জন্য কথা নাই, কথা কহিলে ব্রাহ্মণের আহার হয় না। আশমানি ভাবিল, “ইহার আবার নিষ্ঠা ; দেখি দেখি, কথা কহিয়া আবার খায় কি না।”

“বলি ও রসিকরাজ !”

উত্তর নাই।

“ও রসরাজ !”

উত্তর। “হুম্।”

বামুন ভাত গালে করিয়া উত্তর দিতেছে, ও ত কথা হলো না—এই ভাবিয়া আশমানি কহিল, “ও রসমানিক !”

উত্তর। “হুম্।”

আ। বলি কথাই কও না, খেও এর পরে।

উত্তর। “হ-উ-উম্ !”

আ। বটে, বামুন হইয়া এই কাজ—আমি স্বামিঠাকুরকে বলে দেব, ঘরের ভিতর কে ও ?

ব্রাহ্মণ সশঙ্কচিত্তে শূন্য ঘরের চতুর্দিক্ নিরীক্ষণ করিতে লাগিল। কেহ নাই দেখিয়া পুনর্ব্বার আহার করিতে লাগিল।

আশমানি বলিল, “ও মাগি যে জেতে চাঁড়াল। আমি যে চিনি !”

দিগ্‌গজের মুখ শুকাইল। বলিল, “কে চাঁড়াল ? ছুঁয়া পড়েনি ত ?”

আশমানি আবার কহিল, “ও, আবার খাও যে ? কথা কহিয়া

আবার খাও ?”

দি। কই, কখন কথা কহিলাম ?

আশমানি খিল খিল করিয়া হাসিয়া উঠিল, বলিল, “এই ত কহিলে।”

দি। বটে, বটে, বটে, তবে আর খাওয়া হইল না।

আ। হাঁ ত ; উঠে আমায় দ্বার খুলে দাও।

আশমানি হিড় হইতে দেখিতেছিল, ব্রাহ্মণ যথার্থই অন্নত্যাগ করিয়া উঠে। কহিল, “না, না, ও কয়টি ভাত খাইয়া উঠিও।”

দি। না, আর খাওয়া হইবে না, কথা কহিয়াছি।

আ। সে কি ? না খাও ত আমার মাথা খাও।

দি। রাধে মাধব ! কথা কহিলে কি আর আহার করিতে আছে ?

আ। বটে, তবে আমি চলিলাম ; তোমার সঙ্গে আমার অনেক মনের কথা ছিল, কিছুই বলা হইল না। আমি চলিলাম।

দি। না, না, আশমান ! তুমি রাগ করিও না ; আমি এই খাইতেছি।

ব্রাহ্মণ আবার খাইতে লাগিল ; দুই তিন গ্রাস আহার করিবামাত্র আশমানি কহিল, “উঠ, হইয়াছে ; দ্বার খোল।”

দি। এই কটা ভাত খাই।

আ। এ যে পেট আর ভরে না ; উঠ নহিলে কথা কহিয়া ভাত খাইয়ছ, বলিয়া দিব।

দি। আঃ, নাও ; এই উঠিলাম।

ব্রাহ্মণ অতি ক্ষুণ্ণমনে অন্নত্যাগ করিয়া, গণ্ডূষ করিয়া উঠিয়া দ্বার খুলিয়া দিল।

ত্রয়োদশ পরিচ্ছেদ : আশমানির প্রেম

দ্বার খুলিলে আশমানি গৃহে প্রবেশ করিবামাত্র দিগ্‌গজের স্বর্দোধ হইল যে, প্রণয়িনী আসিয়াছেন, ইহার সরস অভ্যর্থনা করা চাই, অতএব

হস্ত উন্মোচন করিয়া কহিলেন, “ওঁ আয়াহি বরদে দেবি !”

আশমানি কহিল, “এটি যে বড় সরস কবিতা, কোথা পাইলে ?”

দি। তোমার জন্ত এটি আজ রচনা করিয়া রাখিয়াছি।

আ। সাধ করিয়া কি তোমায় রসিকরাজ বলেছি ?

দি। সুন্দরি ! তুমি বইস ; আমি হস্ত প্রক্ষালন করি।

আশমানি মনে মনে কহিল, “আলোপ্নেয়ে ! তুমি হাত ধোবে ?
আমি তোমাকে ঐ এঁটো আবার খাওয়াব।”

প্রকাশে কহিল, “সে কি, হাত ধোও যে, ভাত খাবে না ?”

গজপতি কহিলেন, “সে কি কথা, ভোজন করিয়া উঠিয়াছি, আবার
ভাত খাব কিরূপে ?”

আ। কেন, তোমার ভাত রহিয়াছে যে ? উপবাস করিবে ?

দিগ্‌গজ কিছু ক্ষুণ্ণ হইয়া কহিলেন, “কি করি, তুমি তাড়াতাড়ি
কবিলে।” এই বলিয়া সতৃষ্ণনয়নে অন্নপানে দৃষ্টিপাত করিতে
লাগিলেন।

আশমানি কহিল, “তবে আবার খাইতে হইবে।”

দি। রাধে মাধব ! গণ্ডুষ করিয়াছি, গাত্রোত্থান করিয়াছি, আবার
খাইব ?

“হাঁ, খাইবে বই কি। আমারই উৎসৃষ্ট খাইবে।” এই বলিয়া
আশমানি ভোজনপাত্র হইতে এক গ্রাস অন্ন লইয়া আপনি খাইল।

ব্রাহ্মণ অবাক হইয়া রহিলেন।

আশমানি উৎসৃষ্ট অন্ন ভোজনপাত্রে রাখিয়া কহিল, “খাও।”

ব্রাহ্মণের বাঙ্‌নিষ্পত্তি নাই।

আ। খাও, শোন, কাহাকে বলিব না যে, তুমি আমার উৎসৃষ্ট
খাইয়াছ। কেহ না জানিতে পারিলে দোষ কি ?

দি। তাও কি হয় ?

কিন্তু দিগ্‌গজের উদরমধ্যে অগ্নিদেব প্রচণ্ড জ্বালায় জ্বলিতেছিলেন।
দিগ্‌গজ মনে মনে কহিতেছিলেন যে, আশমানি যেমন সুন্দর হউক না
কেন, পৃথিবী ইহাকে গ্রাস করুন, আমি গোপনে ইহার উৎসৃষ্টাবশেষ

ভোজন করিয়া দহমান উদর শীতল করি ।

আশমানি ভাব বুঝিয়া বলিল, “খাও —না খাও, একবার পাতের কাছে বসো ।”

দি । কেন ? তাতে কি হইবে ?

আ । আমার সাধ । তুমি কি আমার একটা সাধ পূবাইতে পার না ?

দিগ্‌গজ বলিলেন, “শুধু পাতের কাছে বসিতে কি ? তাহাতে কোন দোষ নাই । তোমাব কথা রাখিলাম ।” এই বলিয়া দিগ্‌গজ পণ্ডিত আশমানিব কথায় পাতের কাছে গিয়া বসিলেন । উদরে ক্ষুধা, কোলে অন্ন অথচ খাইতে পাবিতেছেন না—দিগ্‌গজের চক্ষে জল আসিল ।

আশমানি বলিল, “শূদ্রের উৎসৃষ্ট ব্রাহ্মণে ছুঁলে কি হয় ?”

পণ্ডিত বলিলেন, “নাইতে হয় ।”

আ । তুমি আমায় কেমন ভালবাস, আজ বুঝিয়া পড়িয়া তবে আমি যাব । তুমি আমার কথায় এই রাত্রে নাইতে পার ?

দিগ্‌গজ মহাশয় ক্ষুদ্র ক্ষুদ্র চক্ষু রসে অর্ধ মুদ্রিত করিয়া দীর্ঘ নাসিকা বাঁকাইয়া মধুর হাসি আকর্ণ হাসিয়া বলিলেন, “তার কথা কি ? এখনই নাইতে পারি ।”

আশমানি বলিল, “আনার ইচ্ছা হইয়াছে তোমার পাত্রে প্রসাদ পাইব ! তুমি আপন হাতে আমাকে দুইটি ভাত মাখিয়া দাও ।”

দিগ্‌গজ বলিল, “তার আশ্চর্য্য কি ? জানেই শুচি ।” এই বলিয়া উৎসৃষ্টাবশেষ একত্রিত করিয়া মাখিতে লাগিল ।

আশমানি বলিল, “আমি একটি উপকথা বলি শুন । যতক্ষণ আমি উপকথা বলিব, ততক্ষণ তুমি ভাত মাখিবে, নইলে আমি খাইব না ।”

দি । আচ্ছা ।

আশমানি এক রাজা আর তাহার দুয়ো গুয়ো দুই রাণীর গল্প আরম্ভ করিল । দিগ্‌গজ হাঁ করিয়া তাহার মুখপানে চাহিয়া শুনিতে লাগিল—
আর ভাত মাখিতে লাগিল ।

শুনিতে শুনিতে দিগ্‌গজের মন আশমানির গল্পে ডুবিয়া গেল—
 আশমানির হাসি, চাহনি ও নথের মাঝখানে আটকাইয়া রহিল। ভাত
 মাখা বন্ধ হইল—পাতে হাত লাগিয়া রহিল—কিন্তু ক্ষুধার যাতনাটা
 আছে। যখন আশমানির গল্প বড় জমিয়া আসিল—দিগ্‌গজের মন
 তাহাতে বড়ই নিবিষ্ট হইল—তখন দিগ্‌গজের হাত বিশ্বাসঘাতকতা
 করিল। পাত্রস্থ হাত, নিকটস্থ মাখা ভাতের গ্রাস তুলিয়া, চুপি চুপি
 দিগ্‌গজের মুখে লইয়া গেল। মুখ হাঁ করিয়া তাহা গ্রহণ করিল। দম্ভ
 বিনা আপত্তিতে তাহা চর্ব্বণ করিতে আরম্ভ করিল। রসনা তাহা
 গলাধঃকরণ করাইল। নিরীহ দিগ্‌গজের কোন সাড়া ছিল না। দেখিয়া
 আশমানি খিল খিল করিয়া হাসিয়া উঠিল। বলিল, “তবে রে বিট্লে—
 আমার এঁটো না কি খাবি নে?”

তখন দিগ্‌গজের চেতনা হইল। তাড়াতাড়ি আর এক গ্রাস মুখে
 দিয়া গিলিতে গিলিতে এঁটো হাতে আশমানির পায়ে জড়াইয়া পড়িল।
 চর্ব্বণ করিতে করিতে কাঁদিয়া বলিল, “আমায় রাখ; আশমান!
 কাহাকেও বলিও না।”

চতুর্দশ পরিচ্ছেদ : দিগ্‌গজহরণ

এমন সময় বিমলা আসিয়া, বাহির হইতে দ্বার নাড়িল। বিমলা
 পার্শ্বদ্বার হইতে অলক্ষ্যে সকল দেখিতেছিল। দ্বারের শব্দ শুনিয়া
 দিগ্‌গজের মুখ শুকাইল। আশমানি বলিল, “কি সর্ব্বনাশ, বিমলা
 আসিতেছে—লুকোও লুকোও।”

দিগ্‌গজ ঠাকুর কাঁদিয়া কহিল, “কোথায় লুকাইব?”

আশমানি বলিল, “ঐ অন্ধকার কোণে একটা কেলে-হাঁড়ি মাথায়
 দিয়া বসো গিয়া—অন্ধকারে ঠাণ্ডর পাইবে না।” দিগ্‌গজ তাহাই
 করিতে গেল—আশমানির বুদ্ধির তীক্ষ্ণতায় বিস্মিত হইল। চূর্ভাগ্যবশতঃ
 তাড়াতাড়িতে ব্রাহ্মণ একটা অড়হর ডালের হাঁড়ি পাড়িয়া মাথায় দিল—
 তাহাতে আধ হাঁড়ি রাখা অড়হর ডাল ছিল—দিগ্‌গজ যেমন হাঁড়ি

উল্টাইয়া মাথায় দিবেন, অমনি মস্তক হইতে অড়হর ডালের শতধারা বহিল—টিকি দিয়া অড়হর ডালের শ্রোত নামিল—স্কন্ধ, বক্ষ, পৃষ্ঠ ও বাহু হইতে অড়হর ডালের ধারা পর্বর্ত হইতে ভূতলগামিনী নদীসকলের ত্রায় তরঙ্গে তরঙ্গে নামিতে লাগিল ; উচ্চ নাসিকা অড়হরের প্রশ্রবণবিশিষ্ট গিরিশৃঙ্গের ত্রায় শোভা পাইতে লাগিল । এই সময়ে বিমলা গৃহপ্রবেশ করিয়া দিগ্গজের শোভারানি সন্দর্শন করিতে লাগিলেন । দিগ্গজ বিমলাকে দেখিয়া কাঁদিয়া উঠিল । দেখিয়া বিমলার দয়া হইল । বিমলা বলিলেন, “কাঁদিও না । তুমি যদি এই অবশিষ্ট ভাতগুলি খাও, তবে আমরা কাহারও সাক্ষাতে এ সকল কথা বলিব না ।”

ব্রাহ্মণ তখন প্রফুল্ল হইল ; প্রফুল্ল বদনে পুনশ্চ আহারে বসিল—ইচ্ছা, অঙ্গের অড়হর ডালটুকুও মুছিয়া লয়, কিন্তু তাহা পারিল না, কিংবা সাহস করিল না । আশমানির জন্ত যে ভাত মাখিয়াছিল, তাহা খাইল । বিনষ্ট অড়হরের জন্ত অনেক পরিতাপ করিল । আহার সমাপনান্তে আশমানি তাহাকে স্নান করাইল । পরে ব্রাহ্মণ স্থির হইলে বিমলা কহিলেন, “রসিক ! একটা বড় ভারি কথা আছে ।”

রসিক কহিলেন, “কি ?”

বি । তুমি আমাদের ভালবাস ?

দি । বাসি নে ?

বি । ছুই জনকেই ?

দি । ছুইজনকেই ।

বি । যা বলি, তা পারিবে ?

দি । পারিব না ?

বি । এখনই ?

দি । এখনই ।

বি । এই দণ্ডে ?

দি । এই দণ্ডে ।

বি । আমরা দুজনে কেন এসেছি জান ?

দি । না ।

আশমানি কহিল, “আমরা তোমার সঙ্গে পলাইয়া যাব।”

ব্রাহ্মণ অবাক হইয়া হাঁ করিয়া রহিলেন। বিমলা কষ্টে উচ্চ হাসি সম্বরণ করিলেন। কহিলেন, “কথা কও না যে?”

“অ্যা অ্যা, তা তা তা তা”—বাঙ্‌নিষ্পত্তি হইয়া উঠিল না।

আশমানি কহিল, “তবে কি পারিবে না?”

“অ্যা অ্যা অ্যা, তা তা—স্বামিঠাকুরকে বলিয়া আসি।”

বিমলা কহিলেন, “স্বামিঠাকুরকে আবার বলবে কি? এ কি তোমার মাতৃশ্রদ্ধ উপস্থিত যে স্বামিঠাকুরের কাছে ব্যবস্থা নিতে যাবে?”

দি। ন', না, তা যাব না; তা কবে যেতে হবে?

বি। করে? এখনই চল, দেখিতেছ না, আমি গহনাপত্র লইয়া বাহির হইয়াছি।

দি। এখনই?

বি। এখনই না ত কি? নহিলে বল, আমরা অণ্ড লোকের তল্লাস করি।

গজপতি আর থাকিতে পারিলেন না, বলিলেন, “চল, যাইতেছি।”

বিমলা বলিলেন, “দোছোট লও।”

দিগ্‌গজ নামাবলী গায়ে দিলেন। বিমলা অগ্রে, ব্রাহ্মণ পশ্চাতে যাত্রা করেন, এমন সময়ে দিগ্‌গজ বলিলেন, “সুন্দরি!”

বি। কি?

দি। আবার আসিবে কবে?

বি। আসিব কি আবার? একেবারে চলিলাম।

হাসিতে দিগ্‌গজের মুখ পরিপূর্ণ হইল, বলিলেন, “তৈজসপত্র রাখিল যে।”

বি। ও সব তোমায় কিনে দিব।

ব্রাহ্মণ কিছু ক্ষুণ্ণ হইলেন; কি করেন, স্ত্রীলোকেরা মনে করিবে, আমাদের ভালবাসে না, অভাবপক্ষে বলিলেন, “খুঙ্গীপুতি?”

বিমলা বলিলেন, “শীঘ্র লও।”

বিজ্ঞাদিগ্‌গজের সবে দুখানি পুতি,—ব্যাকরণ আর একখানি স্মৃতি।

ব্যাকরণখানি হস্তে লইয়া বলিলেন, “এখানিতে কাজই বা কি, এ ত আমার কণ্ঠে আছে।” এই বলিয়া কেবল স্মৃতিখানি খুঁজির মধ্যে লইলেন। ‘দুর্গা ত্রীহরি’ বলিয়া বিমলা ও আশমানির সহিত যাত্রা করিলেন।

আশমানি কহিল, “তোমরা আগু হও, আমি পশ্চাৎ যাইতেছি।”

এই বলিয়া আশমানি গৃহে গেল, বিমলা ও গজপতি একত্র চলিলেন। অন্ধকারে উভয়ে অলক্ষ্য থাকিয়া দুর্গদ্বারের বাহির হইলেন। কিয়দূর গমন করিয়া দিগ্‌গজ কহিলেন, “কই, আশমানি আসিল না?”

বিমলা কহিলেন, “সে বুঝি আসিতে পারিল না। আবার তাকে কেন?”

রসিকরাজ নীরব হইয়া রহিলেন। ক্ষণেক পরে নিশ্বাস ত্যাগ করিয়া কহিলেন, “তৈজসপত্র।”

পঞ্চদশ পরিচ্ছেদ : দিগ্‌গজের সাহস

বিমলা দ্রুতপাদবিক্ষেপে শীঘ্র মান্দারণ পশ্চাৎ করিলেন। নিশা অত্যন্ত অন্ধকার, নক্ষত্রালোকে সাবধানে চলিতে লাগিলেন। প্রাস্তুরপথে প্রবেশ করিয়া বিমলা কিঞ্চিৎ শঙ্কান্বিতা হইলেন; সমভিব্যাহারী নিঃশব্দে পশ্চাৎ পশ্চাৎ আসিতেছেন, বাক্যব্যয়ও নাই। এমন সময়ে মনুষ্যের কণ্ঠস্বর শুনিলে কিছু সাহস হয়, শুনিতে ইচ্ছাও করে। এই জন্ত বিমলা গজপতিকে জিজ্ঞাসা করিলেন, “রসিকরতন! কি ভাবিতেছ?”

রসিকরতন বলিলেন, “বলি তৈজসপত্রগুলো!”

বিমলা উত্তর না দিয়া, মুখে কাপড় দিয়া হাসিতে লাগিলেন।

ক্ষণেক কাল পরে, বিমলা আবার কথা কহিলেন, “দিগ্‌গজ, তুমি ভূতের ভয় কর?”

“রাম! রাম! রাম! রামনাম বল” বলিয়া দিগ্‌গজ বিমলার পশ্চাতে দুই হাত সরিয়া আসিলেন।

একে পায়, আরে চায়। বিমলা কহিলেন, “এ পথে বড় ভুতের দৌরাণ্ড্য।” দিগ্গজ আসিয়া বিমলার অঞ্চল ধরিলেন। বিমলা বলিতে লাগিলেন, “আমরা সেদিন শৈলেশ্বরের পূজা দিয়া আসিতে-ছিলাম, পথের মধ্যে বটতলায় দেখি যে এক বিকটাকার মূর্তি।”

অঞ্চলের তাড়নায় বিমলা জানিতে পারিলেন যে, ব্রাহ্মণ থরহরি কাঁপিতেছে; বুঝিলেন যে, ‘আর অধিক বাড়াবাড়ি করিলে ব্রাহ্মণের গতিশক্তি রহিত হইবে। অতএব ক্ষান্ত হইয়া কহিলেন, “রসিকরাজ! তুমি গাইতে জান?”

রসিক পুরুষ কে কেথায় সঙ্গীতে অপটু? দিগ্গজ বলিলেন, “জানি বৈ কি।”

বিমলা বলিলেন, “একটি গীত গাও দেখি।”

দিগ্গজ আরম্ভ করিলেন,

“এ হুম্—উ হুম্—

সই, কি ক্ষণে দেখিলাম শ্রামে কদম্বেরি ডালে।”

পথের ধারে একটা গাভী শয়ন করিয়া রোমন্থণ করিতেছিল, অলৌকিক শব্দ শুনিয়া বেগে পলায়ন করিল।

রসিকের গীত চলিতে লাগিল।

“সেই দিন পুড়িল কপাল মোর—

কালি দিলাম কুলে।

মাথায় চূড়া, হাতে বাঁশী কথা কয় হাসি হাসি ;

বলে, ও গোয়ালা মাসী—কলসী দিব ফেলে।”

দিগ্গজের আর গান হইল না; হঠাৎ তাঁহার শ্রবণেন্দ্রিয় একেবারে মুগ্ধ হইয়া গেল; অমৃতময় মানসোন্মাদকর, অপ্সরাহস্তস্থিত বীণাশব্দবৎ মধুর সঙ্গীতধ্বনি তাঁহার কর্ণকুহরে প্রবেশ করিল। বিমলা নিজে পূর্ণস্বরে সঙ্গীত আরম্ভ করিয়াছিলেন।

নিস্তরু প্রান্তরমধ্যে নৈশ গগন ব্যাপিয়া সেই সপ্তস্বরপরিপূর্ণ ধ্বনি উঠিতে লাগিল। শীতল নৈদাঘ পবনে ধ্বনি আরম্ভ করিয়া চলিল।

দিগ্গজ নিশ্বাস রহিত করিয়া শুনিতে লাগিলেন। যখন বিমলা

সমাপ্ত করিলেন, তখন গজপতি কহিলেন, “আবার ।”

বি। আবার কি ?

দি। আবার একটি গাও ।

বি। কি গায়িব ?

দি। একটি বাঙলা গাও ।

“গায়িতেছি” বলিয়া বিমলা পুনর্ব্বার সঙ্গীত আরম্ভ করিলেন ।

গীত গায়িতে গায়িতে বিমলা জানিতে পারিলেন যে, তাঁহার অঞ্চলে বিষম টান পড়িয়াছে ; পশ্চাৎ ফিরিয়া দেখিলেন, গজপতি একেবারে তাঁহার গায়ের উপর আসিয়া পড়িয়াছেন, প্রাণপণে তাঁহার অঞ্চল ধরিয়াছেন । বিমলা বিস্ময়াপন্ন হইয়া কহিলেন, “কি হইয়াছে ? আবার ভূত না কি ?”

ব্রাহ্মণের বাক্য সরে না, কেবল অঙ্গুলি নির্দেশ করিয়া দেখাইলেন, “ঐ ।”

বিমলা নিস্তব্ধ হইয়া সেই দিকে নিরীক্ষণ করিতে লাগিলেন । ঘন ঘন প্রবল নিশ্বাসশব্দ তাঁহার কর্ণকুহরে প্রবেশ করিল, এবং নির্দিষ্ট দিকে পথপার্শ্বে একটা পদার্থ দেখিতে পাইলেন ।

সাহসে নির্ভর করিয়া নিকটে গিয়ে বিমলা দেখিলেন, একটি সুগঠন সুসজ্জীভূত-অশ্ব মৃত্যুযাতনায় পড়িয়া নিশ্বাস ত্যাগ করিতেছে ।

বিমলা পথ বাহন করিতে লাগিলেন । সুসজ্জীভূত সৈনিক-অশ্ব পশ্চিমমুখে মুমূর্ষু অবস্থায় দেখিয়া তিনি চিন্তামগ্ন হইলেন । অনেকক্ষণ কথা কহিলেন না । প্রায় অর্ধ ক্রোশ অতিবাহিত করিলে, গজপতি আবার তাঁহার অঞ্চল ধরিয়া টানিলেন ।

বিমলা বলিলেন, “কি ?”

গজপতি একটি দ্রব্য লইয়া দেখাইলেন । বিমলা দেখিয়া বলিলেন, “এ সিপাহির পাগড়ি ।” বিমলা পুনর্ব্বার চিন্তায় মগ্ন হইলেন, আপন আপনি কহিতে লাগিলেন, “যারই ঘোড়া, তারই পাগড়ি ? না, এ ও পদাতিকের পাগড়ি ।”

কিয়ৎক্ষণ পরে চন্দ্রোদয় হইল । বিমলা অধিকতর অস্থমনা

হইলেন। অনেকক্ষণ পরে গজপতি সাহস করিয়া জিজ্ঞাসা করিলেন,
“সুন্দরি, আর কথা কহ না যে ?”

বিমলা কহিলেন, “পথে কিছু চিহ্ন দেখিতেছ ?”

গজপতি বিশেষ মনোযোগের সহিত পথ নিরীক্ষণ করিয়া দেখিয়া
কহিলেন, “দেখিতেছি, অনেক ঘোড়ার পায়ের চিহ্ন।”

বি। বুদ্ধিমান—কিছু বুঝিতে পারিলে ?

দি। না।

বি। ওখানে মরা ঘোড়া, সেখানে সিপাহির পাগড়ি, এখানে
এত ঘোড়ার পায়ের চিহ্ন, এতে কিছু বুঝিতে পারিলে না ?—কারেই
বা বলি !

দি। কি ?

বি। এখনই বহুতর সেনা এই পথে গিয়াছে।

গজপতি ভীত হইয়া কহিলেন, “তবে একটু আশ্বে হাঁট ; তারা খুব
আগু হইয়া যাক।”

বিমলা হাস্ত করিয়া বলিলেন, “মূর্থ ! তাহারা আগু হইবে কি ?
কোন দিকে ঘোড়ার খুরের সম্মুখ দেখিতেছ না ? এ সেনা গড়
মান্দারণে গিয়াছে” বলিয়া বিমলা বিমর্ষ হইয়া রহিলেন।

অচিরে শৈলেশ্বরের মন্দিরের ধ্বল শ্রী নিকটে দেখিতে পাইলেন।
বিমলা ভাবিলেন যে, রাজপুত্রের সহিত ব্রাহ্মণের সাক্ষাতের কোন
প্রয়োজন নাই ; বরং তাহাতে অনিষ্ট আছে। অতএব কি প্রকারে
তাহাকে বিদায় দিবেন, চিন্তা করিতেছিলেন। গজপতি নিজেই তাহার
স্মৃচনা করিয়া দিলেন।

ব্রাহ্মণ পুনর্ব্বার বিমলার পৃষ্ঠের নিকট আসিয়া অঞ্চল ধরিয়াছেন ;
বিমলা জিজ্ঞাসা করিলেন, “আবার কি ?”

ব্রাহ্মণ অক্ষুট স্বরে কহিলেন, “সে কত দূর ?”

বি। কি কত দূর ?

দি। সেই বটগাছ ?

বি। কোন বটগাছ ?

দি। যেখানে তোমরা সেদিন দেখেছিলে ?

বি। কি দেখেছিলাম ?

দি। রাত্রিকালে নাম করতে নাই।

বিমলা বুঝিতে পারিয়া স্মৃযোগ পাইলেন।

গম্ভীর স্বরে বলিলেন, “ইঃ !”

ব্রাহ্মণ অধিকতর ভীত হইয়া কহিলেন, “কি গা ?”

বিমলা অক্ষুট স্বরে শৈলেশ্বরনিকটস্থ বটবৃক্ষের প্রতি অঙ্গুলি নির্দেশ করিয়া কহিলেন, “সে ঐ বটতলা।”

দিগ্‌গজ আর নড়িলেন না ; গতিশক্তিরহিত, অস্থখপত্রের ন্যায় কাঁপিতে লাগিলেন।

বিমলা বলিলেন, “অইস।”

ব্রাহ্মণ কাঁপিতে কাঁপিতে কহিলেন, “আমি আর যাইতে পারিব না।”

বিমলা কহিলেন, “আমারও ভয় করিতেছে।”

ব্রাহ্মণ এই শুনিয়া পা ফিরাইয়া পলায়নোত্তত হইলেন।

বিমলা বৃক্ষপানে দৃষ্টি করিয়া দেখিলেন, বৃক্ষমূলে একটা ধবলাকার কি পদার্থ রহিয়াছে। তিনি জানিতেন যে, বৃক্ষমূলে শৈলেশ্বরের বাঁড় শুইয়া থাকে ; কিন্তু গজপতিকে কহিলেন, “গজপতি ! ইষ্টদেবের নাম জপ ; বৃক্ষমূলে কি দেখিতেছ ?”

“ও গো—বাবা গো—” বলিয়াই দিগ্‌গজ একেবারে চম্পট। দীর্ঘ দীর্ঘ চরণ—তিলার্ক মধ্যে অর্ধ ক্রোশ পার হইয়া গেলেন।

বিমলা গজপতির স্বভাব জানিতেন ; অতএব বেশ বুঝিতে পারিলেন যে, তিনি একেবারে ছুর্গ-দ্বাবে গিয়া উপস্থিত হইবেন।

বিমলা তখন নিশ্চিন্ত হইয়া মন্দিরাভিমুখে চলিলেন।

বিমলা সকল দিক্‌ ভাবিয়া আসিয়াছিলেন, কেবল একদিক ভাবিয়া আইসেন নাই ; রাজপুত্র মন্দিরে আসিয়াছেন কি ? মনে এইরূপ সন্দেহ জন্মিলে বিমলার বিষম ক্লেশ হইল। মনে করিয়া দেখিলেন যে, রাজপুত্র আসার নিশ্চিত কথা কিছুই বলেন নাই ; কেবল বলিয়াছিলেন

য, “এইখানে আমার সাক্ষাৎ পাইবে ; এখানে না দেখা পাও, তবে সাক্ষাৎ হইল না।” তবে ত না আসারও সম্ভাবনা।

যদি না আসিয়া থাকেন, তবে অত ক্লেশ বৃথা হইল। বিমলা বিষন্ন হইয়া আপনা আপনি কহিতে লাগিলেন, “এ কথা আগে কেন ভাবি নাই ? ব্রাহ্মণকেই বা কেন তাড়াইলাম ? একাকিনী এ রাত্রে কি প্রকারে ফিরিয়া যাইব ! শৈলেশ্বর ! তোমার ইচ্ছা।”

বটবৃক্ষতল দিয়া শৈলেশ্বর-মন্দিরে উঠিতে হয়। বিমলা বৃক্ষতল দিয়া যাইতে দেখিলেন যে, তথায় ষণ্ড নাই ; বৃক্ষমূলে যে ধবল পদার্থ দেখিয়া-ছিলেন, তাহা আর তথায় নাই। বিমলা কিঞ্চিৎ বিস্মিত হইলেন ; ষণ্ড কোথাও উঠিয়া গেলে প্রাস্তুর মধ্যে দেখা যাইত।

বিমলা বৃক্ষমূলের প্রতি বিশেষ দৃষ্টিপাত করিলেন ; বোধ হইল, যেন বৃক্ষের পশ্চাদিকস্থ কোন মনুষ্যের ধবল পরিচ্ছদের অংশমাত্র দেখিতে পাইলেন, সাতিশয় চঞ্চলপদে মন্দিরাভিমুখে চলিলেন ; সবলে কবাট করত্যাড়িত করিলেন।

কবাট বন্ধ। ভিতর হইতে গম্ভীর স্বরে প্রশ্ন হইল, “কে ?”

শূন্য মন্দিরমধ্যে হইতে গম্ভীর স্বরে প্রতিধ্বনি হইল, “কে ?”

বিমলা প্রাণপণে সাহসে ভর করিয়া কহিলেন, “পথ-শ্রান্ত স্ত্রীলোক।”

কবাট মুক্ত হইল।

দেখিলেন, মন্দিরমধ্যে প্রদীপ জ্বলিতেছে, সম্মুখে কৃপাণকোষ-হস্ত এক দীর্ঘাকার পুরুষ দণ্ডায়মান। বিমলা দেখিয়া চিনিলেন, কুমার জগৎসিংহ।

ষোড়শ পরিচ্ছেদ : শৈলেশ্বর সাক্ষাৎ

বিমলা মন্দিরমধ্যে প্রবেশ করিয়া প্রথমে বসিয়া একটু স্থির হইলেন। পরে নতভাবে শৈলেশ্বরকে প্রণাম করিয়া যুবরাজকে প্রণাম করিলেন। কিয়ৎক্ষণ উভয়েই নীরব হইয়া রহিলেন, কে কি বলিয়া আপন মনোগত ভাব ব্যক্ত করিবেন ? উভয়েরই সঙ্কট। কি বলিয়া

প্রথমে কথা কহিবেন ?

বিমলা এ বিষয়ের সন্ধিবিগ্রহে পণ্ডিতা, ঈষৎ হাস্য করিয়া বলিলেন
“যুবরাজ ! আজ শৈলেশ্বরের অনুগ্রহে আপনার দর্শন পাইলাম।
একাকিনী এ রাত্রে প্রাস্তুরমধ্যে আসিতে ভীতা হইয়াছিলাম, এক্ষণে
মন্দিরমধ্যে আপনার দর্শনে সাহস পাইলাম ।”

যুবরাজ কহিলেন, “তোমাদিগের মঙ্গল ত ?”

বিমলার অভিপ্রায়, প্রথমে জানেন,—রাজকুমার যথার্থ তিলোত্তমাতে
অমুরক্ত কি না, পশ্চাৎ অগ্নি কথা কহিবেন । এই ভাবিয়া বলিলেন
“যাহাতে মঙ্গল হয়, সেই প্রার্থনাতেই শৈলেশ্বরের পূজা করিতে
আসিয়াছি । এক্ষণে বুঝিলাম, আপনার পূজাতেই শৈলেশ্বর পরিতৃপ্ত
আছেন, আমার পূজা গ্রহণ করিবেন না, অনুমতি হয় ত প্রতিগমন
করি ।”

যুব । যাও । একাকিনী তোমার যাওয়া উচিত হয় না, আমি
তোমাকে রাখিয়া আসি ।

বিমলা দেখিলেন যে, রাজপুত্র যাবজ্জীবন কেবল অস্ত্র শিক্ষা করেন
নাঃ । বিমলা উত্তর করিলেন, “একাকিনী যাওয়া অনুচিত কেন ?”

যুব । পথে নানা ভীতি আছে ।

বি । তবে আমি মহারাজ মানসিংহের নিকটে যাইব ।

রাজপুত্র জিজ্ঞাসা করিলেন, “কেন ?”

বি । কেন ? তাঁহার কাছে নালিশ আছে । তিনি যে সেনাপতি
নিযুক্ত করিয়াছেন, তাঁহা কর্তৃক আমাদিগের পথের ভয় দূর হয় না ।
তিনি শত্রুনিপাতে অক্ষম ।

রাজপুত্র সহাস্তে উত্তর করিলেন, “সেনাপতি উত্তর করিবেন যে,
শত্রুনিপাত দেবের অসাধ্য, মনুষ্য কোন্ ছার ! উদাহরণ, স্বয়ং মহাদেব
তপোবনে মন্থথ শত্রুকে ভস্মরাশি করিয়াছিলেন ; অগ্নি পক্ষমাত্র হইল,
সেই মন্থথ তাঁহার এই মন্দিরমধ্যেও বড় দৌরাত্ম্য করিয়াছে ।”

বিমলা ঈষৎ হাসিয়া কহিলেন, “এত দৌরাত্ম্য কাহার প্রতি
হইয়াছে ?”

যুবরাজ কহিলেন, “সেনাপতির প্রতিই হইয়াছে।”

বিমলা, কহিলেন, “মহারাজ এমন অসম্ভব কথা বিশ্বাস করিবেন কন?”

যুব। আমার সাক্ষী আছে।

বি। মহাশয়, এমন সাক্ষী কে?

যুব। সুচরিত্রে—

রাজপুত্রের বাক্য শেষ না হইতে হইতে বিমলা কহিলেন, “দাসী মতি কুচরিত্রা। আমাকে বিমলা বলিয়া ডাকিবেন।”

রাজপুত্র বলিলেন, “বিমলাই তাহার সাক্ষী।”

বি। বিমলা এমত সাক্ষ্য দিবে না।

যুব। সম্ভব বটে; যে ব্যক্তি পক্ষমধ্যে আত্মপ্রতিশ্রুতি বিন্ধিতা হয়, সে কি সত্য সাক্ষ্য দিয়া থাকে?

বি। মহাশয়! কি প্রতিশ্রুত ছিলাম, স্মরণ করাইয়া দিন।

যুব। তোমার সখীর পরিচয়।

বিমল সহসা ব্যঙ্গপ্রিয়তা ত্যাগ করিলেন; গম্ভীরভাবে কহিলেন, ‘যুবরাজ! পরিচয় দিতে সঙ্কোচ হয়। পরিচয় পাইয়া আপনি যদি অসুখী হন?’

রাজপুত্র কিয়ৎক্ষণ চিন্তা করিলেন; তাঁহারও ব্যঙ্গাসক্ত ভাব দূর হইল; চিন্তা করিয়া বলিলেন, “বিমলে! যথার্থ পরিচয়ে কি আমার অসুখের কারণ আছে?”

বিমলা কহিলেন, “আছে!”

রাজপুত্র পুনরায় চিন্তামগ্ন হইলেন; ক্ষণ পরে কহিলেন, “যাহাই হউক, তুমি আমার মানস সফল কর; আমি যে অসহ্য উৎকণ্ঠা সহ্য করিতেছি, তাহার অপেক্ষা আর কিছুই অধিক অসুখের হইতে পারে না। তুমি যে শঙ্কা করিতেছ, যদি তাহা সত্য হয়, তবে সেও এ যন্ত্রণার অপেক্ষা ভাল; অস্তুঃকরণকে প্রবোধ দিবার একটা কথা পাই। বিমলে! আমি কেবল কৌতূহলী হইয়া তোমার সহিত সাক্ষাৎ করিতে আসি নাই; কৌতূহলী হইবার আমার এক্ষণে অবকাশ নাই; অল্প মাসার্দ্ধমধ্যে অশ্ব-

পৃষ্ঠ ব্যতীত অন্য শয্যায় বিশ্রাম করি নাই। আমার মন অত্যন্ত ব্যাকুল হইয়াছে বলিয়াই আসিয়াছি।”

বিমলা এই কথা শুনিবার জন্তই এত উত্তম করিতেছিলেন। আরও কিছু শুনিবার জন্ত কহিলেন, “যুবরাজ ! আপনি রাজনীতিতে বিচক্ষণ, বিবেচনা করিয়া দেখুন, এ যুদ্ধকালে কি আপনার দুঃপ্রাপ্য রমণীতে মনোনিবেশ করা উচিত ? উভয়ের মঙ্গলহেতু বলিতেছি, আপনি আমার সখীকে বিস্মৃত হইতে যত্ন করুন ; যুদ্ধের উৎসাহে অবশ্য কৃতকার্য হইবেন।”

যুবরাজের অধরে মনস্তাপ-ব্যঞ্জক হাস্য প্রকটিত হইল ; তিনি কহিলেন, “কাহাকে বিস্মৃত হইব ? তোমার সখীর রূপ একবার দর্শনই আমার হৃদয়মধ্যে গভীরতর অঙ্কিত হইয়াছে, এ হৃদয় দন্ধ না হইলে তাহা আর মিলায় না। লোকে আমার হৃদয় পাষণ বলিয়া থাকে, পাষণে যে মূর্ত্তি অঙ্কিত হয়, পাষণ নষ্ট না হইলে তাহা আর মিলায় না। যুদ্ধের কথা কি বলিতেছ, বিমলে ! আমি তোমার সখীকে দেখিয়া অবধি কেবল যুদ্ধেই নিযুক্ত আছি। কি রণক্ষেত্রে—কি শিবিরে. এক পল সে মুখ ভুলিতে পারি নাই ; যখন মস্তকচ্ছেদ করিতে পাঠান খড়্গ তুলিয়াছে, তখন মরিলে সে মুখ যে আর দেখিতে পাইব না, একবার ভিন্ন আর দেখা হইল না, সেই কথাই আগে মনে পড়িয়াছে। বিমলে ! কোথা গেলে তোমার সখীকে দেখিতে পাইব ?”

বিমলা আর শুনিয়া কি করিবেন ! বলিলেন, “গড় মান্দারগে আমার সখীর দেখা পাইবেন। তিলোত্তমা সুন্দরী বীরেন্দ্রসিংহের কন্যা।”

জগৎসিংহের বোধ হইল যেন তাঁহাকে কালসর্প দংশন করিল। তরবারে ভর করিয়া অধোমুখে দণ্ডায়মান হইয়া রহিলেন। অনেকক্ষণ পরে দীর্ঘনিশ্বাস ত্যাগ করিয়া বলিলেন, “তোমারই কথা সত্য হইল। তিলোত্তমা আমার হইবে না। আমি যুদ্ধক্ষেত্রে চলিলাম ; শত্রুরক্তে আমার সুখাভিলাষ বিসর্জন দিব।”

বিমলা রাজপুত্রের কাতরতা দেখিয়া বলিলেন, “যুবরাজ ! স্নেহের যদি পুরস্কার থাকিত, তবে আপনি তিলোত্তমা লাভ করিবার যোগ্য।

একেবারেই বা কেন নিরাশ হন ? আজ বিধি বৈরী, কাল বিধি সদয় হইতে পারেন ।”

আশা মধুরভাষিনী । অতি হৃদ্যে মনুষ্য-শ্রবণে যুহু যুহু কহিয়া থাকে, “মেঘ ঝড় চিরস্থায়ী নহে, কেন দুঃখিত হও ? আমার কথা শুন ।” বিমলার মুখে আশা কথা কহিল, “কেন দুঃখিত হও ? আমার কথা শুন ।”

জগৎসিংহ আশার কথা শুনিলেন, ঈশ্বরের ইচ্ছা কে বলিতে পারে ? বিধাতার লিপি কে অগ্রে পাঠ করিতে পারে ? এ সংসারে অঘটনীয় কি আছে ? এ সংসারে কোন্ অঘটনীয় ঘটনা না ঘটিয়াছে ?

রাজপুত্র আশার কথা শুনিলেন ।

কহিলেন, “যাহাই হউক, অতঃপর আমার মন অত্যন্ত অন্তরিত হইয়াছে ; কর্তব্য কিছুই বুঝিতে পারিতেছি না । যাহা অদৃষ্টে থাকে পশ্চাৎ ঘটবে ; বিধাতার লিপি কে খণ্ডাইবে ? এখন কেবল আমার মন ব্যস্ত করিয়া কহিতে পারি । এই শৈলেশ্বর সাক্ষাৎ সত্য করিতেছি যে, তিলোত্তমা ব্যতীত অন্য কাহাকেও ভালবাসিব না । তোমার কাছে আমার এই ভিক্ষা যে, তুমি আমার সকল কথা তোমার সখীর সাক্ষাতে কহিও ; আর কহিও যে, আমি কেবল একবার মাত্র তাঁহার দর্শনের ভিখারী, দ্বিতীয়বার আর এ ভিক্ষা করিব না, স্বীকার করিতেছি ।”

বিমলার মুখ হর্ষোৎফুল্ল হইল । তিনি কহিলেন, “আমার সখীর প্রত্যুত্তর মহাশয় কি প্রকারে পাইবেন ?”

যুবরাজ কহিলেন, “তোমাকে বারংবার ক্রেশ দিতে পারি না, কিন্তু যদি তুমি পুনর্ব্বার এই মন্দিরে আমার সহিত সাক্ষাৎ কর, তবে তোমার নিকট বিক্রীত থাকিব । জগৎসিংহ হইতে কখন না কখন প্রত্যুপকার হইতে পারিবে ।”

বিমলা কহিলেন, “যুবরাজ, আমি আপনার আজ্ঞানুবর্ত্তিনী ; কিন্তু একাকিনী রাত্রে এ পথে আসিতে অত্যন্ত ভয় পাই, অঙ্গীকার পালন না করিলেই নয়, এইজন্যই আজ আসিয়াছি । এক্ষণে এ প্রদেশ শত্রুবাস্ত হইয়াছে ; পুনর্ব্বার আসিতে বড় ভয় পাইব ।”

রাজপুত্র ক্ষণেক চিন্তা করিয়া কহিলেন, “তুমি যদি হানি বিবেচনা না কর, তবে আমি তোমার সহিত গড় মান্দারণে যাই। আমি তথায় উপযুক্ত স্থানে অপেক্ষা করিব, তুমি আমাকে সংবাদ আনিয়া দিও।”

বিমলা হঠাৎকিহিলেন, “তবে চলুন।”

উভয়ে মন্দির হইতে নির্গত হইতে যান, এমন সময়ে মন্দিরের বাহিরে সাবধান-শ্রুত্ মাণ্ডুপদ-বিক্ষেপের শব্দ হইল। রাজপুত্র কিঞ্চিৎ বিস্মিত হইয়া বিমলাকে জিজ্ঞাসা করিলেন, “তোমার কেহ সমভি-ব্যাহারী আছে?”

বিমলা কহিলেন, “না।”

“তবে কার পদধ্বনি হইল? আমার আশঙ্কা হইতেছে, কেহ অন্তরাল হইতে আমাদিগের কথোপকথন শুনিয়াছে।”

এই বলিয়া রাজপুত্র বাহিরে আসিয়া মন্দিরের চতুর্দিক প্রদক্ষিণ করিয়া দেখিলেন, কেহ কোথাও নাই।

অষ্টম পরিচ্ছেদ : বীরপঞ্চমী

উভয়ে শৈলেশ্বর প্রণাম করিয়া, সশঙ্কচিত্তে গড় মান্দারণ অভিমুখে যাত্রা করিলেন। কিঞ্চিৎ নীরবে গেলেন। কিছু দূর গিয়া রাজকুমার প্রথমে কথা কহিলেন, “বিমলে, আমার এক বিষয়ে কৌতূহল আছে। তুমি শুনিয়া কি বলিবে বলিতে পারি না।”

বিমলা কহিলেন, “কি?”

যুব। আমার মনে প্রতীতি জন্মিয়াছে, তুমি কদাপি পরিচারিকা নও।

বিমলা ঈষৎ হাসিয়া বলিলেন, “এ সন্দেহ আপনার মনে কেন জন্মিল?”

যুব। বীরেন্দ্রসিংহের কথা যে অম্বরপতির পুত্রবধূ হইতে পারেন না, তাহার বিশেষ কারণ আছে। সে অতি গুহ্য বৃত্তান্ত; তুমি পরিচারিকা হইলে সে গুহ্য কাহিনী কি প্রকারে জানিবে?

বিমলা দীর্ঘনিশ্বাস ত্যাগ করিলেন। কিঞ্চিৎ কাভর স্বরে কহিলেন, “আপনি যথার্থ অনুভব করিয়াছেন; আমি পরিচাৱিকা নহি। অদৃষ্ট-ক্রমে পরিচাৱিকার জায় আছি। অদৃষ্টকেই বা কেন দোষি? আমার অদৃষ্ট মন্দ নহে।”

রাজকুমার বুঝিলেন যে, এই কথায় বিমলার মনোমধ্যে পরিতাপ উদয় হইয়াছে; অতএব তৎসম্বন্ধে আর কিছু বলিলেন না। বিমলা স্বতঃ করিলেন, “যুবরাজ, আপনার নিকট পরিচয় দিব; কিন্তু এক্ষণে নয়। ও কি শব্দ? পশ্চাৎ কেহ আসিতেছে?”

এই সময়ে পশ্চাৎ পশ্চাৎ মনুষ্যের পদধ্বনি স্পষ্ট শ্রুত হইল। এমন বোধ হইল, যেন দুইজন মনুষ্য কাণে কাণে কথা কহিতেছে। তখন মন্দির হইতে প্রায় অর্দ্ধ ক্রোশ অতিক্রম হইয়াছিল। রাজপুত্র হইলেন, “আমার অত্যন্ত সন্দেহ হইতেছে, আমি দেখিয়া আসি।”

এই বলিয়া রাজপুত্র কিছু পথ প্রত্যাৱর্তন করিয়া দেখিলেন এবং পথের পার্শ্বেও অনুসন্ধান করিলেন; কোথাও মনুষ্য দেখিতে পাইলেন না। প্রত্যাগমন করিয়া বিমলাকে কহিলেন, “আমার সন্দেহ হইতেছে, কেহ আমাদের পশ্চাদ্বর্তী হইয়াছে। সাবধানে কথা কহা ভাল।”

এখন উভয়ে অতি মৃদুস্বরে কথা কহিতে কহিতে চলিলেন। ক্রমে গড় মান্দারণ গ্রামে প্রবেশ করিয়া দুর্গসম্মুখে উপস্থিত হইলেন। রাজপুত্র জিজ্ঞাসা করিলেন, “তুমি এক্ষণে দুর্গমধ্যে প্রবেশ করিবে কি প্রকারে? এত রাত্রে অবশ্য ফটক বন্ধ হইয়া থাকিবে।”

বিমলা কহিলেন, “চিন্তা করিবেন না, আমি তাহার উপায় স্থির করিয়াই বাটী হইতে যাত্রা করিয়াছিলাম।”

রাজপুত্র হাস্ত করিয়া কহিলেন, “লুকান পথ আছে?”

বিমলাও হাস্ত করিয়া উত্তর করিলেন, “যেখানে চোর, সেইখানেই সিঁধ।”

ক্ষণকাল পরে পুনর্ব্বার রাজপুত্র কহিলেন, “বিমলা, এক্ষণে আর আমার যাইবার প্রয়োজন নাই। আমি দুর্গপার্শ্বস্থ এই আশ্রয়কানন মধ্যে তোমার অপেক্ষা করিব, তুমি আমার সহিত অকপটে তোমার সখীকে

মিনতি করিও ; পক্ষ পরে হয়, মাস পরে হয়, আর একবার আমি তাঁহাকে দেখিয়া চক্ষু জুড়াইব ।”

বিমলা কহিলেন, “এ আশ্রয়কাননও নির্জন স্থান নহে, আপনি আমার সঙ্গে আসুন ।”

যুব । কত দূর যাইব ?

বি । দুর্গমধ্যে চলুন ।

রাজকুমার কিঞ্চিৎ ভাবিয়া কহিলেন, “বিমলা, এ উচিত হয় না । দুর্গ-স্বামীর অনুমতি ব্যতীত আমি দুর্গমধ্যে যাইব না ।”

বিমলা কহিলেন, “চিন্তা কি ?”

রাজকুমার গর্বিত বচনে কহিলেন, “রাজপুত্রেরা কোন স্থানে যাইতে চিন্তা করে না । কিন্তু বিবেচনা করিয়া দেখ, অশ্বরপতির পুত্রের কি উচিত যে, দুর্গ-স্বামীর অজ্ঞাতে চোরের আশ্রয় দুর্গপ্রবেশ করে ?”

বিমলা কহিলেন, “আমি আপনাকে ডাকিয়া লইয়া যাইতেছি ।”

রাজকুমার কহিলেন, “মনে করিও না যে, আমি তোমাকে পরিচারিকা জ্ঞানে অবজ্ঞা করিতেছি । কিন্তু বল দেখি, দুর্গমধ্যে আমাকে আহ্বান করিয়া লইয়া যাইবার তোমার কি অধিকার ?”

বিমলাও ক্ষণেককাল চিন্তা করিয়া কহিলেন, “আমার কি অধিকার তাহা না শুনিলে আপনি যাইবেন না ?”

উত্তর—“কদাপি যাইব না ।”

বিমলা তখন রাজপুত্রের কর্ণে লোল হইয়া একটি কথা বলিলেন ।

রাজপুত্র কহিলেন, “চলুন ।”

বিমলা কহিলেন, “যুবরাজ, আমি দাসী, দাসীকে ‘চল’ বলিবেন ।”

যুবরাজ বলিলেন, “তাই হউক ।”

যে রাজপথ অতিবাহিত করিয়া বিমলা যুবরাজকে লইয়া যাইতে-
ছিলেন, সে পথে দুর্গদ্বারে যাইতে হয় । দুর্গের পার্শ্বে আশ্রয়কানন ;
সিংহদ্বার হইতে আশ্রয়কানন অদৃশ্য । ঐ পথ হইতে যথা আমোদর অন্তঃ-
পুরপশ্চাৎ প্রবাহিত আছে, সে দিকে যাইতে হইলে এই আশ্রয়কানন মধ্য
দ য়া যাইতে হয় । বিমলা এক্ষণে রাজবস্ত্র ত্যাগ করিয়া রাজপুত্রসঙ্গে

এই আত্মকাননে প্রবেশ করিলেন ।

আত্মকানন প্রবেশাবধি, উভয়ে পুনর্বর্ষার সেইরূপ শুষ্কপর্ণভঙ্গ সহিত মনুষ্য-পদধ্বনির শ্রায় শব্দ শুনিতে পাইলেন ।

বিমলা কহিলেন, “আবার !”

রাজপুত্র কহিলেন, “তুমি পুনরপি ক্ষণেক দাঁড়াও, আমি দেখিয়া আসি ।”

রাজপুত্র অগ্নি নিষ্কোষিত করিয়া যে দিকে শব্দ হইতেছিল, সেই দিকে গেলেন ; কিন্তু কিছু দেখিতে পাইলেন না । আত্মকাননতলে নানা প্রকার আরণ্য লতাদির সমৃদ্ধিতে এমন বন হইয়াছিল এবং বৃক্ষাদির ছায়াতে রাত্রে কাননমধ্যে এমন অন্ধকার হইয়াছিল যে, রাজপুত্র যেখানে যান, তাহার অগ্রে অধিক দূর দেখিতে পান না । রাজপুত্র এমনও বিবেচনা করিলেন যে, পশুর পদচারণে শুষ্কপত্রভঙ্গশব্দ শুনিয়া থাকিবেন । যাহাই হউক, সন্দেহ নিঃশেষ করা উচিত বিবেচনা করিয়া রাজকুমার অসিহস্তে আত্মবৃক্ষের উপর উঠিলেন । বৃক্ষের অগ্রভাগে আরোহণ করিয়া ইতস্ততঃ নিরীক্ষণ করিতে লাগিলেন ; বহুক্ষণ নিরীক্ষণ করিতে করিতে, দেখিতে পাইলেন যে, এক বৃহৎ আত্মবৃক্ষের তিমিরাবৃত শাখাসমষ্টিমধ্যে দুইজন মনুষ্য বসিয়া আছে ; তাহাদিগের উষ্ণীষে চন্দ্ররশ্মি পড়িয়াছে, কেবল তাহাই দেখা যাইতেছিল ; অবয়ব ছায়ায় লুপ্তায়িত ছিল । রাজপুত্র উত্তমরূপে নিরীক্ষণ করিয়া দেখিলেন, উষ্ণীষ মস্তকে মনুষ্য বটে, তাহার সন্দেহ নাই । তিনি উত্তমরূপে বৃক্ষটি লক্ষিত করিয়া রাখিলেন যে, পুনরায় আসিলে না ভ্রম হয় । পরে ধীরে ধীরে বৃক্ষ হইতে অবতরণ করিয়া নিঃশব্দে বিমলার নিকট আসিলেন । যাহা দেখিলেন, তাহা বিমলার নিকট বর্ণন করিয়া কহিলেন, “এ সময়ে যদি দুইটি বর্ষা থাকিত !”

বিমলা কহিলেন, “বর্ষা লইয়া কি করিবেন ?”

জ । তাহা হইলে ইহারা কে, জানিতে পারিতাম ; লক্ষণ ভাল বোধ হইতেছে না । উষ্ণীষ দেখিয়া বোধ হইতেছে, ছুরাঝা পাঠানেরা কোন মন্দ অভিপ্রায়ে আমাদের সঙ্গ লইয়াছে ।

তৎক্ষণাৎ বিমলার পথপার্শ্বস্থ মৃত অশ্ব, উষ্ণীয় আর অশ্বসৈন্তের পদচিহ্ন স্মরণ হইল। তিনি কহিলেন, “আপনি তবে এখানে অপেক্ষা করুন ; আমি পলকমধ্যে দুর্গ হইতে বর্ষা আনিতেছি।”

এই বলিয়া বিমলা ঝটিতি দুর্গমধ্যে গেলেন। যে কক্ষে বসিয়া সেই রাত্রি প্রদোষে কেশবিন্যাস করিয়াছিলেন, তাহার নীচের কক্ষের একটি গবাক্ষ আশ্রয়স্থানবৎ দিকে ছিল। বিমলা অঞ্চল হইতে একটি চাবি বাহির করিয়া ঐ কলে ফিরাইলেন ; পশ্চাৎ জানালার গরাদে ধরিয়া দেয়ালের দিকে টান দিলেন ; শিল্পকৌশলের গুণে জানালার কবাট, চৌকাট, গরাদে সকল সমেত দেয়ালের মধ্যে এক রক্ত্রে প্রবেশ করিল, বিমলার কক্ষমধ্যে প্রবেশ জন্ম পথ মুক্ত হইল। বিমলা কক্ষমধ্যে প্রবেশ করিয়া দেয়ালের মধ্য হইতে জানালার চৌকাট ধরিয়া টানিলেন, জানালা বাহির হইয়া পুনর্ব্বার পূর্ব্বস্থানে স্থিত হইল ; কবাটের ভিতর দিকে পূর্ব্ববৎ গা-চাবির কল ছিল, বিমলা অঞ্চলের চাবি লইয়া ঐ কলে লাগাইলেন। জানালা নিজ স্থানে দৃঢ়রূপে সংস্থাপিত হইল, বাহির হইতে উদ্ঘাটিত হইবার সম্ভাবনা রহিল না।

বিমলা অতি দ্রুতবেগে দুর্গের শেলখানায় গেলেন। শেলখানায় প্রহরীকে কহিলেন, “আমি তোমার নিকট যাহা চাহি, তুমি কাহারও সাক্ষাৎ বলিও না। আমাকে দুইটা বর্ষা দাও—আবার আনিয়া দিব।”

প্রহরী চমৎকৃত হইল, “মা, তুমি বর্ষা লইয়া কি করিবে ?”

প্রত্যুৎপন্নমতি বিমলা কহিলেন, “আজ আমার বীরপঞ্চমীর ব্রত, ব্রত করিলে বীর পুত্র হয় ; তাহাতে রাত্রে অস্ত্র পূজা করিতে হয় ; আমি পুত্র কামনা করি। কাহারও সাক্ষাৎ প্রকাশ করিও না।”

প্রহরীকে ঘেরূপ বুঝাইল, সেও সেইরূপ বুঝিল। দুর্গস্থ সকল ভৃত্য বিমলার আজ্ঞাকারী ছিল ; সুতরাং দ্বিতীয় কথা না কহিয়া দুইটা শানিত বর্ষা দিল।

বিমলা বর্ষা লইয়া পূর্ব্ববেগে গবাক্ষের নিকট প্রত্যাগমন করিয়া পূর্ব্ববৎ ভিতর হইতে জানালা খুলিলেন, এবং বর্ষাসহিত নির্গত হইয়া জগৎসিংহের নিকটে গেলেন।

ব্যস্ততা প্রযুক্তই হউক, বা নিকটেই থাকিবেন এবং তৎক্ষণেই প্রত্যাগমন করিবেন, এই বিশ্বাসজনিত নিশ্চিত্তাব প্রযুক্তই হউক, বিমলা বহির্গমনকালে জালরক্তপথ পূর্ববৎ অবরুদ্ধ করিয়া যান নাই। ইহাতে প্রমাদ ঘটনের এক কারণ উপস্থিত হইল। জানালার অতি নিকটে এক আত্মবৃক্ষ ছিল, তাহার অন্তরালে এক শস্ত্রধারী পুরুষ দণ্ডায়মান ছিল ; সে বিমলার এই ভ্রম দেখিতে পাইল। বিমলা যতক্ষণ না দৃষ্টিপথ অতিক্রম করিলেন, ততক্ষণ শস্ত্রপানি পুরুষ বৃক্ষের অন্তরালে রহিল ; বিমলা দৃষ্টির অগোচর হইলেই সে ব্যক্তি বৃক্ষমূলে শব্দশীল চৰ্মপাত্রকা ত্যাগ করিয়া শনৈঃ শনৈঃ পাদবিক্ষেপে গবাক্সসন্নিধানে আসিল। প্রথমে গবাক্সের মুক্তপথে কক্ষমধ্যে দৃষ্টিপাত করিল, কক্ষমধ্যে কেহ নাই দেখিয়া, নিঃশব্দে প্রবেশ করিল। পরে সেই কক্ষের দ্বার দিয়া প্রবেশ করিল।

এদিকে রাজপুত্র বিমলার নিকট বর্শা পাইয়া পূর্ববৎ বৃক্ষারোহণ করিলেন এবং পূর্বলক্ষিত বৃক্ষে দৃষ্টিপাত করিলেন, দেখিলেন যে, এক্ষণে একটিমাত্র উষ্ণীষ দেখা যাইতেছে, দ্বিতীয় ব্যক্তি তথায় নাই ; রাজপুত্র একটি বর্শা বাম কবে রাখিয়া, দ্বিতীয় বর্শা দক্ষিণ করে গ্রহণপূর্বক, বৃক্ষস্থ উষ্ণীষ লক্ষ্য করিলেন। পরে বিশাল বাহুবল সহযোগে বর্শা নিক্ষেপ করিলেন। তৎক্ষণাৎ প্রথমে বৃক্ষপল্লবের প্রবল মর্ম্মর শব্দ, তৎপরেই ভূতলে গুরু পদার্থের পতন শব্দ হইল ; উষ্ণীষ আর বৃক্ষে নাই। রাজপুত্র বুঝিলেন যে, তাহার অব্যর্থ সন্ধানে উষ্ণীষধারী বৃক্ষশাখাচ্যুত হইয়া ভূতলে পড়িয়াছে।

জগৎসিংহ দ্রুতগতি বৃক্ষ হইতে অবতরণ করিয়া, যথা আহত ব্যক্তি পতিত হইয়াছে, তথা গেলেন ; দেখিলেন যে, একজন সৈনিক-বেশধারী সশস্ত্র মুসলমান মৃতবৎ পতিত হইয়া রহিয়াছে। বর্শা তাহার চক্ষুর পার্শ্বে বিদ্ধ হইয়াছে।

রাজপুত্র মৃতবৎ দেহ নিরীক্ষণ করিয়া দেখিলেন যে, একেবারে প্রাণ-বিরোগ হইয়াছে। বর্শা চক্ষুর পার্শ্বে বিদ্ধ হইয়া তাহার মস্তিষ্ক ভেদ করিয়াছে। মৃত ব্যক্তির কবচমধ্যে একখানি পত্র ছিল ; তাহার অল্পভাগ বাহির হইয়া ছিল। জগৎসিংহ ঐ পত্র লইয়া জ্যোৎস্নায় আনিয়া পাঠ

করিলেন । তাহাতে এইরূপ লেখা ছিল—

“কতলু খাঁর আজ্ঞানুবর্তিগণ এই লিপি দৃষ্টিমাত্র লিপিকাবাহকের
আজ্ঞা প্রতিপালন করিবে ।

কতলু খাঁ ।”

বিমলা কেবল শব্দ শুনিতেছিলেন মাত্র, সবিশেষ কিছুই জানিতে
পারেন নাই । রাজকুমার তাঁহার নিকটে আসিয়া সবিশেষ বিবৃত
করিলেন । বিমলা শুনিয়া কহিলেন “যুবরাজ ! আমি এত জানিলে
কখন আপনাকে বর্শা দিতাম না । আমি মহাপাতকিনী, আজ যে কর্ম
করিলাম, বহুকালেও ইহার প্রায়শ্চিত্ত হইবে না ।”

যুবরাজ কহিলেন, “শত্রুবধে ক্ষোভ কি ? শত্রুবধ ধর্ম্মে আছে ।”

বিমলা কহিলেন, “যোদ্ধায় এমত বিবেচনা করুক । আমরা
দ্বীজাতি ।”

ক্ষণপরে বিমলা কহিলেন, “রাজকুমার, আর বিলম্বে অনিষ্ট আছে ।
দুর্গে চল্ল, আমি দ্বার খুলিয়া রাখিয়া আসিয়াছি ।”

উভয়ে দ্রুতগতি দুর্গমূলে আসিয়া প্রথমে বিমলা, পশ্চাৎ রাজপুত্র
প্রবেশ করিলেন । প্রবেশকালে রাজপুত্রের হৃৎকম্প ও পদকম্প হইল ।
শত সহস্র সেনার সমীপে ষাঁহার মস্তকের একটি কেশও স্থানভ্রষ্ট হয় নাই,
তাঁহার এ সুখের আলয়ে প্রবেশ করিতে হৃৎকম্প কেন ?

বিমলা পূর্ববৎ গবাক্ষদ্বার রুদ্ধ করিলেন ; পরে রাজপুত্রকে নিজ
শয়নাগারে লইয়া গিয়া কহিলেন, “আমি আসিতেছি, আপনাকে ক্ষণেক
এই পালঙ্কের উপর বসিতে হইবেক । যদি অস্ত্র চিন্তা না থাকে, তবে
ভাবিয়া দেখুন যে, ভগবানের আসন বটপত্র মাত্র ।”

বিমলা প্রস্থান করিয়া ক্ষণপরেই নিকটস্থ কক্ষের দ্বার উন্মোচন
করিলেন, “যুবরাজ ! এই দিকে আসিয়া একটা নিবেদন শুনুন ।”

যুবরাজের হৃদয় আবার কাঁপে, তিনি পালঙ্ক হইতে উঠিয়া কক্ষান্তর-
মধ্যে বিমলার নিকট গেলেন ।

বিমলা তৎক্ষণাৎ বিদ্যাতের শ্রায় তথা হইতে সরিয়া গেলেন ; যুবরাজ

দেখিলেন, সুবাসিত কক্ষ ; রক্ততপ্ৰদীপ জ্বলিতেছে ; কক্ষপ্রান্তে অবগুঠন-
বতী রমণী,— সে তিলোত্তমা !

অষ্টাদশ পরিচ্ছেদ : চতুরে চতুরে

বিমলা আসিয়া নিজ কক্ষে পালঙ্কের উপর বসিলেন । বিমলার মুখ অতি হর্ষপ্রফুল্ল ; তিনি গতিকে মনোরথ সিদ্ধ করিয়াছেন । কক্ষমধ্যে প্রদীপ জ্বলিতেছে ; সম্মুখে মুকুর ; বেশভূষা যেরূপ প্রদোষকালে ছিল, সেইরূপই রহিয়াছে ; বিমলা দর্পণাভ্যন্তরে মুহূর্ত্তজ্ঞান নিজ প্রতিমূর্ত্তি নিরীক্ষণ করিলেন । প্রদোষকালে যেরূপ কুটিল-কেশবিহীন করিয়া-
ছিলেন তাহা সেইরূপ রহিয়াছে ; বিশাল লোচনমূলে সেইরূপ কজ্জল-
প্রভা ; অধরে সেইরূপ তাম্বলরাগ ; সেইরূপ কর্ণাভরণ পীবরাংসসংস্কৃত
হইয়া ছলিতেছে । বিমলা উপাধানে পৃষ্ঠ রাখিয়া অর্দ্ধ শয়ন, অর্দ্ধ
উপবেশন করিয়া রহিয়াছেন ; বিমলা মুকুরে নিজ-লাবণ্য দেখিয়া হাস্ত
করিলেন । বিমলা এই ভাবিয়া হাসিলেন যে, দিগ্গজ পণ্ডিত নিতাস্ত
নিষ্কারণে গৃহত্যাগী হইতে চাহেন নাই ।

বিমলা জগৎসিংহের পুনরাগমন প্রতীক্ষা করিয়া আছেন, এমন সময়ে
আত্মকাননমধ্যে গস্তীর তূর্য্যানিনাদ হইল । বিমলা চমকিয়া উঠিলেন
এবং ভীতা হইলেন ; সিংহদ্বার ব্যতীত আত্মকাননে কখনই তূর্য্যধ্বনি
হইয়া থাকে না, এত রাত্রেই বা তূর্য্যধ্বনি কেন হয় ? বিশেষ সেই রাত্রে
মন্দিরে গমনকালে ও প্রত্যাগমনকালে যাহা যাহা দেখিয়াছেন, তৎসমুদয়
স্মরণ হইল । বিমলার তৎক্ষণাৎ বিবেচনা হইল, এ তূর্য্যধ্বনি কোন
অমঙ্গল ঘটনার পূর্ব্বলক্ষণ । অতএব সশঙ্কচিত্তে তিনি বাতায়ন-সন্নিধানে
গিয়া আত্মকানন প্রতি দৃষ্টিপাত করিতে লাগিলেন । কাননমধ্যে বিশেষ
কিছুই দেখিতে পাইলেন না । বিমলা ব্যস্তচিত্তে নিজ কক্ষ হইতে নির্গত
হইলেন ; যে শ্রেণীতে তাঁহার কক্ষ তৎপরেই প্রাঙ্গণ ; প্রাঙ্গণপরেই আর
এক কক্ষশ্রেণী ; সেই শ্রেণীতে প্রাসাদোপরি উঠিবার সোপান আছে ।
বিমলা কক্ষত্যাগপূর্ব্বক সেই সোপানাবলী আরোহণ করিয়া ছাদের উপর

উঠিলেন ; ইতস্ততঃ নিরীক্ষণ করিতে লাগিলেন ; তথাপি কাননের গভীর
 - ছায়াঙ্ককার জন্ত কিছুই লক্ষ্য করিতে পারিলেন না। বিমলা দ্বিগুণ
 উদ্বিগ্নচিত্তে ছাদেব আলিসাব নিকটে গেলেন ; তত্পরি বক্ষঃ স্থাপনপূর্বক
 মুখ নত করিয়া তুর্গমূল পর্য্যন্ত দেখিতে লাগিলেন ; কিছুই দেখিতে
 পাইলেন না। গ্রামোচ্ছল শাখাপল্লব সকল স্নিগ্ধ চন্দ্রকরে প্রাণিত ;
 কখন কখন সুমন্দ পবনান্দোলনে পিঙ্গলবর্ণ দেখাইতেছিল ; কাননতলে
 ঘোরান্ধকার, কোথাও কোথাও শাখাপত্রাদির বিচ্ছেদে চন্দ্রালোক পতিত
 হইয়াছে ; আমাদের স্থিরাধু-মধ্যে নীলাশ্বর, চন্দ্র ও তারা সহিত প্রতিবিম্বিত ;
 দূরে, অপরপারস্থিত অট্টালিকাসকলের গগনস্পর্শী মূর্ত্তি, কোথাও বা
 তৎপ্রাসাদস্থিত প্রহরীর অবয়ব। এতদ্ব্যতীত আর কিছুই লক্ষ্য করিতে
 পারিলেন না। বিমলা বিষন্ন মনে প্রত্যাবর্ত্তন করিতে উত্তত হইলেন,
 এমন সময়ে তাঁহার অকস্মাৎ বোধ হইল, যেন কেহ পশ্চাৎ হইতে তাঁহার
 পৃষ্ঠদেশে অঙ্গুলি দ্বারা স্পর্শ করিল। বিমলা চকিত হইয়া মুখ ফিরাইয়া
 দেখিলেন, একজন সশস্ত্র অজ্ঞাত পুরুষ দণ্ডায়মান রহিয়াছেন। বিমলা
 চিত্রাঙ্গিত পুত্তলীবৎ নিষ্পন্দ হইলেন।

শস্ত্রধারী কহিল, “চীৎকার করিও না। সুন্দরীর মুখে চীৎকার ভাল
 শুনায় না।”

যে ব্যক্তি অকস্মাৎ এইরূপ বিমলাকে বিহ্বল করিল, তাহার পরিচ্ছদ
 পাঠানজাতীয় সৈনিক পুরুষদিগের আয়। পরিচ্ছদের পারিপাট্য ও
 মহার্ঘ গুণ দেখিয়া অনায়াসে প্রতীতি হইতে পারিত, এ ব্যক্তি কোন মহৎ-
 পদাভিষিক্ত। অত্য়াপি তাহার বয়স ত্রিংশতের অধিক হয় নাই ; কাস্তি
 সাতিশয শ্রীমান্, তাঁহার প্রশস্ত ললাটোপরি যে উষ্ণীয় সংস্থাপিত ছিল,
 তাহাতে এক খণ্ড মহার্ঘ হীরক শোভিত ছিল। বিমলার যদি তৎক্ষণে
 মনের স্থিরতা থাকিত, তবে বুঝিতে পারিতেন যে, স্বয়ং জগৎসিংহের
 সহিত তুলনায় এ ব্যক্তি নিতান্ত ন্যূন হইবেন না ; জগৎসিংহের সদৃশ
 দীর্ঘায়ত বা বিশালোরস্ক নহেন, কিন্তু তৎসদৃশ বীরত্বব্যঞ্জক সুন্দরকাস্তি ;
 তদধিক সুকুমার দেহ। তাঁহার বহুমূল্য কটিবন্ধে প্রবালজড়িত কোষমধ্যে
 দামাস্ক ছুরিয়া ছিল ; হস্তে নিষ্কোষিত তরবার। অস্ত্র প্রহরণ ছিল না।

সৈনিক পুরুষ কহিলেন, “চীৎকার করিও না। চীৎকার করিলে তোমার বিপদ ঘটিবে।”

প্রত্যুৎপন্নবুদ্ধিশালিনী বিমলা ক্ষণমাত্র বিহ্বলা ছিলেন ; শস্ত্রধারীর দ্বিরুক্তিতে তাঁহার অভিপ্রায় বুঝিতে পারিলেন। বিমলার পশ্চাতেই ছাদের শেষ, সম্মুখেই সশস্ত্র যোদ্ধা ; ছাদ হইতে বিমলাকে নীচে ফেলিয়া দেওয়াও কঠিন নহে। বুঝিয়া সুবুদ্ধি বিমলা কহিলেন, “কে তুমি ?”

সৈনিক কহিলেন, “আমাব পবিচয়ে তোমার কি হইবে ?”

বিমলা কহিলেন, “তুমি কি জন্ম এ দুর্গমধ্যে আসিয়াছ ? চোরেরা শূলে যায়, তুমি কি শোন নাই ?”

সৈনিক। সুন্দরি ! আমি চোর নই।

বি ! তুমি কি প্রকাবে দুর্গমধ্যে আসিলে ?

সৈ। তোমারই অনুকম্পায়। তুমি যখন জানালা খুলিয়া রাখিয়া-ছিলে, তখন প্রবেশ করিয়াছিলাম ; তোমারই পশ্চাৎ পশ্চাৎ এ ছাদে আসিয়াছি।

বিমলা কপালে করাঘাত করিলেন। পুনরপি জিজ্ঞাসা করিলেন, “তুমি কে ?”

সৈনিক কহিল, “তোমার নিকট এক্ষণে পরিচয় দিলেই বা হানি কি ? আমি পাঠান।”

বি। এ ত পরিচয় হইল না ; জানিলাম যে, জাতিতে পাঠান—কে তুমি ?

সৈ। ঈশ্বরেচ্ছায় এ দীনের নাম ওসমান খাঁ।

বি। ওসমান খাঁ কে, আমি চিনি না !

সৈ। ওসমান খাঁ, কতলু খাঁর সেনাপতি।

বিমলার শরীর কম্পাঘ্রিত হইতে লাগিল। ইচ্ছা—কোনরূপে পলায়ন করিয়া বীরেন্দ্রসিংহকে সংবাদ করেন ; কিন্তু তাহার কিছুমাত্র উপায় ছিল না। সম্মুখে সেনাপতি গতিরোধ করিয়া দণ্ডায়মান ছিলেন। অনন্তগতি হইয়া বিমলা এই বিবেচনা করিলেন যে, এক্ষণে সেনাপতিকে যতক্ষণ কথাবার্ত্তায় নিযুক্ত রাখিতে পারেন, ততক্ষণ অবকাশ। পশ্চাৎ

দুর্গপ্রাসাদস্থ কোন প্রহরী সেনিকে আসিলেও আসিতে পারে, অতএব পুনরপি কথোপকথন আরম্ভ করিলেন, “আপনি কেন এ দুর্গমধ্যে প্রবেশ করিয়াছেন ?”

ওসমান খাঁ উত্তর করিলেন, “আমরা বীরেন্দ্রসিংহকে অনুন্নয় করিয়া দূত প্রেরণ করিয়াছিলাম। প্রত্যুত্তরে তিনি কহিয়াছেন যে, তোমরা পার, সসৈন্তে দুর্গে আসিও।”

বিমলা কহিলেন, “বুঝিলাম, দুর্গাধিপতি আপনাদিগের সহিত মৈত্রী না করিয়া, মোগলের পক্ষ হইয়াছে বলিয়া আপনি দুর্গ অধিকার করিতে আসিয়াছেন। কিন্তু আপনি একক দেখিতেছি ?”

ওস। অপাততঃ আমি একক।

বিমলা কহিলেন, “সেই জন্তই বোধ করি, শঙ্কা প্রযুক্ত আমাকে যাইতে দিতেছেন না।”

ভীকৃত অবপাদে পাঠান সেনাপতি বিরক্ত হইয়া, তাঁহার গতি মুক্ত করিয়া সাহস প্রকাশ করিলেও করিতে পারেন, এই ছরাশাতেই বিমলা এই কথা বলিলেন।

ওসমান খাঁ ঈষৎ হাস্য করিয়া বলিলেন, “সুন্দরি ! তোমার নিকট কেবল তোমার কটাক্ষকে শঙ্কা করিতে হয়, আমার সে শঙ্কাও বড় নাই, তোমার নিকট ভিক্ষা আছে।”

বিমলা কৌতূহলিনী হইয়া ওসমান খাঁর মুখপানে চাহিয়া রহিলেন। ওসমান খাঁ কহিলেন, “তোমার ওড়নার অঞ্চলে যে জানালার চাবি আছে, তাহা আমাকে দান করিয়া বাধিত কর। তোমার অঙ্গস্পর্শ করিয়া অবমাননা করিতে সঙ্কোচ করি।”

গবাক্ষের চাবি যে সেনাপতির অভিষ্টসিদ্ধি পক্ষে নিতান্ত প্রয়োজনীয়, তাহা বুঝিতে বিমলার ণ্মায় চতুরার অধিককাল অপেক্ষা করে না। বুঝিতে পারিয়া বিমলা দেখিলেন, ইহার উপায় নাই। যে বলে লইতে পারে, তাহার যাক্সা করা ব্যঙ্গ করা মাত্র। চাবি না দিলে সেনাপতি এখনই বলে লহবেক। অপর কেহ তৎক্ষণাৎ চাবি ফেলিয়া দিত সন্দেহ নাই ; কিন্তু চতুরা বিমলা কহিলেন, “মহাশয় ! আমি ইচ্ছাক্রমে চাবি

না দিলে আপনি কি প্রকারে লইবেন ?”

এই বলিতে বলিতে বিমলা অঙ্গ হইতে ওড়না খুলিয়া হস্তে লইলেন ।
ওসমানের চক্ষু ওড়নার দিকে ; তিনি উত্তর করিলেন, “ইচ্ছাক্রমে না
দিলে তোমার অঙ্গ-স্পর্শ-সুখ লাভ করিব ।”

“করুন”, বলিয়া বিমলা হস্তস্থিত বস্ত্র আত্মকাননে নিক্ষেপ করিলেন ।
ওসমানের চক্ষু ওড়নার প্রতি ছিল ; যেই বিমলা নিক্ষেপ করিয়াছেন,
ওসমান অমনি সঙ্গে সঙ্গে হস্ত প্রসারণ করিয়া উড্ডীয়মান বস্ত্র ধরিলেন ।

ওসমান খাঁ ওড়না হস্তগত করিয়া এক হস্তে বিমলার হস্ত বজ্রমুষ্টিতে
ধরিলেন. দস্ত দ্বারা ওড়না ধরিয়া দ্বিতীয় হস্তে চাবি খুলিয়া নিজ কটিবন্ধে
রাখিলেন । পরে যাহা করিলেন, তাহাতে বিমলার মুখ শুকাইল ।
ওসমান বিমলাকে এক শত সেলাম করিয়া যোড়হাতে বলিলেন, “নাফ
করিবেন ।” এই বলিয়া ওড়না লইয়া তন্দ্বারা বিমলার দুই হস্ত আসিলার
সহিত দৃঢ়বদ্ধ করিলেন । বিমলা কহিলেন, “এ কি ?”

ওসমান কহিলেন, “প্রেমের ফাঁস ।”

বি । এ দুষ্কর্মের ফল আপনি অচিরাৎ পাইবেন !

ওসমান বিমলাকে তদবস্থায় রাখিয়া চলিয়া গেলেন । বিমলা
গীৎকার করিতে লাগিলেন । কিন্তু ফলোদয় হইল না । কেহ শুনিতে
পাইল না ।

ওসমান পূর্বপথে অবতরণ করিয়া পুনর্ব্বার বিমলার কক্ষের নীচের
দক্ষে গেলেন । তথায় বিমলার শ্রায় জানালার চাবি ফিরাইয়া জানালা
দয়ালের মধ্যে প্রবেশ করাইয়া দিলেন । পথ মুক্ত হইলে ওসমান মুহূ
হু শিশু দিতে লাগিলেন । তচ্ছুবণমাত্রেই বৃক্ষান্তরাল হইতে এক জন
পাছকাশু যোদ্ধা গবাঙ্কনিকটে আসিয়া গৃহমধ্যে প্রবেশ করিল । সে
ব্যক্তি প্রবেশ করিলে অপর এক ব্যক্তি আসিল । এইরূপে ক্রমে ক্রমে
হুসংখ্যক পাঠান সেনা নিঃশব্দে দুর্গমধ্যে প্রবেশ করিল । শেষে যে
ব্যক্তি গবাঙ্কনিকটে আসিল, ওসমান তাহাকে কহিলেন, “আর না,
আমরা বাহিরে থাক ; আমার পূর্ব্বকথিত সঙ্কেতধ্বনি শুনিলে তোমরা
বাহির হইতে দুর্গ আক্রমণ করিও ; এই কথা তুমি তাজ খাঁকে বলিও ।”

সে ব্যক্তি ফিরিয়া গেল । ওসমান লব্ধপ্রবেশ সেনা লইয়া পুনরপি
নিঃশব্দ-পদ-সঙ্ঘারে প্রাসাদারোহণ করিলেন ; যে ছাদে বিমলা বন্ধন দশায়
বসিয়া আছেন, সেই ছাদ দিয়া গমনকালে কহিলেন, “এই স্ত্রীলোকটি বড়
বুদ্ধিমতী ; ইহাকে কদাপি বিশ্বাস নাই । রহিম সেখ ! তুমি ইহার নিকট
প্রহরী থাক ; যদি পলায়নের চেষ্টা বা কাহারও সহিত কথা কহিতে
উত্থোগ করে, কি উচ্চ কথা কয়, তবে স্ত্রীবধে ঘৃণা করিও না ।”

“যে আজ্ঞা”, বলিয়া রহিম তথায় প্রহরী রহিল । পাঠান সেনা
ছাদে ছাদে দুর্গের অন্তর দিকে চলিয়া গেল ।

উনবিংশ পরিচ্ছেদ : শ্রেমিকে শ্রেমিকে

বিমলা যখন দেখিলেন যে, চতুর ওসমান অন্ত্র গেলেন, তখন তিনি
ভরসা পাইলেন যে, কৌশলে মুক্তি পাইতে পারিবেন । শীঘ্র তাহার
উপায় চেষ্টা করিতে লাগিলেন ।

প্রহরী কিয়ৎক্ষণ দণ্ডায়মান থাকিলে বিমলা তাহার সহিত কথোপকথন
আরম্ভ করিলেন । প্রহরী হউক, আর যমদূতই হউক, সুন্দরী রমণী
সহিত কে ইচ্ছাপূর্ব্বক কথোপকথন না করে ? বিমলা প্রথমে এ ও
নানাপ্রকার সামান্য বিষয়ক কথাবার্তা কহিতে লাগিলেন । ক্রমে প্রহরী
নামধাম গৃহকর্ম্ম সুখদুঃখ বিষয়ক নানা পরিচয় জিজ্ঞাসা করিতে লাগিলেন
প্রহরী নিজ সম্বন্ধে বিমলার এতদূর পর্য্যন্ত ঔৎসুক্য দেখিয়া বড়ই প্রীত
হইল । বিমলাও সুযোগ দেখিয়া ক্রমে ক্রমে নিজ তুণ হইতে শানিত
সকল বাহির করিতে লাগিলেন । একে বিমলার অমৃতময় রসালাপ
তাহাতে আবার তাহার সঙ্গে সঙ্গে সেই বিশাল চক্ষুর অব্যর্থ কটাক্ষসন্ধান
প্রহরী একেবারে গলিয়া গেল । যখন বিমলা প্রহরীর ভঙ্গীভাবে দেখিলেন
যে, তাহার অধঃপাতে যাইবার সময় হইয়া আসিয়াছে, তখন মৃদু মৃদু
কহিলেন, “আমার কেমন ভয় করিতেছে, সেখজী, তুমি আমার কা
বসো না ।”

প্রহরী চরিতার্থ হইয়া বিমলার পার্শ্বে বসিল । ক্ষণকাল অ

কথোপকথনের পর বিমলা দেখিলেন যে, ঔষধ খরিয়াছে। প্রহরী নিকটে বসিয়া অবধি ঘন ঘন তাঁহার পানে দৃষ্টিপাত করিতেছে। তখন বলিলেন, “সেখজী, তুমি বড় ঘামিতেছ; একবার আমার বন্ধন খুলিয়া দাও যদি, তবে আমি তোমাকে বাতাস করি, পরে আবার বাঁধিয়া দিও।”

সেখজীর কপালে ঘর্শ্ববিন্দুও ছিল না, কিন্তু বিমলা অবশ্য ঘর্শ্ব না দেখিলে কেন বলিবে? আর এ হাতের বাতাস কার ভাগ্যে ঘটে? এই ভাবিয়া প্রহরী তখনই বন্ধন খুলিয়া দিল।

বিমলা কিয়ৎক্ষণ ওড়না দ্বারা প্রহরীকে বাতাস দিয়া স্বচ্ছন্দে ওড়না নিজ অঙ্গে পরিধান করিলেন। পুনর্বন্ধনের নামও করিতে প্রহরীর মুখ ফুটিল না। তাহার বিশেষ কারণও ছিল; ওড়নার বন্ধনরজ্জু দশা ঘুচিয়া যখন তাহা বিমলার অঙ্গে শোভিত হইল, তখন তাঁহার লাবণ্য আরও প্রদীপ্ত হইল; যে লাবণ্য মুকুরে দেখিয়া বিমলা আপনা আপনি হাসিয়াছিলেন, সেই লাবণ্য দেখিয়া প্রহরী নিস্তব্ধ হইয়া রহিল।

বিমলা কহিলেন, “সেখজী, তোমার স্ত্রী তোমাকে কি ভালবাসে না?”

সেখজী কিঞ্চিৎ বিস্মিত হইয়া কহিল, “কেন?”

বিমলা কহিলেন, “ভালবাসিলে এ বসন্তকালে (তখন ঘোর গ্রীষ্ম, বর্ষা আগত) কোন্ প্রাণে তোমা হেন স্বামীকে ছাড়িয়া আছে?”

সেখজী এক দীর্ঘনিশ্বাস ত্যাগ করিল।

বিমলার তৃণ হইতে অনর্গল অস্ত্র বাহির হইতে লাগিল। “সেখজী! বলিতে লজ্জা করে, কিন্তু তুমি যদি আমায় স্বামী হইতে, তবে আমি কখন তোমাকে যুদ্ধে আসিতে দিতাম না।”

প্রহরী আবার নিশ্বাস ছাড়িল। বিমলা কহিতে লাগিলেন, “আহা! তুমি যদি আমার স্বামী হতে!”

বিমলাও এই বলিয়া একটি ছোট রকম নিশ্বাস ছাড়িলেন, তাহার সঙ্গে সঙ্গে নিজ তীক্ষ্ণ-কুটিল-কটাক্ষ বিসর্জন করিলেন; প্রহরীর মাথা ঘুরিয়া গেল। সে ক্রমে ক্রমে সরিয়া সরিয়া বিমলার আরও নিকটে আসিয়া বসিল, বিমলাও আর একটু তাহার দিকে সরিয়া বসিলেন।

বিমলা প্রহরীর করে কোমল কর-পল্লব স্থাপন করিলেন। প্রহরী হতবুদ্ধি হইয়া উঠিল।

বিমলা কহিতে লাগিলেন, “বলিতে লজ্জা করে, কিন্তু তুমি যদি রণজয় করিয়া যাও, তবে আমাকে কি তোমার মনে থাকিবে?”

প্র। তোমাকে মনে থাকিবে না?

বি। মনের কথা তোমাকে বলিব?

প্র। বল না—বল।

বি। না, বলিব না, তুমি কি বলিবে?

প্র। না না—বল, আমাকে ভূত্যা বলিয়া জানিও।

বি। আমার মনে বড় ইচ্ছা হইতেছে, এ পাপ স্বামীর মুখে কালি দিয়া তোমার সঙ্গে চলিয়া যাই।

আবার সেই কটাক্ষ। প্রহরী আহ্লাদে নাচিয়া উঠিল।

প্র। যাবে?

দিগ্‌গজের মত পণ্ডিত অনেক আছে!

বিমলা কহিলেন, “লইয়া যাও ত যাই!”

প্র। তোমাকে লইয়া যাইব না? তোমার দাস হইয়া থাকিব।

“তোমার এ ভালবাসার পুরস্কার কি দিব? ইহাই গ্রহণ কর।”

এই বলিয়া বিমলা কণ্ঠস্থ স্বর্ণহার প্রহরীর কণ্ঠে পরাইলেন, প্রহরী সশরীরে স্বর্গে গেল। বিমলা কহিতে লাগিলেন, “আমাদের শাস্ত্রে বলে, একের মালা অন্যের গলায় দিলে বিবাহ হয়।”

হাসিতে প্রহরীর কালো দাড়ির অন্ধকারমধ্য হইতে দাঁত বাহিব হইয়া পড়িল; বলিল, “তবে ত তোমার সাথে আমার সাদি হইল।”

“হইল বই আর কি!” বিমলা ক্ষণেক কাল নিস্তব্ধ চিন্তামগ্নের আঁখি রহিলেন। প্রহরী কহিল, “কি ভাবিতেছ?”

বি। ভাবিতেছি, আমার কপালে বুদ্ধি সূখ নাই, তোমরা দুর্গজয় করিয়া যাইতে পারিবে না।

প্রহরী সদর্পে কহিল, “তাহাতে আর কোন সন্দেহ নাই, এতক্ষণে জয় হইল।”

বিমলা কহিলেন, “উহু, ইহার এক গোপন কথা আছে।”

প্রহরী কহিল, “কি ?”

বি। তোমাকে সে কথা বলিয়া দিই, যদি তুমি কোনরূপে দুর্গজয় করাইতে পার।

প্রহরী হাঁ করিয়া শুনিতে লাগিল ; বিমলা কথা বলিতে সঙ্কোচ করিতে লাগিলেন। প্রহরী ব্যস্ত হইয়া কহিল, “ব্যাপার কি ?”

বিমলা কহিলেন, “তোমরা জান না, এই দুর্গপার্শ্বে জগৎসিংহ দশ সহস্র সেনা লইয়া বসিয়া আছে। তোমরা আজ গোপনে আসিবে জানিয়া, সে আগে আসিয়া বসিয়া আছে ; এখন কিছু করিবে না, তোমরা দুর্গজয় করিয়া যখন নিশ্চিত থাকিবে তখন আসিয়া ঘেরাও করিবে।”

প্রহরী ক্ষণকাল অবাক হইয়া রহিল ; পরে বলিল, “সে কি ?”

বি। এই কথা, দুর্গস্থ সকলেই জানে ; আমরাও শুনিয়াছি।

প্রহরী আহ্লাদে পরিপূর্ণ হইয়া কহিল, “জান্! আজ তুমি আমাকে বড়লোক করিলে ; আমি এখনই গিয়া সেনাপতিকে বলিয়া আসি, এমন জরুরি খবর দিলে শিরোপা পাইব, তুমি এইখানে বসো, আমি শীঘ্র আসিতেছি।”

প্রহরীর মনে বিমলার প্রতি তিলান্বিত সন্দেহ ছিল না।

বিমলা বলিলেন, “তুমি আসিবে ত ?”

প্র। আসিব বই কি, এই আসিলাম।

বি। আমাকে ভুলিবে না ?

প্র। না—না।

বি। দেখ. মাথা খাও।

“চিন্তা কি ?” বলিয়া প্রহরী উর্দ্ধ্বাসে দৌড়িয়া গেল।

যেই প্রহরী অদৃশ্য হইল, অমনি বিমলাও উঠিয়া পলাইলেন।
ওসমানের কথা যথার্থ, “বিমলার কটাক্ষকেই ভয়।”

বিশ পৰিচ্ছেদ : একোঠে একোঠে

বিমুক্তি লাভ করিয়া বিমলার প্রথম কার্য বীরেন্দ্রসিংহকে সংবাদ দান। উর্দ্ধ্বাসে বীরেন্দ্রের শয়নকক্ষাভিমুখে ধাবমান হইলেন।

অর্দ্ধপথ যাইতে না যাইতেই “আল্লা—ল্লা—হো” পাঠান সেনার চীৎকারধ্বনি তাঁহার কর্ণে প্রবেশ করিল :

“এ কি পাঠান সেনার জয়ধ্বনি !” বলিয়া বিমলা ব্যাকুলিত হইলেন। ক্রমে অতিশয় কোলাহল শ্রবণ করিতে পাইলেন ;—বিমলা বুঝিলেন, দুর্গবাসীরা জাগরিত হইয়াছে।

ব্যস্ত হইয়া বীরেন্দ্রসিংহের শয়নকক্ষে গমন করিয়া দেখেন যে, কক্ষ-মধ্যেও অত্যন্ত কোলাহল ; পাঠান সেনা দ্বার ভগ্ন করিয়া কক্ষমধ্যে প্রবেশ করিয়াছে ; বিমলা উকি মারিয়া দেখিলেন যে, বীরেন্দ্রসিংহের মুষ্টি দৃঢ়বদ্ধ, হস্তে নিক্ষেপিত অসি, অঙ্গে রুধিরধারা। তিনি উন্মত্তের ন্যায় অসি ঘূর্ণিত করিতেছেন। তাঁহার যুদ্ধোত্তম বিফল হইল ; একজন মহাবল পাঠানের দীর্ঘ তরবারির আঘাতে বীরেন্দ্রের অসি হস্তচ্যুত হইয়া দূরে নিক্ষিপ্ত হইল ; বীরেন্দ্রসিংহ বন্দী হইলেন।

বিমলা দেখিয়া শুনিয়া হতাশ হইয়া তথা হইতে প্রস্থান করিলেন। এখনও তিলোত্তমাকে রক্ষা করিবার সময় আছে। বিমলা তাহার কাছে দৌড়িয়া গেলেন। পশ্চিমধ্যে দেখিলেন, তিলোত্তমার কক্ষে প্রত্যাঘাত করা ছুঃসাধ্য ; সর্বত্র পাঠান সেনা ব্যাপিয়াছে। পাঠানদিগের যে দুর্গজয় হইয়াছে, তাহাতে আর সংশয় নাই।

বিমলা দেখিলেন, তিলোত্তমার ঘরে যাইতে পাঠান সেনার হস্তে পড়িতে হয়। তিনি তখন ফিরিলেন। কাতর হইয়া চিন্তা করিতে লাগিলেন, কি করিয়া জগৎসিংহ আর তিলোত্তমাকে এই বিপত্তিকালে সংবাদ দিবেন। বিমলা একটা কক্ষমধ্যে দাঁড়াইয়া চিন্তা করিতেছেন, এমন সময়ে কয়েক জন সৈনিক অগ্ন ঘর লুণ্ঠ করিয়া, সেই ঘর লুণ্ঠিতে আসিতেছে দেখিতে পাইলেন। বিমলা অত্যন্ত শঙ্কিত হইয়া ব্যস্ত

কক্ষস্থ একটা সিন্দূকের পার্শ্বে লুকাইলেন। সৈনিকেরা আসিয়া ঐ কক্ষস্থ দ্রব্যজাত লুঠ করিতে লাগিল। বিমলা দেখিলেন, নিস্তার নাই, লুঠেরা সকল যখন ঐ সিন্দুক খুলিতে আসিবে, তখন তাঁহাকে অবশ্য ধৃত করিবে। বিমলা সাহসে নির্ভর করিয়া কিঞ্চিৎ কাল অপেক্ষা করিলেন, এবং সিন্দুকপার্শ্ব হইতে সাবধানে সেনাগণ কি করিতেছে দেখিতে লাগিলেন। বিমলার অতুল সাহস ; বিপৎকালে সাহস বৃদ্ধি হইল। যখন দেখিলেন যে, সেনাগণ নিজ নিজ সম্মুখবৃত্তিতে ব্যাপ্ত হইয়াছে, তখন নিঃশব্দপদবিক্ষেপে সিন্দুকপার্শ্ব হইতে নির্গত হইয়া পলায়ন করিলেন। সেনাগণ লুঠে ব্যস্ত, তাঁহাকে দেখিতে পাইল না। বিমলা প্রায় কক্ষদ্বার পশ্চাৎ করেন, এমন সময়ে একজন সৈনিক আসিয়া পশ্চাৎ হইতে তাঁহার হস্ত ধারণ করিল। বিমলা ফিরিয়া দেখিলেন, রহিম সেখ ! সে বলিয়া উঠিল, “তবে পলাতকা ? আর কোথায় পলাবে ?”

দ্বিতীয়বার রহিমের করকবলিত হওয়াতে বিমলার মুখ শুকাইয়া গেল ; কিন্তু সে ক্ষণকালমাত্র ; তেজস্বিনী বুদ্ধির প্রভাবে তখনই মুখ আবার হর্ষোৎফুল্ল হইল। বিমলা মনে মনে কহিলেন, “ইহারই দ্বারা স্বকর্ম উদ্ধার করিব।” তাহার কথার প্রত্যুত্তরে কহিলেন, “চুপ কর, আস্তে, বাহিরে আইস।”

এই বলিয়া বিমলা রহিম সেখের হস্ত ধরিয়া বাহিরে টানিয়া আনিলেন ; রহিমও ইচ্ছাপূর্বক আসিল। বিমলা তাহাকে নির্জনে পাইয়া বলিলেন, “ছি ছি ছি ! তোমার এমন কর্ম ! আমাকে রাখিয়া তুমি কোথায় গিয়াছিলে ? আমি তোমাকে না তল্লাস করিয়াছি এমন স্থান নাই।” বিমলা আবার সেই কটাক্ষ সেখজীর প্রতি নিক্ষেপ করিলেন।

সেখজীর গোসা দূর হইল ; বলিল, “আমি সেনাপতিকে জগৎসিংহের সংবাদ দিবার জন্ত তল্লাস করিয়া বেড়াইতেছিলাম, সেনাপতির নাগাল না পাইয়া তোমার তল্লাসে ফিরিয় আসিলাম, তোমাকে ছাদে না দেখিয়া নানা স্থানে তল্লাস করিয়া বেড়াইতেছি।”

বিমলা কহিলেন, “আমি তোমার বিলম্ব দেখিয়া মনে করিলাম, তুমি

আমাকে ভুলিয়া গেলে, এজন্য তোমার তল্লাসে আসিয়াছিলাম। এখন আর বিলম্বে কাজ কি ? তোমাদের দুর্গ অধিকার হইয়াছে ; এই সময় পলাইবার উদ্যোগ দেখা ভাল।”

রহিম কহিল, “আজ না, কাল প্রাতে, আমি না বলিয়া কি প্রকারে যাইব ? কাল প্রাতে সেনাপতির নিকট বিদায় লইয়া যাইব।”

বিমলা কহিলেন, “তবে চল, এই বেলা আমার অলঙ্কারাদি যাহা আছে হস্তগত করিয়া রাখি ; নচেৎ আর কোন সিপাহি লুণ্ঠ করিয়া লইবে।”

সৈনিক কহিল, “চল।” রহিমকে সমভিব্যাহারে লইবার তাৎপর্য্য এই যে, সে বিমলাকে অন্য সৈনিকের হস্ত হইতে রক্ষা করিতে পারিবে। বিমলার সতর্কতা অচিরাৎ প্রমাণীকৃত হইল। তাহারা কিয়দূর যাইতে না যাইতেই আর এক দল অপহরণাসক্ত সেনার সম্মুখে পড়িল। বিমলাকে দেখিবামাত্র তাহারা কোলাহল করিয়া উঠিল, “ও রে, বড় শিকার মিলেছে রে !”

রহিম বলিল, “আপন আপন কস্ম' কর ভাই সব, এ দিকে নজর করিও না।”

সেনাগণ ভাব বুঝিয়া ক্ষান্ত হইল। একজন কহিল, “রহিম ! তোমার ভাগ্য ভাল। এখন নবাব মুখের গ্রাস না কাড়িয়া লয়।”

রহিম ও বিমলা চলিয়া গেল। বিমলা রহিমকে নিজ শয়নকক্ষের নীচের কক্ষে লইয়া গিয়া কহিলেন, “এই আমার নীচের ঘর ; এই ঘরের যে যে সামগ্রী লইতে ইচ্ছা হয়, সংগ্রহ কর ; ইহার উপরে আমার শুইবার ঘর, আমি তথা হইতে অলঙ্কারাদি লইয়া শীঘ্র আসিতেছি।” এই বলিয়া তাহাকে এক গোছা চাবি ফেলিয়া দিলেন।

রহিম কক্ষে দ্রব্য সামগ্রী প্রচুর দেখিয়া হৃষ্টচিত্তে সিন্ধুক পেটারী খুলিতে লাগিল। বিমলার প্রতি আর তিলান্বিত অবিশ্বাস রহিল না। বিমলা কক্ষ হইতে বাহির হইয়াই ঘরের বহির্দিকে শৃঙ্খল বদ্ধ করিয়া কুলুপ দিলেন। রহিম কক্ষমধ্যে বন্দী হইয়া রহিল।

বিমলা তখন উর্দ্ধ্বাসে উপরের ঘরে গেলেন। বিমলা ও তিলোত্তমার

প্রকোষ্ঠ দুর্গের প্রান্তভাগে ; সেখানে এ পর্য্যন্ত অত্যাচারকারী সেনা আইসে নাই ; তিলোত্তমা ও জগৎসিংহ কোলাহলও শুনিতে পাইয়াছেন কি না সন্দেহ । বিমলা অকস্মাৎ তিলোত্তমার কক্ষমধ্যে প্রবেশ না করিয়া কোতুহল প্রযুক্ত দ্বারমধ্যস্থ এক ক্ষুদ্র রন্ধ্র হইতে গোপনে তিলোত্তমাব ও রাজকুমারের ভাব দেখিতে লাগিলেন । যাহার যে স্বভাব ! এ সময়েও বিমলার কোতুহল । যাহা দেখিলেন, তাহাতে কিছু বিস্মিত হইলেন ।

তিলোত্তমা পালঙ্কে বসিয়া আছেন, জগৎসিংহ নিকটে দাঁড়াইয়া নীরবে তাঁহার মুখমণ্ডল নিরীক্ষণ করিতেছেন । তিলোত্তমা রোদন করিতেছেন ; জগৎসিংহও চক্ষু মুছিতেছেন ।

বিমলা ভাবিলেন “এ বুঝি বিদায়ের রোদন ।”

একবিংশ পরিচ্ছেদ : খড়্গ খড়্গ

বিমলাকে দেখিয়া জগৎসিংহ জিজ্ঞাসা করিলেন, “কিসের কোলাহল ?”

বিমলা কহিলেন, “পাঠানের জয়ধ্বনি । শীঘ্র উপায় করুন ; শত্রু আর তিলাক্ষি মাত্রে এ ঘরের মধ্যে আসিবে ।”

জগৎসিংহ ক্ষণকাল চিন্তা করিয়া কহিলেন, “বীরেন্দ্রসিংহ কি করিতেছেন ?”

বিমলা কহিলেন, “তিনি শত্রুহস্তে বন্দী হইয়াছেন ।”

তিলোত্তমার কণ্ঠ হইতে অক্ষুট চীৎকার নির্গত হইল ; তিনি পালঙ্কে মূর্ছিতা হইয়া পড়িলেন ।

জগৎসিংহ বিস্ময়মুখ হইয়া বিমলাকে কহিলেন, “দেখ দেখ, তিলোত্তমাকে দেখ ।”

বিমলা তৎক্ষণাৎ গোলাবপাশ হইতে গোলাব লইয়া তিলোত্তমার মুখে কণ্ঠে কপোলে সিঞ্চন করিলেন, এবং কাতর চিত্তে ব্যজন করিতে লাগিলেন ।

শত্রু-কোলাহল আরও নিকট হইল ; বিমলা প্রায় রোদন করিতে

করিতে কহিলেন, “ঐ আসিতেছে !—রাজপুত্র ! কি হইবে ?”

জগৎসিংহের চক্ষুঃ হইতে অগ্নিস্ফুলিঙ্গ নির্গত হইতে লাগিল । কহিলেন, “এক! কি করিতে পারি ? তবে তোমার সখীর রক্ষার্থে প্রাণত্যাগ করিব ।”

শত্রুর ভীমনাদ আরও নিকটবর্তী হইল । অস্ত্রের ঝঙ্কনাও শুনা যাইতে লাগিল । বিমলা চীৎকার করিয়া উঠিলেন, “তিলোত্তমা ! এ সময়ে কেন তুমি অচেতন হইলে ? তোমাকে কি প্রকারে রক্ষা করিব ?”

তিলোত্তমা চক্ষুঃস্নান করিলেন । বিমলা কহিলেন, “তিলোত্তমার জ্ঞান হইতেছে ; রাজকুমার ! রাজকুমার ! এখনও তিলোত্তমাকে বাঁচাও ।”

রাজকুমার কহিলেন, “এ ঘরের মধ্যে থাকিলে কার সাধ্য রক্ষা করে ! এখনও যদি ঘর হইতে বাহির হইতে পারিতে, তবে আমি তোমাদিগকে ছুর্গের বাহিরে লইয়া যাইতে পারিলেও পারিতাম ; কিন্তু তিলোত্তমার ত গতিশক্তি নাই । বিমলে ! ঐ পাঠান সিঁড়িতে উঠিতেছে । আমি অগ্রে প্রাণ দিবই, কিন্তু পরিতাপ যে, প্রাণ দিয়াও তোমাদের বাঁচাইতে পারিলাম না ।”

বিমলা পলকমধ্যে তিলোত্তমাকে ক্রোড়ে তুলিয়া কহিলেন, “তবে চলুন ; আমি তিলোত্তমাকে লইয়া যাইতেছি ।”

বিমলা আর জগৎসিংহ তিন লক্ষ কক্ষদ্বারে আসিলেন । চারি জন পাঠান সৈনিকও সেই সময়ে বেগে ধাবমান হইয়া কক্ষদ্বারে আসিয়া পড়িল । জগৎসিংহ কহিলেন, “বিমলা, আর হইল না আমার পশ্চাৎ আইস ।”

পাঠানেরা শিকার সম্মুখে পাইয়া “আল্লা—ল্লা—হো” চীৎকার করিয়া, পিশাচের ন্যায় লাফাইতে লাগিল । কটিস্থিত অস্ত্রে ঝঙ্কনা বাজিয়া উঠিল । সেই চীৎকার শেষ হইতে না হইতেই জগৎসিংহের অসি একজন পাঠানের হৃদয়ে আমূল সমারোপিত হইল । ভীম চীৎকার করিতে করিতে পাঠান প্রাণত্যাগ করিল । পাঠানের বক্ষঃ হইতে অসি তুলিবার

পূর্বেই আর একজন পাঠানের বর্শাফলক জগৎসিংহের গ্রীবাদেরে আসিয়া পড়িল ; বর্শা পড়িতে না পড়িতেই বিদ্যাহেং হস্তচালনা দ্বারা কুমার সেই বর্শা বাম করে ধৃত করিলেন, এবং তৎক্ষণাৎ সেই বর্শারই প্রতিঘাতে বর্শানিক্ষেপীকে ভূমিশায়ী করিলেন । বাকি দুই জন পাঠান নিমেষমধ্যে এককালে জগৎসিংহের মস্তক লক্ষ্য করিয়া অসি প্রহার করিল ; জগৎসিংহ পলক ফেলিতে অবকাশ না লইয়া দক্ষিণ হস্তস্থ অসির আঘাতে একজনের অসি সহিত প্রকোষ্ঠচ্ছেদ করিয়া ভূতলে ফেলিলেন ; দ্বিতীয়ের প্রহার নিবারণ করিতে পারিলেন না ; অসি মস্তকে লাগিল না বটে, কিন্তু স্বন্ধদেশে দারুণ আঘাত পাইলেন । কুমার আঘাত পাইয়া যন্ত্রণায় ব্যাধশরস্পৃষ্ট ব্যাঘ্রে ত্রায় দ্বিগুণ প্রচণ্ড হইলেন ; পাঠান অসি তুলিয়া পুনরাঘাতের উদ্ভম করিতে না করিতেই কুমার, দুই হস্তে দৃঢ়তর মুষ্টিবদ্ধ করিয়া ভীষণ অসি ধারণ পূর্বক লাফ দিয়া আঘাতকারী পাঠানের মস্তকে মারিলেন, উষ্ণীষ সহিত পাঠানের মস্তক দুই খণ্ড হইয়া পড়িল । কিন্তু এই অবসরে যে সৈনিকের হস্তচ্ছেদ হইয়াছিল, সে বাম হস্তে কটি হইতে তীক্ষ্ণ ছুরিকা নির্গত করিয়া রাজপুত্র শরীর লক্ষ্য করিল ; যেমন রাজপুত্রের উল্লম্বোখিত শরীর ভূতলে অবতরণ করিতেছিল, অমনি সেই ছুরিকা রাজপুত্রের বিশাল বাহুमध्ये গভীর বিঁধিয়া গেল । রাজপুত্র সে আঘাত সূচীবোধ মাত্র জ্ঞান করিয়া পাঠানের কটিদেশে পর্বতপাতবৎ পদাঘাত করিলেন, যখন দূরে নিষ্কিপ্ত হইয়া পড়িল । রাজপুত্র বেগে ধাবমান হইয়া তাহার শিরচ্ছেদ করিতে উদ্যত হইতেছিলেন, এমন সময়ে ভীমনাদে “আল্লা—ল্লা—হো” শব্দ করিয়া অগণিত পাঠানসেনাশ্রোত কক্ষमध्ये প্রবেশ করিল । রাজপুত্র দেখিলেন, যুদ্ধ করা কেবল মরণের কারণ ।

রাজপুত্রের অঙ্গ রুধিরে প্লাবিত হইতেছে ; রুধিরোৎসর্গে ক্রমে দেহ ক্ষীণ হইয়া আসিয়াছে ।

তিলোত্তমা এখনও বিচেতন হইয়া বিমলার ক্রোড়ে রহিয়াছে ।

বিমলা তিলোত্তমাকে ক্রোড়ে করিয়া কাঁদিতেছে ; তাহারও বস্ত্র রাজপুত্রের রক্তে আর্দ্র হইয়াছে ।

কক্ষ পাঠান সেনায় পরিপূর্ণ হইল ।

রাজপুত্র এবার অসির উপর ভর করিয়া নিশ্বাস ছাড়িলেন । একজন পাঠান কহিল, “রে নফর ! অস্ত্র ত্যাগ কর ; তোরে প্রাণে মারিব না ।” নিব্বাণেশ্বর অগ্নিতে যেন কেহ ঘৃতাঙ্কুর দিল । অগ্নিশিখাবৎ লক্ষ্য দিয়া কুমার দাস্তিক পাঠানের মস্তকচ্ছেদ করিয়া নিজ চরণতলে পাড়িলেন । অসি ঘুরাইয়া ডাকিয়া কহিলেন, “যবন, রাজপুত্রেরা কি প্রকারে প্রাণত্যাগ করে দেখ ।”

অনন্তর বিদ্রোহ কুমারের অসি চমকিতে লাগিল । রাজপুত্র দেখিলেন যে, একাকী আর যুদ্ধ হইতে পারে না ; কেবল যত পারেন শত্রুনিপাত করিয়া প্রাণত্যাগ করাই তাঁহার উদ্দেশ্য হইল । এই অভিপ্রায়ে শত্রু-তরঙ্গের মধ্যস্থলে পড়িয়া বজ্রমুষ্টিতে দুই হস্তে অসি-ধারণপূর্বক সঞ্চালন করিতে লাগিলেন । আর আত্মরক্ষার দিকে বিন্দুমাত্র মনোযোগ রহিল না ; কেবল অজস্র আঘাত করিতে লাগিলেন । এক, দুই, তিন, — প্রতি আঘাতেই হয় কোন পাঠান ধরাশায়ী, নচেৎ কাহারও অঙ্গচ্ছেদ হইতে লাগিল । রাজপুত্রের অঙ্গে চতুর্দিক হইতে বৃষ্টিধারাবৎ অস্ত্রাঘাত হইতে লাগিল । আর হস্ত চলে না, ক্রমে ভূরি ভূরি আঘাতে শরীর হইতে রক্তপ্রবাহ নির্গত হইয়া বাহু ক্ষীণ হইয়া আসিল ; মস্তক ঘুরিতে লাগিল ; চক্ষু ধূমাকার দেখিতে লাগিলেন ; কর্ণে অস্পষ্ট কোলাহল মাত্র প্রবেশ করিতে লাগিল ।

“রাজপুত্রকে কেহ প্রাণে বধ করিও না, জীবিতাবস্থায় ব্যাঘ্রকে পিঞ্জরাবদ্ধ করিতে হইবে ।”

এই কথার পর আর কোন কথা রাজপুত্র শুনিতে পাইলেন না ; ওসমান খাঁ এই কথা বলিয়াছিলেন ।

রাজপুত্রের বাহুযুগল শিথিল হইয়া লম্বমান হইয়া পড়িল ; বলহীন মুষ্টি হইতে অসি ঝঞ্ঝনা-সহকারে ভূতলে পড়িয়া গেল ; রাজপুত্রও বিচেতন হইয়া স্বকরনিহত এক পাঠানের মৃতদেহের উপর মূর্চ্ছিত হইয়া পড়িলেন । বিংশতি পাঠান রাজপুত্রের উষ্মীষের রক্ত অপহরণ করিতে ধাবমান হইল । ওসমান বজ্রগম্ভীরস্বরে কহিলেন, “কেহ রাজপুত্রকে

স্পর্শ করিও না ।”

সকলে বিরত হইল । ওসমান খাঁ ও অপর একজন সৈনিক তাঁহাকে ধরাধরি করিয়া পালঙ্কের উপর উঠাইয়া শয়ন করাইলেন । জগৎসিংহ চারি দণ্ড পূর্বে তিলোত্তম জন্ত আশা করিয়াছিলেন যে তিলোত্তমাকে বিবাহ করিয়া এক দিন সেই পালঙ্কে তিলোত্তমার সহিত বিরাজ করিবেন, - সে পালঙ্ক তাঁহার মৃত্যু-শয্যা-প্রায় হইল ।

জগৎসিংহকে শয়ন করাইয়া ওসমান খাঁ সৈনিকদিগকে জিজ্ঞাসা করিলেন, “স্ত্রীলোকেরা কই ?”

ওসমান, বিমলা ও তিলোত্তমাকে দেখিতে পাইলেন না । যখন দ্বিতীয়বার সেনাপ্রবাহ কক্ষমধ্যে প্রধাবিত হয়, তখন বিমলা ভবিষ্যৎ বুঝিতে পারিয়াছিলেন ; উপায়ান্তর বিরহে পালঙ্কতলে তিলোত্তমাকে লইয়া লুকায়িত হইয়াছিলেন, কেহ তাহা দেখে নাই । ওসমান তাঁহা-দিগকে না দেখিতে পাইয়া কহিলেন, “স্ত্রীলোকেরা কোথায়, তোমরা তাবৎ দুর্গমধ্যে অন্বেষণ কর ! বাঁদী ভয়ানক বুদ্ধিমতী ; সে যদি পলায়, তবে আমার মন নিশ্চিন্ত থাকিবেক না । কিন্তু সাবধান ! বীরেন্দ্রের কণ্ঠার প্রতি যেন কোন অত্যাচার না হয় ।”

সেনাগণ কতক কতক দুর্গের অগ্গাচ্ছ ভাগ অন্বেষণ করিতে গেল । দুই একজন কক্ষমধ্যে অনুসন্ধান করিতে লাগিল । একজন অগ্গ এক দিক্ দেখিয়া আলো লইয়া পালঙ্কে-তলমধ্যে দৃষ্টিতপাত করিল । যাহা সন্ধান করিতেছিল, তা দেখিতে পাইয়া কহিল, “এইখানেই আছে ।”

ওসমানের মুখ হর্ষ-প্রফুল্ল হইল । কহিলেন, “তোমরা বাহিরে আইস, কোন চিন্তা নাই ।”

বিমলা অগ্রে বাহির হইয়া তিলোত্তমাকে বাহিরে আনিয়া বসাইলেন । তখন তিলোত্তমার চৈতন্য হইতেছে—বসিতে পারিলেন । ধীরে ধীরে বিমলাকে জিজ্ঞাসা করিলেন, “আমরা কোথায় আসিয়াছি ?”

বিমলা কাণে কাণে কহিলেন, “কোন চিন্তা নাই, অবগুষ্ঠন দিয়া বসো ।”

যে ব্যক্তি অনুসন্ধান করিয়া বাহির করিয়াছিল, সে ওসমানকে কহিল,

“জুনাব্ । গোলাম খুঁজিয়া বাহির করিয়াছে ।”

ওসমান কহিল, “তুমি পুরস্কার প্রার্থনা করিতেছ ? তোমার নাম কি ?”

সে কহিল, “গোলামের নাম করিমবক্স, কিন্তু করিমবক্স বলিলে কেহ চেনে না । আমি পূর্বে মোগল-সৈন্য ছিলাম, এক্ষণ সকলে রহস্যে আমাকে মোগল-সেনাপতি বলিয়া ডাকে ।”

বিমলা শুনিয়া শিহরিয়া উঠিলেন । অভিরাম স্বামীর জ্যোতির্গণনা তাঁহার স্মরণ হইল ।

ওসমান কহিলেন, “আচ্ছা, স্মরণ থাকিবে ।”

দ্বিতীয় খণ্ড

প্রথম পরিচ্ছেদ : আয়েষা

জগৎসিংহ যখন চক্ষুরুন্মীলন করিলেন, তখন দেখিলেন যে, তিনি সুরম্য হর্ম্যমধ্যে পর্য্যঙ্কে শয়ন করিয়া আছেন। যে ঘরে তিনি শয়ন করিয়া আছেন, তথায় যে আর কখন আসিয়াছিলেন, এমন বোধ হইল না। কক্ষটি অতি প্রশস্ত, অতি সুশোভিত ; প্রস্তরনির্মিত হর্ম্যতল, পাদস্পর্শসুখজনক গালিচায় আবৃত ; তত্বপরি গোলাবপাশ প্রভৃতি স্বর্ণ রৌপ্য গজদস্তাদি নানা মহার্ঘবস্তু-নির্মিত সামগ্রী রহিয়াছে ; কক্ষদ্বারে বা গবাক্ষে নীল পর্দা আছে ; এজন্ত দিবসের আলোক অতি স্নিগ্ধ হইয়া কক্ষে প্রবেশ করিতেছে ; কক্ষ নানাবিধ স্নিগ্ধ সৌগন্ধে আমোদিত হইয়াছে।

কক্ষমধ্যে নীরব, যেন কেহই নাই। একজন কিঙ্করী সুবাসিত বারিসিক্ত ব্যঞ্জনহস্তে রাজপুত্রকে নিঃশব্দে বাতাস দিতেছে, অপরা একজন কিঙ্করী কিছু দূরে বাক্শক্তিবিহীন চিত্র-পুস্তলিকার ত্রায় দণ্ডায়মানা আছে। যে দ্বিরথ-দন্তু-খচিত পালঙ্কে রাজপুত্র শয়ন করিয়া আছেন, তাহার উপরে রাজপুত্রের পার্শ্বে বসিয়া একটি জ্বীলোক ; তাঁহার অঙ্গের ক্ষতসকলে সাবধানহস্তে কি ঔষধ লেপন করিতেছে। হর্ম্যতলে গালিচার উপরে উত্তম পরিচ্ছদবিশিষ্ট একজন পাঠান বসিয়া তাবুল চর্চণ করিতেছে ও একখানি পারসী পুস্তক দৃষ্টি করিতেছে। কেহই কোন কথা কহিতেছে না বা শব্দ করিতেছে না।

রাজপুত্র চক্ষুরুন্মীলন করিয়া কক্ষের চতুর্দিকে দৃষ্টিপাত করিলেন। পাশ ফিরিতে চেষ্টা করিলেন ; কিন্তু ভিলার্ক সরিতে পারিলেন না ; সর্ব্বাঙ্গে দারুণ বেদনা।

পর্য্যঙ্কে যে জ্বীলোক বসিয়াছিল, সে রাজপুত্রের উত্তম দেখিয়া অতি মৃদু, বীণাবৎ মধুর স্বরে কহিল, “স্থির থাকুন, চঞ্চল হইবেন না।”

রাজপুত্র ক্ষীণস্বরে কহিলেন, “আমি কোথায় ?”

সেই মধুর স্বরে উত্তর হইল, “কথা কহিবেন না, আপনি উত্তম স্থানে

আছেন । চিন্তা করিবেন না, কথা কহিবেন না ।”

রাজপুত্র পুনশ্চ অতি ক্ষীণ স্বরে জিজ্ঞাসা করিলেন, “বেলা কত ?”

মধুরভাষিনী পুনরপি অশ্রুট বচনে কহিল, “অপরাহ্ন । আপনি স্থির হউন, কথা কহিলে আরোগ্য পাইতে পারিবেন না । আপনি চুপ না করিলে আমরা উঠিয়া যাইব ।”

রাজপুত্র কষ্টে কহিলেন, “আর একটি কথা ; তুমি কে ?”

রমণী কহিল, “আয়েষা ।”

রাজপুত্র নিস্তব্ধ হইয়া আয়েষার মুখ নিরীক্ষণ করিতে লাগিলেন । আর কোথাও কি ইহাকে দেখিয়াছেন ? না ; আর কখন দেখেন নাই ; সে বিষয় নিশ্চিত প্রতীতি হইল ।

আয়েষার বয়ঃক্রম দ্বাবিংশতি বৎসর হইবেক । আয়েষা দেখিতে পরমা সুন্দরী, কিন্তু সে রীতির সৌন্দর্য্য দুই চারি শব্দে সেরূপ প্রকটিত করা দুঃসাধ্য । তিলোত্তমাও পরম রূপবতী, কিন্তু আয়েষার সৌন্দর্য্য সে রীতির নহে ; স্থিরযোবনা বিমলারও এ কাল পর্য্যন্ত রূপের ছটা লোক-মনোমোহিনী ছিল ; আয়েষার রূপরাশি তদনুরূপও নহে । কোন কোন তরুণীর সৌন্দর্য্য বাসন্তী মল্লিকার আয় ; নবশ্রুট, ব্রীড়াসঙ্কুচিত, কোমল, নিম্মল, পরিমলময় । তিলোত্তমার সৌন্দর্য্য সেইরূপ । কোন রমণীর রূপ অপরাহ্নের স্থলপদ্মের আয় ; নির্বাস, মুদিতোন্মুখ, শুষ্কপল্লব, অথচ সুশোভিত, অধিক বিকসিত, অধিক প্রভাবিশিষ্ট মধুপরিপূর্ণ । বিমলা সেইরূপ সুন্দরী । আয়েষার সৌন্দর্য্য নব-রবিকর-ফুল্ল জলনলিনীর আয় ; সুবিকাশিত সুবাসিত, রসপরিপূর্ণ, রৌদ্রপ্রদীপ্ত ; না সঙ্কুচিত, না বিশুদ্ধ ; কোমল, অথচ প্রোজ্জ্বল ; পূর্ণ দলরাজি হইতে রৌদ্র প্রতিফলিত হইতেছে, অথচ মুখে হাসি ধরে না । পাঠক মহাশয়, “রূপের আলো” কখন দেখিয়াছেন ? না দেখিয়া থাকেন, শুনিয়া থাকিবেন । অনেক সুন্দরী রূপে “দশ দিক্ আলো” করে । শুনা যায়, অনেকের পুত্রবধু “বর আলো” করিয়া থাকেন । ব্রজধামে আর নিশুস্তের যুদ্ধে কালো রূপেও আলো হইয়াছিল । বস্তুতঃ পাঠক মহাশয় বুঝিয়াছেন, “রূপের আলো” কাহাকে বলে ? বিমলা রূপে আলো করিতেন, কিন্তু সে

প্রদীপের আলোর মত ; একটু একটু মিটমিটে, ভেল চাই, নইলে জলে না ; গৃহকার্যে চলে ; নিয়ে ঘর কর, ভাত রান্না, বিছানা পাড়, সব চলিবে, কিন্তু স্পর্শ করিলে পুড়িয়া মরিতে হয়। তিলোত্তমাও রূপে আলো করিতেন—সে বালেন্দু-জ্যোতির ন্যায় ; সুবিমল, সুমধুর, সুশীতল ; কিন্তু তাহাতে গৃহকার্য হয় না, তত প্রখর নয়, এবং দূরনিঃসৃত। আয়েষাও রূপে আলো করিতেন, কিন্তু সে পূর্বাত্মিক সূর্য্যরশ্মির ন্যায় ; প্রদীপ্ত, প্রভাময়, অথচ যাহাতে পড়ে, তাহাই হাসিতে থাকে।

যেমন উত্তানমধ্যে পদ্মফুল, এ আখ্যায়িকা মধ্যে তেমনই আয়েষা ; এজ্ঞাত তাঁহার অবয়ব পাঠক মহাশয়ের ধ্যান-প্রাপ্য করিতে চাহি। যদি চিত্রকর হইতাম, যদি এইখানে তুলি ধরিতে পারিতাম, যদি সে বর্ণ ফলাইতে পারিতাম ; না চম্পক, না রক্ত, না শ্বেতপদ্মকোরক, অথচ তিনই মিশ্রিত, এমত বর্ণ ফলাইতে পারিতাম ; যদি সে কপাল তেমনই নিটোল করিয়া আঁকিতে পারিতাম, নিটোল অথচ বিস্তীর্ণ, মন্থথের রঙ্গ-ভূমি-স্বরূপ করিয়া লিখিতে পারিতাম ; তাহার উপরে তেমনই সুবন্ধিম কেশের সীমা রেখা দিতে পারিতাম ; সে রেখা তেমনই পরিষ্কার, তেমনই কপালের গোলাকৃতির অনুগামিনী করিয়া আকর্ষণ টানিতে পারিতাম ; কর্ণের উপরে সে রেখা তেমনই করিয়া ঘুরাইয়া দিতে পারিতাম ; যদি তেমনই কালো রেশমের মত কেশগুলি লিখিতে পারিতাম, কেশমধ্যে তেমনই করিয়া কপাল হইতে সিঁথি কাটিয়া দিতে পারিতাম—তেমনই পরিষ্কার, তেমনই সূক্ষ্ম ; যদি তেমনই করিয়া কেশ রঞ্জিত করিয়া দিতে পারিতাম ; যদি তেমনই করিয়া লোল কবরী বাঁধিয়া দিতে পারিতাম ; যদি সে অতি নিবিড় ভ্রূয়ুগ আঁকিয়া দেখাইতে পারিতাম ; প্রথমে যথায় দুটি ভ্রূ পরস্পর সংযোগাশয়ী হইয়াও মিলিত হয় নাই, তথা হইতে যেখানে যেমন বন্ধিতায়তন হইয়া মধ্যস্থলে না আসিতে আসিতেই যেক্রপ স্থলরেখ হইয়াছিল, পরে আবার যেন ক্রমে ক্রমে সূক্ষ্মাকারে কেশবিশ্রাস-রেখার নিকটে গিয়া সূচ্যগ্রবৎ সমাপ্ত হইয়াছিল, তাহা যদি দেখাইতে পারিতাম ; যদি সেই বিদ্যাদগ্নিপূর্ণ মেঘবৎ, চঞ্চল, কোমল, চক্ষুঃপ্লব লিখিতে পারিতাম ; যদি সে নয়নযুগলের বিস্তৃত আয়তন লিখিতে

পারিতাম ; তাহার উপরিপল্লব ও অধঃপল্লবের স্থলর বন্ধ ভঙ্গী, সে চক্ষুর নীলালক্তকপ্রভা, তাহার ভ্রমরকৃষ্ণ স্থল তারা লিখিতে পারিতাম ; যদি সে গববিস্ফারিত রক্তসমেত স্থনাঙ্গ, সে রসময় ওষ্ঠাধর সে কবরীস্পৃষ্ঠ প্রস্তরখেত গ্রীবা, সে কর্ণাভরণস্পর্শপ্রার্থী পীবরাঙ্গ, সে স্থল কোমল রত্নালঙ্কারখচিত বাহু, যে অঙ্গুলিতে রত্নাকুরীয় হীনভাস হইয়াছে, সে অঙ্গুলি, সে পদ্মারক্ত, কোমল করপল্লব, সে মুক্তাহার-প্রভানিন্দী পীবরোন্নত বক্ষঃ, সে ঈষদীর্ঘ বপূর মনোমোহন ভঙ্গী, যদি সকলই লিখিতে পারিতাম, তথাপি তুলি স্পর্শ করিতাম না । আয়েবার সৌন্দর্য্যসার, সে সমুদ্রের কৌস্তভরত্ন, তাহার ধীর কটাক্ষ ! সঙ্ঘাসমীরণকম্পিত নীলোৎপলতুল্য ধীর মধুর কটাক্ষ ! কি প্রকারে লিখিব ?

রাজপুত্র আয়েবার প্রতি অনেকক্ষণ নিরীক্ষণ করিতে লাগিলেন । তাহার তিলোত্তমাকে মনে পড়িল । স্মৃতিমাত্র হৃদয় যেন বিদীর্ণ হইয়া গেল, শিরাসমূহমধ্যে রক্তশ্রোতঃ প্রবল বেগে প্রধাবিত হইল । গভীর ক্ষত হইতে পুনর্ব্বার রক্ত-প্রবাহ ছুটিল ; রাজপুত্র পুনর্ব্বার বিচেন্তন হইয়া চক্ষু মুদ্রিত করিলেন ।

খট্টারকৃত্য স্তম্ভরী তৎক্ষণাৎ ত্রস্তে গাত্রোত্থান করিলেন । যে ব্যক্তি গালিচায় বসিয়া পুস্তক পাঠ করিতোঁছিল, সে মধ্যে মধ্যে পুস্তক হইতে চক্ষু তুলিয়া সপ্রেম দৃষ্টিতে আয়েবাকে নিরীক্ষণ করিতোঁছিল ; এমন কি, যুবতী পালঙ্ক হইতে উঠিলে তাহার যে কর্ণাভরণ ছলিতে লাগিল, পাঠান তাহাই অনেকক্ষণ অপরিতৃপ্তলোচনে দেখিতে লাগিল । আয়েবা গাত্রোত্থান করিয়া ধীরে ধীরে পাঠানের নিকট গমনপূর্ব্বক তাহার কাণে কাণে কহিলেন, “ওসমান, শীঘ্র হকিমের নিকট লোক পাঠাও ।”

দুর্গজ্যেষ্ঠা ওসমান খাঁ-ই গালিচায় বসিয়াছিলেন । আয়েবার কথ শুনিয়া তিনি উঠিয়া গেলেন ।

আয়েবা, একটা রূপার সেপায়ার উপরে যে পাত্র ছিল, তাহা হইতে একটু জলবৎ জব্য লইয়া ক্ষনমূচ্ছাগত রাজপুত্রের কপালে মুখে সিঞ্চ করিতে লাগিলেন ।

ওসমান খাঁ অচিরে হকিম লইয়া প্রত্যাগমন করিলেন । হকি

অনেক যত্নে রক্তশ্রাব নিবারণ করিলেন, এবং নানাবিধ ঔষধ আয়েষার নিকট দিয়া মৃদু মৃদু স্বরে সেবনের ব্যবস্থা উপদেশ করিলেন।

আয়েষা কাণে কাণে জিজ্ঞাসা করিলেন, “কেমন অবস্থা দেখিতেছেন?”

হকিম কহিলেন, “স্বর অতি ভয়ঙ্কর।”

হকিম বিদায় লইয়া প্রতিগমন করেন, তখন ওসমান তাঁহার পশ্চাৎ পশ্চাৎ গিয়া দ্বারদেশে তাঁহাকে মৃদুস্বরে কহিলেন, “রক্ষা পাইবে?”

হকিম কহিলেন, “আকার নহে; পুনর্ব্বার যাতনা হইলে আমাকে ডাকিবেন।”

দ্বিতীয় পরিচ্ছেদ : কুসুমের মধ্যে পাষণ

সেই দিবস অনেক রাত্রি পর্য্যন্ত আয়েষা ও ওসমান জগৎসিংহের নিকট বসিয়া রহিলেন। জগৎসিংহের কখন চেতনা হইতেছে, কখন মুচ্ছা হইতেছে; হকিম অনেকবার আসিয়া দেখিয়া গেলেন। আয়েষা অবিশ্রান্তা হইয়া কুমারের শুশ্রূষা করিতে লাগিলেন। যখন দ্বিতীয় প্রহর, তখন একজন পরিচারিকা আসিয়া আয়েষাকে কহিল যে, বেগম তাঁহাকে স্মরণ করিয়াছেন।

“যাইতেছি” বলিয়া আয়েষা গাত্রোথান করিলেন। ওসমানও গাত্রোথান করিলেন। আয়েষা জিজ্ঞাসা করিলেন, “তুমিও উঠিলে?”

ওসমান কহিলেন, “রাত্রি হইয়াছে, চল তোমাকে রাখিয়া আসি।”

আয়েষা দাসদাসীদিগকে সতর্ক থাকিতে আদেশ করিয়া মাতৃগৃহ অভিযুখে চলিলেন। পথে ওসমান জিজ্ঞাসা করিলেন, “তুমি কি আজ বেগমের নিকটে থাকিবে?”

আয়েষা কহিলেন, “না, আমি আবার রাজপুত্রের নিকট প্রত্যাগমন করিব।”

ওসমান কহিলেন, “আয়েষা! তোমার গুণের সীমা দিতে পারি না; তুমি এই পরম শত্রুকে যে যত্ন করিয়া শুশ্রূষা করিতেছ, ভগিনী ভ্রাতার

জন্ত এমন করে না। তুমি উহার প্রাণদান করিতেছ।”

আয়েষা ভুবনমোহন মুখে একটু হাসি হাসিয়া কহিলেন, “ওসমান ! আমি ত স্বভাবতঃ রমণী ; পীড়িতদের সেবা আমার পরম ধর্ম ; না করিলে দোষ, করিলে প্রশংসা নাই। কিন্তু তোমার কি ? যে তোমার পরম বৈরী, রণক্ষেত্রে তোমার দর্পহারী প্রতিযোগী, স্বহস্তে যাহার এ দশা ঘটাইয়াছ, তুমি যে অল্পদিন নিজে ব্যস্ত থাকিয়া তাহার সেবা করাইতেছ, তাহার আরোগ্যসাধন করাইতেছ, ইহাতে তুমিই যথার্থ প্রশংসা ভাজন।”

ওসমান কিঞ্চিৎ অপ্রতিভের ন্যায় হইয়া কহিলেন, “তুমি, আয়েষা, আপনার সুন্দর স্বভাবের মত সকলকে দেখ। আমার অভিপ্রায় তত ভাল নহে। তুমি দেখিতেছ না জগৎসিংহ প্রাণ পাইলে আমাদিগের কত লাভ ? রাজপুত্রের এক্ষণে মৃত্যু হইলে আমাদিগের কি হইবে ? রণক্ষেত্রে মানসিংহ জগৎসিংহের ন্যূন নহে, একজন যোদ্ধার পরিবর্তে আর একজন যোদ্ধা আসিবে। কিন্তু যদি জগৎসিংহ জীবিত থাকিয়া আমাদিগের হস্তে কারারুদ্ধ থাকে, তবে মানসিংহকে হাতে পাইলাম ; সে প্রিয়পুত্রের মুক্তির জন্ত অবশ্য আমাদিগের মঙ্গলজনক সন্ধি করিবে ; আকবরও এতাদৃশ দক্ষ সেনাপতিকে পুনঃপ্রাপ্ত হইবার জন্ত অবশ্য সন্ধির পক্ষে মনোযোগী হইতে পারিবে ; আর যদি জগৎসিংহকে আমাদিগের সদ্যবহার দ্বারা বাধ্য করিতে পারি, তবে সেও আমাদিগের মনোমত সন্ধিবন্ধন পক্ষে অনুরোধ কি যত্ন করিতে পারে ; তাহার যত্ন নিতান্ত নিষ্ফল হইবে না। নিতান্ত কিছু ফল না দর্শে, তবে জগৎসিংহের স্বাধীনতার মূল্যস্বরূপ মানসিংহের নিকট বিস্তর ধনও পাইতে পারিব। সম্মুখ সংগ্রামে একদিন জয়ী হওয়ার অপেক্ষাও জগৎসিংহের জীবনে আমাদিগের উপকার।”

ওসমান এই সকল আলোচনা করিয়া রাজপুত্রের পুনর্জীবনে যত্নবান হইয়াছিলেন সন্দেহ নাই ; কিন্তু আর কিছুও ছিল। কাহারও কাহারও অভ্যাস আছে যে, পাছে লোকে দয়ালু-চিন্তা বলে, এই লজ্জার আশঙ্কায় কাঠিন্ত প্রকাশ করেন ; এবং দয়াশীলতা নারী-স্বভাব-সিদ্ধ বলিয়া উপহাস

করিতে করিতে পরোপকার করেন। লোকে জিজ্ঞাসিলে বলেন, ইহাতে আমার বড় প্রয়োজন আছে। আয়েষা বিলক্ষণ জানিতেন, ওসমান তাহারই একজন। হাসিতে হাসিতে বলিলেন, “ওসমান! সকলেই যন তোমার মত স্বার্থপরতায় দূরদর্শী হয়। তাহা হইলে আর ধৰ্ম্মে কাজ নাই।”

ওসমান কিছুকাল ইতস্ততঃ করিয়া মুহূর্তরস্থরে কহিলেন, “আমি যে পরম স্বার্থপর তাহার আর এক প্রমাণ দিতেছি।”

আয়েষা নিজ সবিদ্যুৎ মেঘতুল্য চক্ষুঃ ওসমানের বদনের প্রতি স্থির করিলেন।

ওসমান কহিলেন, আমি “আশা-লতা ধরিয়া আছি, আর কত কাল তাহার তলে জলসিঞ্জন করিব?”

আয়েষার মুখত্ৰী গম্ভীর হইল। ওসমান এ ভাবান্তরেও নূতন সৌন্দর্য্য দেখিতে লাগিলেন। আয়েষা কহিলেন, “ওসমান! ভাই বহিন বলিয়া তোমার সঙ্গে বসি দাঁড়াই। বাড়াবাড়ি করিলে, তোমার সক্ষাতে বাহির হইব না।”

ওসমানের হর্ষোৎফুল্ল মুখ মলিন হইয়া গেল। কহিলেন, “ঐ কথা চিরকাল! সৃষ্টিকর্ত্তা! এ কুসুমের দেহমধ্যে তুমি কি পাষণের হৃদয় গড়িয়া রাখিয়াছ?”

ওসমান আয়েষাকে মাতৃগৃহ পর্য্যন্ত রাখিয়া আসিয়া বিষন্ন মনে নিজ আবাসমন্দির মধ্যে প্রত্যাগমন করিলেন।

আর জগৎসিংহ?

বিষম জ্বর-বিকারে অচেতন শয্যাশায়ী হইয়া রহিলেন।

ভৃতীয় পরিচ্ছেদ : তুমি না তিলোত্তমা ?

পরদিন প্রদোষকালে জগৎসিংহের অবস্থান-কক্ষে আয়েষা, ওসমান আর চিকিৎসক পূর্ব্ববৎ নিঃশব্দে বসিয়া আছেন; আয়েষা পালকে বসিয়া স্বহস্তে ব্যঞ্জনাদি করিতেছেন; চিকিৎসক ঘন ঘন জগৎসিংহের নাড়ী

দেখিতেছেন, জগৎসিংহ অচেতন ; চিকিৎসক কহিয়াছেন, সেই রাত্রে জ্বর-ত্যাগের সময়ে জগৎসিংহের লয় হইবার সম্ভাবনা, যদি সে সময় শুধরাইয়া যান, তবে আর চিন্তা থাকিবে না, নিশ্চিত রক্ষা পাইবেন । জ্বর-বিশ্রামের সময় আগত, এই জ্ঞান সকলেই বিশেষ ব্যগ্র ; চিকিৎসক মুহুম্মুহুঃ নাড়ী দেখিতেছেন, “নাড়ী ক্ষীণ,” “আরও ক্ষীণ”—“কিঞ্চিং সবল,” ইত্যাদি মুহুম্মুহুঃ অশ্রুটশব্দে বলিতেছেন । সহসা চিকিৎসকের মুখ কালিমাপ্রাপ্ত হইল । বলিলেন, “সময় আগত ।”

‘আয়েষা ও ওসমান নিষ্পন্দ হইয়া শুনিতে লাগিলেন । হকিম নাড়ী ধরিয়া রহিলেন ।

কিয়ৎক্ষণ পরে চিকিৎসক কহিলেন, “গতিক মন্দ ।” আয়েষার মুখ আরও শ্লান হইল । হঠাৎ জগৎসিংহের মুখে বিকট ভঙ্গী উপস্থিত হইল ; মুখ শ্বেতবর্ণ হইয়া আসিল ; হস্তে দৃঢ়মুষ্টি বাঁধিল ; চক্ষু অলৌকিক স্পন্দন হইতে লাগিল ; আয়েষা বুঝিলেন, কৃতান্তের গ্রাস পূর্ণ হইতে আর বিলম্ব নাই । চিকিৎসক হস্তস্থিত পাত্রে ঔষধ লইয়া বসিয়াছিলেন ; এরূপ লক্ষণ দেখিবামাত্রই অঙ্গুলি দ্বারা রোগীর মুখব্যাদান করাইয়া ঐ ঔষধ পান করাইলেন । ঔষধ ওষ্ঠপ্রাপ্ত হইতে নির্গত হইয়া পড়িল ; কিঞ্চিং উদরে গেল । উদরে প্রবেশমাত্রই রোগীর দেহের অবস্থা পরিবর্তিত হইতে লাগিল ; ক্রমে মুখের বিকট ভঙ্গী দূরে গিয়া কাস্তি স্থির হইল, বর্ণের অস্বাভাবিক শ্বেতভাব বিনষ্ট হইয়া ক্রমে রক্তস্ফোর হইতে লাগিল ; হস্তের মুষ্টি শিথিল হইল ; চক্ষু স্থির হইয়া পুনর্ব্বার মুদ্রিত হইল । হকিম অত্যন্ত মনোভিনিবেশপূর্ব্বক নাড়ী দেখিতে লাগিলেন । অনেকক্ষণ দেখিয়া সহর্ষে কহিলেন, “আর চিন্তা নাই ; রক্ষা পাইয়াছেন ।”

ওসমান জিজ্ঞাসা করিলেন, “জ্বরত্যাগ হইয়াছে ?”

ভিষক্ কহিলেন, “হইয়াছে ।”

আয়েগা ও ওসমান উভয়েরই মুখ প্রফুল্ল হইল । ভিষক্ কহিলেন, “এখন আর কোন চিন্তা নাই, আমার বসিয়া থাকার প্রয়োজন করে না ; এই ঔষধ দুই প্রহর রাত্রি পর্য্যন্ত ঘড়ী ঘড়ী খাওয়াইবেন ।” এই বলিয়া

ভিষক প্রস্থান করিলেন। ওসমান আর ছুই চারি দণ্ড বসিয়া নিজ আবাসগৃহে গেলেন। আয়েষা পূর্ববৎ পালঙ্কে বসিয়া ঔষধাদি সেবন করাইতে লাগিলেন।

রাত্রি দ্বিতীয় প্রহরেব কিঞ্চিৎ পূর্বে রাজকুমার নয়ন উন্মীলন করিলেন। প্রথমেই আয়েষার সুখপ্রফুল্ল মুখ দেখিতে পাইলেন। চক্ষুর কটাক্ষভাব দেখিয়া আয়েষার বোধ হইল, যেন তাঁহার বুদ্ধির ভ্রম জন্মিতেছে, যেন তিনি কিছু স্মরণ করিতে চেষ্টা করিতেছেন, কিন্তু যত্ন বিফল হইতেছে। অনেকক্ষণ পরে আয়েষার প্রতি চাহিয়া কহিলেন, “আমি কোথায়?” ছুই দিবসের পর রাজপুত্র এই প্রথম কথা কহিলেন।

আয়েষা কহিলেন, “কতলু খাঁর ঘর্গে।”

রাজপুত্র আবার পূর্ববৎ স্মরণ করিতে লাগিলেন, অনেকক্ষণ পরে কহিলেন, “আমি কেন এখানে?”

আয়েষা প্রথমে নিরুত্তর হইয়া রহিলেন; পরে কহিলেন, “আপনি পীড়িত।”

রাজপুত্র ভাবিতে ভাবিতে মস্তক আন্দোলন করিয়া কহিলেন, “না না, আমি বন্দী হইয়াছি।”

এই কথা বলিতে রাজপুত্রের মুখের ভাবান্তর হইল।

আয়েষা উত্তর করিলেন না; দেখিলেন, রাজপুত্রের স্মৃতিক্রমতা পুনরুদ্দীপ্ত হইতেছে।

ক্ষণপরে রাজপুত্র পুনর্ব্বার জিজ্ঞাসা করিলেন, “তুমি কে?”

“আমি আয়েষা।”

“আয়েষা কে?”

“কতলু খাঁর কন্যা।”

রাজপুত্র আবার ক্ষণকাল নিস্তব্ধ রহিলেন; এককালে অধিকক্ষণ কথা কহিতে শক্তি নাই। কিয়ৎক্ষণ নীরবে বিশ্রাম লাভ করিয়া কহিলেন, “আমি কয় দিন এখানে আছি?”

“চারি দিন।”

“গড় মান্দারগ অত্মাপি তোমাদিগের অধিকারে আছে?”

“আছে ।”

জগৎসিংহ আবার কিস্তিক্ষণ বিশ্রাম করিয়া কহিলেন, “বীরেন্দ্র-সিংহের কি হইয়াছে ?”

“বীরেন্দ্রসিংহ কারাগারে আবদ্ধ আছেন, অতঃ তাহার বিচার হইবে ।”

জগৎসিংহের মলিন মুখ আরও মলিন হইল । জিজ্ঞাসা করিলেন, “আর আর পৌরবর্গ কি অবস্থায় আছে ?”

আয়েষা উদ্বিগ্না হইলেন । কহিলেন, “সকল কথা আমি অবগত নহি ।”

রাজপুত্র আপনা আপনি কি বলিলেন । একটি নাম তাঁহার কণ্ঠ-নির্গত হইল, আয়েষা তাহা শুনিতে পাইলেন, “তিলোত্তমা ।”

আয়েষা ধীরে ধীরে উঠিয়া পাত্র হইতে ভিষকদত্ত সুস্বাদু ঔষধ আনিতে গেলেন ; রাজপুত্র তাঁহার দোহল্যামান কর্ণাভরণসংযুক্ত অলৌকিক দেহমহিমা নিরীক্ষণ করিতে লাগিলেন । আয়েষা ঔষধ আনিলেন ; রাজপুত্র তাহা পান করিয়া কহিলেন, “আমি পীড়ার মোহে স্বপ্নে দেখিতাম, স্বর্গীয় দেবকন্ঠা আমার শিয়রে বসিয়া শুজ্ঞাষা করিতেছেন, সে তুমি, না তিলোত্তমা ?”

আয়েষা কহিলেন, “আপনি তিলোত্তমাকে স্বপ্ন দেখিয়া থাকিবেন ।”

চতুর্থ পরিচ্ছেদ : অবশুষ্ঠনবর্তী

দুর্গজয়ের দুই দিবস পরে, বেলা প্রহরেকের সময়ে কতলু খাঁ নিজ দুর্গমধ্যে দরবারে বসিয়াছেন । দুই দিকে শ্রেণীবদ্ধ হইয়া পারিষদগণ দণ্ডায়মান আছে । সম্মুখস্থ ভূমিখণ্ডে বহু সহস্র লোক নিঃশব্দে রহিয়াছেন । অতঃ বীরেন্দ্রসিংহের দণ্ড হইবে ।

কয়েকজন শস্ত্রপাণি প্রহরী বীরেন্দ্রসিংহকে শৃঙ্খলাবদ্ধ করিয়া দরবারে আনীত করিল । বীরেন্দ্রসিংহের মূর্তি রক্তবর্ণ, কিন্তু তাহাতে ভীতিচিহ্ন কিছুমাত্র নাই । প্রদীপ্ত চক্ষুঃ হইতে অগ্নিকণা বিস্ফুরিত হইতেছিল ; নাসিকারন্ধ্র বর্দ্ধিতায়তন হইয়া কম্পিত হইতেছিল । দন্তে অধর দংশন

করিতেছিলেন। কতলু খাঁর সম্মুখে আনীত হইলে, কতলু খাঁ বীরেন্দ্রকে জিজ্ঞাসা করিলেন, “বীরেন্দ্রসিংহ ! তোমার অপরাধের দণ্ড করিব। তুমি কি জন্তু আমার বিরুদ্ধাচারী হইয়াছিলে ?”

বীরেন্দ্রসিংহ নিজ লোহিত-মূর্ত্ত প্রকটিত ক্রোধ সংবরণ করিয়া কহিলেন, “তোমার বিরুদ্ধে কোন্ কৰ্ম্ম করিয়াছি, তাহা অগ্রে আমাকে বল।”

একজন পারিষদ কহিল, “বিনীতভাবে কথা কহ।”

কতলু খাঁ বলিলেন, “কি জন্তু আমার আদেশমত আমাকে অর্থ আর সেনা পাঠাইতে অসম্মত হইয়াছিলে ?”

বীরেন্দ্রসিংহ অকূতোভয়ে কহিলেন, “তুমি রাজবিদ্রোহী দস্যু ; তোমাকে কেন অর্থ দিব ? তোমায় কি জন্তু সেনা দিব ?”

দ্রষ্টৃবর্গ দেখিলেন, বীরেন্দ্র আপন মুণ্ড আপনি ছেদনে উত্তত হইয়াছেন।

কতলু খাঁর ক্রোধে কলেবর কম্পিত হইয়া উঠিল। তিনি সহসা ক্রোধ সংবরণ করিবার ক্ষমতা অভ্যাসসিদ্ধ করিয়াছিলেন ; এজন্তু কতক স্থিরভাবে কহিলেন, “তুমি, আমার অধিকারে বসতি করিয়া, কেন মোগলের সহিত মিলন করিয়াছিলে ?”

বীরেন্দ্র কহিলেন, “তোমার অধিকার কোথা ?”

কতলু খাঁ আরও কুপিত হইয়া কহিলেন, “শোন্ ছুরাওয়া ! নিজ কৰ্ম্মোচিত ফল পাইবি। এখনও তোর জীবনের আশা ছিল, কিন্তু তুই নির্বোধ, নিজ দর্পে আপন বধের উত্তোগ করিতেছি।”

বীরেন্দ্রসিংহ সগর্বে হাস্য করিলেন ; কহিলেন, “কতলু খাঁ—আমি তোমার কাছে যখন শৃঙ্খলাবদ্ধ হইয়া আসিয়াছি, তখন দয়ার প্রত্যাশা করিয়া আসি নাই। তোমার তুল্য শত্রুর দয়ায় যার জীবন রক্ষা,—তাহার জীবনে প্রয়োজন ? তোমাকে আশীর্বাদ করিয়া প্রাণত্যাগ করিতাম ; কিন্তু আমার পবিত্র কুলে কালি দিয়াছ ; তুমি আমার প্রাণের অধিক ধনকে—”

বীরেন্দ্রসিংহ আর বলিতে পারিলেন না ; স্বর বন্ধ হইয়া গেল, চক্ষুঃ

বাঙ্গাল হইল ; নির্ভীক গর্বিত বীরেন্দ্রসিংহ অধোবধন হইয়া রোদন করিতে লাগিলেন ।

কতলু খাঁ স্বভাবতঃ নির্ভুর ; এতদূর নির্ভুর যে, পরপীড়ায় তাঁহার উল্লাস জন্মিত । দাস্তিক বৈরীর ঐদৃশ অবস্থা দেখিয়া তাঁহার মুখ হর্ষোৎফুল্ল হইল । কহিলেন, “বীরেন্দ্রসিংহ ! তুমি কি আমার নিকট কিছু যাক্সা করিবে না ? বিবেচনা করিয়া দেখ, তোমার সময় নিকট ।”

যে দ্বঃসহ সন্তাপাগ্নিতে বীরেন্দ্রের হৃদয় দগ্ধ হইতেছিল, রোদন করিয়া তাহার কিঞ্চিৎ সমতা হইল । পূর্বাপেক্ষা স্থিরভাবে উত্তর করিলেন, “আর কিছুই চাহি না, কেবল এই ভিক্ষা যে, আমার বধ-কার্য্য শীঘ্র সমাপ্ত কর ।”

ক । তাহাই হইবে, আর কিছু ?

উত্তর । “এ জন্মে আর কিছু না ।”

ক । মৃত্যুকালে তোমার কণ্ঠার সহিত সাক্ষাৎ করিবে না ?

এই প্রশ্ন শুনিয়া অষ্টবর্গ পরিতাপে নিঃশব্দ হইল, বীরেন্দ্রের চক্ষে আবার উজ্জ্বলাগ্নি জ্বলিতে লাগিল ।

“যদি আমার কণ্ঠা তোমার গৃহে জীবিতা থাকে, তবে সাক্ষাৎ করিব না । যদি মরিয়া থাকে, লইয়া আইস, কোলে করিয়া মরিব ।”

অষ্টবর্গ একেবারে নীরব, অগণিত লোক এতাদৃশ গভীর নিস্তব্ধ যে, পৃষ্ঠীপাত হইলে শব্দ শুনা যাইত । নবাবের ইজিত পাইয়া রক্ষিবর্গ বীরেন্দ্রসিংহকে বধ্যভূমিতে লইয়া চলিল । তথায় উপনীত হইবার কিছু পূর্বে একজন মুসলমান বীরেন্দ্রের কাণে কাণে কি কহিল ; বীরেন্দ্র তাহা কিছু বুঝিতে পারিলেন না । মুসলমান তাঁহার হস্তে একখানি পত্র দিল । বীরেন্দ্র ভাবিতে ভাবিতে অন্তমনে ঐ পত্র খুলিয়া দেখিলেন যে, বিমলার হস্তের লেখা । বীরেন্দ্র ঘোর বিরক্তির সহিত লিপি মর্দিত করিয়া দূরে নিক্ষেপ করিলেন । লিপি-বাহক লিপি তুলিয়া লইয়া গেল । নিকটস্থ কোন দর্শক বীরেন্দ্রের এই কৰ্ম্ম দেখিয়া অপরকে অনুচৈঃস্বরে কহিল, “বুঝি কণ্ঠার পত্র ?”

কথা বীরেন্দ্রের কাণে গেল । সেই দিকে ফিরিয়া কহিলেন, “কে

বলে-আমার কণ্ঠা ? আমার কণ্ঠা নাই ।”

পত্রবাহক পত্র লইয়া গেল । রক্ষিবর্গকে কহিয়া গেল, “আমি যত্নসহ
প্রত্যাগমন না করি, ততক্ষণ বিলম্ব করিও ।”

রক্ষিগণ কহিল, “যে আজ্ঞা প্রভো !”

স্বয়ং ওসমান পত্রবাহক ; এই জন্ত রক্ষিবর্গ প্রভু সম্বোধন করিল ।

ওসমান লিপিহস্তে অন্তঃপুর-প্রাচীর-মধ্যে গেলেন ; তথায় এক বকুল-
বৃক্ষের অন্তরালে এক অবগুষ্ঠনবতী স্ত্রীলোক দণ্ডায়মানা আছে । ওসমান
তাহার সম্মুখানে গিয়া চতুর্দিক নিরীক্ষণ করিয়া যাহা যাহা ঘটিয়াছিল,
তাহা বিবৃত করিলেন । অবগুষ্ঠনবতী কহিলেন, “আপনাকে বহু ক্লেশ
দিতেছি, কিন্তু আপনা হইতেই আমাদের এ দশা ঘটিয়াছে । আপনাকে
আমার এ কার্য সাধন করিতে হইবে ।”

ওসমান নিস্তব্ধ হইয়া রহিলেন ।

অবগুষ্ঠনবতী মনঃপীড়া-বিকম্পিত স্বরে কহিতে লাগিলেন, “না করেন
—না করুন, আমরা এক্ষণে অনাথা ; কিন্তু জগদীশ্বর আছেন !”

ওসমান কহিলেন, “মা । তুমি জান না যে, কি কঠিন কৰ্ম্মে আমায়
নিযুক্ত করিতেছ । কতলু খাঁ জানিতে পারিলে আমার প্রাণান্ত করিবে ।”

স্ত্রী কহিলেন, “কতলু খাঁ ? আমাকে কেন প্রবঞ্চনা কর ? কতলু
খাঁর সাধ্য নাই যে, তোমার কেশ স্পর্শ করে ।”

ও । কতলু খাঁকে চেন না—কিন্তু চল, আমি তোমাকে বধ্যভূমিতে
লইয়া যাইব ।

ওসমানের পশ্চাৎ পশ্চাৎ অবগুষ্ঠনবতী বধ্যভূমিতে গিয়া নিস্তব্ধে
দণ্ডায়মানা হইলেন । বীরেন্দ্রসিংহ তাঁহাকে না দেখিয়া একজন ভিখারীর
বেশধারী ব্রাহ্মণের সহিত কথা কহিতেছিলেন । অবগুষ্ঠনবতী অবগুষ্ঠন-
মধ্য হইতে দেখিলেন, ভিখারী অভিরাম স্বামী ।

বীরেন্দ্র অভিরাম স্বামীকে কহিলেন, “গুরুদেব ! তবে বিদায়
হইলাম । আমি আর আপনাকে কি বলিয়া যাইব ? ইহলোকে আমার
কিছু প্রার্থনীয় নাই ; কাহার জন্ত প্রার্থনা করিব ?”

অভিরাম স্বামী অঙ্গুলি নির্দেশ দ্বারা পশ্চাৎদিক্তী অবগুষ্ঠনবতীকে

দেখাইলেন। বীরেন্দ্রসিংহ সেই দিকে মুখ ফিরাইলেন; অমনি রমণী অবগুণ্ঠন দূরে নিক্ষেপ করিয়া বীরেন্দ্রের শৃঙ্গলাবদ্ধ পদতলে অবলুণ্ঠন করিতে লাগিলেন। বীরেন্দ্র গদগদ স্বরে ডাকিলেন, “বিমলা!”

“স্বামী! প্রভু! প্রাণেশ্বর!” বলিতে বলিতে উন্মাদিনীর হ্রায় অধিকতর উচ্চৈঃস্বরে বিমলা কহিতে লাগিলেন, “আজ আমি জগৎসমীপে বলিব, কে নিবারণ করিবে? স্বামী! কণ্ঠরত্ন! কোথা যাও! আমাদের কোথা রাখিয়া যাও!”

বীরেন্দ্রসিংহের চক্ষে দরদর অশ্রুধারা পতিত হইতে লাগিল। হস্ত ধরিয়া বিমলাকে বলিলেন, “বিমলা! প্রিয়তমে! এ সময়ে কেন আমায় রোদন করাও, শক্ররা দেখিলে আমায় মরণে ভীত মনে করিবে।”

বিমলা নিস্তব্ধ হইলেন। বীরেন্দ্র পুনর্ব্বার কহিলেন, “বিমলে! আমি যাই, তোমরা আমার পশ্চাৎ আইস।”

বিমলা কহিলেন, “যাইব।”

আর কেহ না শুনিতে পায় এমত স্বরে কহিতে লাগিলেন, “যাইব, কিন্তু আগে এ যন্ত্রণার প্রতিশোধ করিব।”

নির্ব্বাণোন্মুখ প্রদীপবৎ বীরেন্দ্রের মুখ হর্ষোৎফুল্ল হইল—কহিলেন, “পারিবে?”

বিমলা দক্ষিণ হস্তে অঙ্গুলি দিয়া কহিলেন, “এই হস্তে! এই হস্তের স্বর্ণ ত্যাগ করিলাম; আর কাজ কি!” বলিয়া কঙ্কণাদি খুলিয়া দূরে নিক্ষেপ করিতে করিতে বলিতে লাগিলেন, “শাণিত লৌহ ভিন্ন এ হস্তে অলঙ্কার আর ধরিব না।”

বীরেন্দ্র হৃষ্টচিত্তে কহিলেন, “তুমি পারিবে, জগদীশ্বর তোমার মনস্কামনা সফল করুন।”

জ্বলাদ ডাকিয়া কহিল, “আর বিলম্ব করিতে পারি না।”

বীরেন্দ্র বিমলাকে কহিলেন, “আর কি? এখন যাও।”

বিমলা কহিলেন, “না, আমার সম্মুখেই আমার বৈধব্য ঘটুক। তোমার রুখিরে মনের সঙ্কোচ বিসর্জন করিব।” বিমলার স্বর ভয়ঙ্কর স্থির।

“তাহাই হউক” বলিয়া বীরেন্দ্রসিংহ জল্পাদকে ইঙ্গিত করিলেন। বিমলা দেখিতে পাইলেন, উদ্বেগিত কুঠার সূর্য্যতেজে প্রদীপ্ত হইল; তাঁহার নয়নপল্লব মুহূর্ত্ত জ্ঞান আপনি মুদ্রিত হইল; পুনরুন্মীলন করিয়া দেখেন, বীরেন্দ্রসিংহের ছিন্ন শির রুধির-সিক্ত ধুলিতে অবলুণ্ঠন করিতেছে।

বিমলা প্রস্তুত-মূর্ত্তিবৎ দণ্ডায়মান রহিলেন, মস্তকের একটি কেশ বাতাসে ছলিতেছে না। এক বিন্দু অশ্রু পড়িতেছে না। চক্ষুর পলক নাই, একদৃষ্টে ছিন্ন শির প্রতি চাহিয়া আছেন।

পঞ্চম পরিচ্ছেদ : বিধবা

তিলোত্তমা কোথায়? পিতৃহীনা, অনাথিনী বালিকা কোথায়? বিমলাই বা কোথায়? কোথা হইতে বিমলা স্বামীর বধ্যভূমিতে আসিয়া দর্শন দিয়াছিলেন? তাহার পরই আবার কোথায় গেলেন?

কেন বীরেন্দ্রসিংহ মৃত্যুকালে প্রিয়তমা কন্যার সহিত সাক্ষাৎ করিলেন না? কেনই বা নামমাত্রে ছতাশনবৎ প্রদীপ্ত হইয়াছিলেন? কেন বলিয়াছেন, “আমার কন্যা নাই?”

কেন বিমলার পত্র বিনা পাঠে দূরে নিক্ষেপ করিয়াছিলেন?

কেন? কতলু খাঁর প্রতি বীরেন্দ্রের তিরস্কার স্মরণ করিয়া দেখ, কি ভয়ানক ব্যাপার ঘটিয়াছে।

“পবিত্র কুলে কালি পড়িয়াছে” এই কথা বলিয়া শৃঙ্খলাবদ্ধ ব্যাঘ্র গজ্জর্ন করিয়াছিল।

তিলোত্তমা আর বিমলা কোথায়, জিজ্ঞাসা কর? কতলু খাঁর উপ-পত্নীদিগের আবাসগৃহে সন্ধান কর, দেখা পাইবে।

সংসারের এই গতি! অদৃষ্টচক্রের এমনি নিদারুণ আবর্ত্তন! রূপ, যৌবন, সরলতা, অমলতা সকলই নেমির পেষণে দলিত হইয়া যায়।

কতলু খাঁর এই নিয়ম ছিল যে, কোন দুর্গ বা গ্রাম জয় হইলে, তন্মধ্যে কোন উৎকৃষ্ট স্তন্দরী যদি বন্দী হইত, তবে সে তাঁহার আত্মসেবার

জন্ত প্রেরিত হইত। গড় মান্দারণ জয়ের পরদিবস, কতলু খাঁ তথায় উপনীত হইয়া বন্দীদিগের প্রতি যথা-বিহিত বিধান ও ভবিষ্যতে দুর্গের রক্ষণাবেক্ষণ পক্ষে সৈন্য নিয়োজন ইত্যাদি বিষয় নিষ্কৃত হইলেন। বন্দী-দিগের মধ্যে বিমলা ও তিলোত্তমাকে দেখিবামাত্র নিজ বিলাসগৃহ সাজাইবার জন্ত তাহাদিগকে পাঠাইলেন। তৎপরে অগ্ন্যাগ্ন কার্যে বিশেষ ব্যতিব্যস্ত ছিলেন। এমন ঋত ছিলেন যে, রাজপুত সেলা জগৎসিংহের বন্ধন গুনিয়া নিকটে কোথাও আক্রমণের উদ্যোগে আছে; অতএব তাহাদিগকে পরাভূত করিবার জন্ত উচিত ব্যবস্থা বিধানাদিতে ব্যাপ্ত ছিলেন, এজন্ত এ পর্য্যন্ত কতলু খাঁ নূতন দাসীদিগের সঙ্গসুখলাভ করিতে অবকাশ পান নাই।

বিমলা ও তিলোত্তমা পৃথক্ পৃথক্ কক্ষে রক্ষিত হইয়াছিলেন। তথায় পিতৃহীনা নবীনার ধূলি-ধূসরা দেহলতা ধরাতে পড়িয়া আছে, পাঠক! তথায় নেত্রপাত করিয়া কাজ নেই। কাজ কি? তিলোত্তমা প্রতি কে আর এখন নেত্রপাত করিতেছে? মধুদয়ে নববল্লরী যখন মন্দ-বায়ু-হিল্লোলে বিধূত হইতে থাকে, কে না তখন সুবাসাশয়ে সাদরে তাহার কাছে দণ্ডায়মান হয়? আর যখন নৈদাঘ ঝটিকাতে অবলম্বিত বৃক্ষ সহিত সে ভূতলশায়িনী হয়, তখন উন্মূলিত পদার্থরাশি মধ্যে বৃক্ষ ছাড়িয়া কে লতা দৃষ্টি করে? কাঠুরিয়ারা কাঠ কাটিয়া লইয়া যায়, লতাকে পদতলে দলিত করে মাত্র।

চল, তিলোত্তমাকে রাখিয়া অগ্ন্যত্র যাই। যথায় চঞ্চল, চতুরা, রস-প্রিয়া, রসিকা বিমলার পরিবর্তে গম্ভীরা, অল্পতাপিতা, মলিনা বিধবা চক্ষে অঞ্চল দিয়া বসিয়া আছে, তথায় যাই।

এই কি বিমলা? তাহার সে কেশবিজ্ঞাস নাই। মাথায় ধূলিরাশি; সে কারুকার্য-খচিত ওড়না নাই; সে রক্ত-খচিত কাঁচলি নাই; বসন বড় মলিন। পরিধানে জীর্ণ, ক্ষুজ্জ বসন। সে অলঙ্কার-ভার কোথায়? সে অঙ্গসংস্পর্শলোভী কর্ণাভরণ কোথায়? চক্ষু ফুলিয়াছে কেন? সে কটাক্ষ কই? কপালে ক্ষত কেন? রুধির যে বাহিত হইতেছে।

বিমলা ওসমানের প্রতীক্ষা করিতেছিলেন।

ওসমান পাঠানকুলতিলক । যুদ্ধ তাঁহার স্বার্থসাধন ও নিজ ব্যবসায় এবং ধর্ম ; সুতরাং যুদ্ধজয়ার্থ ওসমান কোন কার্যেই সঙ্কোচ করিতেন না । কিন্তু যুদ্ধপ্রয়োজন সিদ্ধ হইলে পরাজিত পক্ষের প্রতি কদাচিৎ নিম্প্রয়োজনে তিলান্ধি অত্যাচার করিতে দিতেন না । যদি কতলু খাঁ স্বয়ং বিমলা, তিলোত্তমার অদৃষ্টে এ দারুণ বিধান না করিতেন, তবে ওসমানের কৃপায় তাঁহারা কদাচ বন্দী থাকিতেন না । তাঁহারই অনুকম্পায় স্বামীর মৃত্যুকালে বিমলা তৎসাক্ষাৎ লাভ করিয়াছিলেন । পরে যখন ওসমান জানিতে পারিলেন যে, বিমলা বীরেন্দ্রসিংহের স্ত্রী, তখন তাঁহার দয়ার্দ্র চিত্ত আরও আর্দ্রীভূত হইল । ওসমান কতলু খাঁর ভ্রাতৃপুত্র,* এজন্য অন্তঃপুরেও কোথাও তাঁহার গমনে বারণ ছিল না, ইহা পূর্বেই দৃষ্ট হইয়াছে । যে যে বিহারগৃহে কতলু খাঁর উপপত্নীসমূহ থাকিত, সে স্থলে কতলু খাঁর পুত্রেরাও যাইতে পারিতেন না, ওসমানও নহে । কিন্তু ওসমান কতলু খাঁর দক্ষিণ হস্ত, ওসমানের বাহুবলেই তিনি আমোদরতীর পর্য্যন্ত উৎকল অধিকার করিয়াছিলেন । সুতরাং পৌরজন প্রায় কতলু খাঁর যাদৃশ, ওসমানের তাদৃশ বাধ্য ছিল । এজন্যই অল্প প্রাতে বিমলার প্রার্থনানুসারে, চরমকালে তাঁহার স্বামিসন্দর্শন ঘটয়াছিল ।

বৈধব্য-ঘটনার দুই দিবস পরে বিমলার যে কিছু অলঙ্কারাদি অবশিষ্ট ছিল, তৎসমুদায় লইয়া তিনি কতলু খাঁর নিয়োজিত দাসীকে দিলেন । দাসী কহিল, “আমায় কি আজ্ঞা করিতেছেন ?”

বিমলা কহিলেন, “তুমি যেক্রপ কাল ওসমানের নিকট গিয়াছিলে, সেইক্রপ আর একবার যাও ; কহিও যে, আমি তাঁহার নিকট আর একবার সাক্ষাতের প্রার্থিতা ; বলিও, এই শেষ, আর তৃতীয়বার ভিক্ষা করিব না ।”

দাসী সেইক্রপ করিল । ওসমান বলিয়া পাঠাইলেন, “সে মহাল মধ্যে আমার যাতায়াতে উভয়েরই সঙ্কট ; তাঁহাকে আমার আবাসমন্দিরে আসিতে কহিও ।”

বিমলা জিজ্ঞাসা করিলেন, “আমি যাই কি প্রকারে ?” দাসী কহিল,

* ইতিহাসে বেখে পুত্র

“তিনি কহিয়াছেন যে, তিনি তাহার উপায় করিয়া দিবেন ”

সন্ধ্যার পর আয়েবার একজন দাসী আসিয়া অন্তঃপুররক্ষী খোজা-দিগের সহিত কি কথাবার্তা কহিয়া বিমলাকে সমভিব্যাহারে করিয়া ওসমানের নিকট লইয়া গেল ।

ওসমান কহিলেন, “আর তোমার কোন অংশে উপকার করিতে পারি ?” বিমলা কহিলেন, “অতি সামান্য কথামাত্র ; রাজপুতকুমার জগৎসিংহ কি জীবিত আছেন ?”

ও । জীবিত আছেন ।

বি । স্বাধীন আছেন কি বন্দী হইয়াছেন ?

ও । বন্দী বটে, কিন্তু আপাতত কারাগারে নহে । তাঁহার অঙ্গের অঙ্গক্ষতের হেতু পীড়িত হইয়া শয্যাগত আছেন । কতলু খাঁর অজ্ঞাতসারে তাঁহাকে অন্তঃপুরেই রাখিয়াছি । সেখানে বিশেষ যত্ন হইবে বলিয়া রাখিয়াছি ।

বিমলা শুনিয়া বলিলেন, “এ অভাগিনীদিগের সম্পর্কমাত্রেই অমঙ্গল ঘটিয়াছে । সে সকল দেবতাকৃত । এক্ষণে যদি রাজপুত্র পুনর্জীবিত হয়েন, তবে তাঁহার আরোগ্যপ্রাপ্তির পর, এই পত্রখানি তাঁহাকে দিবেন ; আপাততঃ আপনার নিকট রাখিবেন । এইমাত্র আমার ভিক্ষা ”

ওসমান লিপি প্রত্যর্পণ করিয়া কহিলেন, “ইহা আমার অমুচিত কার্য্য ; রাজপুত্র যে অবস্থাতেই থাকুন, তিনি বন্দী বলিয়া গণ্য । বন্দী-দিগের নিকট কোন লিপি আমরা নিজে পাঠ না করিয়া যাইতে দেওয়া অবৈধ, এবং আমার প্রভুর আদেশবিরুদ্ধ ।”

বিমলা কহিলেন, “এ লিপির মধ্যে আপনাদিগের অনিষ্টকারক কোন কথাই নাই, সুতরাং অবৈধ কার্য্য হইবে না । আর প্রভুর আদেশ ? আপনি আপন প্রভু ।”

ওসমান কহিলেন, “অগ্ন্যাত্ত বিষয়ে আমি পিতৃব্যের আদেশবিরুদ্ধ আচরণ কখন করিতে পারি ; কিন্তু এ সকল বিষয়ে নহে । আপনি যখন কহিতেছেন যে, এই লিপিমধ্যে বিরুদ্ধ কথা নাই, তখন সেইরূপই আমার প্রতীতি হইতেছে, কিন্তু এ বিষয়ে নিয়ম ভঙ্গ করিতে পারি না ।

আমা হইতে এ কার্য্য হইবে না ।”

বিমলা ক্ষুব্ধ হইয়া কহিলেন, “তবে আপনি পাঠ করিয়াই দিবেন ।”

ওসমান লিপি গ্রহণ করিয়া পাঠ করিতে আরম্ভ করিলেন ।

ষষ্ঠ পরিচ্ছেদ : বিমলার পত্র

“যুবরাজ ! আমি প্রতীক্ষিত ছিলাম যে, এক দিন আপনার পরিচয় দিব । এখন তাহার সময় উপস্থিত হইয়াছে ।

ভরসা করিয়াছিলাম, আমার তিলোত্তমা অম্বরের সিংহাসনারূঢ়া হইতে পরিচয় দিব । সে সকল আশা-ভরসা নিশ্চল হইয়াছে । বোধ করি যে, কিছু দিন মধ্যে শুনিতে পাইবেন, এ পৃথিবীতে তিলোত্তমা কেহ নাই, বিমলা কেহ নাই । আমাদিগের পরমায়ু শেষ হইয়াছে ।

এই জন্মই এখন আপনাকে এ পত্র লিখিতেছি । আমি মহা-পাপীয়সী, বহুবিধ অবৈধ্য কার্য্য করিয়াছি, আমি মরিলে লোকে নিন্দা করিবে, কত মত কদর্য্য কথা বলিবে, কে তখন আমার ঘৃণিত নাম হইতে কলঙ্কের কালি মুছাইয়া তুলিবে ? এমন সুহৃদ কে আছে ?

এক সুহৃদ আছেন, তিনি অচিরে লোকালয় ত্যাগ করিয়া তপস্রায় প্রস্থান করিবেন । অভিরাম স্বামী হইতে দাসীর কার্য্যোদ্ধার হইবে না । রাজকুমার ! এক দিনের তরেও আমি ভরসা করিয়াছিলাম, আমি আপনার আত্মীয়জনমধ্যে গণ্য হইব । এক দিনের তরে আপনি আমার আত্মীয়জনের কৰ্ম্ম করুন । কাহাকেই বা এ কথা বলিতেছি ? অভাগিনীদের মন্দ ভাগ্য অগ্নিশিখাবৎ, যে বন্ধু নিকটে ছিলেন, তাঁহাকেও স্পর্শ করিয়াছে । যাহাই হউক, দাসীর এই ভিক্ষা স্বরণ রাখিবেন । যখন লোকে বলিবে বিমলা কুলটা ছিল, দাসী বেশে গণিকা ছিল, তখন কহিবেন, বিমলা নীচ-জাতি-সম্ভবা, বিমলা মন্দভাগিনী, বিমলা ক্রোধাসিত রসনা-দোষে শত অপরাধে অপরাধিনী ; কিন্তু বিমলা গণিকা নহে । যিনি এখন স্বর্গে গমন করিয়াছেন, তিনি বিমলার অদৃষ্ট-প্রসাদে ক্রোধশাস্ত্র তাহার পাণিগ্রহণ করিয়াছিলেন । বিমলা এক দিনের তরে

নিজ প্রভুর নিকটে বিশ্বাসঘাতিনী নহে ।

এত দিন একথা প্রকাশ ছিল না, আজ কে বিশ্বাস করিবে ? কেনই বা পত্নী হইয়া দাসীবৎ ছিলাম, তাহা শ্রবণ করুন—

গড় মান্দারণের নিকটবর্তী কোন গ্রামে শশিশেখর ভট্টাচার্যের বাস । শশিশেখর কোন সম্পন্ন ব্রাহ্মণের পুত্র ; যৌবনকালে যথারীতি বিদ্যাধ্যয়ন করিয়াছিলেন । কিন্তু অধ্যয়নে স্বভাবদোষ দূর হয় না । জগদীশ্বর শশিশেখরকে সর্বপ্রকার গুণ দান করিয়াও এক দোষ প্রবল করিয়া দিয়াছিলেন, সে যৌবনকালের প্রবল দোষ ।

গড় মান্দারণে জয়ধরসিংহের কোন অনুচরের বংশে একটি পতি-বিরহিণী রমণী ছিল । তাহার সৌন্দর্য্য অলৌকিক । তাহার স্বামী রাজ-সেনামধ্যে সিপাহী ছিল, এজন্য বহুদিন দেশত্যাগী । সেই সুন্দরী শশিশেখরের নয়নপথের পথিক হইল । অল্পকাল মধ্যেই তাঁহার ঔরসে পতিবিরহিতার গর্ভসঞ্চার হইল ।

অগ্নি আর পাপ অধিক দিন গোপনে থাকে না । শশিশেখরের হৃদ্ধতি তাঁহার পিতৃকর্ণে উঠিল । পুত্র-কৃত পরকুল-কলঙ্ক অপনীত করিবার জন্য শশিশেখরের পিতা সংবাদ লিখিয়া গর্ভবতীর স্বামীকে ছুরিত গৃহে আনাইলেন । অপরাধী পুত্রকে বহুবিধ ভৎসনা করিলেন । কলঙ্কিত হইয়া দেশত্যাগী হইলেন ।

শশিশেখর পিতৃ-গৃহ পরিত্যাগ করিয়া কাশীধামে যাত্রা করিলেন, তথায় কোন সর্ববিৎ দণ্ডীর বিদ্যার খ্যাতি শ্রুত হইয়া, তাঁহার নিকট অধ্যয়নারম্ভ করিলেন । বুদ্ধি অতি তীক্ষ্ণ ; দর্শনাদিতে অত্যন্ত সুপটু হইলেন, জ্যোতিষে অদ্বিতীয় মহামহোপাধ্যায় হইয়া উঠিলেন । অধ্যাপক অত্যন্ত সম্ভষ্ট হইয়া অধ্যাপনা করিতে লাগিলেন ।

শশিশেখর একজন শূদ্রীর গৃহের নিকটে বাস করিতেন । শূদ্রীর এক নবযুবতী কন্যা ছিল । ব্রাহ্মণে ভক্তিপ্রযুক্ত যুবতী আহারীয় আয়োজন প্রভৃতি শশিশেখরের গৃহ-কার্য্য সম্পাদন করিয়া দিত । মাতৃপিতৃহৃদ্ধতি-ভারে আবরণ নিক্ষেপ করাই কর্তব্য । অধিক কি কহিব, শূদ্রী-কন্যার গর্ভে শশিশেখরের ঔরসে এ অভাগিনীর জন্ম হইল ।

শ্রবণমাত্র অধ্যাপক ছাত্রকে কহিলেন, ‘শিষ্য ! আমার নিকট
দুষ্কর্মাশ্রিতের অধ্যয়ন হইতে পারে না। তুমি আর কাশীধামে মুখ
দেখাইও না।’

শশিশেখর লজ্জিত হইয়া কাশীধাম হইতে প্রস্থান করিলেন।

মাতাকে মাতামহ ছুশ্চারিণী বলিয়া গৃহ-বহিষ্কৃত করিয়া দিলেন।

ছুঃখিনী মাতা আমাকে লইয়া এক কুটীরে রহিলেন। কায়িক
পরিশ্রম দ্বারা জীবনধারণ করিতেন ; কেহ ছুঃখিনীর প্রতি ফিরিয়া চাহিত
না। পিতাবও কোন সংবাদ পাওয়া গেল না। কয়েক বৎসর পরে,
শীতকালে একজন আঢ্য পাঠান বঙ্গদেশ হইতে দিল্লী নগরে গমনকালে
কাশীধাম দিয়া যান। অধিক রাত্রিতে নগরে উপস্থিত হইয়া রাত্রিতে
থাকিবার স্থান পান না ; তাঁহার সঙ্গে বিবি ও একটি নবকুমার। তাঁহারা
মাতার কুটীরসন্নিধানে আসিয়া কুটীর মধ্যে নিশাযাপনের প্রার্থনা জানাইয়া
কহিলেন, ‘এ রাত্রে হিন্দুপল্লী মধ্যে কেহ আমাকে স্থান দিল না। এখন
আমরা এ বালকটিকে লইয়া আর কোথা যাইব ? ইহার হিম সহ্য হইবে
না। আমার সহিত অধিক লোক জন নাই, কুটীর মধ্যে অনায়াসে
স্থান হইবে। আমি তোমাকে যথেষ্ট পুরস্কার করিব।’ বস্তুতঃ পাঠান
বিশেষ প্রয়োজনে ঝরিতগমনে দিল্লী যাইতো ছিলেন ; তাঁহার সহিত এক-
মাত্র ভৃত্য ছিল। মাতা দরিদ্রও বটে ; সদয়চিত্তও বটে ; ধনলোভেই
হউক বা বালকের প্রতি দয়া করিয়াই হউক, পাঠানকে কুটীর মধ্যে
স্থান দিলেন। পাঠান স-স্ত্রী-সন্তান নিশাযাপনার্থ কুটীরের এক ভাগে
প্রদীপ জালিয়া শয়ন করিল—দ্বিতীয় ভাগে আমরা শয়ন করিলাম।

ঐ সময়ে কাশীধামে অত্যন্ত বালকচোরের ভয় প্রবল হইয়াছিল।
আমি তখন ছয় বৎসরের বালিকামাত্র, আমি সকল স্মরণ করিয়া বলিতে
পারি না। মাতার নিকট যেরূপ গুনিয়াছি, তাহাই বলিতোঁছি।

নিশীথে প্রদীপ জলিতেছিল ; একজন চোর পর্বকুটীর মধ্যে সিঁদ
দিয়া পাঠানের বালকটি অপহরণ করিয়া যাইতেছিল ; আমার তখন
নিদ্রাভঙ্গ হইয়াছিল ; আমি চোরের কার্য দেখিতে পাইয়াছিলাম। চোর
বালক লইয়া যায় দেখিয়া উচ্চৈঃস্বরে চীৎকার করিলাম। আমার

চীৎকারে সকলেরই নিদ্রাভঙ্গ হইল ।

পাঠানের স্ত্রী দেখিলেন, “বালক শয্যায় নাই । একেবারে আর্দ্রনাদ করিয়া উঠিলেন । চোর তখন বালক লইয়া শয্যাতে লুকাইয়া হইয়াছিল । পাঠান তাহার কেশাকর্ষণ করিয়া আনিয়া বালক কাড়িয়া লইলেন । চোর বিস্তর অনুন্নয় বিনয় করাতে অসি দ্বারা কর্ণচ্ছেদ মাত্র করিয়া বহিষ্কৃত করিয়া দিলেন ।”

এই পর্যান্ত লিপি পাঠ করিয়া ওসমান অশ্রুমনে চিন্তা করিতে করিতে বিমলাকে কহিলেন, “তোমার কখন কি অশ্রু কোন নাম ছিল না ?”

বিমলা কহিলেন, “ছিল, সে যাবনিক নাম বলিয়া পিতা নাম পরিবর্তন করিয়াছেন ।”

“কি সে নাম ? মাহরু ?”

বিমলা বিস্মিত হইয়া কহিলেন, “আপনি কি প্রকারে জানিলেন ?”

ওসমান কহিলেন, “আমিই সেই অপহৃত বালক ।”

বিমলা বিস্মিত হইলেন । ওসমান পুনর্ব্বার পাঠ করিতে লাগিলেন ।

পরদিন প্রাতে পাঠান বিদায় কালে মাতাকে কহিলেন, ‘তোমার কণ্ঠা আমার যে উপকার করিয়াছে, এক্ষণে তাহার প্রত্যাশকার করি, এমত সাধ্য নাই ; কিন্তু তোমার যে কিছুতে অভিলাষ থাকে আমাকে কহ : আমি দিল্লী যাইতেছি, তথা হইতে আমি তোমার অতীষ্ট বস্ত্র পাঠাইয়া দিব । অর্থ চাহ, তাহাও পাঠাইয়া দিব ।’

মাতা কহিলেন, ‘আমার ধনে প্রয়োজন নাই । আমি নিজ কায়িক পরিশ্রম দ্বারা স্বচ্ছন্দে দিন গুজরান করি, তবে যদি বাদশাহের নিকট আপনার প্রতিপত্তি থাকে’—

এই সমস্ত কথা হইতে না হইতে পাঠান কহিলেন, ‘যথেষ্ট আছে । আমি রাজদরবারে তোমার উপকার করিতে পারি ।’

মাতা কহিলেন, ‘তবে এই বালিকার পিতার অনুসন্ধান করাইয়া আমাকে সংবাদ দিবেন ।’

পাঠান প্রতিশ্রুত হইয়া গেলেন । মাতার হস্তে স্বর্ণমুদ্রা দিলেন ;

মাতা তাহা গ্রহণ করিলেন না। পাঠান নিজ প্রতিশ্রুতি অনুসারে রাজ-পুরুষদিগকে পিতার অনুসন্ধানে নিযুক্ত করিলেন। কিন্তু অনুসন্ধান পাওয়া গেল না।

ইহার চতুর্দশ বৎসর পরে রাজপুরুষেরা পিতার সন্ধান পাইয়া পূর্ব-প্রচারিত রাজাজ্ঞানুসারে মাতাকে সংবাদলিপি পাঠাইলেন। পিতা দিল্লীতে ছিলেন। শশিশেখর ভট্টাচার্য্য নাম ত্যাগ করিয়া অভিরাম স্বামী নাম ধারণ করিয়াছিলেন। যখন এই সংবাদ আসিল, তখন মাতা স্বর্গারোহণ করিয়াছিলেন। মন্ত্রপুতি ব্যতীত যাহার পাণিগ্রহণ হইয়াছে, তাহার যদি স্বর্গারোহণে অধিকার থাকে, তবে মাতা স্বর্গারোহণ করিয়াছেন সন্দেহ নাই।

পিতৃসংবাদ পাইলে আর কাশীধামে আমার মন তিষ্ঠিল না। সংসার মধ্যে কেবল আমার পিতা বর্ত্তমান ছিলেন; তিনি যদি দিল্লীতে, তবে আমি আর কাহার জন্ম কাশীতে থাকি, এইরূপ চিন্তা করিয়া আমি একাকিনী পিতৃদর্শনে যাত্রা করিলাম। পিতা আমার গমনে প্রথমে রুষ্ট হইলেন, কিন্তু আমি বহুতর রোদন করায় আমাকে তাঁহার সেবার্থ নিকটে থাকিতে অনুমতি করিলেন। মাহরু নাম পরিবর্ত্তন করিয়া বিমলা নাম রাখিলেন। আমি পিত্রালায়ে থাকিয়া পিতার সেবায় বিধিমতে মনোভি-নিবেশ করিলাম; তাঁহার যাহাতে তুষ্টি জন্মে, তাহাতে যত্ন করিতে লাগিলাম। স্বার্থসিদ্ধি কিম্বা পিতার স্নেহের আকাঙ্ক্ষায় এইরূপ করিতাম, তাহা নহে; বস্তুতঃ পিতৃসেবায় আমার আন্তরিক আনন্দ জন্মিত; পিতা ব্যতীত আমার আর কেহ ছিল না। মনে করিতাম, পিতৃসেবা অপেক্ষা আর সুখ নাই। পিতাও আমার ভক্তি দেখিয়াই হউক বা মনুষ্যের স্বভাবসিদ্ধ গুণবশতঃই হউক, আমাকে স্নেহ করিতে লাগিলেন। স্নেহ সমুদ্রমুখী নদীর স্রোত; যত প্রবাহিত হয়, তত বর্দ্ধিত হইতে থাকে। যখন আমার সুখবাসর প্রভাত হইল, তখন জানিতে পারিয়াছিলাম যে, পিতা আমাকে কত ভালবাসিতেন।”

সপ্তম পরিচ্ছেদ : বিমলার পত্র সমাপ্ত

“আমি পূর্বেই বলিয়াছি যে, গড় মান্দারণের কোন দরিদ্রা রমণী আমার পিতার ঔরসে গর্ভবতী হয়েন। আমার মাতার যেরূপ অদৃষ্ট-লিপির ফল, ইঁহারও তদ্রূপ ঘটিয়াছিল। ইঁহার গর্ভেও একটি কন্যা জন্মগ্রহণ করে, এবং কন্যার মাতা অঢিরাং বিধবা হইলে, তিনি আমার মাতার ন্যায়, নিজ কায়িক পরিশ্রমের দ্বারা অর্থোপার্জন করিয়া কন্যা প্রতিপালন করিতে লাগিলেন। বিধাতার এমত নিয়ম নহে যে, যেমন আকর, তত্বপযুক্ত সামগ্রীরই উৎপত্তি হইবে। পর্ব্বতের পাশাণেও কোমল কুসুমলতা জন্মে ; অন্ধকার খনিমধ্যেও উজ্জল রত্ন জন্মে। দরিদ্রের ঘরেও অদ্বৃত সুন্দরী কন্যা জন্মিল। বিধবার কন্যা গড় মান্দারণ গ্রামের মধ্যে প্রসিদ্ধ সুন্দরী বলিয়া পরিগণিতা হইতে লাগিলেন। কালে সকলেরই লয় ; কালে বিধবার কলঙ্কেরও লয় হইল। বিধবার সুন্দরী কন্যা যে জারজা, এ কথা অনেকে বিশ্বিত হইল। অনেকে জানিত না। দুর্গমধ্যে প্রায় এ কথা কেহই জানিত না। আর অধিক কি বলিব ? সেই সুন্দরী তিলোত্তমার গর্ভধারিণী হইলেন।

তিলোত্তমা যখন মাতৃগর্ভে তখন এই বিবাহ কারণেই আমার জীবন-মধ্যে প্রধান ঘটনা ঘটিল। সেই সময়ে এক দিন পিতা তাঁহার জামাতাকে সমভিব্যাহারে করিয়া আশ্রমে আসিলেন। আমার নিকট মস্ত্রশিষ্য বলিয়া পরিচয় দিলেন, স্বর্গীয় প্রভুর নিকট প্রকৃত পরিচয় পাইলাম।

যে অবধি তাঁহাকে দেখিলাম, সেই অবধি আপন চিত্ত পরের হইল। কিন্তু কি বলিয়াই বা সে সব কথা আপনাকে বলি ? বীরেন্দ্রসিংহ বিবাহ ভিন্ন আমাকে লাভ করিতে পারিবেন না বুঝিলেন। পিতাও সকল বৃত্তান্ত অল্পভবে জানিতে পারিলেন ; একদিন উভয়ে এইরূপ কথোপকথন হইতেছিল, অন্তরাল হইতে শুনিতে পাইলাম।

পিতা কহিলেন, ‘আমি বিমলাকে ত্যাগ করিয়া কোথাও থাকিতে পারিব না। কিন্তু বিমলা যদি তোমার ধর্ম্মপত্নী হয় তবে আমি তোমার

নিকটে থাকিব । আর যদি তোমার সে অভিপ্রায় না থাকে—’

পিতার কথা সমাপ্ত না হইতে হইতেই স্বর্গীয় দেব কিঞ্চিৎ রুষ্ট হইয়া কহিলেন, ‘ঠাকুর ! শূদ্রী-কন্যাকে কি প্রকারে বিবাহ করিব ?’

পিতা শ্লেষ করিয়া কহিলেন, ‘জারজা কন্যাকে বিবাহ করিলে কি প্রকারে ?’

প্রাণেশ্বর কিঞ্চিৎ ক্ষুব্ধ হইয়া কহিলেন, ‘যখন বিবাহ করিয়াছিলাম, তখন জানিতাম না যে, সে জারজা । জানিয়া শুনিয়া শূদ্রীকে কি প্রকারে বিবাহ করিব ? আর আপনার জ্যেষ্ঠা কন্যা জারজা হইলেও শূদ্রী নহে ।’

পিতা কহিলেন, ‘তুমি বিবাহে অস্বীকৃত হইলে, উত্তম । তোমার যাতায়াতে বিমলার অনিষ্ট ঘটিতেছে, তোমার আর এ আশ্রমে আসিবার প্রয়োজন করে না । তোমার গৃহেই আমার সহিত সাক্ষাৎ হইবেক !’

সে অবধিই তিনি কিয়দ্দিবস যাতায়াত ত্যাগ করিলেন । আমি চাতকীর গায় প্রতিদিবস তাঁহার আগমন প্রত্যাশা করিতাম ; কিন্তু কিছু কাল আশা নিষ্ফল হইতে লাগিল । বোধ করি, তিনি আর স্থির থাকিতে পারিলেন না । পুনর্ব্বার পূর্ব্বমত যাতায়াত করিতে লাগিলেন । এজ্জন্ম পুনর্ব্বার তাঁহার দর্শন পাইয়া আর তত লজ্জাশীলা রহিলাম না । পিতা তাহা পর্য্যবেক্ষণ করিলেন । একদিন আমাকে ডাকিয়া কহিলেন, ‘আমি অনাশ্রম-ব্রত-ধর্ম্ম অবলম্বন করিয়াছি ; চিরদিন আমার কন্যার সহবাস ঘটিবেক না । আমি স্থানে স্থানে পর্য্যটন করিতে যাইব, তুমি তখন কোথায় থাকিবে ?’

আমি পিতার বিরহাশঙ্কায় অত্যন্ত কাতর হইয়া রোদন করিতে লাগিলাম । কহিলাম, ‘আমি তোমার সঙ্গে সঙ্গে যাইব । না হয়, যেরূপ কাশীধামে একাকিনী ছিলাম, এখানেও সেইরূপ থাকিব ।’

পিতা কহিলেন, ‘না বিমলে ! আমি তদপেক্ষা উত্তম সঙ্কল্প করিয়াছি । আমার অনবস্থানকালে তোমার সুরক্ষক বিধান করিব । তুমি মহারাজ মানসিংহের নবোঢ়া মহিবীর সাহচর্য্যে নিযুক্ত থাকিবে ।’

আমি কাঁদিয়া কহিলাম, ‘তুমি আমাকে পরিত্যাগ করিও না ।’

পিতা কহিলেন, 'না, আমি এক্ষণে কোথাও যাইব না। তুমি এখন মনেসিংহের গৃহে যাও। আমি এখানেই রহিলাম ; প্রত্যহই তোমাকে দেখিয়া আসিব। তুমি তথায় কিরূপ থাক, তাহা বুঝিয়া কর্তব্য বিধান করিব।'।

যুবরাজ ! আমি তোমাদিগের গৃহে পুরাঙ্গনা হইলাম। কৌশলে পিতা আমাকে নিজ জামাতার চক্ষুঃপথ হইতে দূর করিলেন।

যুবরাজ ! আমি তোমার পিতৃভবনে অনেক দিন পৌরস্ত্রী হইয়া ছিলাম ; কিন্তু তুমি আমাকে চেন না। তুমি তখন দশমবর্ষীয় বালক মাত্র ; অশ্বরের রাজবাটীতে মাতৃ সন্নিধানে থাকিতে, আমি তোমার (নাবোতা) বিমাতার সাহচর্য্যে দিল্লীতে নিযুক্ত থাকিতাম। কুশুমের মালার তুল্য মহারাজ মানসিংহের কণ্ঠে অগণিতসংখ্যা রমণীরাজি গ্রথিত থাকিত ; তুমি কি তোমার বিমাতা সকলকেই চিনিতে ? যোধপুর-সমুত্তা উর্মিল। দেবীকে তোমার স্মরণ হইবে ? উর্মিলার গুণ তোমার নিকট কত পরিচয় দিব ? তিনি আমাকে সহচারিণী দাসী বলিয়া জানিতেন না ; আমাকে প্রাণাধিকা সহোদরা ভগিনীর স্থায় জানিতেন। তিনি আমাকে সযত্নে নানা বিদ্যা শিখাইবার পদবীতে আরূঢ় করিয়া দিলেন। তাঁহারই অনুকম্পায় শিল্পকার্য্যাদি শিখিলাম। তাঁহারই মনোরঞ্জনার্থে নৃত্যগীত শিখিলাম। তিনি আমাকে স্বয়ং লেখাপড়া শিখাইলেন। এই যে কদম্বরসম্বন্ধ পত্নী তোমার নিকট পাঠাইতে সক্ষম হইতেছি, ইহা কেবল তোমার বিমাতা উর্মিল। দেবীর অনুকম্পায়।

সখী উর্মিলার কৃপায় আরও গুরুতর লাভ হইল। তিনি নিজ প্রীতিচক্ষে আমাকে যেমন দেখিতেন, মহারাজের নিকট সেইরূপ পরিচয় দিতেন। আমার সঙ্গীতাদিতে কিঞ্চিৎ ক্ষমতা জন্মিয়াছিল ; তদদর্শন শ্রবণেও মহারাজের প্রীতি জন্মিত। যে কারণেই হউক, মহারাজ মানসিংহ আমাকে নিজ পরিবারস্থার স্থায় ভাবিতেন। তিনি আমার পিতাকে ভক্তি করিতেন ; পিতা সর্বদা আমার সহিত সাক্ষাৎ করিয়া আসিতেন।

উর্মিল। দেবীর নিকট আমি সর্বদাশে সুখী ছিলাম। কেবল এক

মাত্র পরিতাপ যে, হাঁহার জ্ঞাত ধর্ম ভিন্ন সর্বভ্যাগী হইতে প্রস্তুত ছিলাম, তাঁহার দর্শন পাইতাম না। তিনিই কি আমাকে বিস্মৃত হইয়াছিলেন? তাহা নহে। যুবরাজ! আশমানি নান্নী পরিচারিকাকে কি আপনার স্মরণ হয়? হইতেও পারে। আশমানির সহিত আমার বিশেষ সম্প্রীতি ঘটিল; আমি তাহাকে প্রভুর সংবাদ আনিতে পাঠাইলাম। সে তাঁহার অনুসন্ধান করিয়া তাঁহাকে আমার সংবাদ দিয়া আসিল। প্রত্যুত্তরে তিনি আমাকে কত কথা কহিয়া পাঠাইলেন, তাহা কি বলিব? আমি আশমানির হস্তে তাঁহাকে পত্র লিখিয়া পাঠাইলাম, তিনিও তাঁহার প্রত্যুত্তর পাঠাইলেন। পুনঃ পুনঃ ঐরূপ ঘটিতে লাগিল। এই প্রকার অদর্শনেও পরস্পর কথোপকথন করিতে লাগিলাম।

এই প্রণালীতে তিন বৎসর কাটিয়া গেল। যখন তিন বৎসরের বিচ্ছেদেও পরস্পর বিস্মৃত হইলাম না, তখন উভয়েই বুঝিলাম যে, এ প্রণয় শৈবালপুষ্পের ত্রায় কেবল উপরে ভাসমান নহে, পদ্মের ত্রায় ভিতরে বদ্ধমূল। কি কারণে বলিতে পারি না, এই সময়ে তাঁহারও ধৈর্য্যাবশেষ হইল। একদিন তিনি বিপরীত ঘটাইলেন। নিশাকালে একাকিনী শয়নকক্ষে শয়ন করিয়াছিলেন, অকস্মাৎ নিদ্রাভঙ্গ হইলে স্তিমিত দীপালোকে দেখিলাম, শিয়রে একজন মনুষ্য।

মধুর শব্দে আমার কর্ণরঞ্জে এই বাক্য প্রবেশ করিল যে, ‘প্রাণেশ্বরী! ভয় পাইও না। আমি তোমারই একান্ত দাস।’

আমি কি উত্তর দিব? তিন বৎসর পর সাক্ষাৎ। সকল কথা ভুলিয়া গেলাম—তাঁহার কণ্ঠলগ্ন হইয়া রোদন করিতে লাগিলাম। শীঘ্র মরিব, তাই আর আমার লজ্জা নাই—সকল কথা বলিতে পারিতেছি।

যখন আমার বাক্যক্ষুণ্ণি হইল, তখন তাঁহাকে জিজ্ঞাসা করিলাম, ‘তুমি কেমন করিয়া এ পুরীর মধ্যে আসিলে?’

তিনি কহিলেন, ‘আশমানিকে জিজ্ঞাসা কর; তাহার সমভিব্যাহারে বারিবাহক দাস সাজিয়া পুরীমধ্যে প্রবেশ করিয়াছিলাম; সেই পর্য্যন্ত লুক্কায়িত আছি।’

আমি জিজ্ঞাসা করিলাম, ‘এখন?’

তিনি কহিলেন, ‘আর কি ? তুমি যাহা কর ?’

আমি চিন্তা করিতে লাগিলাম, কি করি ? কোন্ দিক রাখি ? চিন্তা যে দিকে লয়, সেই দিকে মতি হইতে লাগিল ; এইরূপ চিন্তা করিতে করিতে অকস্মাৎ আমার শয়নকক্ষের দ্বার মুক্ত হইয়া গেল । সম্মুখে দেখি, মহারাজ মানসিংহ !

বিস্তারে আবশ্যক কি ? বীরেন্দ্রসিংহ কারাগারে আবদ্ধ হইলেন । মহারাজ এরূপ প্রকাশ করিলেন যে, তাঁহাকে রাজদণ্ডে দণ্ডিত করিবেন । আমার হৃদয়মধ্যে কিরূপ হইতে লাগিল, তাহা বোধ করি বুঝিতে পারিবেন । আমি কান্দিয়া উন্মীলা দেবীর পদতলে পড়িলাম, আত্মদোষ সকল ব্যক্ত করিলাম ; সকল দোষ আপনার স্বন্ধে স্বীকার করিয়া লইলাম । পিতার সহিত সাক্ষাৎ হইলে তাঁহারও চরণে লুষ্ঠিত হইলাম । মহারাজ তাঁহাকে ভক্তি করেন ; তাঁহাকে গুরুবৎ শ্রদ্ধা করেন ; অবশ্য তাঁহার অনুরোধ রক্ষা করিবেন । কহিলাম, ‘আপনার জ্যেষ্ঠা কন্যাকে স্মরণ করুন ।’ বোধ করি, পিতা মহারাজেব সহিত একত্র যুক্তি করিয়া-ছিলেন । তিনি আমার রোদনে কর্ণপাতও করিলেন না । রুষ্ট হইয়া কহিলেন, ‘পাপীয়সি ! তুই একেবারে লজ্জা ত্যাগ করিয়াছিস !’

উন্মীলা দেবী আমার প্রাণরক্ষার্থ মহারাজের নিকট বহুবিধ কহিলেন, মহারাজ কহিলেন, ‘আমি তবে চোরকে মুক্ত করি, সে যদি বিমলাকে বিবাহ করে ।’

আমি তখন মহারাজের অভিসন্ধি বুঝিয়া নিঃশব্দ হইলাম । প্রাণেশ্বর মহারাজের বাক্যে বিষম রুষ্ট হইয়া কহিলেন, ‘আমি যাবজ্জীবন কারাগারে থাকিব, সেও ভাল ; প্রাণদণ্ড নিব, সেও ভাল ; তথাপি শূদ্রী-কন্যাকে কখন বিবাহ করিব না । আপনি হিন্দু হইয়া কি প্রকারে এমন অনুরোধ করিতেছেন ?’

মহারাজ কহিলেন, ‘যখন আমার ভগিনীকে শাহজাদা সেলিমের সহিত বিবাহ দিতে পারিয়াছি, তখন তোমাকে ব্রাহ্মণকন্যা বিবাহ করিতে অনুরোধ করিব, বিচিত্র কি ?’

তথাপি তিনি সম্মত হইলেন না । বরং করিলেন, ‘মহারাজ, যাহা

হইবার, তাহা হইল। আমাকে মুক্তি দিউন, আমি বিমলার আর কখনও নাম করিব না।’

মহারাজ কহিলেন, ‘তাহা হইলে তুমি যে অপরাধ করিয়াছ, তাহার প্রায়শ্চিত্ত হইল কই? তুমি বিমলাকে ত্যাগ করিবে, অত্যাচারে তাহাকে কলঙ্কিনী বলিয়া ঘৃণা করিয়া স্পর্শ করিবে না।’

তাথাপি আশু তাঁহার বিবাহে মতি হইল না। পরিশেষে যখন আর কাংরাগার যন্ত্রণা সহ্য হইল না, তখন অগত্যা অর্দ্ধসম্মত হইয়া কহিলেন, ‘বিমলা যদি আমার গৃহে পরিচারিকা হইয়া থাকিতে পারে, বিবাহের কথা আমার জীবিতকালে কখন উত্থাপন না কবে, আমার ধর্মপত্নী বলিয়া কখন পরিচয় না দেয়, তবে শূদ্রীকে বিবাহ করি, নচেৎ নহে।’

আমি বিপুল পুলকসহকারে তাহাই স্বীকার করিলাম। আমি ধন গৌরব পরিচয়াদির জন্য কাতর ছিলাম না। পিতা এবং মহারাজ উভয়েই সম্মত হইলেন। আমি দাসীবেশে রাজভবন হইতে নিজ ভর্তৃভবনে আসিলাম।

অনিচ্ছায়, পরবল-পীড়ায় তিনি আমাকে বিবাহ করিয়াছিলেন। এমন অবস্থায় বিবাহ করিলে কে স্ত্রীকে আদর করিতে পারে? বিবাহের পরে প্রভু আমাকে বিষ দেখিতে লাগিলেন। পূর্বের প্রণয় তৎকালে একেবারে দূর হইল। মহারাজ মানসিংহকৃত অপমান সর্বদা স্মরণ করিয়া আমাকে তিরস্কার করিতেন, সে তিরস্কারও আমার আদর বোধ হইত। এইরূপে কিছুকাল গেল; কিন্তু সে সকল পরিচয়েই বা প্রয়োজন কি? আমার পরিচয় দেওয়া হইয়াছে, অত্যাচার কথা আবশ্যক নহে। কালে আমি পুনর্ব্বার স্বামিপ্রণয়ভাগিনী হইয়াছিলাম, কিন্তু অস্বরপতির প্রতি তাঁহার পূর্ব্ববৎ বিষদৃষ্টি রহিল। কপালের লিখন! নচেৎ এ সব ঘটবে কেন?

আমার পরিচয় দেওয়া শেষ হইল। কেবল আত্মপ্রতিশ্রুতি উদ্ধার করাই আমার উদ্দেশ্য নহে। অনেকে মনে করে, আমি কুলধর্ম বিসর্জন করিয়া গড় মান্দারগের অধিপতির নিকট ছিলাম। আমার লোকান্তর হইলে, নাম হইতে সে কালি আপনি মুছাইবেন, এই ভরসাভেই

আপনাকে এত লিখিলাম ।

এই পত্রে কেবল আত্মবিবরণই লিখিলাম । যাহার সংবাদজ্ঞাত আপনি চঞ্চলচিত্ত, তাহার নামোল্লেখও করিলাম না । মনে করুন, “সে নাম এ পৃথিবীতে লোপ হইয়াছে । তিলোত্তমা বলিয়া যে কেহ কখন ছিল, তাহা বিস্মৃত হউন—”

ওসমান লিপিপাঠ সমাপ্ত করিয়া কহিলেন, “মা ! আপনি আমার জীবন রক্ষা করিয়াছিলেন, আমি আপনার প্রত্যুপকার করিব ।”

বিমলা দীর্ঘনিশ্বাস ত্যাগ করিয়া কহিলেন, “আর আমার পৃথিবীতে উপকার কি আছে ? তুমি আমার কি উপকার করিবে ! তবে এক উপকার—”

ওসমান কহিলেন, “আমি তাহাই সাধন করিব ।”

বিমলার চক্ষুঃ প্রোজ্জ্বল হইল, কহিলেন, “ওসমান ! কি কহিতেছ ? এ দক্ষ হৃদয়কে আর কেন প্রবঞ্চনা কর ?”

ওসমান হস্ত হইতে একটি অঙ্গুরীয় মুক্ত করিয়া কহিলেন, “এই অঙ্গুরীয় গ্রহণ কর, দুই একদিন মধ্যে কিছু সাধন হইবে না । কতলু খাঁর জন্মদিন আগতপ্রায়, সে দিবস বড় উৎসব হইয়া থাকে । প্রহরিগণ আমোদে মত্ত থাকে । সেই দিবস আমি তোমাকে উদ্ধার করিব । তুমি সেই দিবস নিশীথে অন্তঃপুরদ্বারে আমিও ; যদি তথায় কেহ তোমাকে এইরূপ দ্বিতীয় অঙ্গুরীয় দৃষ্ট করায়, তবে তুমি তাহার সঙ্গে বাহিরে আসিও ; ভরসা করি, নিষ্কণ্টক আসিতে পারিবে । তবে জগদীশ্বরের ইচ্ছা ।”

বিমলা কহিলেন, “জগদীশ্বর তোমাকে দীর্ঘজীবী করুন, আমি অধিক কি বলিব ।”

বিমলা রুদ্ধকণ্ঠ হইয়া আর কথা কহিতে পারিলেন না ।

বিমলা ওসমানকে আশীর্বাদ করিয়া বিদায় লইবেন, এমন সময়ে ওসমান কহিলেন, “এক কথা সাবধান করিয়া দিই । একাকিনী আসিবেন । আপনার সঙ্গে কেহ সঙ্গিনী থাকিলে কার্য্যসিদ্ধ হইবে না, বরং প্রমাদ ঘটিবে ।”

বিমলা বুঝিতে পারিলেন যে, ওসমান তিলোত্তমাকে সঙ্গে আনিতে নিষেধ করিতেছেন। মনে মনে ভাবিলেন, “ভাল, দুইজন না যাইতে পারি, তিলোত্তমা একাই আসিবে।”

বিমলা বিদায় লইলেন।

অষ্টম পরিচ্ছেদ : আরোগ্য

দিন যায়। তুমি যাহা ইচ্ছা তাহা কর, দিন যাবে, রবে না। যে অবস্থায় ইচ্ছা, সে অবস্থায় থাক, দিন যাবে, রবে না। পথিক! বড় দারুণ ঝটিকা বৃষ্টিতে পতিত হইয়াছে? উচ্চ রবে শিরোপরি ঘনগর্জ্জন হইতেছে? বৃষ্টিতে প্লাবিত হইতেছে? অনাবৃত শরীরে করকাভিঘাত হইতেছে? আশ্রয় পাইতেছ না? ক্ষণেক ধৈর্য ধর, এ দিন যাবে—রবে না! ক্ষণেক অপেক্ষা কর; দুর্দিন ঘুচিবে, সুদিন হইবে; ভান্দয় হইবে; কালি পর্য্যন্ত অপেক্ষা কর।

কাহার না দিন যায়? কাহার দুঃখ স্থায়ী করিবার জ্ঞান দিন বসিয়া থাকে? তবে কেন রোদন কর?

কার দিন গেল না? তিলোত্তমা ধূল্য পড়িয়া আছে, তবু দিন যাইতেছে।

বিমলার হৃৎপদ্মে প্রতিহিংসা-কালফণী বসতি করিয়া সর্বশরীর বিষে জর্জর করিতেছে, এক মুহূর্ত তাহার দংশন অসহ্য; এক দিনে কত মুহূর্ত! তথাপি দিন কি গেল না?

কতলু খাঁ মস্নদে শত্রুজয়ী; সুখে দিন যাইতেছে। দিন যাইতেছে, রহে না।

জগৎসিংহ রত্নশয্যায়; রোগীর দিন কত দীর্ঘ, কে না জানে? তথাপি দিন গেল!

দিন গেল। দিনে দিনে জগৎসিংহের আরোগ্য জন্মিতে লাগিল। একেবারে যমদণ্ড হইতে নিষ্কৃতি পাইয়া রাজপুত্র দিনে দিনে নিরাপদ হইতে লাগিলেন। প্রথমে শরীরের গ্লানি দূর; পরে আহার; পরে

বল ; শেষে চিন্তা ।

প্রথম চিন্তা—তিলোত্তমা কোথায় ? রাজপুত্র যত আরোগ্য পাইতে লাগিলেন, তত সংবর্দ্ধিত ব্যাকুলতার সহিত সকলকে জিজ্ঞাসা করিতে লাগিলেন ; কেহ তুষ্টিজনক উত্তর দিল না । আয়েষা জানেন না ; ওসমান বলেন না ; দাসদাসী জানে না, কি ইঙ্গিত মতে বলে না । রাজপুত্র কণ্টকশয্যাশায়ীর আয় চঞ্চল হইলেন ।

দ্বিতীয় চিন্তা—নিজ ভবিষ্যৎ । “কি হইবে” অকস্মাৎ এ প্রশ্নের কে উত্তর দিতে পাবে ? রাজপুত্র দেখিলেন, তিনি বন্দী । করুণহৃদয় ওসমান ও আয়েষাব অনুকম্পায় তিনি কারাগারের বিনিময়ে সুসজ্জিত, সুবাসিত শয়নকক্ষে বসতি করিতেছেন ; দাসদাসী তাঁহার সেবা করিতেছে ; যখন যাহা প্রয়োজন, তাহা ইচ্ছা-ব্যক্তির পূর্বেই পাইতেছেন ; আয়েষা সহোদরামিক স্নেহের সহিত তাঁহার যত্ন করিতেছেন ; তথাপি দ্বারে গ্রহরী ; স্বর্ণপিঞ্জরবাসী সুরস পানীয়ে পরিতৃপ্ত বিহঙ্গমের আয় রুদ্ধ আছেন । কবে মুক্তিপ্রাপ্ত হইবেন ? মুক্তিপ্রাপ্তির কি সম্ভাবনা ? তাঁহার সেনা সকল কোথায় ? সেনাপতিশূণ্য হইয়া তাহাদের কি দশা হইল ?

তৃতীয় চিন্তা—আয়েষা । এ চমৎকারিণী, পরহিত মূর্ত্তিমতী, কেমন করিয়া এই মৃন্ময় পৃথিবীতে অবতরণ করিল ?

জগৎসিংহ দেখিলেন, আয়েষার বিরাম নাই, শ্রান্তি বোধ নাই, অবহেলা নাই । রাত্রিদিন রোগীর শুশ্রূষা করিতেছেন । যতদিন না রাজপুত্র নোবোগ হইলেন, ততদিন তিনি প্রত্যহ প্রভাতে দেখিতেন, প্রভাসসূর্য্যরূপিণী কুসুম-দাম হস্তে করিয়া লাবণ্যময় পদ-বিক্ষেপে নিঃশব্দে আগমন করিতেছেন । প্রতিদিন দেখিতেন, যতক্ষণ স্নানাদি কার্য্যের সময় অতীত না হইয়া যায়, ততক্ষণ আয়েষা সে কক্ষ ত্যাগ করিতেন না । প্রতিদিন দেখিতেন, ক্ষণকাল পরেই প্রত্যাগমন করিয়া কেবল নিতান্ত প্রয়োজন বশতঃ গাত্রোথান করিতেন ; যতক্ষণ না তাঁহার জননী বেগম তাঁহার নিকট কিঙ্করী পাঠাইতেন, ততক্ষণ তাঁহার সেবায় ক্ষান্ত হইতেন না ।

কে রুগ্ন-শয্যায় না শয়ন করিয়াছেন ? যদি কাহারও রুগ্নশয্যার শিয়রে বসিয়া মনোমোহিনী রমণী ব্যঞ্জন করিয়া থাকে, তবে সেই জানে রোগেও মুখ ।

পাঠক ! তুমি জগৎসিংহের অবস্থা প্রত্যক্ষীভূত করিতে চাহ ? তবে মনে মনে সেই শয্যায় শয়ন কর, শরীরে ব্যাধিযন্ত্রণা অনুভূত কর ; স্মরণ কর যে, শত্রুমধ্যে বন্দী হইয়া আছ ; তার পর সেই সুবাসিত, সুসজ্জিত, সুস্নিগ্ধ শয়নকক্ষ মনে কর । শয্যায় শয়ন করিয়া তুমি দ্বারপানে চাহিয়া আছ ; অকস্মাৎ তোমার মুখ প্রফুল্ল হইয়া উঠিল ; এই শত্রুপুরীমধ্যে যে তোমাকে সহোদরের আয় যত্ন করে, সেই আসিতেছে । সে আবার রমণী, যুবতী, পূর্ণবিকসিত পদ্ম অমনই শয়ন করিয়া একদৃষ্টে চাহিয়া আছ ; দেখ কি মূর্তি ! ঈষৎ—ঈষৎ মাত্র দীর্ঘ আয়তন, তত্পরযুক্ত গঠন, মহামহিম দেবীপ্রতিমা স্বরূপ ! প্রকৃতি-নিয়মিত রাজ্ঞী স্বরূপ ! দেখ কি ললিত পাদবিক্ষেপ ! গজেন্দ্রগমন গুনিয়াছ ? সে কি ? মরালগমন বল ? ঐ পাদবিক্ষেপ দেখ ; সুরের লয়, বাজে হয় ; ঐ পাদবিক্ষেপের লয়, তোমার হৃদয় মধ্যে হইতেছে । হস্তে ঐ কুসুমদাম দেখ, হস্তপ্রভায় কুসুম মলিন হইয়াছে দেখিয়াছ ? কঠের প্রভায় স্বর্ণহার দীপ্তিহীন হইয়াছে দেখিয়াছ ? তোমার চক্ষুর পলক পড়ে না কেন ? দেখিয়াছ কি সুন্দর গ্রীবাভঙ্গী ? দেখিয়াছ প্রস্তুতধবল গ্রীবার উপর কেমন নিবিড় কুঞ্চিত কেশগুচ্ছ পড়িয়াছে ? দেখিয়াছ তৎপার্শ্বে কেমন কর্ণভূষা ছলিতেছে ? মস্তকের ঈষৎ—ঈষৎ মাত্র বন্ধিম ভঙ্গী দেখিয়াছ ? ও কেবল ঈষৎ দৈর্ঘ্যহেতু । অত একদৃষ্টিতে চাহিতেছ কেন ? আয়েষা কি মনে করিবে ?

যতদিন জগৎসিংহের রোগের গুজ্জ্বা আবশ্যকতা হইল, ততদিন পর্য্যন্ত আয়েষা প্রত্যহ এইরূপ অনবরত তাহাতে নিযুক্ত রহিলেন । ক্রমে যেমন রাজপুত্রের রোগের উপশম হইতে লাগিল, তেমনই আয়েষারও যাতায়াত কমিতে লাগিল ; যখন রাজপুত্রের রোগ নিশেষ হইল, তখন আয়েষার জগৎসিংহের নিকট যাতায়াত প্রায় একেবারে শেষ হইল ; কদাচিৎ ছুই একবার আসিতেন । যেমন শীতার্ধ ব্যক্তির অঙ্গ হইতে ক্রমে ক্রমে বেলাধিক্যে রৌদ্র সরিয়া যায়, আয়েষা সেইরূপ ক্রমে ক্রমে

জগৎসিংহ হইতে আরোগ্য কালে সরিয়া যাইতে লাগিলেন ।

একদিন গৃহমধ্যে অপরাহ্নে জগৎসিংহ গবাক্ষে দাঁড়াইয়া দুর্গের বাহিরে দৃষ্টিপাত করিতেছেন ; কত লোক অবাধে নিজ নিজ ঈপ্সিত বা প্রয়োজনীয় স্থানে যাতায়াত করিতেছে, রাজপুত্র ঝুংখিত হইয়া তাহা-দিগের অবস্থার সহিত আত্মাবস্থা তুলনা করিতেছিলেন । এক স্থানে কয়েকজন লোক মণ্ডলীকৃত হইয়া কোন ব্যক্তি বা বস্তু বেষ্টন পূর্ব্বক দাঁড়াইয়াছিল । রাজপুত্রের তৎপ্রতি দৃষ্টিপাত হইল । বুঝিতে পারিলেন যে, লোকগুলি কোন আমোদে নিযুক্ত আছে, মন দিয়া কিছু শুনিতেছে । মধ্যস্থ ব্যক্তি কে, বা বস্তুটি কি, তাহা কুমার দেখিতে পাইতেছিলেন না । কিছু কোতূহল জন্মিল । কিয়ৎক্ষণ পরে কয়েকজন শ্রোতা চলিয়া গেলে কুমারের কোতূহল নিবারণ হইল ; দেখিতে পাইলেন, মণ্ডলীমধ্যে এক ব্যক্তি একজন পুত্রির শ্রায় কয়েকখণ্ড পত্র লইয়া তাহা হইতে কি পড়িয়া শুনাইতেছে । আকস্মিকভাবে আকার দেখিয়া রাজকুমারের কিছু কোতূক জন্মিল । তাঁহাকে মনুষ্য বলিয়া বলিলেও বলা যায়, বজ্রাঘাতে পথভ্রষ্ট মধ্যমাকার তালগাছ বলিলেও বলা যায় । প্রায় সেইরূপ দীর্ঘ, প্রস্থেও তদ্রূপ ; তবে তালগাছ কখন তাদৃশ গুরু নাসিকাতার শ্রুস্ত হয় না । আকারেজিতে উভয়ই সমান । পুত্রি পড়িতে পড়িতে পাঠক যে হাত নাড়া, মাথা নাড়া দিতেছিলেন, রাজকুমার তাহা অবাক হইয়া দেখিতে লাগিলেন । ইতিমধ্যে ওসমান গৃহমধ্যে আসিয়া উপস্থিত হইলেন ।

পরম্পর অভিবাদনের পর ওসমান কহিলে, “আপনি গবাক্ষে অগ্রমনস্ক হইয়া কি দেখিতেছিলেন ?”

জগৎসিংহ কহিলেন, “সরল কাষ্ঠবিশেষ । দেখিলে দেখিতে পাইবেন ।”

ওসমান দেখিয়া কহিলেন, “রাজপুত্র, উহাকে কখন দেখেন নাই ?”

রাজপুত্র কহিলেন, “না ।”

ওসমান কহিলেন, “ও আপনাদিগের ব্রাহ্মণ । কথাবার্তায় বড় সরস ; ও ব্যক্তিকে গড় মান্দারনে দেখিয়াছিলাম ।”

রাজকুমার অন্তঃকরণে চিস্তিত হইলেন । গড় মান্দারনে ছিল ? তবে

ব্যক্তি কি তিলোত্তমার কোন সংবাদ বলিতে পারিবে না ?

এই চিন্তায় ব্যাকুল হইয়া কহিলেন, “মহাশয়, উহার নাম কি ?”

ওসমান চিন্তা করিয়া কহিলেন, “উহার নামটি কিছু কঠিন, হঠাৎ
রণ হয় না, গনপত ? না ; - গনপত—গজপত—না ; গজপত কি ?”

“গজপত ? গজপত এদেশীয় নাম নহে, অথচ দেখিতেছি, ও ব্যক্তি
ঙ্গালী ।”

“বাঙ্গালী বটে, ভট্টাচার্য্য । উহার একটা উপাধি আছে, এলেম্—
লেম্ কি ?”

“মহাশয় ! বাঙ্গালীর উপাধিতে ‘এলেম্’ শব্দ ব্যবহার হয় না ।
লেম্কে বাঙ্গালায় বিদ্যা কহে । বিদ্যভূষণ বা বিদ্যাবাগীশ হইবে ।”

“হাঁ হাঁ বিদ্যা কি একটা,—রসুন, বাঙ্গালায় হস্তীকে কি বলে বলুন
দখি ?”

“হস্তী ।”

“আর ?”

“করী, দস্তী, বারণ, নাগ, গজ—”

“হাঁ হাঁ, স্মরণ হইয়াছে ; উহার নাম ‘গজপতি বিদ্যাদিগ্গজ’ ।”

“বিদ্যাদিগ্গজ ! চমৎকার উপাধি ! যেমন নাম, তেমনই উপাধি ।
হার সহিত আলাপ করিতে বড় কৌতূহল জন্মিতেছে ।”

ওসমান থাঁ একটু একটু গজপতির কথাবার্তা শুনিয়াছিলেন ;
বেচনা করিলেন, ইহার সহিত কথোপকথনে ক্ষতি হইতে পারে না ।
হিলেন, “ক্ষতি কি ?”

উভয়ে নিকটস্থ বাহিরের ঘরে গিয়া ভৃত্যদ্বারা গজপতিকে আহ্বান
রিয়া আনিলেন ।

নবম পরিচ্ছেদ : দিগ্গজ সংবাদ

ভৃত্যসঙ্গে গজগতি বিদ্যাদিগ্গজ কক্ষমধ্যে প্রবেশ করিলে রাজকুমার
জ্ঞাসিলেন, “আপনি ব্রাহ্মণ ?”

দিগ্‌গজ হস্তভঙ্গী সহিত কহিলেন,

“যাবৎ মেরৌ স্থিতা দেবা যাবদ্‌ গজা মহীতলে,

অসারে খলু সংসারে সারং শ্বশুরমন্দিরং ।”

জগৎসিংহ হাস্ত সংবরণ করিয়া প্রণাম করিলেন। গজপতি আশীর্বাদ করিলেন, “খোদা খাঁ বাবুজীকে ভাল রাখুন।”

রাজপুত্র কহিলেন, “মহাশয়, আমি মুসলমান নহি, আমি হিন্দু।”

দিগ্‌গজ মনে করিলেন, “বেটা যবন, আমাকে কীকি দিতেছে ; ঐ একটা মতলব আছে ; নহিলে আমাকে ডাকিবে কেন ?” ভয়ে বিষণ্ণবদন কহিলেন, “খাঁ বাবুজী, আমি আপনাকে চিনি ; আপনার অল্পে প্রতিপালন, আমায় কিছু বলিবেন না, আপনার শ্রীচরণের দাস আমি।”

জগৎসিংহ দেখিলেন, ইহাও এক বিদ্বৎ। কহিলেন, “মহাশয়, আপনি ব্রাহ্মণ ; আমি রাজপুত্র, আপনি এরূপ কহিবেন না। আপনার না গজপতি বিদ্যাদিগ্‌গজ ?”

দিগ্‌গজ ভাবিলেন, “ঐ গো ! নাম জানে ! কি বিপদে ফেলিবে !” করঘোড়ে কহিলেন, “দোহাই সেখজীর। আমি গরিব ! আপনার পায়ে পড়ি।”

জগৎসিংহ দেখিলেন, ব্রাহ্মণ যেরূপ ভীত হইয়াছে, তাহাতে স্পষ্টই উহার নিকট কোন কার্য্যাসিদ্ধি হইবে না। অতএব বিষয়াস্তরে কথা কহিবার জন্ম কহিলেন, “আপনার হাতে ও কি পুতি !”

“আজ্ঞা এ মাণিকপীরের পুতি !”

“ব্রাহ্মণের হাতে মাণিকপূরের পুতি !”

“আজ্ঞা,—আজ্ঞা, আমি ব্রাহ্মণ ছিলাম, এখন ত আর ব্রাহ্মণ নই।”

রাজকুমার বিস্ময়াপন্ন হইলেন, বিরক্তও হইলেন। কহিলেন, “কি ? আপনি গড় মান্দারণে থাকিতেন না ?”

দিগ্‌গজ ভাবিলেন, “এই সর্ব্বনাশ করিল ! আমি বীরেন্দ্রসিংহে দ্বর্গে থাকিতাম, টের পেয়েছে ! বীরেন্দ্রসিংহের যে দশা করিয়াছে আমারও তাই করিবে।” ব্রাহ্মণ ত্রাসে কঁাদিয়া ফেলিল। রাজকুমা

ইলেন, “ও কি ও !”

দিগ্‌গজ হাত কচলাইতে কচলাইতে কহিলেন, “দোহাই খাঁ বাবা !
।মায় মের না বাবা !” আমি তোমার গোলাম বাবা ! তোমার
।লাম বাবা !”

“তুমি কি বাতুল হইয়াছ ?”

“না, বাবা আমি তোমারই দাস, বাবা ! আমি তোমারই বাবা !”

জগৎসিংহ অগত্যা ব্রাহ্মণকে সুস্থিত করিবার জন্ত কহিলেন, “তোমার
হান চিন্তা নাই তুমি একটু মাণিকপীরের পুতি পড়, আমি শুনি ।”

ব্রাহ্মণ মাণিকপীরের পুতি লইয়া সুর করিয়া পড়িতে লাগিল ।
নরূপ যাত্রার বালক অধিকারীর কানমলা খাইয়া গীত গায়, দিগ্‌গজ
।ণ্ডিতের সেই দশা হইল ।

ক্ষণেক পরে রাজকুমার পুনর্ব্বার জিজ্ঞাসা করিলেন, “আপনি ব্রাহ্মণ
ইয়া মাণিকপীরের পুতি পড়িতেছিলেন কেন ?”

ব্রাহ্মণ সুর থামাইয়া কহিল, “আমি মোছলমান হইয়াছি ।”

রাজপুত্র কহিলেন, “সে কি ?” গজপতি কহিলেন, “যখন মোছলমান
।বুরা গড়ে এলেন, তখন আমাকে কহিলেন যে, আয় বামন্ তোর জাতি
।রিব । এই বলিয়া তাঁহারা আমাকে ধরিয়া লইয়া মুরগির পালো
।ধিয়া খাওয়াইলেন ।”

“পালো কি ?”

দিগ্‌গজ কহিলেন, “আতপ চাউল ঘূতের পাক ।”

রাজপুত্র বুঝিলেন পদার্থটা কি । কহিলেন, “বলিয়া যাও !”

“তারপর আমাকে বলিলেন, ‘তুই মোছলমান হইয়াছিস্ ; সেই
।বধি আমি মোছলমান ।’”

রাজপুত্র এই অবসরে জিজ্ঞাসা করিলেন, “আর সকলের কি
হইয়াছে ?”

“আর আর ব্রাহ্মণ অনেকেই ঐরূপ মোছলমান হইয়াছে ।”

রাজপুত্র ওসমানের মুখপানে দৃষ্টি করিলেন । ওসমান রাজপুত্রকৃত
নেক্ষাঁক তিরস্কার বুঝিতে পারিয়া কহিলেন, “রাজপুত্র, ইহাতে দোষ কি ?

মোহলমানের বিবেচনায় মহম্মদীয় ধর্মই সত্য ধর্ম ; বলে হউক, ছা
হউক, সত্যধর্মপ্রচারে আমাদের মতে অধর্ম নাই, ধর্ম আছে।”

রাজপুত্র উত্তর না করিয়া বিজ্ঞাদিগ্গজকে প্রশ্ন করিতে লাগিলে
“বিজ্ঞাদিগ্গজ মহাশয় !”

“আজ্ঞা এখন সেখ দিগ্গজ ।”

“আচ্ছা তাই ; সেখজী, গড়ের আর কাহারও সংবাদ জ্ঞানেন না ?”

ওসমান রাজপুত্রের অভিপ্রায় বুঝিতে পারিয়া উদ্বিগ্ন হইলেন।
দিগ্গজ কহিলেন, “আর অভিরাম স্বামী পলায়ন করিয়াছেন।”

রাজপুত্র বুঝিলেন, নিবেরাঁধকে স্পষ্ট স্পষ্ট জিজ্ঞাসা না করিলে
কিছুই শুনিতে পাইবেন না। কহিলেন, “বীরেন্দ্রসিংহের কি হইয়াছে ?”

ব্রাহ্মণ কহিলেন, “নবাব কতলু খাঁ তাঁহাকে কাটিয়া ফেলিয়াছেন !”

রাজপুত্রের মুখ রক্তিমবর্ণ হইল। ওসমানকে জিজ্ঞাসা করিলেন
“সে কি ?” এ ব্রাহ্মণ অলীক কথা কহিতেছে ?”

ওসমান গম্ভীরভাবে কহিলেন, “নবাব বিচার করিয়া রাজবিদ্রোহ
জ্ঞানে প্রাণদণ্ড করিয়াছেন।”

রাজপুত্রের চক্ষুতে অগ্নি প্রোজ্জ্বল হইল।

ওসমানকে জিজ্ঞাসিলেন, “আর একটা নিবেদন করিতে পারি কি
কার্য্য কি আপনার অভিমতে হইয়াছে ?”

ওসমান কহিলেন, “আমার পরামর্শের বিরুদ্ধে।”

রাজকুমার বহুক্ষণ নিস্তব্ধ হইয়া রহিলেন। ওসমান শ্বসময় পাইয়া
দিগ্গজকে কহিলেন, “তুমি এখন বিদায় হইতে পার।”

দিগ্গজ গাত্রোত্থান করিয়া চলিয়া যায়, কুমার তাঁহার হস্তধারণ
পূর্বক নিবারণ করিয়া কহিলেন, “আর এক কথা জিজ্ঞাসা ; বিমলা
কোথায় ?”

ব্রাহ্মণ নিশ্বাস ত্যাগ করিল, একটু রোদনও করিল। কহিল, “বিমলা
এখন নবাবের উপপত্নী !”

রাজকুমার বিজ্ঞাদৃষ্টিতে ওসমানের প্রতি চাহিয়া কহিলেন, “এও
সত্য ?”

ওসমান কোন উত্তর না করিয়া ব্রাহ্মণকে কহিলেন, “তুমি আর কি করিতেছ ? চলিয়া যাও ।”

রাজপুত্র ব্রাহ্মণের হস্ত দৃঢ়তর ধারণ করিলেন, যাইবার শক্তি নাই । কহিলেন, “আর এক মুহূর্ত্ত রহ ; আর একটা কথা মাত্র ।” তাঁহার আরক্ত লোচন হইতে দ্বিগুণতর অগ্নিবিষ্ফুরণ হইতেছিল, “আর একটা কথা । তিলোত্তমা ?”

ব্রাহ্মণ উত্তমঃ করিল, “তিলোত্তমা নবাবের উপপত্নী হইয়াছে । দাস দাসী লইয়া তাহারা স্বচ্ছন্দে আছে ।”

রাজকুমার বেগে ব্রাহ্মণের হস্ত নিক্ষেপ করিলেন, ব্রাহ্মণ পড়িতে পড়িতে রহিল ।

ওসমান লজ্জিত হইয়া মৃদুভাবে কহিলেন, “আমি সেনাপতি মাত্র ।”

রাজপুত্র উত্তর করিলেন, “আপনি পিশাচের সেনাপতি ।”

দশম পরিচ্ছেদ : প্রতিমা বিসর্জন

বলা বাহুল্য যে, জগৎসিংহের সে রাত্রে নিদ্রা আসিল না । শয্যা অগ্নিবিকীর্ণবৎ, হৃদয়মধ্যে অগ্নি জ্বলিতেছে । যে তিলোত্তমা মরিলে জগৎসিংহ পৃথিবী শূন্য দেখিতেন, এখন সে তিলোত্তমা প্রাণত্যাগ করিল না কেন, ইহাই পরিতাপের বিষয় হইল ।

সে কি ? তিলোত্তমা মরিল না কেন ? কুসুমসুকুমার দেহ মাধুর্যময় কোমলালোকে বেষ্টিত যে দেহ, যে দিকে জগৎসিংহ নয়ন ফিরান, সেই দিকে মানসিক দর্শনে দেখিতে পান, সে দেহ শ্মশানমৃত্তিকা হইবে ? এই পৃথিবী—অসীম পৃথিবীতে কোথাও সে দেহের চিহ্ন থাকিবে না ? যখন এইরূপ চিন্তা করেন, জগৎসিংহের চক্ষুতে দর দর বারিধারা পড়িতে থাকে ; অমনই আবার ছুরাঙ্গা কতলু খাঁর বিহারমন্দিরের স্মৃতি হৃদয়-মধ্যে বিছাৎ চমকিত হয়, সেই কুসুমসুকুমার বপু পাপিষ্ঠ পাঠানের অঙ্কগুস্ত দেখিতে পান, আবার দারুণাগ্নিতে হৃদয় জ্বলিতে থাকে ।

তিলোত্তমা তাঁহার হৃদয়-মন্দিরাধিষ্ঠাত্রী দেবীমূর্ত্তি ।

সেই ভিলোস্তমা পাঠানভবনে ।

সেই ভিলোস্তমা কতলু খাঁর উপপত্নী ।

আর কি সে মূর্ত্তি রাজপুতে আরাধনা করে ?

সে প্রতিমা স্বহস্তে স্থানচ্যুত করিতে সঙ্কোচ না করা কি রাজপুতের কুলোচিত ?

সে প্রতিমা জগৎসিংহের হৃদয়মধ্যে বদ্ধমূল হইয়াছিল, তাহাকে উন্মূলিত করিতে মূলাধার হৃদয়ও বিদীর্ণ হইবে । কেমন করিয়া চিরকালের জন্য সে মোহিনী মূর্ত্তি বিস্মৃত হইবেন ? সে কি হয় ? যতদিন মেধা থাকিবে, যতদিন অস্থি-মজ্জা-শোণিত-নির্ম্মিত দেহ থাকিবে, ততদিন সে হৃদয়েশ্বরী হইয়া বিরাজ করিবে !

এই সকল উৎকট চিন্তায় রাজপুত্রের মনের স্থিরতা দূরে থাকুক, বুদ্ধিরও অপভ্রংশ হইতে লাগিল, স্মৃতির বিশৃঙ্খলা হইতে লাগিল ; নিশা-শেষেও ছই করে মস্তক ধারণ করিয়া বসিয়া আছেন, মস্তিষ্ক ঘুরিতেছে, কিছুই আলোচনা করিবার আর শক্তি নাই ।

একভাবে বহুক্ষণ বসিয়া জগৎসিংহের অঙ্গবেদনা করিতে লাগিল ; মানসিক যন্ত্রণার প্রগাঢ়তায় শরীরে জ্বরের গ্রায সস্তাপ জন্মিল, জগৎসিংহ বাতায়নসন্নিধানে গিয়া দাঁড়াইলেন ।

শীতল নৈদাঘ বায়ু আসিয়া জগৎসিংহের ললাট স্পর্শ করিল । নিশা অন্ধকার ; আকাশ অনিবিড় মেঘাবৃত ; নক্ষত্রাবলী দেখা যাইতেছে না, কদাচিৎ সচল মেঘখণ্ডের আবরণাভ্যন্তরে কোন ক্ষীণ তারা দেখা যাইতেছে ; দূরস্থ বৃক্ষশ্রী অন্ধকারে পরস্পর মিশ্রিত হইয়া তমোময় প্রাচীরবৎ আকাশতলে রহিয়াছে, নিকটস্থ বৃক্ষে বৃক্ষে খণ্ডোতমালা হীরক-চূর্ণবৎ জ্বলিতেছে ; সম্মুখস্থ এক তড়াগে আকাশ বৃক্ষাদির প্রতিবিশ্ব অন্ধকারে অস্পষ্টরূপে স্থিত রহিয়াছে ।

মেঘস্পৃষ্ট শীতল নৈশ বায়ুসংলগ্নে জগৎসিংহের কিঞ্চিৎ দৈহিক সস্তাপ দূর হইল । তিনি বাতায়ন হস্তরক্ষাপূর্ব্বক তত্পরি মস্তক গুপ্ত করিয়া দাঁড়াইলেন । উন্মিত্রায় বহুক্ষণাবধি উৎকট মানসিক যন্ত্রণা সহনে অবসন্ন হইয়াছিলেন ; এক্ষণে স্নিগ্ধ বায়ুস্পর্শে কিঞ্চিৎ চিন্তাবিরত হইলেন, একটু

অশ্রুমনস্ক হইলেন । এতক্ষণ যে ছুরিকা সঞ্চালনে হৃদয় বিদ্ধ হইতেছিল, এক্ষণে তাহা দূর হইয়া অপেক্ষাকৃত তীক্ষ্ণতাসূচ্য নৈরাশ্র মনোমধ্যে প্রবেশ করিতে লাগিল । আশা ত্যাগ করাই অধিক ক্লেশ ; একবার মনোমধ্যে নৈরাশ্র স্থিরতর হইলে আর তত ক্লেশকর হয় না । অস্ত্রাঘাতই সমধিক ক্লেশকর ; তাহার পর যে ক্ষত হয়, তাহার যন্ত্রণা স্থায়ী বটে । কিন্তু, তত উৎকট নহে । জগৎসিংহ নিরাশার মূঢ়তর যন্ত্রণা ভোগ করিতে লাগিলেন । অন্ধকার নক্ষত্রহীন গগন প্রতি চাহিয়া, এক্ষণে নিজ হৃদয়াকাশও যে তদ্রূপ অন্ধকার নক্ষত্রহীন হইল, সজল চক্ষুতে তাহাই ভাবিতে লাগিলেন । ভূতপূৰ্ব্ব সকল মূঢ়ভাবে স্মরণ-পথে আসিতে লাগিল ; বাল্যকাল, কৈশোর-প্রমোদ, সকল মনে পড়িতে লাগিল ; জগৎসিংহের চিন্ত তাহাতে মগ্ন হইল ; ক্রমে অধিক অশ্রুমনস্ক হইতে লাগিলেন, ক্রমে অধিক শরীর শীতল হইতে লাগিল ; ক্লাস্তিবশে চেতনাপহরণ হইতে লাগিল ; বাতায়ন অবলম্বন করিয়া জগৎসিংহের তন্দ্রা আসিল । নিদ্রিতাবস্থায় রাজকুমার স্বপ্ন দেখিলেন ; গুরুতর যন্ত্রণাজনক স্বপ্ন দেখিতে লাগিলেন ; নিদ্রিত বদনে ক্রকুটি হইতে লাগিল ; মুখে উৎকট ক্লেশব্যঞ্জক ভঙ্গী হইতে লাগিল ; অধর কম্পিত, বিচলিত হইতে লাগিল ; ললাট ঘর্ম্মাক্ত হইতে লাগিল ; করে দৃঢ়মুষ্টি বদ্ধ হইল ।

চমকের সহিত নিদ্রাভঙ্গ হইল ; অতি ব্যস্তে কুমার কক্ষমধ্যে পাদচারণ করিতে লাগিলেন ; কতক্ষণ এইরূপ যন্ত্রণা ভোগ করিতে লাগিলেন, তাহা নিশ্চিত বলা সুকঠিন ; যখন প্রাতঃসূর্য্যাকরে হর্ম্ম্য-প্রাকার দীপ্ত হইতেছিল, তখন জগৎসিংহ হর্ম্ম্যতলে বিনা শয্যায়, বিনা উপাধানে লম্বমান হইয়া নিদ্রা যাইতেছিলেন !

ওসমান আসিয়া তাঁহাকে উঠাইলেন । রাজপুত্র নিদ্রোখিত হইলে, ওসমান তাঁহাকে অভিবাদন করিয়া তাঁহার হস্তে একখানি পত্র দিলেন । রাজপুত্র পত্র হস্তে লইয়া নিরুত্তরে ওসমানের মুখপানে চাহিয়া রহিলেন । ওসমান বুঝিলেন, রাজপুত্র আশ্রবিহ্বল হইয়াছেন । অতএব এক্ষণে প্রয়োজনীয় কথোপকথন হইতে পারিবে না, বুঝিতে পারিষা কহিলেন, “রাজপুত্র ! আপনার ভূষণ্যার কারণ জিজ্ঞাসা করিতে আমার কৌতূহল

নাই। এই পত্র-প্রেরিকার নিকট আমি প্রতিশ্রুত ছিলাম যে, এই পত্র আপনাকে দিব; যে কারণে এতদিন এই পত্র আপনাকে দিই নাই, সে কারণ দূর হইয়াছে। আপনি সকল জ্ঞাত হইয়াছেন। অতএব পত্র আপনার নিকট রাখিয়া চলিলাম, আপনি অবসরমতে পাঠ করিবেন; অপরাহ্নে আমি পুনর্ব্বার আসিব। প্রত্যুত্তর দিতে চাহেন, তাহাও লইয়া লেখিকার নিকট প্রেরণ করিতে পারিব।”

এই বলিয়া ওসমান রাজপুত্রের নিকট পত্র রাখিয়া প্রস্থান করিলেন।

রাজপুত্র একাকী বসিয়া সম্পূর্ণ সংজ্ঞাপ্রাপ্ত হইলে, বিমলার পত্র পাঠ করিতে লাগিলেন। আত্মোপাস্ত পাঠ করিয়া অগ্নি প্রস্তুত করিয়া তাহাতে নিষ্কেপ করিলেন। যতক্ষণ পত্রখানি জ্বলিতে লাগিল, ততক্ষণ তৎপ্রতি দৃষ্টিপাত করিতে লাগিলেন। যখন পত্র নিঃশেষ দগ্ধ হইয়া গেল, তখন আপনি আপনি কহিতে লাগিলেন, “স্মৃতিচিহ্ন অগ্নিতে নিষ্কেপ করিয়া নিঃশেষ করিতে পারিলাম, স্মৃতিও ত সম্ভাপে পুড়িতেছে, নিঃশেষ হয় না কেন?”

জগৎসিংহ রীতিমত প্রাতঃকৃত্য সমাপন করিলেন। পূজাহ্নিক শেষ করিয়া ভক্তিভাবে ইষ্টদেবকে প্রণাম করিলেন; পরে করযোড়ে উর্ধ্বদৃষ্টি করিয়া কহিতে লাগিলেন, “গুরুদেব! দাসকে ত্যাগ করিবেন না। আমি রাজধর্ম্য প্রতিপালন করিব; ক্ষত্রকুলোচিত কার্য্য করিব; ও পাদ-পদ্মের প্রসাদ ভিক্ষা করি। বিধর্ম্মীর উপপন্নীকে এ চিন্তা হইতে দূর করিব; তাহাতে শরীর পতন হয়, অন্তকালে তোমাকে পাইব। মনুষ্যের যাহা সাধ্য তাহা করিতেছি, মনুষ্যের যাহা কর্তব্য তাহা করিব। দেখ গুরুদেব! তুমি অন্তর্য্যামী, অন্তস্থল পর্য্যন্ত দৃষ্টি করিয়া দেখ, আর আমি তিলোত্তমার প্রণয়প্রার্থী নহি, আর আমি তাহার দর্শনাভিলাষী নহি, কেবল কাল ভূতপূর্ব্বস্মৃতি অনুক্ষণ হৃদয় দগ্ধ করিতেছে। আকাজক্ষাকে বিসর্জন দিয়াছি, স্মৃতিলোপ কি হইবে না? গুরুদেব! ও পদপ্রসাদ ভিক্ষা করি। নচেৎ স্বরণের যজ্ঞগা সছ হয় না।”

প্রতিমা বিসর্জন হইল।

তিলোত্তমা তখন ধূলিশয্যায় কি স্বপ্ন দেখিতেছিল? এ ঘোর

অন্ধকারে যে এক নক্ষত্র প্রতি সে চাহিয়াছিল, সেও তাহাকে আর করবিতরণ করিবে না। এ ঘোর ঝটিকায় যে লতায় প্রাণ বাঁধিয়াছিল, তাহা ছিঁড়িল; যে ভেলায় বুক দিয়া সমুদ্র পার হইতেছিল, সে ভেলা ডুবিল।

একাদশ পরিচ্ছেদ : গৃহান্তর

অপরাহ্নে কথামত ওসমান রাজপুত্র সমক্ষে উপস্থিত হইয়া কহিলেন, “যুবরাজ ! প্রত্যুত্তর পাঠাইবার অভিপ্রায় হইয়াছে কি ?

যুবরাজ প্রত্যুত্তর লিখিয়া রাখিয়াছিলেন, পত্র হস্তে লইয়া ওসমানকে দিলেন। ওসমান লিপি হস্তে লইয়া কহিলেন, “আপনি অপরাধ লইবেন না; আমাদের পদ্ধতি আছে, দুর্গবাসী কেহ কাহাকে পত্র প্রেরণ করিলে, দুর্গ-রক্ষকেরা পত্র পাঠ না করিয়া পাঠান না।”

যুবরাজ কিঞ্চিৎ বিষণ্ণ হইয়া কহিলেন, “এ ত বলা বাহুল্য। আপনি পত্র খুলিয়া পড়ুন; অভিপ্রায় হয় পাঠাইয়া দিবেন।”

ওসমান পত্র খুলিয়া পাঠ করিলেন। তাহাতে এইমাত্র লেখা ছিল—

“মন্দভাগিনি ! আমি তোমার অনুরোধ বিস্মৃত হইব না। কিন্তু তুমি যদি পতিব্রতা হও, তবে শীঘ্র পতিপথাবলম্বন করিয়া আত্মকলঙ্ক লোপ করিবে।

জগৎসিংহ।”

ওসমান পত্র পাঠ করিয়া কহিলেন, “রাজপুত্র ! আপনার হৃদয় অতি কঠিন।”

রাজপুত্র নীরস হইয়া কহিলেন, “পাঠান অপেক্ষা নহে।”

ওসমানের মুখ একটু আরক্ত হইল। কিঞ্চিৎ কর্কশ ভঙ্গিতে কহিলেন, “বোধ করি পাঠান সর্ব্বাংশে আপনার সহিত অভদ্রতা না করিয়া থাকিবে।”

রাজপুত্র কুপিতও হইলেন, লজ্জিতও হইলেন। এবং কহিলেন, “না

মহাশয় ! আমি নিজের কথা কহিতেছি না । আপনি আমার প্রতি সর্ব্বাংশে দয়া প্রকাশ করিয়াছেন এবং বন্দী করিয়াও প্রাণদান দিয়াছেন ; সেনা-হস্তা শত্রুর সাংঘাতিক পীড়ার শমতা করাইয়াছেন ; — যে ব্যক্তি কারাবাসে শৃঙ্গলবদ্ধ থাকিবে, তাহাকে প্রমোদাগারে বাস করাইতেছেন । আর অধিক কি করিবেন ? কিন্তু আমি বলি কি — আপনাদের ভদ্রতাজালে জড়িত হইতেছি ; এ শৃঙ্খলের পরিণাম কিছু বুঝিতে পারিতেছি না । আমি বন্দী হই, আমাকে কারাগারে স্থান দিন, এ দয়ার শৃঙ্খল হইতে মুক্ত করুন । আর যদি বন্দী না হই, তবে আমাকে এ হেমপিঞ্জরে আবদ্ধ রাখার প্রয়োজন কি ?”

ওসমান স্থিরচিত্তে উত্তর করিলেন, “রাজপুত্র ! অশুভের জন্ম ব্যস্ত কেন ? অমঙ্গলকে ডাকিতে হয় না, আপনিই আইসে ।”

রাজপুত্র গর্বিত বচনে কহিলেন, “আপনার এ কুসুমশয্যা ছাড়িয়া কারাগারের শিলাশয্যায় শয়ন করা রাজপুত্রেরা অমঙ্গল বলিয়া গণে না ।”

ওসমান কহিলেন, “শিলাশয্যা যদি অমঙ্গলের চরম হইত, তবে ক্ষতি কি ?”

রাজপুত্র ওসমান প্রতি তীব্র দৃষ্টি করিয়া কহিলেন, “যদি কতলু খাঁকে সমুচিত দণ্ড দিতে না পারিলাম, তবে মরণেই বা ক্ষতি কি ?”

ওসমান কহিলেন, “যুবরাজ ! সাবধান ! পাঠানের যে কথা সেই কাজ !”

রাজপুত্র হাস্য করিয়া কহিলেন—“সেনাপতি আপনি যদি আমাকে ভয় প্রদর্শন করিতে আসিয়া থাকেন, তবে যত্ন বিফল জ্ঞান করুন ।”

ওসমান কহিলেন, “রাজপুত্র, আমরা পরস্পর সন্নিধানে একরূপ পরিচিত আছি যে, মিথ্যা বাগাড়ম্বর কাহারও উদ্দেশ্য হইতে পারে না । আমি আপনাব নিকট বিশেষ কার্য্যসিদ্ধির জন্ম আসিয়াছি ।”

জগৎসিংহ কিঞ্চিৎ বিস্মিত হইলেন । কহিলেন, “অনুমতি করুন ।”

ওসমান কহিলেন, “আমি এক্ষণে যে প্রস্তাব করিব, তাহা কতলু খাঁর আদেশমত করিতেছি জানিবেন ।”

জ। উত্তম।

ও। শ্রবণ করুন। রাজপুত পাঠানের যুদ্ধে উভয় কুল ক্ষয় হইতেছে।

রাজপুত্র কহিলেন, “পাঠানকুল ক্ষয় করাই যুদ্ধের উদ্দেশ্য।”

ওসমান কহিলেন, “সত্য বটে, কিন্তু উভয় কুল নিপাত ব্যতীত একের উচ্ছেদ কত দূর সম্ভাবনা, তাহাও দেখিতে পাইতেছেন। গড় মান্দারণ-জেতুগণ নিতান্ত বলহীন নহে দেখিয়াছেন।”

জগৎসিংহ ঈষদ্রাত্র সহাস্ত হইয়া কহিলেন, “তাহারা কৌশলময়। বটেন।”

ওসমান কহিতে লাগিলেন, “যাহাই হউক, আত্মগরিমা আমার উদ্দেশ্য নহে। মোগল সম্রাটের সহিত চিরদিন বিবাদ করিয়া পাঠানের উৎকলে তিষ্ঠান স্মৃথের হইবে না। কিন্তু মোগল সম্রাটও পাঠানদিগকে কদাচ নিঙ্গকরতলস্থ করিতে পারিবেন না। আমার কথা আত্মপ্লাঘা বিবেচনা করিবেন না। আপনি ত রাজনীতিজ্ঞ বটেন, ভাবিয়া দেখুন, দিল্লী হইতে উৎকল কত দূর। দিল্লীস্থর যেন মানসিংহের বাহুবলে এবার পাঠান জয় করিলেন; কিন্তু কত দিন তাঁহার জয়-পতাকা এ দেশে উড়িবে? মহারাজ মানসিংহ সৈন্য পশ্চাৎ হইবেন, আর উৎকলে দিল্লীস্থরের অধিকার লোপ হইবে। ইতিপূর্বেও ত আকবর শাহা উৎকল জয় করিয়াছেন, কিন্তু কত দিন তথাকার করগ্রাহী ছিলেন? এবারও জয় করিলে, এবারও তাহা ঘটিবে। না হয় আবার সৈন্য প্রেরণ করিবেন; আবার উৎকল জয় করুন, আবার পাঠান স্বাধীন হইবে। পাঠানেরা বাঙ্গালী নহে; কখনও অধীনতা স্বীকার করে না; একজন মাত্র জীবিত থাকিতে কখন করিবেও না; ইহা নিশ্চিত কহিলাম। তবে আর রাজপুত পাঠানের শোণিতে পৃথিবী প্লাবিত করিয়া কাজ কি?”

জগৎসিংহ কহিলেন, “আপনি কিরূপ করিতে বলেন?”

ওসমান কহিলেন, “আমি কিছুই বলিতেছি না। আমার প্রভু সন্ধি করিতে বলেন।”

জ। কিরূপ সন্ধি?

ও। উভয় পক্ষেই কিঞ্চিৎ লাঘব স্বীকার করুন। নবাব কতলু খাঁ বাহুবলে বঙ্গদেশের যে অংশ জয় করিয়াছেন, তাহা ত্যাগ করিতে প্রস্তুত আছেন। আকবর শাহাও উড়িষ্যার স্বত্ব ত্যাগ করিয়া মৈল্লা লইয়া যাউন, আর ভবিষ্যতে আক্রমণ করিতে ক্লান্ত থাকুন। ইহাতে বাদশাহের কোন ক্ষতি নাই ; বরং পাঠানের ক্ষতি ; আমরা যাহা ক্লেশে হস্তগত করিয়াছি, তাহা ত্যাগ করিতেছি ; আকবর শাহা যাহা হস্তগত করিতে পারেন নাই, তাহাই ত্যাগ করিতেছেন।

রাজকুমার শ্রবণ করিয়া কহিলেন, “উত্তম কথা ; কিন্তু এ সকল প্রস্তাব আমার নিকট কেন ? সন্ধিবিগ্রহের কর্তা মহারাজ মানসিংহ ; তাঁহার নিকট দূত প্রেরণ করুন।”

ওসমান কহিলেন, “মহারাজের নিকট দূত প্রেরণ করা হইয়াছিল ; দুর্ভাগ্যবশতঃ তাঁহার নিকট কে রটনা করিয়াছে যে, পাঠানেরা মহাশয়ের প্রাণহানি কবিয়াছে। মহারাজ সেই শোকে ও ক্রোধে সন্ধির নামও শ্রবণ করিলেন না ; দূতের কথায় বিশ্বাস করিলেন না ; যদি মহাশয় স্বয়ং সন্ধির প্রস্তাবকর্তা হইতেন, তবে তিনি সম্মত হইতে পারিবেন।”

রাজপুত্র ওসমানের প্রতি পুনর্ব্বার স্থিরদৃষ্টি করিয়া কহিলেন, “সকল কথা পরিষ্কার করিয়া বলুন। আমার হস্তাক্ষর প্রেরণ করিলেও মহারাজের প্রতীতি জন্মিবার সম্ভাবনা। তবে আমাকে স্বয়ং যাইতে কেন কহিতেছেন ?”

ও। তাহার কারণ এই যে, মহারাজ মানসিংহ স্বয়ং আমাদের অবস্থা সম্পূর্ণ অবগত নহেন ; আপনার নিকট প্রকৃত বলবত্তা জানিতে পারিবেন। আর মহাশয়ের অনুরোধে বিশেষ কার্য্যাসিদ্ধির সম্ভাবনা ; লিপি দ্বারা সেরূপ নহে। সন্ধির আশু এক ফল হইবে যে, আপনি পুনর্ব্বার কারামুক্ত হইবেন। সুতরাং নবাব কতলু খাঁ সিদ্ধান্ত করিয়াছেন যে, আপনি এ সন্ধিতে অবশ্য অনুরোধ করিবেন।

জ। আমি পিতৃসন্নিধানে যাইতে অস্বীকৃত নহি।

ও। শুনিয়া মুখী হইলাম ; কিন্তু আরও এক নিবেদন আছে। আপনি যদি ঐরূপ সন্ধি সম্পাদন করিতে না পারেন, তবে আবার এ

দুর্গমধ্যে প্রত্যাগমন করিতে অঙ্গীকার করিয়া যাউন ।

জ । আমি অঙ্গীকার করিলেই যে প্রত্যাগমন করিব, তাহার নিশ্চয় কি ?

ওসমান হাসিয়া কহিলেন, “তাহা নিশ্চয় বটে । রাজপুত্রের বাক্য যে লজ্জন হয় না, তাহা সকলেই জানে ।”

রাজপুত্র সন্তুষ্ট হইয়া কহিলেন, “আমি অঙ্গীকার করিতেছি যে, পিতার সহিত সাক্ষাৎ পরেই একাকী দুর্গে প্রত্যাগমন করিব ।”

ও । আর কোন বিষয়ও স্বীকার করুন ; তাহা হইলেই আমরা বিশেষ বাধিত হই ।—আপনি যে মহারাজেব সাক্ষাৎ লাভ করিলে আমাদের বাসনানুযায়ী সন্ধির উত্থোগী হইবেন, তাহাও স্বীকার করিয়া যাউন ।

রাজপুত্র কহিলেন, “সেনাপতি মহাশয় ! এ অঙ্গীকার করিতে পারিলাম না । দিল্লীর সম্রাট আমাদের পাঠানজয়ে নিযুক্ত করিয়াছেন, পাঠান জয়ই করিব । সন্ধি কবিত্তে নিযুক্ত করেন নাই, সন্ধি করিব না । কিম্বা সে অনুরোধও করিব না ।”

ওসমানের মুখভঙ্গীতে সন্তোষ অথচ ক্ষোভ উভয়ই প্রকাশ হইল ; কহিলেন, “যুবরাজ ! আপনি রাজপুত্রের ত্রায় উত্তর দিয়াছেন, কিন্তু বিবেচনা করিয়া দেখুন, আপনার মুক্তির আর অন্য উপায় নাই ।”

জ । আমার যুক্তিতে দিল্লীশ্বরের কি ? রাজপুত্রকুলেও অনেক রাজপুত্র আছে ।

ওসমান কাতর হইয়া কহিলেন, “যুবরাজ ! আমার পরামর্শ শুনুন, এ অভিপ্রায় ত্যাগ করুন ।”

জ । কেন মহাশয় ?

ও । রাজপুত্র ! স্পষ্ট কথা কহিতেছি, আপনার দ্বারা কার্য্যসিদ্ধি হইবে বলিয়াই নাবাব সাহেব আপনাকে এ পর্য্যন্ত আদরে রাখিয়া-ছিলেন ; আপনি যদি তাহাতে বক্র করেন, তবে আপনার সমূহ পীড়া ঘটাইবেন ।

জ । আবার ভয়প্রদর্শন ! এইমাত্র আমি কারাবাসের প্রার্থনা

আপনাকে জানাইয়াছি ।

ও । যুবরাজ ! শ্বেবল কারাবাসেই যদি নবাব তৃপ্ত হয়েন, তবে মজল জানিবেন ।

যুবরাজ ভ্রমঙ্গী করিলেন । কহিলেন, “না হয় বীরেন্দ্রসিংহের রক্ত-শ্রোতঃ বৃদ্ধি করাইব ।” চক্ষু হইতে তাঁহার অগ্নিশূলিঙ্গ নির্গত হইল ।

ওসমান কহিলেন, “আমি বিদায় লইলাম । আমার কার্য্য আমি করিলাম, কতলু খাঁর আদেশ অত্র দূতমুখে শ্রবণ করিবেন ।”

কিছু পরে কথিত দূত আগমন করিল । সে ব্যক্তি সৈনিক পুরুষের বেশধারী, সাধারণ পদাতিক অপেক্ষা কিছু উচ্চপদস্থ সৈনিকের শ্রায় । তাহার সমভিব্যাহারী আর চারিজন অস্ত্রধারী পদাতিক ছিল । রাজপুত্র জিজ্ঞাসা করিলেন, “তোমার কার্য্য কি ?”

সৈনিক কহিল, “আপনার বাসগৃহ পরিবর্তন করিতে হইবেক ।”

“আমি প্রস্তুত আছি, চল” বলিয়া রাজপুত্র দূতের অনুগামী হইলেন ।

দ্বাদশ পরিচ্ছেদ : অলৌকিক আশ্চর্য

মহোৎসব উপস্থিত । অত্র কতলু খাঁর জন্মদিন । দিবসে রঙ্গ, নৃত্য, দান, আহার, পান ইত্যাদিতে সকলেই ব্যাপ্ত ছিল । রাত্রিতে ততোধিক । এইমাত্র সায়াকাল উত্তীর্ণ হইয়াছে ; দুর্গমধ্যে আলোকময়, ; সৈনিক, সিপাহি, ওমরাহ, ভৃত্য, পৌরবর্গ, ভিক্ষুক, মগপ, নট, নর্তকী, গায়ক, গায়িকা, বাদক, ঐন্দ্রজালিক, পুষ্পবিক্রেতা, গন্ধবিক্রেতা, তাম্বুলবিক্রেতা, আহারীয়বিক্রেতা, শিল্পকার্য্যোৎপন্নজাতবিক্রেতা, এই সকলে চতুর্দিক পরিপূর্ণ । যথায় যাও, তথায় কেবল দীপমালা, গীতবাণ, শঙ্কবারি, পান, পুষ্প, বাজি, বেণী । অন্তঃপুরমধ্যেও কতক কতক ঐরূপ । নবাবের বিহারগৃহ অপেক্ষাকৃত স্থিরতর, কিন্তু অপেক্ষাকৃত প্রমোদময় । কক্ষে কক্ষে রজতদীপ, ফটিকদীপ, গন্ধদীপ স্নিগ্ধোজ্জ্বল আলোক বর্ষণ করিতেছে ; সুগন্ধি কুসুমদাম পুষ্পাধারে, স্তম্ভে, শয্যায়, আসনে, আর পুরবাসিনীদিগের অঙ্গে বিরাজ করিতেছে ; বায়ু আর গোলাবের গন্ধের

ভার গ্রহণ করিতে পারে না ; অগণিত দাসীবর্গ কেহ বা হৈমকার্য্যখচিত বসন, কেহ বা ইচ্ছামত নীল, লোহিত, শ্যামল, পটলাদি বর্ণের চীনবাস পরিধান করিয়া অঙ্গের স্বর্ণালঙ্কার প্রতি দৌপের আলোকে উজ্জ্বল করিয়া ভ্রমণ করিতেছে। তাহারা যাঁহাদিগের দাসী, সে সুন্দরীরা কক্ষে কক্ষে বসিয়া বেশ বিদ্রাস করিতেছিলেন। আজ নবাব প্রমোদমন্দিরে আসিয়া সকলকেই লইয়া প্রমোদ করিবেন ; নৃত্যগীত হইবে। যাহার যাহা অভীষ্ট, সে তাহা সিদ্ধ করিয়া লইবে। কেহ আজ ভ্রাতার চাকরি করিয়া দিবেন আশায় মাথায় চিরুণী জোরে দিতেছিলেন। অপরা, দাসীর সংখ্যা বৃদ্ধি করিয়া লইবেন ভাবিয়া অলকপুচ্ছ বক্ষ পর্য্যন্ত নামাইয়া দিলেন। কাহারও নবপ্রসূত পুত্রের দানস্বরূপ কিছু সম্পত্তি হস্তগত করা অভিনাষ, এজ্ঞা গণ্ডে রক্তিমাবিকাশ করিবার অভিপ্রায়ে ঘর্ষণ করিতে করিতে রুধির বাঁহর করিলেন না, কেহ বা নবাবের কোন প্রেয়সী ললনার নবপ্রাপ্ত রত্নালঙ্কারের অনুরূপ অলঙ্কার কামনায় চক্ষুর নীচে আকর্ণ কজ্জল লেপন করিলেন। কোন চণ্ডীকে বসন পরাংতে দাসী পেশোয়াজ মাড়াইয়া ফেলিল ; চণ্ডী তাহার গালে একটা চাপড় মারিলেন। কোন প্রগল্ভার বায়োমাহাত্ম্যে কেশরাশির ভার ক্রমে শিথিলমূল হইয়া আসিতেছিল, কেশবিদ্রাসকালে দাসী চিরুণী দিতে কতকটা চুল চিরুণীর সঙ্গে উঠিয়া আসিল ; দেখিয়া কেশাধিকারিণী দরবিগলিত চক্ষুতে উচচরবে কাঁদিতে লাগিলেন।

কুসুমবনে স্থলপদ্মবৎ, বিহঙ্গকুলে কলাপীবৎ এক সুন্দরী বেশবিদ্রাস সমাপন করিয়া, কক্ষে কক্ষে ভ্রমণ করিতেছিলেন। অত কাহারও কোথাও যাইতে বাধা ছিল না। যেখানকার যে সৌন্দর্য্য, বিধাতা সে সুন্দরীকে তাহা দিয়াছেন ; যে স্থানের যে অলঙ্কার, কতলু খাঁ তাহা দিয়াছিল ; তথাপি সে রমণীর মুখ-মধ্যে কিছুমাত্র সৌন্দর্য্য গর্ব্ব বা অলঙ্কার-গর্ব্বাচিহ্ন ছিল না। আমোদ, হাসি, কিছুই ছিল না। মুখকান্তি গম্ভীর, স্থির ; চক্ষুতে কঠোর জ্বালা।

বিমলা এইরূপ পুরীমধ্যে স্থানে স্থানে ভ্রমণ করিয়া এক সুসজ্জিত গৃহে প্রবেশ করিলেন, প্রবেশানন্তর দ্বার অর্গলবদ্ধ করিলেন। এ

উৎসবের দিনেও সে কক্ষমধ্যে একটিমাত্র ক্ষীণালোক জ্বলিতেছিল। কক্ষের এক প্রান্তভাগে একখানি পালঙ্ক ছিল। সেই পালঙ্কে আপাদ-মস্তক শয্যোত্তরচ্ছদে আবৃত হইয়া কেহ শয়ন করিয়াছিল। বিমলা পালঙ্কের পার্শ্বে দাঁড়াইয়া মৃদুস্বরে কহিলেন, “আমি আসিয়াছি।”

শায়ন ব্যক্তি চমকিতের স্থায় মুখের আবরণ দূর করিল। বিমলাকে চিনিতে পারিয়া, শয্যোত্তরচ্ছদ ত্যাগ করিয়া, গাত্রোত্থান করিয়া বসিল, কোন উত্তর করিল না।

বিমলা পুনরপি কহিলেন, “তিলোত্তমা ! আমি আসিয়াছি।”

তিলোত্তমা তথাপি কোন উত্তর করিলেন না। স্থিরদৃষ্টিতে বিমলার মুখ প্রতি চাহিয়া রহিলেন।

তিলোত্তমা আর ব্রীড়াবিবশা বালিকা নহে। তদগুণে তাঁহাকে সেই ক্ষীণালোকে দেখিলে বোধ হইত যে, দশ বৎসর পরিমাণ বয়োবৃদ্ধি হইয়াছে। দেহ অত্যন্ত শীর্ণ ; মুখ মলিন। পরিধানে একখানি সংক্ষীর্ণায়তন বাস। অবিগ্নস্ত কেশভারে ধূলিরাশি জড়িত হইয়া রহিয়াছে। অঙ্গে অলঙ্কারের লেশ নাই ; কেবল পূর্বে যে অলঙ্কার পরিধান করিতেন, তাহার চিহ্ন রহিয়াছে মাত্র।

বিমলা পুনরপি কহিলেন, “আমি আসিব বলিয়াছিলাম—আসিয়াছি। কথা কহিতেছ না কেন ?”

তিলোত্তমা কহিলেন, “যে কথা ছিল, তাহা সকল কহিয়াছি, আর কি কহিব ?”

বিমলা তিলোত্তমার স্বরে বুঝিতে পারিলেন যে, তিলোত্তমা রোদন করিতেছিলেন ; মস্তকে হস্ত দিয়া তাঁহার মুখ তুলিয়া দেখিলেন, চক্ষুর জলে মুখ প্লাবিত রহিয়াছে ; অঞ্চল স্পর্শ করিয়া দেখিলেন, অঞ্চল সম্পূর্ণ আর্দ্র। যে উপাধানে মাথা রাখিয়া তিলোত্তমা শয়ন করিয়াছিলেন, তাহাতে হাত দিয়া দেখিলেন, তাহাও প্লাবিত। বিমলা কহিলেন, “এমন দিবানিশি কাঁদিলে শরীর কয়দিন বহিবে ?”

তিলোত্তমা আগ্রহসহকারে কহিলেন, “বহিয়া কাজ কি ? এতদিন বহিল কেন, এই মনস্তাপ।”

বিমলা নিরুত্তর হইলেন । তিনিও রোদন করিতে লাগিলেন ।

কিয়ৎক্ষণ পরে বিমলা দীর্ঘ নিশ্বাস পরিত্যাগ করিয়া কহিলেন,
“এখন আজিকার উপায় ?”

তিলোত্তমা অসন্তোষের সহিত অলঙ্কারাদির দিকে পুনর্ব্বার চক্ষুঃপাত করিয়া কহিলেন, “উপায়ের প্রয়োজন কি ?”

বিমলা কহিলেন, “বাছা, তাচ্ছল্য করিও না ; আজও কি কতলু
খাঁকে বিশেষ জ্ঞান না ? আপনার অবকাশ অভাবেও বটে, আমাদিগের
শোক নিবারণার্থ অবকাশ দেওয়ার অভিলাষেও বটে, এ পর্য্যন্ত দুরাশ্রা
আমাদিগকে ক্ষমা করিয়াছে ; আজ পর্য্যন্ত আমাদিগের অবসরের যে
সীমা, পূর্বেই বলিয়া দিয়াছে । সুতরাং আজ আমাদিগকে নৃত্যশালায়
না দেখিলে না জানি কি প্রমাদ ঘটাইবে ।”

তিলোত্তমা কহিলেন, “আবার প্রমাদ কি ?”

বিমলা কিঞ্চিৎ স্থির হইয়া কহিলেন, “তিলোত্তমা, একেবারে নিরাশ
হও কেন ? এখনও আমাদিগের প্রাণ আছে, ধর্ম্ম আছে ; যত দিন
প্রাণ আছে, তত দিন ধর্ম্ম রাখিব ।”

তিলোত্তমা তখন কহিলেন, “তবে মা ! এই সকল অলঙ্কার খুলিয়া
ফেল ; তুমি অলঙ্কার পরিয়াছ, আমার চক্ষুঃশূল হইয়াছে ।”

বিমলা ঈষৎ হাসিয়া কহিলেন, “বাছা, আমার সকল আভরণ না
দেখিয়া আমাকে তিরস্কার করিও না ।”

এই বলিয়া বিমলা নিজ পরিধেয় বাসমধ্যে লুকায়িত এক তীক্ষ্ণধার
চুরিকা বাহির করিলেন ; দীপপ্রভায় তাহার শাণিত ফলক বিদ্যুৎ
চমকিয়া উঠিল । তিলোত্তমা বিস্মিতা ও বিগুপ্তমুখী হইয়া জিজ্ঞাসা
করিলেন, “এ কোথায় পাইলে ?”

বিমলা কহিলেন, “কাল হইতে অন্তঃপুরমধ্যে একজন নূতন দাসী
আসিয়াছে দেখিয়াছ ?”

তি । দেখিয়াছি—আশমানি আসিয়াছে ।

বি । আশমানির দ্বারা ইহা অভিরাম স্বামীর নিকট হইতে
আনাইয়াছি ।

তিলোত্তমা নিঃশব্দ হইয়া রহিলেন ; তাঁহার হৃদয় কম্পিত হইতে লাগিল । ক্ষণেক পরে বিমলা জিজ্ঞাসা করিলেন, “তুমি এ বেশ অদ্য ত্যাগ করিবে না ?”

তিলোত্তমা কহিলেন, “না ।”

বি । নৃত্যগীতাদিতে যাইবে না ?

তি । না ।

বি । তাহাতেও নিস্তার পাইবে না ।

তিলোত্তমা কাদিতে লাগিলেন । বিমলা কহিলেন, “স্থির হইয়া শুন, আমি তোমার নিষ্কৃতির উপায় করিয়াছি ।” তিলোত্তমা আগ্রহসহকারে বিমলার মুখপানে চাহিয়া রহিলেন । বিমলা তিলোত্তমার হস্তে ওসমানের অঙ্গুরীয় দিয়া কহিলেন, “এই অঙ্গুরীয় ধর ; নৃত্যগৃহে যাইও না ; অর্দ্ধ-রাত্রের এ দিকে উৎসব সম্পূর্ণ হইবেক না ; সে পর্য্যন্ত আমি পাঠানকে নিবৃত্ত রাখিতে পারিব । আমি যে তোমার বিমাতা, তাহা সে জানিয়াছে, তুমি আমার সাক্ষাতে আসিতে পারিবে না, এই ছলে নৃত্যগীত সমাধা পর্য্যন্ত তাহার দর্শন-বাঞ্ছা ক্ষান্ত রাখিতে পারিব । অর্দ্ধরাত্রে অস্তঃপুরদ্বারে যাইও, তথায় আর একব্যক্তি তোমাকে এইরূপ আর এক অঙ্গুরীয় দেখাইবে । তুমি নির্ভয়ে তাহার সঙ্গে গমন করিও, যেখানে লইয়া যাইতে বলিবে, সে তোমাকে তথা লইয়া যাইবে । তুমি তাহাকে অভিরাম স্বামীর কুটীরে লইয়া যাইতে কহিও ।”

তিলোত্তমা শুনিয়া চমৎকৃত হইলেন ; বিস্ময়ে হউক বা আহ্লাদে হউক, কিয়ৎক্ষণ কথা কহিতে পারিলেন না, পরে কহিলেন, “এ বৃত্তান্ত কি ? এ অঙ্গুরীয় তোমাকে কে দিল ?”

বিমলা কহিলেন, “সে সকল বিস্তার কথা ; অল্প সময়ে অবকাশ মত কহিব । এক্ষণে নিঃসঙ্কোচচিত্তে, যাহা বলিলাম, তাহা করিও ।”

তিলোত্তমা কহিলেন, “তোমার কি গতি হইবে ? তুমি কি প্রকারে বাহির হইবে ?”

বিমলা কহিলেন, “আমার জ্ঞান চিস্তা করিও না । আমি অল্প উপায়ে বাহির হইয়া কাল প্রাতে তোমার সহিত মিলিত হইব ।”

এই বলিয়া বিমলা তিলোত্তমাকে প্রবোধ দিলেন ; কিন্তু তিনি যে তিলোত্তমার জন্ত নিজ মুক্তিপথ রোধ করিলেন, তাহা তিলোত্তমা কিছুই বুঝিতে পারিলেন না ।

অনেক দিন তিলোত্তমার মুখে হর্ষবিকাশ হয় নাই ; বিমলার কথা শুনিয়া তিলোত্তমার মুখ আজ হর্ষোৎফুল্ল হইল ।

বিমলা দেখিয়া অন্তরে পুলকপূর্ণ হইলেন । বাষ্পগদগদস্বরে কহিলেন, “তবে আমি চলিলাম ।”

তিলোত্তমা কিঞ্চিৎ সঙ্কোচের সহিত কহিলেন, “দেখিতেছি, তুমি দুর্গের সকল সংবাদ পাইয়াছ আমাদিগের আত্মীয়বর্গ কোথায় ? কে কেমন আছে বলিয়া যাও ।”

বিমলা দেখিলেন, এ বিপদমাগবেও জগৎসিংহ তিলোত্তমার মনোমধ্যে জাগিতেছেন । বিমলা রাজপুত্রের নির্ভুর পত্র পাইয়াছেন, তাহাতে তিলোত্তমার নামও নাই ; এ কথা তিলোত্তমা শুনিলে কেবল দঙ্কের উপর দঙ্ক হইবেন মাত্র ; অতএব সে সকল কথা কিছুমাত্র না বলিয়া উত্তর করিলেন, “জগৎসিংহ এই দুর্গমধ্যেই আছেন ; তিনি শারীরিক কুশলে আছেন ।”

তিলোত্তমা নীরব হইয়া রহিলেন ।

বিমলা চক্ষুঃ মুছিতে মুছিতে তথা হইতে গমন করিলেন ।

ত্রয়োদশ পরিচ্ছেদ : অঙ্গুরীয় প্রদর্শন

বিমলা গমন করিলে পর, একাকিনী কক্ষমধ্যে বসিয়া তিলোত্তমা যে সকল চিন্তা করিতেছিলেন, তাহা সুখদুঃখ উভয়েরই কারণ । পাপাত্মার পিঞ্জর হইতে যে আশু মুক্তি পাইবার সম্ভাবনা হইয়াছে, এ কথা মূর্ছমূহুর মনে পড়িতে লাগিল ; কিন্তু কেবল এই কথাই নহে, বিমলা যে তাঁহাকে প্রাণাধিক স্নেহ করেন, বিমলা হইতেই যে তাঁহার উদ্ধার হইবার উপায় হইল, ইহা পুনঃ পুনঃ মনোমধ্যে আন্দোলন করিয়া দ্বিগুণ স্মৃতি হইতে লাগিলেন । আবার ভাবিতে লাগিলেন, “মুক্ত হইলেই বা কোথা যাইব ?

আর কি পিতৃগৃহ আছে ?” তিলোত্তমা আবার কাঁদিতে লাগিলেন। সকল চিন্তার সমতা করিয়া আর এক চিন্তা মনোমধ্যে প্রদীপ্ত হইতে লাগিল। “রাজকুমার তবে কুশলে আছেন ? কোথায় আছেন ? কি ভাবে আছেন ? তিনি কি বন্দী ?” এই ভাবিতে ভাবিতে তিলোত্তমা বাম্পাকুললোচন। হইতে লাগিলেন। “হা অদৃষ্ট ! রাজপুত্র আমারই জন্ত বন্দী। তাঁহার চরণে প্রাণ দিলেও কি ইহার শোধ হইবে ? আমি তাঁহার জন্ত কি করিব ?” আবার ভাবিতে লাগিলেন, “তিনি কি কারাগারে আছেন ? কেমন সে কারাগার ? সেখানে কি আর কেহই যাইতে পারে না ? তিনি কারাগারে বসিয়া কি ভাবিতেছেন ? তিলোত্তমাকে কি তাঁহার মনে পড়িতেছে ? পড়িতেছে বই কি ? আমিই যে তাঁহার যন্ত্রণার মূল ! না জানি, মনে মনে আমাকে কত কটু বলিতেছেন !” আবার ভাবিতেছেন, “সে কি ? আমি এ কথা কেন ভাবি ! তিনি কি কাহাকেও কটু বলেন ? তা নয়, তবে এই আশঙ্কা, যদি আমাকে ভুলিয়া গিয়া থাকেন, কি যদি আমি যবনগৃহবাসিনী হইয়াছি বলিয়া ঘৃণায় আমাকে আর মনোমধ্যে স্থান না দেন।” আবার ভাবেন, “না না—তা কেন করিবেন ; তিনিও দুর্গমধ্যে বন্দী, আমিও তেমনই বন্দীমাত্র ; তবে কেন ঘৃণা করিবেন ? তবু যদি করেন, তবে আমি তাঁর পায়ে ধরিয়া বুঝাইব। বুঝিবেন না ? বুঝিবেন বই কি। না বুঝেন, তাঁহার সম্মুখে প্রাণত্যাগ করিব। আগে আগুনে পরীক্ষা হইত ; কলিতে তাহা হয় না ; না হউক, আমি না হয় তাঁহার সম্মুখে আগুনে প্রাণত্যাগই করিব।” আবার ভাবেন, “কবেই বা তাঁহার দেখা পাইব ? কেমন করিয়া তিনি মুক্ত হইবেন ? আমি মুক্ত হইলে কি কার্য্য সিদ্ধ হইল ? এ অঙ্গুরীয় বিমাতা কোথা পাইলেন ? তাঁহার মুক্তির জন্ত এ কৌশল হয় না ? এ অঙ্গুরীয় তাঁহার নিকট পাঠাইলে হয় না ? কে আমাকে লইতে আসিবে ? তাহার দ্বারা কি কোন উপায় হইতে পারিবে না ? ভাল, তাহাকে জিজ্ঞাসা করিব, কি বলে। একবার সাক্ষাৎও কি পাইতে পারিব না ?” আবার ভাবেন, “কেমন করিয়াই বা সাক্ষাৎ করিতে চাহিব ? সাক্ষাৎ হইলেই বা কি বলিয়াই কথা কহিব ?

কি কথা বলিয়াই বা মনের আলা জুড়াইব ?”

তিলোত্তমা অবিরত চিন্তা করিতে লাগিলেন ।

একজন পরিচারিকা গৃহমধ্যে প্রবেশ করিল । তিলোত্তমা তাহাকে জিজ্ঞাসা করিলেন “রাত্রি কত ?”

দাসী কহিল, “দ্বিতীয় প্রহর অতীত হইয়াছে ।” তিলোত্তমা দাসীর বহির্গমন প্রতীক্ষা করিতে লাগিলেন । দাসী প্রয়োজন সমাপন করিয়া চলিয়া গেল, তিলোত্তমা বিমলা-প্রদত্ত অঙ্গুরীয় লইয়া কক্ষমধ্য হইতে যাত্রা করিলেন । তখন আবার মনে আশঙ্কা হইতে লাগিল । পা কাঁপে, হৃদয় কাঁপে, মুখ শুকায় ; একপদে অগ্রসর একপদে পশ্চাৎ হইতে লাগিলেন । ক্রমে সাহসে ভর করিয়া অন্তঃপুরদ্বার পর্য্যন্ত গেলেন । পৌরবর্গ খোজা হাব্‌সী প্রভৃতি সকলেই প্রমোদে ব্যস্ত ; কেহ তাঁহাকে দেখিল না ; দেখিলেও তৎপ্রতি মনোযোগ করিল না ; কিন্তু তিলোত্তমার বোধ হইতে লাগিল যেন সকলেই তাঁহাকে লক্ষ্য করিতেছে । কোনক্রমে অন্তঃপুরদ্বার পর্য্যন্ত আসিলেন ; তথায় প্রহরিগণ আনন্দে উন্মত্ত । কেহ নিদ্রিত, কেহ জাগ্রতে অচেতন, কেহ অর্দ্ধচেতন । কেহ তাঁহাকে লক্ষ্য করিল না । একজন মাত্র দ্বারে দণ্ডায়মান ছিল ; সেও প্রহরীর বেশধারী । সে তিলোত্তমাকে দেখিয়া কহিল, “আপনার হাতে আঙ্গুটি আছে ?”

তিলোত্তমা সভয়ে বিমলাদত্ত অঙ্গুরীয় দেখাইলেন । প্রহরিবেশী উত্তমরূপে সেই অঙ্গুরীয় নিরীক্ষণ করিয়া নিজ হস্তস্থ অঙ্গুরীয় তিলোত্তমাকে দেখাইল । পরে কহিল, “আমার সঙ্গে আসুন, কোন চিন্তা নাই ।”

তিলোত্তমা চঞ্চল চিত্তে প্রহরীর সঙ্গে সঙ্গে চলিলেন । অন্তঃপুরদ্বারে প্রহরিগণ যেরূপ শিথিলভাবাপন্ন, সর্বত্র প্রহরিগণ প্রায় সেইরূপ । বিশেষ অল্প রাত্রে অব্যাহত দ্বার, কেহই কোন কথা কহিল না । প্রহরী তিলোত্তমাকে লইয়া নানা দ্বার, নানা প্রকোষ্ঠ, নানা প্রাঙ্গণভূমি অতিক্রম করিয়া আসিতে লাগিল । পরিশেষে দুর্গপ্রান্তে ফটকে আসিয়া কহিল, “এক্ষণে কোথায় যাইবেন, আজ্ঞা করুন, লইয়া যাই ।”

বিমলা কি বলিয়া দিয়াছিলেন, তাহা তিলোত্তমার স্মরণ হইল না ।

আগে জগৎসিংহকে স্মরণ হইল। ইচ্ছা, প্রহরীকে কহেন, “যথায় রাজপুত্র আছেন, তথায় লইয়া চল।” কিন্তু পূর্বশত্রু লজ্জা আসিয়া বৈর সাধিল। কথা মুখে বাধিয়া আসিল। প্রহরী পুনর্বীর জিজ্ঞাসা করিল, “কোথায় লইয়া যাইব ?”

তিলোত্তমা কিছুই বলিতে পারিলেন না ; যেন জ্ঞানশূণ্য হইলেন, আপনা আপনিই হ্রৎকম্প হইতে লাগিল। নয়নে দেখিতে, কর্ণে শুনিতে পান না ; মুখ হইতে কি কথা বাহির হইল, তাহাও কিছু জানিতে পারিলেন না ; প্রহরীর কর্ণে অর্দ্ধম্পষ্ট “জগৎসিংহ” শব্দটি প্রবেশ করিল।

প্রহরী কহিল, “জগৎসিংহ এক্ষণে কারাগারে আবদ্ধ আছেন, সে অন্তর অগম্য। কিন্তু আমার প্রতি এমন আশ্চর্য আছে যে, আপনি যথায় যাইতে চাহিবেন, তথায় লইয়া যাইব, আশুন।”

প্রহরী দুর্গমধ্যে পুনঃপ্রবেশ করিল। তিলোত্তমা কি করিতেছেন, কোথায় যাইতেছেন, কিছুই বুঝিতে না পারিয়া কলের পুতলীর স্থায় সঙ্গে সঙ্গে ফিরিলেন ; সেই ভাবে তাহার সঙ্গে সঙ্গে চলিলেন। প্রহরী কারাগারদ্বারে গমন করিয়া দেখিল যে, অস্ত্র প্রহরিগণ যেরূপ প্রমোদ-সত্ত্ব হইয়া নিজ নিজ কার্যে শৈথিল্য করিতেছে, এখানে সেরূপ নহে, সকলেই স্ব স্ব স্থানে সতর্ক আছে। একজনকে জিজ্ঞাসা করিল, “রাজপুত্র কোন্ স্থানে আছেন ?” সে অঙ্গুলি নির্দেশ দ্বারা দেখাইয়া দিল। অঙ্গুরীয়বাহক প্রহরী কারাগার-রক্ষীকে জিজ্ঞাসা করিল, “বন্দী এক্ষণে নিদ্রিত না জাগরিত আছেন ?” কারাগার-রক্ষী কক্ষদ্বার পর্য্যন্ত গমন করিয়া প্রত্যাগমনপূর্বক কহিল, “বন্দীর উত্তর পাইয়াছি, জাগিয়া আছে।”

অঙ্গুরীয়বাহক প্রহরী রক্ষীকে কহিল, “আমাকে ও কক্ষের দ্বার খুলিয়া দাও, এই স্ত্রীলোক সাক্ষাৎ করিতে যাইবেক।”

রক্ষী চমৎকৃত হইয়া কহিল, “সে কি ! এমত ছকুম নাই, তুমি কি জান না ?”

অঙ্গুরীয়বাহক কারাগারের প্রহরীকে ওসমানের সাক্ষেতিক

অঙ্গুরীয় দেখাইল। সে তৎক্ষণাৎ নতশির হইয়া কক্ষের দ্বারোদ্ঘাটন করিয়া দিল।

রাজকুমার কক্ষমধ্যে এক সামান্য চৌপায়ার উপর শয়ন করিয়া ছিলেন। দ্বারোদ্ঘাটন-শব্দ শুনিয়া কৌতূহলপ্রযুক্ত দ্বারপ্রতি চাহিয়া রহিলেন। তিলোত্তমা বাহির দিকে দ্বারের নিকট আসিয়া আর আসিতে পারিলেন না। আবার পা চলে না ; দ্বারপার্শ্বে কবাট ধরিয়া দাঁড়াইয়া রহিলেন।

অঙ্গুরীয়বাহক তিলোত্তমাকে গৃহমধ্যে প্রবেশ করিতে অনিচ্ছুক দেখিয়া কহিল, “এ কি ? আপনি এখানে বিলম্ব করেন কেন ?” তথাপি তিলোত্তমার পা উঠিল না।

প্রহরী পুনর্ব্বার কহিল, “না যান. তবে প্রত্যাগমন করুন। এ দাঁড়াইবার স্থান নহে।”

তিলোত্তমা প্রত্যাগমন করিতে উত্তত হইলেন। আবার সেদিকেও পা সরে না। কি করেন ! প্রহরী ব্যস্ত হইল। ভাবিতে ভাবিতে আপনার অজ্ঞাতসারে তিলোত্তমা এক পা অগ্রসর হইলেন। তিলোত্তমা কক্ষমধ্যে প্রবেশ করিলেন।

কক্ষমধ্যে প্রবেশ করিয়া রাজপুত্রের দর্শনমাত্র আবার তিলোত্তমার গতিশক্তি রহিত হইল, আবার দ্বারপার্শ্বে প্রাচীর অবলম্বনে অধোমুখে দাঁড়াইলেন।

রাজপুত্র প্রথমে তিলোত্তমাকে চিনিতে পারিলেন না। স্ত্রীলোক দেখিয়া বিস্মিত হইলেন। রমণী প্রাচীর ধরিয়া অধোমুখে দাঁড়াইল, নিকটে আইসে না দেখিয়া আরও বিস্ময়াপন্ন হইলেন। শয্যা হইতে গাত্রোত্থান করিয়া দ্বারের নিকটে আসিলেন। নিরীক্ষণ করিয়া দেখিলেন, চিনিতে পারিলেন।

তিলার্ক জন্ম নয়নে নয়নে মিলিত হইল। তৎক্ষণাৎ তিলোত্তমার চক্ষু অমনই পৃথিবীপানে নামিল ; কিন্তু শরীর ঈষৎ সম্মুখে হেলিল, যেন রাজপুত্রের চরণতলে পতিত হইবেন।

রাজপুত্র কিঞ্চিৎ পশ্চাৎ সরিয়া দাঁড়াইলেন ; অমনই তিলোত্তমার

দেহ মস্তমুগ্ধবৎ স্তম্ভিত হইয়া স্থির রহিল। ক্ষণপ্রস্থটিত জ্বংপদ্য সঙ্গে সঙ্গে শুকাইয়া উঠিল। রাজপুত্র কথা কহিলেন, “বীরেন্দ্রসিংহের কণ্ঠা ?”

তিলোত্তমার হৃদয়ে শেল বিঞ্চিল। “বীরেন্দ্রসিংহের কণ্ঠা ?” এখনকার কি এই সম্বোধন ? জগৎসিংহ কি তিলোত্তমার নামও ভুলিয়া গিয়াছেন ? উভয়েই ক্ষণেক নীরব হইয়া রহিলেন। পুনর্ব্বার রাজপুত্র কথা কহিলেন, “এখানে কি অভিপ্রায়ে ?”

“এখানে কি অভিপ্রায়ে !” কি প্রশ্ন ! তিলোত্তমার মস্তক ঘুরিতে লাগিল ; চারিদিকে কক্ষ, শয্যা, প্রদীপ, প্রাচীর সকলেই যেন ঘুরিয়া বেড়াইতে লাগিল ; অবলম্বন্যর্থ প্রাচীরে মস্তক দিয়া দাঁড়াইলেন।

রাজপুত্র অনেকক্ষণ প্রত্যুত্তর প্রত্যাশায় দাঁড়াইয়া রহিলেন ; কে প্রত্যুত্তর দিবে ? প্রত্যুত্তরের সম্ভাবনা না দেখিয়া কহিলেন, “তুমি যন্ত্রণা পাইতেছ, ফিরিয়া যাও, পূর্ব্বকথা বিস্মৃত হও।”

তিলোত্তমার আর ভ্রম রহিল না। অকস্মাৎ বৃক্ষচ্যুত বল্লীবৎ ভূতলে পতিত হইলেন।

চতুর্দশ পরিচ্ছেদ : মোহ

জগৎসিংহ আনত হইয়া দেখিলেন, তিলোত্তমার স্পন্দন নাই। নিজ বস্ত্র দ্বারা ব্যঞ্জন করিতে লাগিলেন, তথাপি তাঁহার কোন সংজ্ঞাচিহ্ন না দেখিয়া প্রহরীকে ডাকিলেন।

তিলোত্তমার সঙ্গী তাঁহার নিকটে আসিল। জগৎসিংহ তাঁহাকে কহিলেন, “ইনি অকস্মাৎ মূর্চ্ছিতা হইয়াছেন। কে ইহার সঙ্গে আসিয়াছে। তাহাকে আসিয়া শুষ্কীকরণ করিতে বল।”

প্রহরী কহিল, “কেবল আমিই সঙ্গে আসিয়াছি।” রাজপুত্র বিস্ময়াপন্ন হইয়া কহিলেন, “তুমি ?”

প্রহরী কহিল, “আর কেহ আইসে নাই।”

“তবে কি উপায় হইবে ? কোন পৌরদাসীকে সংবাদ কর।”

প্রহরী চলিল। রাজপুত্র আবার তাহাকে ডাকিয়া কহিলেন, “শোন, অপর কাহাকে সংবাদ দিলে গোলযোগ হইবে। আর আজ রাতে কেই বা প্রমোদ ত্যাগ করিয়া ইহার সাহায্যে আসিবে?”

প্রহরী কহিল, “সেও বটে। আর কাহাকেই বা প্রহরীরা কারাগারে প্রবেশ করিতে দিবে? অথ কোন লোককে কারাগারে আনিতে আমার সাহস হয় না।”

রাজপুত্র কহিলেন, “তবে কি করিব? ইহার একমাত্র উপায় আছে; তুমি ঝটিতি দাসীর দ্বাৰা নবাবপুত্রীর নিকট এ কথার সংবাদ কর।”

প্রহরী দ্রুতবেগে তদভিপ্রায়ে চলিল। রাজপুত্র সাধ্যমত তিলোত্তমার শ্রদ্ধা কবিত্তে লাগিলেন। তখন রাজপুত্র মনে কি ভাবিতেছিলেন, কে বলিবে? চক্ষুতে জল আসিয়াছিল কি না কে বলিবে?

রাজকুমার একাকী কাবাগারে তিলোত্তমাকে লইয়া অত্যন্ত ব্যস্ত হইলেন। যদি আয়েষার নিকট সংবাদ যাইতে না পারে, যদি আয়েষা কোন উপায় করিতে না পাবেন, তবে কি হইবে?

তিলোত্তমার ক্রমে অল্প অল্প চেতনা হইতে লাগিল। সেই ক্ষণেই মুক্ত দ্বারপথে জগৎসিংহ দেখিতে পাইলেন যে, প্রহরীর সঙ্গে দুইটি স্ত্রীলোক আসিতেছে, একজন অবগুষ্ঠনবতী। দূর হইতেই, অবগুষ্ঠনবতীর উন্নত শরীর, সঙ্গীতমধুর-পদবিগ্ৰাস, লাভণ্যময় গ্ৰীবাভঙ্গী দেখিয়া রাজপুত্র জানিতে পারিলেন যে, দাসীসঙ্গে আয়েষা স্বয়ং আসিতেছেন, আর যেন সঙ্গে সঙ্গে ভবসা আসিতেছে।

আয়েষা ও দাসী প্রহরীর সঙ্গে কারাগার-দ্বারে আসিলে, দ্বাররক্ষক, অঙ্গুরীয়বাহক প্রহরীকে জিজ্ঞাসা করিল, “ইহাদেরও যাইতে দিতে হইবে কি?”

অঙ্গুরীয়বাহক কহিল, “তুমি জান—আমি জানি না।” রক্ষী কহিল, “উত্তম।” এই বলিয়া স্ত্রীলোকদ্বিগকে কক্ষমধ্যে প্রবেশ করিতে নিষেধ করিল। নিষেধ শুনিয়া আয়েষা মুখের অবগুষ্ঠন মুক্ত করিয়া কহিলেন, “প্রহরী, আমাকে প্রবেশ করিতে দাও; যদি ইহাতে তোমার প্রতি কোন মন্দ ঘটে আমার দোষ দিও!”

প্রহরী আয়েষাকে চিনিত না। কিন্তু দাসী চুপি চুপি পরিচয় দিল। প্রহরী বিস্মিত হইয়া অভিবাদন করিল এবং করযোড়ে কহিল, “দৌনের অপরাধ মার্জনা হয়, আপনার কোথাও যাইতে নিষেধ নাই।”

আয়েষা কারাগারমধ্যে প্রবেশ করিলেন। সে সময়ে তিনি হাসিতে-
ছিলেন না, কিন্তু মুখ স্বতঃ সহাস্ত ; বোধ হইল হাসিতেছেন। কারাগারের
শ্রী ফিরিল ; কাহারও বোধ রহিল না যে, এ কারাগার।

আয়েষা রাজপুত্রকে অভিবাদন করিয়া কহিলেন, “রাজপুত্র ! এ কি
সংবাদ ?”

রাজপুত্র কি উত্তর করিবেন ? উত্তর না করিয়া অঙ্গুলিনির্দেশে
ভুতলশায়িনী তিলোত্তমাকে দেখাইয়া দিলেন।

আয়েষা তিলোত্তমাকে নিরীক্ষণ করিয়া জিজ্ঞাসা করিলেন, “ইনি
কে ?”

রাজপুত্র সঙ্কুচিত হইয়া কহিলেন, “বীরেন্দ্রসিংহের কন্যা।”

আয়েষা তিলোত্তমাকে কোলে কবিয়া বসিলেন। আব কেহ
কোনরূপ সঙ্কোচ করিতে পারিত ; সাত পাঁচ ভাবিত ; আয়েষা একেবারে
ক্রোড়ে তুলিয়া লইলেন।

আয়েষা যাহা করিতেন, তাহাই সুন্দর দেখাইত ; সকল কার্য্য সুন্দর
করিয়া করিতে পারিতেন। যখন তিলোত্তমাকে ক্রোড়ে লইয়া বসিলেন,
জগৎসিংহ আর দাসী উভয়েই মনে মনে ভাবিলেন, কি সুন্দর !”

দাসীর হস্ত দিয়া আয়েষা গোলাব সর্ব্বত প্রভৃতি আনিয়াছিলেন ;
তিলোত্তমাকে তৎসমুদায় সেবন ও সেচন করাইতে লাগিলেন। দাসী
ব্যাজন কবিতে লাগিল ; পূর্বে তিলোত্তমার চেতনা হইয়া আসিতেছিল ;
এক্ষণে আয়েষার শুশ্রূষায় সম্পূর্ণরূপে সংজ্ঞা প্রাপ্ত হইয়া উঠিলেন।

চারি দিক্ চাহিবামাত্র পূর্ব্ব কথা মনে পড়িল ; তৎক্ষণাৎ তিলোত্তমা
কক্ষ হইতে নিষ্ক্রান্ত হইয়া যাইতেছিলেন, কিন্তু এ রাত্রির শারীরিক ও
মানসিক পরিশ্রমে শীর্ণ তনু অবসন্ন হইয়া আসিয়াছিল ; যাইতে পারিলেন
না, পূর্ব্বকথা স্মরণ হইবামাত্র মস্তক ঘূর্ণিত হইয়া অমনি আবার বসিয়া
পড়িলেন। আয়েষা তাঁহার হস্ত ধরিয়া কহিলেন, “ভগিনী ! তুমি কেন

বাস্তব হইতেছে ? তুমি এক্ষণে অতি দুর্বল, আমার গৃহে গিয়া বিশ্রাম করিবে চল, পরে তোমার যখন ইচ্ছা তখন অভিপ্রেত স্থানে তোমাকে পাঠাইয়া দিব ।”

তিলোত্তমা উত্তর করিলেন না ।

আয়েষা প্রহরীর নিকট, সে যতদূর জানে, সকলই শুনিয়াছিলেন, অতএব তিলোত্তমার মনে সন্দেহ আশঙ্কা করিয়া কহিলেন, “আমাকে অবিশ্বাস করিতেছ কেন ? আমি তোমার শত্রুকন্যা বটে, কিন্তু তাই বলিয়া আমাকে অবিশ্বাসিনী বিবেচনা করিও না ! আমি হইতে কোন কথা প্রকাশ হইবে না । রাত্রি অবসান না হইতে যেখানে যাইবে, সেইখানে দাসী দিয়া পাঠাইয়া দিব । কেহ কোন কথা প্রকাশ করিবে না ।”

এই কথা আয়েষা এমন সুমিষ্টস্বরে কহিলেন যে, তিলোত্তমার তৎপ্রতি কিছুমাত্র অবিশ্বাস হইল না । বিশেষ এক্ষণে চলিতেও আর পারেন না, জগৎসিংহের নিকট বসিয়াও থাকিতে পারেন না, সুতরাং স্বীকৃতা হইলেন । আয়েষা কহিলেন, “তুমি ত চলিতে পারিবে না । এই দাসীর উপর শরীরের ভার রাখিয়া চল ।”

তিলোত্তমা দাসীর স্বন্ধে হস্ত রাখিয়া তদবলম্বনে ধীরে ধীরে চলিলেন । আয়েষাও রাজপুত্রের নিকট বিদায় হয়েন ; রাজপুত্র তাঁহার মুখপ্রতি চাহিয়া রহিলেন, যেন কিছু বলিবেন । আয়েষা ভাব বুঝিতে পারিয়া দাসীকে কহিলেন, ‘তুমি ইহাকে আমার শয়নাগারে বসাইয়া পুনর্ব্বার আসিয়া আমাকে লইয়া যাইও ।’

দাসী তিলোত্তমাকে লইয়া চলিল ।

জগৎসিংহ মনে মনে কহিলেন, “তোমায় আমায় এই দেখা শুনা ।” গম্ভীর নিশ্বাস ত্যাগ করিয়া নিঃশব্দ হইয়া রহিলেন । যতক্ষণ তিলোত্তমাকে দ্বারপথে দেখা গেল, ততক্ষণ তৎপ্রতি চাহিয়া রহিলেন ।

তিলোত্তমাকে ভাবিতেছিলেন, “আমার এই দেখা শুনা ।” যতক্ষণ দৃষ্টিপথে ছিলেন ততক্ষণ ফিরিয়া চাহিলেন না । যখন ফিরিয়া চাহিলেন, তখন আর জগৎসিংহকে দেখা গেল না ।

অঙ্গুরীয়বাহক তিলোত্তমার নিকটে আসিয়া কহিল, “তবে আমি বিদায় হই ?”

তিলোত্তমা উত্তর দিলেন না। দাসী কহিল, “হাঁ।” প্রহরী কহিল, “তবে আপনার নিকট যে সাক্ষেতিক অঙ্গুরীয় আছে, ফিরাইয়া দিউন।”

তিলোত্তমা অঙ্গুরীয় লইয়া প্রহরীকে দিলেন। প্রহরী বিদায় হইল।

পঞ্চদশ পরিচ্ছেদ : মুক্ত কণ্ঠ

তিলোত্তমা ও দাসী কক্ষমধ্য হইতে গমন করিলে আয়েষা শয্যার উপর আসিয়া বসিলেন ; তথায় আর বসিবার আসন ছিল না ; জগৎসিংহ নিকটে দাঁড়াইলেন।

আয়েষা কবরী হইতে একটি গোলাব খসাইয়া তাহার দলগুলি নখে ছিঁড়িতে ছিঁড়িতে কহিলেন, “রাজকুমার, ভাবে বোধ হইতেছে যে, আপনি আমাকে কি বলিবেন। আমি হইতে যদি কোন কৰ্ম্মসিদ্ধ হইতে পারে, তবে বলিতে সঙ্কোচ করিবেন না ; আমি আপনার কার্য্য করিতে পরম স্নখী হইব।”

রাজকুমার কহিলেন, “নবাবপুত্র, এক্ষণে আমার কিছুই বিশেষ প্রয়োজন নাই। সে জন্ত আপনার সাক্ষাতের অভিলাষী ছিলাম না। আমার এই কথা যে, আমি যে দশাপন্ন হইয়াছি, ইহাতে আপনার সহিত পুনর্ব্বার দেখা হইবে, এমন ভরসা করি না, বোধ করি এই শেষ দেখা। আপনার কাছে যে ঋণে বদ্ধ আছি, তাহা কথায় প্রতিশোধ কি করিব ? আর কার্য্যেও কখন যে তাহার প্রতিশোধ করিব, সে অদৃষ্টের ভরসা করি না। তবে এই ভিক্ষা যে, যদি কখন সাধ্য হয়, যদি কখন অল্প দিন হয়, তবে আমার প্রতি কোন আজ্ঞা করিতে সঙ্কোচ করিবেন না।”

জগৎসিংহের স্বর এতাদৃশ সকাतर, নৈরাশ্যব্যঞ্জক যে, তাহাতে আয়েষাও ক্লিষ্ট হইলেন ; আয়েষা কহিলেন, “আপনি এত নির্ভরসা হইতেছেন কেন ? এক দিনের অমঙ্গল পর দিনে থাকে না।”

জগৎসিংহ কহিলেন, “আমি নির্ভরসা হই নাই, কিন্তু আমার আর

ভরসা করিতে ইচ্ছা করে না। এ জীবন ত্যাগ করিতে ব্যতীত আর ধারণ করিতে ইচ্ছা করে না। এ কারাগার ত্যাগ করিতে বাসনা করি না। আমার মনের সকল দুঃখ আপনি জানেন না, আমি জানাইতেও পারি না।”

যে করুণ স্বরে রাজপুত্র কথা কহিলেন, তাহাতে আয়েষা বিস্মিত হইলেন, অধিকতর কাতর হইলেন। তখন আর নবাবপুত্রী-ভাব রহিল না; দূরতা রহিল না; স্নেহময়ী রমণী, রমণীর স্থায় যত্নে, কোমল করপল্লবে রাজপুত্রের কর ধারণ করিলেন, আবার তখনই তাঁহার হস্ত ত্যাগ করিয়া, রাজপুত্রের মুখপানে উদ্ধৃদৃষ্টি করিয়া কহিলেন, “কুমার ! এ দারুণ দুঃখ তোমার হৃদয়মধ্যে কেন ? আমাকে পরজ্ঞান করিও না। যদি সাহস দাও, তবে বলি, -বীরেন্দ্রসিংহের কন্যা কি —”

আয়েষার কথা শেষ হইতে না হইতেই রাজকুমার কহিলেন, “ও কথায় আর কাজ কি ! সে স্বপ্ন ভঙ্গ হইয়াছে।”

আয়েষা নীরবে রহিলেন, জগৎসিংহও নীরবে রহিলেন, উভয়ে বহুক্ষণ নীরবে রহিলেন ; আয়েষা তাঁহার উপর মুখ অবনত করিয়া রহিলেন।

রাজপুত্র অকস্মাৎ শিহরিয়া উঠিলেন ; তাঁহার করপল্লবে কবোষণ বারিবিন্দু পড়িল। জগৎসিংহ দৃষ্টি নিম্ন করিয়া আয়েষার মুখপদ্ম নিরীক্ষণ করিয়া দেখিলেন, আয়েষা কাঁদিতেছেন ; উজ্জ্বল গুণ্ডস্থলে দর দর ধারা বহিতেছে।

রাজপুত্র বিস্মিত হইয়া কহিলেন, “এ কি আয়েষা ? তুমি কাঁদিতেছ ?”

আয়েষা কোন উত্তর না করিয়া ধীরে ধীরে গোলাপ ফুলটি নিঃশেষে ছিন্ন করিলেন। পুষ্প শত খণ্ড হইলে কহিলেন, যুবরাজ ! আজ যে তোমার নিকট এভাবে বিদায় লইব, তাহা মনে ছিল না। আমি অনেক সহ্য করিতে পারি, কিন্তু কারাগারে তোমাকে একাকী যে এ মনঃপীড়ার যন্ত্রণা ভোগ করিতে রাখিয়া যাইব, তাহা পারিতেছি না। জগৎসিংহ ! তুমি আমার সঙ্গে বাহিরে আইস ; অশ্বশালায় অশ্ব আছে, দিব ; অদ্য রাত্রেরই নিজ শিবিরে যাইও।”

তদগুণে যদি ইষ্টদেবী ভবানী সশরীরে আসিয়া বরপ্রদা হইতেন, তথাপি রাজপুত্র অধিক চমৎকৃত হইতে পারিতেন না। রাজপুত্র প্রথমে উত্তর করিতে পারিলেন না। আয়েষা পুনর্ব্বার কহিলেন, “জগৎসিংহ ! রাজকুমার ! এস।”

জগৎসিংহ অনেকক্ষণ পরে কহিলেন, “আয়েষা ! তুমি আমাকে কারাগার হইতে মুক্ত করিয়া দিবে ?”

আয়েষা কহিলেন, “এই দণ্ডে।”

রা। :তোমার পিতার অজ্ঞাতে ?

আ। সে জন্ত চিন্তা করিও না, তুমি শিবিরে গেলে—আমি তাঁহাকে জানাইব।

“প্রহরীরা যাইতে দিবে কেন ?”

আয়েষা কষ্ট হইতে রত্নকণ্ঠী ছিঁড়িয়া দেখাইয়া কহিলেন, “এই পুরস্কার লোভে প্রহরী পথ ছাড়িয়া দিবে।”

রাজপুত্র পুনর্ব্বার কহিলেন, “একথা প্রকাশ হইলে তুমি তোমার পিতার নিকট যত্নগা পাইবে।”

“তাতে ক্ষতি কি ?”

“আয়েষা ! আমি যাইব না।”

আয়েষার মুখ শুষ্ক হইল। ক্ষুব্ধ হইয়া জিজ্ঞাসা করিলেন, “কেন ?”

রা। তোমার নিকট প্রাণ পর্য্যন্ত পাইয়াছি, তোমার যাহাতে যত্নগা হইবে, তাহা আমি কদাচ করিব না।

আয়েষা প্রায় রুদ্ধকণ্ঠে কহিলেন, “নিশ্চিত যাইবে না ?”

রাজকুমার কহিলেন, “তুমি একাকিনী যাও।”

আয়েষা পুনর্ব্বার নীরব হইয়া রহিলেন। আবার চক্ষু দর দর ধারা বিগলিত হইতে লাগিল ; আয়েষা কষ্টে অশ্রুসংবরণ করিতে লাগিলেন।

রাজপুত্র আয়েষার নিঃশব্দ রোদন দেখিয়া চমৎকৃত হইলেন। কহিলেন, “আয়েষা ! রোদন করিতেছ কেন ?”

আয়েষা কথা কহিলেন না। রাজপুত্র আবার কহিলেন, আয়েষা “আমার অমুরোধ রাখ, রোদনের কারণ যদি প্রকাশ্য হয়, তবে আমার নিকট

প্রকাশ কর। যদি আমার প্রাণদান করিলে তোমার নীরব রোদনের কারণ নিরাকরণ হয়, তাহা আমি করিব। আমি যে বন্দি স্বীকার করিলাম, কেবল ইহাতেই কখনও আয়েষার চক্ষে জল আইসে নাই। তোমার পিতার কারাগারে আমার স্থায় অনেক বন্দী কষ্ট পাইয়াছে।”

আয়েষা আশু রাজপুত্রের কথায় উত্তর না করিয়া অশ্রুজল অঞ্চলে মুছিলেন। ক্ষণেক নীরব নিষ্পন্দ থাকিয়া কহিলেন, “রাজপুত্র! আমি আর কাঁদিব না।”

রাজপুত্র প্রশ্নের উত্তর না পাইয়া কিছু ক্ষুণ্ণ হইলেন। উভয়ে আবার নীরবে মুখ অবনত করিয়া রহিলেন।

প্রকোষ্ঠ-প্রাকারে আর এক ব্যক্তির ছায়া পড়িল; কেহ তাহা দেখিতে পাইলেন না। তৃতীয় ব্যক্তি আসিয়া উভয়ের নিকটে দাঁড়াইল, তথাপি দেখিতে পাইলেন না। ক্ষণেক স্তম্ভের স্থায় স্থির দাঁড়াইয়া, পরে ক্রোধকম্পিত স্বরে আগন্তুক কহিল, “নবাবপুত্রি! এ উত্তম।”

উভয়ে মুখ তুলিয়া দেখিলেন --ওসমান।

ওসমান তাঁহার অমুচর অঙ্গুরীয়বাহকের নিকট সবিশেষ অবগত হইয়া আয়েষার সন্ধানে আসিয়াছিলেন। রাজপুত্র, ওসমানকে সে স্থলে দেখিয়া আয়েষার জগ্ম শঙ্কাস্থিত হইলেন, পাছে আয়েষা, ওসমান বা কতলু খাঁর নিকট তিরস্কৃত বা অপমানিত হন। ওসমান যে ক্রোধ-প্রকাশক স্বরে ব্যক্তোক্তি করিলেন, তাহাতে সেইরূপ সম্ভাবনা বোধ হইল। ব্যক্তোক্তি শুনিবামাত্র আয়েষা ওসমানের কথার অভিপ্রায় নিঃশেষ বুঝিতে পারিলেন। মুহূর্ত্তমাত্র তাঁহার মুখ রক্তবর্ণ হইল। আর কোন অধৈর্য্যের চিহ্ন প্রকাশ পাইল না। স্থির স্বরে উত্তর করিলেন, “কি উত্তম, ওসমান?”

ওসমান পূর্ববৎ ভঙ্গীতে কহিলেন, “নিশীথে একাকিনী বন্দিসহবাস নবাবপুত্রীর পক্ষে উত্তম। বন্দীর জগ্ম নিশীথে কারাগারে অনিয়ম প্রবেশও উত্তম।”

আয়েষার পবিত্র চিন্তে এ তিরস্কার সহনাতীত হইল। ওসমানের মুখপানে চাহিয়া উত্তর করিলেন। সেরূপ গর্বিত স্বর ওসমান কখন

আয়েষার কণ্ঠে শুনে নাই ।

আয়েষা কহিলেন, “এ নিশীথে একাকিনী কারাগার মধ্যে আসিয়া এই বন্দীর সহিত আলাপ করা, আমার ইচ্ছা । আমার কৰ্ম উত্তম কি অধম, সে কথায় তোমার প্রয়োজন নাই ।”

ওসমান বিস্মিত হইলেন, বিস্মিতের অধিক ক্রুদ্ধ হইলেন ; কহিলেন, “প্রয়োজন আছে কি না, কাল প্রাতে নবাবের মুখে শুনিবে ।”

আয়েষা পূর্ববৎ কহিলেন, “যখন পিতা আমাকে জিজ্ঞাসা করিবেন, আমি তখন তাহার উত্তর দিব । তোমার চিন্তা নাই ।”

ওসমানও পূর্ববৎ ব্যঙ্গ করিয়া কহিলেন, “আর যদি আমি জিজ্ঞাসা করি ?”

আয়েষা দাঁড়াইয়া উঠিলেন । কিয়ৎক্ষণ পূর্ববৎ স্থিরদৃষ্টিতে ওসমানের প্রতি নিরীক্ষণ করিলেন ; তাঁহার বিশাল লোচন আরও যেন বর্দ্ধিতায়তন হইল । মুখপদ্ম যেন অধিকতর প্রস্ফুটিত হইয়া উঠিল । ভ্রমরকৃষ্ণ অলকাবলীর সহিত শিরোদেশ ঈষৎ এক দিকে হেলিল ; হৃদয় তরঙ্গান্দোলিত নিবিড় শৈবালজালবৎ উৎকম্পিত হইতে লাগিল ; অতি পরিষ্কার স্বরে আয়েষা কহিলেন, “ওসমান, যদি তুমি জিজ্ঞাসা কর, তবে আমার উত্তর এই যে, এই বন্দী আমার প্রাণেশ্বর !”

যদি তন্মুহূর্তে কক্ষ মধ্যে বজ্রপতন হইত, তবে রাজপুত কি পাঠান অধিকতর চমকিত হইতে পারিতেন না । রাজপুত্রের মনে অন্ধকার-মধ্যে যেন কেহ প্রদীপ জ্বালিয়া দিল । আয়েষার নীরব রোদন এখন তিনি বুঝিতে পারিলেন । ওসমান কতক কতক ঘৃণাকরে পূর্বেই এরূপ সন্দেহ করিয়াছিলেন, এবং সেই জন্তই আয়েষার প্রতি এরূপ তিরস্কার করিতেছিলেন, কিন্তু আয়েষা তাঁহার সম্মুখেই মুক্তকণ্ঠে কথা ব্যক্ত করিবেন, ইহা তাঁহার স্বপ্নেরও অগোচর । ওসমান নিরুত্তর হইয়া রহিলেন ।

আয়েষা পুনরপি কহিতে লাগিলেন, “শুন ওসমান, আবাব বলি, এই বন্দী আমার প্রাণেশ্বর,—যাবজ্জীবন অগ্নি কেহ আমার হৃদয়ে স্থান পাইবে না । কাল যদি বধ্যভূমি ইহার শেণিতে আর্দ্র হয়—” বলিতে বলিতে

আয়েষা শিহরিয়া উঠিলেন ; “তথাপি দেখিবে, হৃদয়মন্দিরে ইহার মূর্তি প্রতিষ্ঠা করিয়া অস্তকাল পর্য্যন্ত আরাধনা করিব। এই মুহূর্তের পর যদি আর চিরন্তন ইহার সঙ্গে দেখা না হয়, কাল যদি ইনি মুক্ত হইয়া শত মহিলার মধ্যবর্তী হন, আয়েষার নামে শিকার করেন, তথাপি আমি ইহার প্রেমাকাঙ্ক্ষিনী দাসী রহিব। আরও শুন, মনে কর এতক্ষণ একাকিনী কি কথা বলিতেছিলাম ? বলিতেছিলাম, আমি দৌবারিক-গণকে বাক্যে পারি, ধনে পারি বশীভূত করিয়া দিব ; পিতার অশ্বশালা হইতে অশ্ব দিব ; বন্দী পিতৃশিবিরে এখনই চলিয়া যাউন। বন্দী নিজে পলায়নে অস্বীকৃত হইলেন। নচেৎ তুমি এতক্ষণ ইহার নখাশ্রু দেখিতে পাইতে না।”

আয়েষা আবার অশ্রুজল মুছিলেন। কিয়ৎক্ষণ নীরব থাকিয়া অল্প প্রকার স্বরে কহিতে লাগিলেন, “ওসমান, এ সকল কথা বলিয়া তোমাকে ক্লেণ দিতেছি, অপরাধ ক্ষমা কর। তুমি আমায় স্নেহ কর, আমি তোমায় স্নেহ করি ; এ আমার অনুরোধ। কিন্তু তুমি আজি আয়েষাকে অবিশ্বাসিনী ভাবিয়াছ। আয়েষা অল্প যে অপরাধ করুক, অবিশ্বাসিনী নহে। আয়েষা যে কৰ্ম্ম করে, তাহা মুক্তকণ্ঠে বলিতে পারে। এখন তোমার সাক্ষাৎ বলিলাম, প্রয়োজন হয়, কাল পিতার সমক্ষে বলিব।”

পরে জগৎসিংহের দিকে ফিরিয়া কহিলেন, “রাজপুত্র, তুমিও অপরাধ ক্ষমা কর। যদি ওসমান আজ আমাকে মনঃপীড়িত না করিতেন, তবে এ দক্ষ হৃদয়ের তাপ কখনও তোমার নিকট প্রকাশ পাইত না, কখনও মনুষ্যকৰ্ম্মগোচর হইত না।”

রাজপুত্র নিঃশব্দে দাঁড়াইয়া রহিয়াছেন ; অন্তঃকরণ সন্তোষে দক্ষ হইতেছিল।

ওসমানও কথা কহিলেন না। আয়েষা আবার বলিতে লাগিলেন, “ওসমান, আবার বলি, যদি দোষ করিয়া থাকি, দোষ মার্জনা করিও। আমি তোমার পূর্ববৎ স্নেহপরায়ণা ভগিনী ; ভগিনী বলিয়া তুমিও পূর্বস্নেহের লাঘব করিও না। কপালের দোষে সন্তাপ-সাগরে ঝাঁপ

দিয়াছি, ভ্রাতৃপ্নেহে নিরাশ করিয়া আমার অতল জলে ডুবাইও না ।”

এই বলিয়া সুন্দরী দাসীর প্রত্যাগমন প্রতীক্ষা না করিয়া একাকিনী বহির্গতা হইলেন ওসমান কিয়ৎক্ষণ বিহ্বলের জ্বায় বিনা বাক্যে থাকিয়া, নিজ মন্দিরে প্রস্থান করিলেন ।

ষোড়শ পরিচ্ছেদ : দাসী চরণে

সেই রজনীতে কতলু খাঁর বিলাস-গৃহমধ্যে নৃত্য হইতেছিল । তথায় অপরা নর্তকী কেহ ছিল না—বা অপর শ্রোতা কেহ ছিল না । জন্মদিনোপলক্ষে মোগল সম্রাটেরা যেরূপ পরিষদমণ্ডলী মধ্যে আমোদ-পরায়ণ থাকিতেন, কতলু খাঁ সেরূপ ছিল না । কতলু খাঁর চিত্ত একান্ত আশ্বসুখরত, ইন্দ্রিয়তৃপ্তির অভিলাষী । অজ্ঞ রাত্রে তিনি একাকী নিজ বিলাস-গৃহনিবাসীগণে পরিবেষ্টিত হইয়া তাহাদিগের নৃত্যগীত কোতুকে মত্ত ছিলেন । খোজাগণ ব্যতীত অজ্ঞ পুরুষ তথায় আসিবার অনুমতি ছিল না । রমণীগণ কেহ নাচিতেছে, কেহ গাহিতেছে, কেহ বাজ করিতেছে ; অপর সকলে কতলু খাঁকে বেষ্টন করিয়া শুনিতেছে ।

ইন্দিয়মুগ্ধকর সামগ্রী সকলই তথায় প্রচুর পরিমাণে বর্ধমান । কক্ষমধ্যে প্রবেশ কর ; প্রবেশ করিবামাত্র অবিরত সিঞ্চিত গন্ধবারির স্নিগ্ধ ভ্রাণে আপাদমস্তক শীতল হয় । অগণিত রক্তত দ্বিরদরদ ফটিক শামাদানের তীব্রোজ্জ্বল জ্বালয় নয়ন ঝলসিতেছিল ; অপরিমিত পুষ্পরাশি কোথাও মালাকারে, কোথাও তুপাকারে, কোথাও স্তবকাকারে, কোথাও রমণীকেশপাশে, কোথাও রমণীকণ্ঠে সিঞ্চতর প্রভা প্রকাশিত করিতেছে । কাহারও পুষ্পব্যঞ্জন, কাহারও পুষ্প আভরণ ; কেহ বা অজ্ঞের প্রতি পুষ্পক্ষেপণী প্রেরণ করিতেছে ; পুষ্পের সৌরভ, সুরভি বারির সৌরভ ; জুগন্ধ দীপের সৌরভ ; গন্ধদ্রব্যমার্জিত বিলাসিনীগণের অঙ্গের সৌরভ ; পুরীমধ্যে সর্বত্র সৌরভে ব্যাপ্ত । প্রদীপের দীপ্তি, পুষ্পের দীপ্তি, রমণীগণের রত্নালঙ্কারের দীপ্তি, সর্বোপরি ঘন ঘন কটাক্ষ-বর্ষিণী কামিনী-মণ্ডলীর উজ্জ্বল নয়নদীপ্তি । সপ্তস্বরসম্মিলিত মধুর বীণাদি বাজের ধ্বনি

আকাশ ব্যাপিয়া উঠিতেছে, তদধিক পরিষ্কার মধুরনিনাদিনী রমণীকণ্ঠ-গীতি তাহার সহিত মিশিয়া উঠিতেছে ; সঙ্গে সঙ্গে তাললয়মিলিত পাদবিক্ষেপে নর্তকীর অলঙ্কারশিঞ্জিত শব্দ মনোমুগ্ধ করিতেছে ।

ঐ দেখ পাঠক ! যেন পদ্মবনে হংসী সমীরণোখিত তরঙ্গহিল্লোলে নাচিতেছে ; প্রফুল্ল পদ্মমুখী সবে ঘেরিয়া রহিয়াছে । দেখ, দেখ, ঐ যে সুন্দরী নীলান্বরপরিধানা, ঐ যার নীল বাস স্বর্ণতারাবলীতে খচিত, দেখ ! ঐ যে দেখিতেছ, সুন্দরী সীমন্তপার্শ্বে হীরকতারা ধারণ করিয়াছে, দেখিয়াছ উহার কি সুন্দর ললাট ! প্রশান্ত, প্রশস্ত, পরিষ্কার ; এ ললাটে কি বিধাতা বিলাসগৃহ লিখিয়াছিলেন ? ঐ যে গ্রামা পুষ্পাভরণা, দেখিয়াছ উহার কেমন পুষ্পাভরণ সাজিয়াছে ? নারীদেহ শোভার জ্যাই পুষ্প-সৃজন হইয়াছিল । ঐ যে দেখিতেছ সম্পূর্ণ, মৃদুরক্ত ওষ্ঠাধর যার ; যে ওষ্ঠাধর ঈষৎ কুঞ্চিত করিয়া রহিয়াছে, দেখ, উহার স্ফটিক নীল বাস ফুটিয়া কেমন বর্ণপ্রভা বাহির হইতেছে ; যেন নির্মল নীলাম্বুধ্যে পূর্ণচন্দ্রালোক দেখা যাইতেছে । এই যে সুন্দরী মরালনিন্দিত গ্রীবাভঙ্গী করিয়া হাসিয়া হাসিয়া কথা কহিতেছে, দেখিয়াছ উহার কেমন কর্ণের কুণ্ডল ছলিতেছে ? কে তুমি সুকেশি সুন্দরী ? কেন উরঃপর্য্যন্ত কুঞ্চিতালক-রাশি লম্বিত করিয়া দিয়াছ ? পদ্মবক্ষে কেমন করিয়া কালফণিনী জড়ায়, তাহাই কি দেখাইতেছ ?

আর, তুমি কে সুন্দরী, যে কতলু খাঁর পার্শ্বে বসিয়া হেমপাত্রে সুরা ঢালিতেছ ? কে তুমি, যে সকল রাখিয়া তোমার পূর্ণলাবণ্য দেহপ্রতি কতলু খাঁ ঘন ঘন সতৃষ্ণ দৃষ্টিপাত করিতেছে ? কে তুমি অব্যর্থ কটাক্ষে কতলু খাঁর হৃদয় ভেদ করিতেছ ? ও মধুর কটাক্ষ চিনি ; তুমি বিমলা । অত সুরা ঢালিতেছ কেন ? ঢাল, ঢাল, আরও ঢাল, বসনমধ্যে ছুরিকা আছে ত ? আছে বই কি । তবে অত হাসিতেছ কিরূপে ? কতলু খাঁ তোমার মুখপানে চাহিতেছে । ও কি ? কটাক্ষ ! ও কি, আবার কি ! ঐ দেখ, সুরাস্বাদপ্রমত্ত যবনকে ক্ষিপ্ত করিলে । এই কোশলেই বুঝি সকলকে বর্জিত করিয়া কতলু খাঁর প্রেয়সী হইয়া বসিয়াছ ? না হবে কেন, যে হাসি, যে অঙ্গভঙ্গী, যে সরস কথাবাহ্য, যে কটাক্ষ !

আবার সরাব ! কতলু খাঁ সাবধান ! কতলু খাঁ কি করিবে ! যে চাহনি চাহিয়া বিমলা হাতে সুরাপাত্র দিতেছে ! ও কি ধ্বনি ? এ কে গায় ? এ কি মাহুঘের গান, না, সুররমণী গায় ? বিমলা গায়িকাদিগের সহিত গায়িতেছে । কি সুর ! কি ধ্বনি ! কি লয় ! কতলু খাঁ, এ কি ? মন কোথায় তোমার ? কি দেখিতেছ ? সমে সমে হাসিয়া কটাক্ষ করিতেছে ; ছুরির অধিক তোমার হৃদয়ে বসাইতেছে, তাহাই দেখিতেছ ? অমনি কটাক্ষে প্রাণহরণ করে, আবার সঙ্গীতের সঙ্কিস্তক কটাক্ষ ! আরও দেখিয়াছ কটাক্ষের সঙ্গে আবার অল্প মস্তক দোলন ? দেখিয়াছ, সঙ্গে সঙ্গে কেমন কর্ণাভরণ ছলিতেছে ? হাঁ । আবার সুরা ঢাল, দে মদ দে, এ কি ! বিমলা উঠিয়া নাচিতেছে । কি সুন্দর ! কিবা ভঙ্গী ! দে মদ ! কি অঙ্গ ! কি গঠন ! কতলু খাঁ ! জাঁহাপনা ! স্থির হও ! স্থির ! উঃ ! কতলুর শরীরে অগ্নি জ্বলিতে লাগিল । পিয়ালা ! আহা ! দে পিয়ালা ! আহা দে পিয়ালা । মেরি পিয়ারী ! আবার কি ? এর উপর হাসি, এর উপর কটাক্ষ ? সরাব ! দে সরাব !

কতলু খাঁ উন্মত্ত হইল । বিমলাকে ডাকিয়া কহিল, “তুমি কোথা, প্রিয়তমে !”

বিমলা কতলু খাঁর স্বন্ধে এক বাহু দিয়া কহিলেন, “দাসী শ্রীচরণে ।”
—অপর করে ছুরিকা—

তৎক্ষণাৎ ভয়ঙ্কর চীৎকার ধ্বনি করিয়া বিমলাকে কতলু খাঁ দূরে নিক্ষেপ করিল ; এবং যেই নিক্ষেপ করিল, অমনি আপনিও ধরাতলশায়ী হইল । বিমলা তাহার বক্ষঃস্থলে আমূল ভীক্ষু ছুরিকা বসাইয়া দিয়াছিলেন ।

“পিশাচী—সয়তানী !” কতলু খাঁ এই কথা বলিয়া চীৎকার করিল । “পিশাচী নহি—সয়তানী নহি—বীরেন্দ্রসিংহের বিধবা স্ত্রী ।” এই বলিয়া বিমলা কক্ষ হইতে দ্রুতবেগে পলায়ন করিলেন ।

কতলু খাঁর বাঙালি-নিপ্পত্তি-ক্ষমতা ঝটিতি রহিত হইয়া আসিতে লাগিল । তথাপি সাধ্যমত চীৎকার করিতে লাগিল । বিবিরা যথাসাধ্য চীৎকার করিতে লাগিল । বিমলাও চীৎকার করিতে করিতে ছুটিলেন ;

কক্ষান্তরে গিয়া কথোপকথন শব্দ পাইলেন। বিমলা উদ্ধৃ'স্থাসে ছুটিলেন। এক কক্ষ পরে দেখেন, তথায় প্রহরী ও খোজাগণ রহিয়াছে। চীৎকার শুনিয়া ও বিমলার দ্রুত ভাব দেখিয়া তাঁহারা জিজ্ঞাসা করিল, “কি হইয়াছে?”

প্রত্যাৎপন্নমতি বিমলা কহিলেন “সর্বনাশ হইয়াছে। শীঘ্র যাও, কক্ষমধ্যে মোগল প্রবেশ করিয়াছে, বৃষ্টি নবাবকে খুন করিল।”

প্রহরী ও খোজাগণ উদ্ধৃ'স্থাসে কক্ষাভিমুখে ছুটিল। বিমলাও উদ্ধৃ'স্থাসে অন্তঃপুরদ্বারাভিমুখে পলায়ন করিলেন। দ্বারে প্রহরী প্রমোদ-ক্লাস্ত হইয়া নিদ্রা যাইতেছিল, বিমলা বিনা বিপ্লবে দ্বার অতিক্রম করিলেন। দেখিলেন, সর্বত্রই প্রায় ঐরূপ, অবাধে দৌড়িতে লাগিলেন। বাহির ফটকে দেখিলেন, প্রহরিগণ জাগরিত। একজন বিমলাকে দেখিয়া জিজ্ঞাসা করিল, “কে ও, কোথা যাও?”

তখন অন্তঃপুরমধ্যে মহা কোলাহল উঠিয়াছে, সকল লোক জাগিয়া সেই দিকে ছুটিতেছিল, বিমলা কহিলেন, “বসিয়া কি করিতেছ, গোলযোগ শুনিতেছ না?”

প্রহরী জিজ্ঞাসা করিল, “কিসের গোলযোগ?”

বিমলা কহিলেন, “অন্তঃপুরে সর্বনাশ হইতেছে, নবাবের প্রতি আক্রমণ হইয়াছে।”

প্রহরিগণ ফটক ফেলিয়া দৌড়ল : বিমলা নির্বিঘ্নে নিষ্কাশিত হইলেন।

বিমলা ফটক হইতে কিয়দূর গমন করিয়া দেখিলেন যে, একজন পুরুষ এক বৃক্ষতলে দাঁড়াইয়া আছেন। দৃষ্টিমাত্র, বিমলা তাঁহাকে অভিরাম স্বামী বলিয়া চিনিতে পারিলেন। বিমলা তাঁহার নিকট যাইবামাত্র অভিরাম স্বামী কহিলেন, “আমি বড়ই উদ্ভিগ্ন হইতেছিলাম; দুর্গমধ্যে কোলাহল কিসের?”

বিমলা উত্তর করিলেন, “আমি বৈধব্য যন্ত্রণার প্রতিশোধ করিয়া আসিয়াছি। এখানে আর অধিক কথায় কাজ নাই, শীঘ্র আশ্রমে চলুন; পরে সবিশেষ নিবেদিব। তিলোত্তমা আশ্রমে গিয়াছে ত?”

অভিরাম স্বামী কহিলেন, “তিলোত্তমা অগ্রে অগ্রে আশমানির সহিত যাইতেছে, শীঘ্র সাক্ষাৎ হইবেক।”

এই বলিয়া উভয়ে দ্রুতবেগে চলিলেন। অচিরে কুটারমধ্যে উপনীত হইয়া দেখিলেন, ক্ষণপূর্বেই আয়েষার অনুগ্ৰহে তিলোত্তমা আশমানির সঙ্গে তথায় আসিয়াছেন। তিলোত্তমা অভিরাম স্বামীর পদযুগলে প্রণত হইয়া রোদন করিতে লাগিলেন। অভিরাম স্বামী তাঁহাকে স্থির করিয়া কহিতে লাগিলেন, “ঈশ্বরেচ্ছায় তোমরা ছুরাশ্বার হস্ত হইতে মুক্ত হইলে, এখন আর তিলোত্তমা এদেশে তিষ্ঠান নহে। যবনেরা সন্ধান পাইলে এবারে প্রাণে মারিয়া প্রভুর মৃত্যুশোক নিবারণ করিবে। আমরা অত্যাচারিত্রে ঐ স্থান ত্যাগ করিয়া যাই চল।”

সকলেই এ পরামর্শে সন্মত হইলেন।

সপ্তদশ পরিচ্ছেদ : অন্তিম কাল

বিমলার পলায়নের ক্ষণমাত্র পরেই একজন কর্মচারী অতিব্যস্তে জগৎসিংহের কারাগারমধ্যে আসিয়া কহিল, “যুবরাজ! নবাব সাহেবের মৃত্যুকাল উপস্থিত, তিনি আপনাকে স্মরণ করিয়াছেন।”

যুবরাজ চমৎকৃত হইয়া কহিলেন, “সে কি!”

রাজপুত্র কহিলেন, “অস্তঃপুরমধ্যে শত্রু প্রবেশ করিয়া নবাব সাহেবকে আঘাত করিয়া পলায়ন করিয়াছে। এখনও প্রাণত্যাগ হয় নাই, কিন্তু আর বিলম্ব নাই, আপনি ঝাটতি চলুন, নচেৎ সাক্ষাৎ হইবে না।”

রাজপুত্র কহিলেন, “এ সময়ে আমার সহিত সাক্ষাতের প্রয়োজন?”

দূত কহিল, “কি জানি? আমি বার্তাবহ মাত্র।”

যুবরাজ দূতের সহিত অস্তঃপুরমধ্যে গমন করিলেন। তথায় গিয়া দেখেন যে, কতলুখাঁর জীবন-প্রদীপ সত্য সত্যই নির্বাণ হইয়া আসিয়াছে, অন্ধকারের আর বিলম্ব নাই, চতুর্দিকে ওসমান, আয়েষা, মুমূর্ষুর অপ্রাপ্ত-বয়স্ক পুত্রগণ, পত্নী, উপপত্নী, দাসী, অমাত্যবর্গ প্রভৃতি বেষ্টন করিয়া রহিয়াছে। রোদনাদির কোলাহল পড়িয়াছে; প্রায় সকলেই উচ্চরবে

কাঁদিতেছে ; শিশুগণ না বুঝিয়া কাঁদিতেছে ; আয়েষা চীৎকার করিয়া কাঁদিতেছে না । আয়েষার নয়ন-ধারায় মুখ প্লাবিত হইতেছে ; নিঃশব্দে পিতার মস্তক অঙ্কে ধারণ করিয়া রহিয়াছেন । জগৎসিংহ দেখিলেন, সে মূর্তি স্থির, গম্ভীর, নিষ্পন্দ ।

যুবরাজ প্রবেশ মাত্র খাজা ইসা নামে অমাত্য তাঁহার কর ধরিয়া কতলু খাঁর নিকটে লইলেন ; যেরূপ উচ্চস্বরে বধিরকে সম্ভাষণ করিতে হয়, সেইরূপ স্বরে কহিলেন, “যুবরাজ জগৎসিংহ আসিয়াছেন ।”

কতলু খাঁ ক্ষীণস্বরে কহিলেন, “আমি শত্রু ; মরি ;—রাগ দ্বেষ ত্যাগ ।”

জগৎসিংহ বুঝিয়া কহিলেন, “এ সময়ে ত্যাগ করিলাম ।”

কতলু খাঁ পুনরপি সেইরূপ স্বরে কহিলেন, “যাচ্ছা—স্বীকার ।”

জগৎসিংহ জিজ্ঞাসা করিলেন, “কি স্বীকার করিব ?”

কতলু খাঁ পুনরপি কহিতে লাগিলেন, “বালক সব যুদ্ধ বড় তুষা ।”
আয়েষা মুখে সরবত সিঞ্চন করিলেন ।

“যুদ্ধ — কাজ নাই—সন্ধি—”

কতলু খাঁ নীরব হইলেন । জগৎসিংহ কোন উত্তর করিলেন না ।
কতলু খাঁ তাঁহার মুখপানে উত্তর প্রতীক্ষায় চাহিয়া রহিলেন । উত্তর না পাইয়া কষ্টে কহিলেন, “অস্বীকার ?”

যুবরাজ কহিলেন, “পাঠানেরা দিল্লীশ্বরের প্রভুত্ব স্বীকার করিলে, আমি সন্ধির জঘ্ন অনুরোধ করিতে স্বীকার করিলাম ।”

কতলু খাঁ পুনরপি অর্ধফুটস্থানে কহিলেন, “উড়িয়া ?”

রাজপুত্র বুঝিয়া কহিলেন, “যদি কার্য্য সম্পন্ন করিতে পারি, তবে আপনার পুত্রেরা উড়িয়াচ্যুত হইবে না ।”

কতলুর মৃত্যু-ক্লেশ-নিপীড়িত মুখক্ৰান্তি প্রদীপ্ত হইল ।

মুম্বু কহিল, “আপনি—মুক্ত —জগদীশ্বর—মঙ্গল—” জগৎসিংহ চলিয়া যান, আয়েষা মুখ অবনত করিয়া পিতাকে কি কহিয়া দিলেন ।
কতলু খাঁ খাজা ইসার প্রতি চাহিয়া আবার প্রতিগমনকারী রাজপুত্রের দিকে চাহিলেন । খাজা ইসা রাজপুত্রকে কহিলেন, “বুঝি আপনার

সঙ্গে আরও কথা আছে ।”

রাজপুত্র প্রত্যাবর্তন করিলেন, কতলু খাঁ কহিলেন, “কাণ ।”

রাজপুত্র বুঝিলেন । মুমূর্ষুর অধিকতর নিকটে দাঁড়াইয়া মুখের নিকট কর্ণাবনত করিলেন । কতলু খাঁ পূর্ব্বাপেক্ষা অধিকতর অস্পষ্ট স্বরে বলিলেন, “বীর ।—”

ক্ষণেক স্তব্ধ হইয়া রহিলেন, পরে বলিতে লাগিলেন, “বীরেন্দ্রসিংহ—তুষা ।”

আয়েষা পুনরপি অধরে পেঘ সিঞ্চন করিলেন ।

“বীরেন্দ্রসিংহের কণ্ঠা ।”

রাজপুত্রকে যেন বৃশ্চিক দংশন করিল ; চমকিতের স্রায় ঋজায়ত হইয়া কিঞ্চিদূরে দাঁড়াইলেন । কতলু খাঁ বলিতে লাগিলেন, “পিতৃহীনা—আমি পাপিষ্ঠ উঃ তুষা ।”

আয়েষা পুনঃ পুনঃ পানীয়াভিসিঞ্চন করিতে লাগিলেন । কিন্তু আর বাক্যস্ফূরণ হৃৎঘট হইল । শ্বাস ছাড়িতে ছাড়িতে বলিতে লাগিলেন, “দারুণ জ্বালা—সাদ্বী—তুমি দেখিও—”

রাজপুত্র কহিলেন, “কি ?” কতলু খাঁর কর্ণে এই প্রশ্ন মেঘগর্জনবৎ বোধ হইল । কতলু খাঁ বলিতে লাগিলেন, “এই ক—কণ্ঠার—মত পবিত্রা ।—তুমি ।—উঃ !—বড় তুষা—যাই যে—আয়েষা ।”

আর কথা সরিল না ; সাধ্যাতীত পরিশ্রম হইয়াছিল, শ্রমাতিরেক ফলে নিষ্কীৰ্ণ মস্তক ভূমিতে গড়াইয়া পড়িল । কণ্ঠার নাম মুখে থাকিতে থাকিতে নবাব কতলু খাঁর প্রাণবিয়োগ হইল ।

অষ্টাদশ পরিচ্ছেদ : প্রতিযোগিতা

জগৎসিংহ কারামুক্ত হইয়া পিতৃশিবিরে গমনান্তর নিজ স্বীকারানুযায়ী মোগলপাঠানে সন্ধিসম্বন্ধ করাইলেন । পাঠানেরা দিল্লীশ্বরের অধীনতা স্বীকার করিয়াও উৎকলাধিকারী হইয়া রহিলেন । সন্ধির বিস্তারিত বিবরণ ইতিবৃত্তে বর্ণনীয় । এ স্থলে অতি-বিস্তার নিম্প্রয়োজন । সন্ধি

সমাপনান্তে উভয় দল কিছু দিন পূর্বাবস্থিতির স্থানে রহিলেন। নব-প্রীতিসম্বন্ধনার্থে কতলু খাঁর পুত্রদিগকে সমভিব্যাহারে লইয়া প্রধান রাজমন্ত্রী খুজা ইসা ও সেনাপতি ওসমান রাজা মানসিংহের শিবিরে গমন করিলেন ; সাদৃশ্যত হস্তী আর অশ্বাশ্রয় মহার্ঘ জব্য উপঢৌকন দিয়া রাজার পরিতোষ জন্মাইলেন ; রাজাও তাঁহাদিগকে বহুবিধ সন্মান করিয়া সকলকে খেলোয়াৎ দিয়া বিদায় করিলেন।

এইরূপ সন্ধিসম্বন্ধ সমাপন করিতে ও শিবির-ভঙ্গোদ্যোগ করিতে কিছু দিন গত হইল।

পরিশেষে রাজপুত সেনার পাটনায় যাত্রার সময় আগত হইলে, জগৎসিংহ এক দিবস অপরাহ্নে সহচর সমভিব্যাহারে পাঠান-দুর্গে ওসমান প্রভৃতির নিকট বিদায় লইতে গমন করিলেন। কারাগারে সাক্ষাতের পর, ওসমান রাজপুত্রের প্রতি আর সৌহৃদ্যভাব প্রকাশ করেন নাই। অদ্য সামান্য কথাবার্তা কহিয়া বিদায় দিলেন।

জগৎসিংহ ওসমানের নিকট ক্ষুণ্ণমনে বিদায় লইয়া খুজা ইসার নিকট বিদায় লইতে গেলেন। তথা হইতে আয়েষার নিকট বিদায় লইবার অভিপ্রায়ে চলিলেন। একজন অন্তঃপুর-রক্ষী দ্বারা আয়েষার নিকট সংবাদ পাঠাইলেন, আর রক্ষীকে কহিয়া দিলেন যে, “বলিও, নবাব সাহেবের লোকান্তর পরে আর তাঁহার সহিত সাক্ষাৎ হয় নাই। এক্ষণে আমি পাটনায় চলিলাম। পুনর্ব্বার সাক্ষাতের সম্ভাবনা অতি বিরল ; অতএব তাঁহাকে অভিবাদন করিয়া যাইতে চাহি।”

খোজা ক্রিয়ৎক্ষণ পরে প্রত্যাগমন করিয়া কহিল, “নবাবপুত্রী বলিয়া পাঠাইলেন যে, তিনি যুবরাজের সহিত সাক্ষাৎ করিবেন না ; অপরাধ মার্জনা করিবেন।”

রাজপুত্র সম্বন্ধিত বিষাদে আত্মশিবিরান্ধিমুখ হইলেন। দুর্গদ্বারে দেখিলেন, ওসমান তাঁহার প্রতীক্ষা করিতেছেন।

রাজপুত্র ওসমানকে দেখিয়া পুনরপি অভিবাদন করিয়া চলিয়া যান, ওসমান পশ্চাৎ পশ্চাৎ চলিলেন। রাজপুত্র কহিলেন, “সেনাপতি মহাশয়, আপনার যদি কোন আজ্ঞা থাকে প্রকাশ করুন আমি

প্রতিপালন করিয়া কৃতার্থ হই।”

ওসমান কহিলেন, “আপনার সহিত কোন বিশেষ কথা আছে, এত সহচর সাক্ষাৎ তাহা বলিতে পারিব না, সহচরদিগকে অগ্রসর হইতে অনুমতি করুন, একাকী আমার সঙ্গে আসুন।”

রাজপুত্র বিনা সঙ্কোচে সহচরগণকে অগ্রসর হইতে বলিয়া দিয়া একা অশ্বারোহণে পাঠানের সঙ্গে সঙ্গে চলিলেন ; ওসমানও অশ্ব আনাইয়া আরোহণ করিলেন। কিয়দূর গমন করিয়া ওসমান রাজপুত্রসঙ্গে এক নিবিড় শালবন-মধ্যে প্রবেশ করিলেন। বনের মধ্যস্থলে এক ভগ্ন অট্টালিকা ছিল, বোধ হয়, অতি পূর্বকালে কোন রাজবিদ্রোহী এ স্থলে আসিয়া কাননাভাস্তরে লুণ্ঠায়িত ছিল। শালবৃক্ষে ঘোটক বন্ধন করিয়া ওসমান রাজপুত্রকে সেই ভগ্ন অট্টালিকার মধ্যে লইয়া গেলেন। অট্টালিকা মনুষ্যশূন্য। মধ্যস্থলে প্রশস্ত প্রাঙ্গণ ; তাহার এক পার্শ্বে এক যাবনিক সমাধিস্থাত প্রস্তুত রহিয়াছে, অথচ শব নাই ; অপর পার্শ্বে চিতাসজ্জা রহিয়াছে, অথচ কোন মৃতদেহ নাই।

প্রাঙ্গণমধ্যে আসিলে রাজকুমার জিজ্ঞাসা করিলেন, “এ সকল কি ?”

ওসমান কহিলেন, “এ সকল আমার আজ্ঞাক্রমে হইয়াছে ; আজ যদি আমার মৃত্যু হয়, তবে মহাশয় আমাকে এই কবরমধ্যে সমাধিস্থ করিবেন, কেহ জানিবে না ; যদি আপনি দেহত্যাগ করেন, তবে এই চিতায় ব্রাহ্মণ দ্বারা আপনার সৎকার করাইব, অপর কেহ জানিবে না।”

রাজপুত্র বিস্মিত হইয়া কহিলেন, “এ সকল কথার তাৎপর্য্য কি ?”

ওসমান কহিলেন, “আমরা পাঠান—অস্ত্রকরণ প্রজ্জলিত হইলে উচিতানুচিত ববেচনা করি না ; এই পৃথিবীমধ্যে আয়েবার প্রণয়াকাজক্ষী দুই ব্যক্তির স্থান হয় না, একজন এইখানে প্রাণত্যাগ করিব।”

তখন রাজপুত্র আত্মোপাস্ত বুদ্ধিতে পারিয়া অত্যন্ত ক্ষুব্ধ হইলেন, কহিলেন, “আপনার কি অভিপ্রায় ?”

ওসমান কহিলেন, “সশস্ত্র আছ, আমার সহিত যুদ্ধ কর। সাধ্য হয়, আমাকে বধ করিয়া আপনার পথ মুক্ত কর, নচেৎ আমার হস্তে প্রাণত্যাগ করিয়া আমার পথ ছাড়িয়া যাও।”

এই বলিয়া ওসমান জগৎসিংহকে প্রত্যাশ্বরের অবকাশ দিলেন না, অসিহস্তে তৎপ্রতি আক্রমণ করিলেন। রাজপুত্র অগত্যা আত্মরক্ষার্থ শীঘ্রহস্তে কোষ হইতে অসি বাহির করিয়া ওসমানের আঘাতের প্রতিঘাত করিতে লাগিলেন। ওসমান রাজপুত্রের প্রাণনাশে পুনঃ পুনঃ বিষমোদ্যম করিতে লাগিলেন; রাজপুত্র ভ্রমক্রমেও ওসমানকে আঘাতের চেষ্টা করিলেন না; কেবল আত্মরক্ষায় নিযুক্ত রহিলেন। উভয়েই শস্ত্রবিদ্যায় সুশিক্ষিত, বলক্ষণ যুদ্ধ হইল, কেহ কাহাকেও পরাজিত করিতে পারিলেন না। ফলতঃ যবনের অস্ত্রাঘাতে রাজপুত্রের শরীর ক্ষতবিক্ষত হইল; রুধিরে অঙ্গ প্লাবিত হইল। ওসমানপ্রতি তিনি একবারও আঘাত করেন নাই, সুতরাং ওসমান অক্ষত। রক্তশ্রাবে শরীর অবসন্ন হইয়া আসিল দেখিয়া আর একরূপ সংগ্রামে মৃত্যু নিশ্চয় জানিয়া জগৎসিংহ কাতরস্বরে কহিলেন, “ওসমান, ক্ষান্ত হও, আমি পরাভব স্বীকার করিলাম।”

ওসমান উচ্চ হাস্য করিয়া কহিলেন, “এ ত জানিতাম না যে, রাজপুত সেনাপতি মরিতে ভয় পায়; যুদ্ধ কর, আমি তোমায় বধ করিব, ক্ষমা করিব না। তুমি জীবিতে আয়েষাকে পাইব না।”

রাজপুত্র কহিলেন, “আমি আয়েষার অভিলাষী নহি।”

ওসমান অসি ঘূর্ণিত করিতে করিতে কহিতে লাগিলেন, “তুমি আয়েষার অভিলাষী নও, আয়েষা তোমার অভিলাষী। যুদ্ধ কর, ক্ষমা নাই।”

রাজপুত্র অসি দূরে নিক্ষেপ করিয়া কহিলেন, “আমি যুদ্ধ করিব ন। তুমি অসময়ে আমার উপকার করিয়াছ; আমি তোমার সহিত যুদ্ধ করিব না।”

ওসমান সক্রোধে রাজপুত্রকে পদাঘাত করিলেন, কহিলেন, “যে সিপাহী যুদ্ধ করিতে ভয় পায়, তাহাকে এইরূপে যুদ্ধ করাই।”

রাজকুমারের আর ধৈর্য্য রহিল না। শীঘ্রহস্তে ত্যক্ত প্রহরণ ভূমি হইতে উত্তোলন করিয়া শৃগালদংশিত সিংহবৎ প্রচণ্ড লক্ষ্য দিয়া রাজপুত্র যবনকে আক্রমণ করিলেন। সে হৃদম প্রহার যবন সহ্য করিতে পারিলেন না। রাজপুত্রের বিশাল শরীরাঘাতে ওসমান ভূমিশায়ী হইলেন। রাজ-

পুত্র তাঁহার বক্ষোপরি আরোহণ করিয়া হস্ত হইতে অসি উন্মোচন করিয়া লইলেন, এবং নিজ করস্থ প্রহরণ তাঁহার গলদেশে স্থাপিত করিয়া কহিলেন, “কেমন, সমর-সাধ মিটিয়াছে ত ?”

ওসমান কহিলেন, “জীবন থাকিতে নহে ।”

রাজপুত্র কহিলেন, “এখনই ত জীবন শেষ করিতে পারি ?”

ওসমান কহিলেন, “কর ; নচেৎ তোমার বধাভিলাষী শত্রু জীবিত থাকিবে ।”

জগৎসিংহ কহিলেন, “থাকুক, রাজপুত্র তাহাতে ডরে না ; তোমার জীবন শেষ করিতাম, কিন্তু তুমি আমার জীবন রক্ষা করিয়াছিলে, আমিও করিলাম ।”

এই বলিয়া দুই চরণের সহিত ওসমানের দুই হস্ত বদ্ধ রাখিয়া, একে একে তাঁহার সকল অস্ত্র শরীর হইতে হরণ করিলেন । তখন তাঁহাকে মুক্ত করিয়া কহিলেন, “এক্ষণে নির্বিঘ্নে গৃহে যাও, তুমি যবন হইয়া রাজপুত্রের শরীরে পদাঘাত করিয়াছিলে, এই জন্ত তোমার এ দশা করিলাম, নচেৎ রাজপুত্রেরা এত কৃতজ্ঞ নহে যে, উপকারীর অঙ্গ স্পর্শ করে ।”

ওসমান মুক্ত হইলে আর একটি কথা না কহিয়া অশ্বারোহণপূর্বক একেবারে দুর্গাভিমুখে দ্রুতগমনে চলিলেন ।

রাজপুত্র বস্ত্র দ্বারা প্রাক্গণস্থ কূপ হইতে জল আহরণ করিয়া গাত্র ধৌত করিলেন । গাত্র ধৌত করিয়া শালতরু হইতে অশ্ব মোচনপূর্বক আরোহণ করিলেন । অশ্বারোহণ করিয়া দেখেন, অশ্বের বক্সায়, লতা-গুল্মাদির দ্বারা একখানি লিপি বাঁধা রহিয়াছে । বক্সা হইতে পত্র মোচন করিয়া দেখিলেন যে, পত্রখানি মনুশ্যের কেশ দ্বারা বদ্ধ করা আছে, তাহার উপরিভাগে লেখা আছে যে, “এই পত্র দুই দিবস মধ্যে খুলিবেন না, যদি খুলেন, তবে ইহার উদ্দেশ্য বিফল হইবে ।”

রাজপুত্র ক্ষণেক চিন্তা করিয়া লেখকের অভিপ্রায়ানুসারে কাণ্য করাই স্থির করিলেন । পত্র কবচমধ্যে রাখিয়া অশ্বে কশাঘাত করিয়া শিবিরভিমুখে চলিলেন ।

রাজপুত্র শিবিরে উপনীত হইবার পরদিন দ্বিতীয় এক লিপি দূতহস্তে পাইলেন। এই লিপি আয়েষার প্রেরিত। কিন্তু তদ্বৃত্তান্ত পর-
পরিচ্ছেদে বক্তব্য।

উনবিংশ পরিচ্ছেদ : আয়েষার পত্র

আয়েষা লেখনী হস্তে পত্র লিখিতে বসিয়াছেন। মুখকাস্তি অত্যন্ত গম্ভীর, স্থির ; জগৎসিংহকে পত্র লিখিতেছেন। একখানা কাগজ লইয়া পত্র আরম্ভ করিলেন। প্রথমে লিখিলেন “প্রাণাধিক,” তখনই “প্রাণাধিক” শব্দ কাটিয়া দিয়া লিখিলেন, “রাজকুমার,” “প্রাণাধিক” শব্দ কাটিয়া “রাজকুমার” লিখিতে আয়েষার অশ্রুধারা বিগলিত হইয়া পত্রে পড়িল। আয়েষা অমনি সে পত্র ছিঁড়িয়া ফেলিলেন। পুনর্ব্বার অগ্ন কাগজে আরম্ভ করিলেন ; কিন্তু কয়েক ছত্র লেখা হইতে না হইতে আবার পত্র অশ্রুকলঙ্কিত হইল। আয়েষা সে লিপিও বিনষ্ট করিলেন। অগ্ন বারে অশ্রুচিহ্নশূন্য একখণ্ড লিপি সমাধা করিলেন। সমাধা করিয়া একবার পড়িতে লাগিলেন, পড়িতে নয়নবাস্পে দৃষ্টিলোপ হইতে লাগিল। কোন মতে লিপি বদ্ধ করিয়া দূতহস্তে দিলেন। লিপি লইয়া দূত রাজপুত্র-শিবিরান্তিমুখে যাত্রা করিল। আয়েষা একাকিনী পালঙ্ক-শয়নে রোদন করিতে লাগিলেন।

জগৎসিংহ পত্র পাইয়া পড়িতে লাগিলেন।

“রাজকুমার !”

আমি যে তোমার সহিত সাক্ষাৎ করি নাই, সে আত্মবৈধেয়্যের প্রতি অবিশ্বাসিনী বলিয়া নহে। মনে করিও না আয়েষা অধীরা। ওসমান নিজ হৃদয়মধ্যে অগ্নি জ্বালিত করিয়াছে, কি জানি আমি তোমার সাক্ষাৎ-লাভ করিলে, যদি সে ক্লেশ পায়, এই জন্মই তোমার সহিত সাক্ষাৎ করি নাই। সাক্ষাৎ না হইলে তুমি যে ক্লেশ পাইবে, সে ভরসাও করি নাই। নিজের ক্লেশ—সে সকল সুখ দুঃখ জগদীশ্বরচরণে সমর্পণ করিয়াছি। তোমাকে যদি সাক্ষাতে বিদায় দিতে হইত, তবে সে ক্লেশ অনায়াসে সহ

করিতাম। তোমার সহিত যে সাক্ষাৎ হইল না, এ ক্লেশও পাষাণীর শ্রায়
সহ্য করিতেছি।

তবে এ পত্র লিখি কেন? এক ভিক্ষা আছে, সেই জন্তই এ পত্র
লিখিলাম। যদি শুনিয়া থাক যে, আমি তোমাকে স্নেহ করি, তবে তাহা
বিস্মৃত হও। এ দেহ বর্ষমানের এ কথা প্রকাশ করিব না সঙ্কল্প ছিল,
বিধাতার ইচ্ছায় প্রকাশ হইয়াছে, এক্ষণে বিস্মৃত হও।

আমি তোমার প্রেমাকাজিক্ষণী নহি। আমার যাহা দিবার তাহা
দিয়াছি, তোমার নিকট প্রতিদান কিছু চাহি না। আমার স্নেহ এমন
বদ্ধমূল যে, তুমি স্নেহ না করিলেও আমি সুখী; কিন্তু সে কথায় আর
কাজ কি।

তোমাকে অসুখী দেখিয়াছিলাম। যদি কখন সুখী হও, আয়েষাকে
স্মরণ করিয়া সংবাদ দিও। ইচ্ছা না হয়, সংবাদ দিও না। যদি কখন
অন্তঃকরণে ক্লেশ পাও, তবে আয়েষাকে কি স্মরণ করিবে?

আমি যে তোমাকে পত্র লিখিলাম, কি যদি ভবিষ্যতে লিখি, তাহাতে
লোকে নিন্দা করিবে। আমি নির্দোষী, সুতরাং তাহাতে ক্ষতি বিবেচনা
করিও না—যখন ইচ্ছা হইবে, পত্র লিখিও।

তুমি চলিলে, আপাততঃ এ দেশ ত্যাগ করিয়া চলিলে। এই
পাঠানেরা শাস্ত নহে। সুতরাং পুনর্ব্বার তোমার এ দেশে আসাই সম্ভব।
কিন্তু আমার সহিত আর সন্দর্শন হইবে না। পুনঃ পুনঃ হৃদয়মধ্যে চিন্তা
করিয়া ইহা স্থির করিয়াছি। রমণীহৃদয় যেরূপ দুর্দ্দমনীয়, তাহাতে অধিক
সাহস অনুচিত।

আর একবার মাত্র তোমার সহিত সাক্ষাৎ করিব মানস আছে। যদি
তুমি এ প্রদেশে বিবাহ কর, তবে আমায় সংবাদ দিও; আমি তোমার
বিবাহকালে উপস্থিত থাকিয়া তোমার বিবাহ দিব। যিনি তোমার
মহিষী হইবেন, তাঁহার জন্ত কিছু সামান্য অলঙ্কার সংগ্রহ করিয়া রাখিলাম,
যদি সময় পাই, স্বহস্তে পরাইয়া দিব।

আর এক প্রার্থনা। যখন আয়েষার মৃত্যুসংবাদ তোমার নিকট
যাইবে, তখন একবার এ দেশে আসিও, তোমার নিমিত্ত সিন্দুকমধ্যে

যাহা রহিল, তাহা আমার অনুরোধে গ্রহণ করিও ।

আর কি লিখিব ? অনেক কথা লিখিতে ইচ্ছা করে, কিন্তু নিপ্রয়োজন । জগদীশ্বর তোমাকে সুখী করিবেন, আয়েষার কথা মনে করিয়া কখনও দুঃখিত হইও না ।”

জগৎসিংহ পত্র পাঠ করিয়া বহুক্ষণ ভাবমধ্যে পত্রহস্তে পদচারণ করিতে লাগিলেন । পরে অকস্মাৎ শীঘ্রহস্তে একখানা কাগজ লইয়া নিম্নলিখিত পত্র লিখিয়া দূতের হস্তে দিলেন ।

“আয়েষা, তুমি রমণীরঙ্গ । জগতে মনঃপীড়াই বুঝি বিধাতার ইচ্ছা ! আমি তোমার কোন প্রত্নস্তর লিখিতে পারিলাম না । তোমার পত্রে আমি অত্যন্ত কাতর হইয়াছি । এ পত্রের যে উত্তর, তাহা এক্ষণে দিতে পারিলাম না । আমাকে ভুলিও না । যদি বাঁচিয়া থাকি, তবে এক বৎসর পরে ইহার উত্তর দিব ।”

দূত এই প্রত্নস্তর লইয়া আয়েষার নিকট প্রতিগমন করিল ।

বিংশ পরিচ্ছেদ : দীপ নিব্বাণোদ্ভূত

যে পর্য্যন্ত তিলোত্তমা আশমানির সঙ্গে আয়েষার নিকট হইতে বিদায় লইয়া আসিয়াছিলেন, সেই পর্য্যন্ত আর কেহ তাঁহার কোন সংবাদ পায় নাই । তিলোত্তমা, বিমলা, আশমানি, অভিরাম স্বামী, কাহারও কোন উদ্দেশ পাওয়া যায় নাই । যখন মোগলপাঠানে সাক্ষিসম্বন্ধ হইল, তখন বীরেন্দ্রসিংহ আর তৎপরিজনের অশ্রুতপূর্ব্ব চূর্বটনা সকল স্মরণ করিয়া উভয় পক্ষই সম্মত হইলেন যে, বীরেন্দ্রের স্ত্রী কণ্ঠার অনুসন্ধান করিয়া তাহাদিগকে গড় মান্দারগে পুনরবস্থাপিত করা যাইবে । সেই কারণেই ওসমান, খাজা ইসা, মানসিংহ প্রভৃতি সকলেই তাহাদিগকে বিশেষ অনুসন্ধান করিলেন ; কিন্তু তিলোত্তমার আশমানির সঙ্গে আয়েষার নিকট হইতে আসা ব্যতীত আর কিছুই কেহ অবগত হইতে পারিলেন না । পরিশেষে মানসিংহ নিরাশ হইয়া একজন বিখ্যাত অনুচরকে গড় মান্দারগে স্থাপন করিয়া এই আদেশ করিলেন যে, “তুমি এইখানে থাকিয়া মৃত

জায়গীরদারের স্ত্রী কন্যার উদ্দেশ্য করিতে থাক ; সন্ধান পাইলে তাহাদিগকে দ্বর্গে স্থাপনা করিয়া আমার নিকট যাইবে, আমি তোমাকে পুরস্কৃত করিব, এবং অল্প জায়গীর দিব ।”

এইরূপ স্থির করিয়া মানসিংহ পাটনায় গমনোত্তমী হইলেন ।

মৃত্যুকালে কতলু খাঁর মুখে যাহা শুনিয়াছিলেন, তৎক্ষণে জগৎসিংহের হৃদয়মধ্যে কোন ভাবান্তর জন্মিয়াছিল কি না, তাহা কিছুই প্রকাশ পাইল না । জগৎসিংহ অর্থব্যয় এবং শারীরিক ক্লেশ স্বীকার করিয়াছিলেন বটে, কিন্তু সে যত্ন কেবল পূর্ব সম্বন্ধের স্মৃতিজনিত, কি যে যে অপরাপর কারণে মানসিংহ প্রভৃতি সেইরূপ যত্ন প্রকাশ করিয়াছিলেন, সেই সেই কারণসম্মত, কি পুনঃসঞ্চারিত প্রেমামুরোধে উৎপন্ন, তাহা কেহই বুঝিতে পারে নাই । যত্ন যে কারণেই হইয়া থাকুক, বিফল হইল ।

মানসিংহের সেনাসকল শিবির ভঙ্গ করিতে লাগিল, পরদিন প্রভাতে “কুচ” করিবে । যাত্রার পূর্বদিবসে অশ্ববল্লভ প্রাপ্ত লিপি পড়িবার সময় উপনীত হইল । রাজপুত্র কৌতূহলী হইয়া লিপি খুলিয়া পাঠ করিলেন । তাহাতে কেবল এইমাত্র লেখা আছে :

“যদি ধর্মভয় থাকে, যদি ব্রহ্মশাপের ভয় থাকে, তবে পত্র পাঠমাত্র এই স্থানে একা আসিবে । ইতি

অহং ব্রাহ্মণঃ ।”

রাজপুত্র লিপি পাঠে চমৎকৃত হইলেন । একবার মনে করিলেন, কোন শত্রুর চাতুরীও হইতে পারে, যাওয়া উচিত কি ? রাজপুত্রহৃদয়ে ব্রহ্মশাপের ভয় ভিন্ন অল্প ভয় প্রবল নহে ; স্মৃতরাং যাওয়াই স্থির হইল । অতএব নিজ অনুচরবর্গকে আদেশ করিলেন যে, যদি তিনি সৈন্যযাত্রার মধ্যে না আসিতে পারেন, তবে তাহারা তাঁহার প্রতীক্ষায় থাকিবে না ; সৈন্য অগ্রগামী হয়, হানি নাই, পশ্চাৎ বর্দ্ধমানে কি রাজমহলে তিনি মিলিত হইতে পারিবেন । এইরূপ আদেশ করিয়া জগৎসিংহ একাকী শাল-বন অভিমুখে যাত্রা করিলেন ।

পূর্বকথিত ভগ্নাট্টালিকা-দ্বারে উপস্থিত হইয়া রাজপুত্র পূর্ববৎ শালবৃক্ষে অশ্ব বন্ধন করিলেন । ইতস্ততঃ দেখিলেন, কেহ কোথাও নাই ।

পরে অট্টালিকামধ্যে প্রবেশ করিলেন। দেখেন, প্রাঙ্গণে পূর্ববৎ এক পার্শ্বে সমাধিমন্দির, এক পার্শ্বে চিতাসজ্জা রহিয়াছে ; চিতাকাষ্ঠের উপর একজন ব্রাহ্মণ অধোমুখে বসিয়া রোদন করিতেছেন।

রাজকুমার জিজ্ঞাসা করিলেন, “মহাশয়, আপনি আমাকে এখানে আসিতে আজ্ঞা করিয়াছেন ?”

ব্রাহ্মণ মুখ তুলিলেন ; রাজপুত্র জিজ্ঞাসাবাদ কবিয়া জানিলেন, ইনি অভিরাম স্বামী।

রাজপুত্রের মনে একেবারে বিস্ময়, কৌতূহল, আশ্চর্য, এই তিনেরই আবির্ভাব হইল ; প্রণাম করিয়া ব্যগ্রতার সহিত জিজ্ঞাসা করিলেন, “দর্শন জ্ঞাত যে কত উদ্যোগ পাইয়াছি, কি বলিব। এখানে অবস্থিতি কেন ?”

অভিরাম স্বামী চক্ষুঃ মুছিয়া কহিলেন, “আপাততঃ এইখানেই বাস !”

স্বামীর উত্তর শুনিতে না শুনিতেই রাজপুত্র প্রশ্নের উপর প্রশ্ন করিতে লাগিলেন। “আমাকে স্মরণ করিয়াছেন কি জ্ঞাত ? রোদনই বা কেন ?”

অভিরাম স্বামী কহিলেন, “যে কারণে রোদন করিতেছি, সেই কারণেই তোমাকে ডাকিয়াছি ; তিলোত্তমার মৃত্যুকাল উপস্থিত।”

ধীরে ধীরে, মৃদু মৃদু তিল তিল করিয়া, যোদ্ধাপতি সেইখানে ভূতলে বসিয়া পড়িলেন। তখন আত্মোপাস্ত সকল কথা একে একে মনে পড়িতে লাগিল ; একে একে অন্তঃকরণমধ্যে দারুণ তীক্ষ্ণ ছুরিকাঘাত হইতে লাগিল। দেবালয়ে প্রথম সন্দর্শন, শৈলেশ্বর-সাক্ষাৎ প্রতিজ্ঞা, কক্ষমধ্যে প্রথম পরিচয়ে উভয়ের প্রেমোখিত অশ্রুজল, রেই কাল-রাত্রির ঘটনা, তিলোত্তমার মূৰ্ছাবস্থার মুখ, যবনাগারে তিলোত্তমার পীড়ন, কারাগারমধ্যে নিজ নির্দয় ব্যবহার, পরে এক্ষণকার এই বনবাসে মৃত্যু, এই সকল একে একে রাজকুমারের হৃদয়ে আসিয়া ঝটিকা-প্রঘাতবৎ লাগিতে লাগিল। পূর্বজন্মশতপুণে প্রচণ্ড জ্বালা সহিত জলিয়া উঠিল।

রাজপুত্র অনেকক্ষণ মৌন হইয়া বসিয়া রহিলেন। অভিরাম স্বামী বলিতে লাগিলেন, “যে দিন বিমলা যবন-বধ করিয়া বৈধব্যের প্রতিশোধ করিয়াছিল, সেই দিন অবধি আমি কণ্ঠা দৌহিত্রী লইয়া যবন ভয়ে নানা স্থানে অজ্ঞাতে ভ্রমণ করিতেছিলাম, সেই দিন অবধি তিলোত্তমার রোগের সঞ্চার। যে কারণে রোগের সঞ্চার, তাহা তুমি বিশেষ অবগত আছ।”

জগৎসিংহের হৃদয়ে শেল বিঁধিল।

“সে অবধি তাকে নানা স্থানে রাখিয়া নানা মত চিকিৎসা করিয়াছি, নিজে যৌবনাবধি চিকিৎসাশাস্ত্র অধ্যয়ন করিয়াছি, অনেক রোগের চিকিৎসা করিয়াছি; অস্ত্রের অজ্ঞাত অনেক ঔষধ জানি। কিন্তু যে রোগ হৃদয়মধ্যে, চিকিৎসায় তাহার প্রতীকার নাই। এই স্থানে অতি নির্জন বলিয়া ইহারই মধ্যে এক নিভৃত অংশে আজ পাঁচ সাত দিন বসতি করিতেছি। দৈবযোগে তুমি এখানে আসিয়াছ দেখিয়া তোমার অশ্ববল্লভ পত্র বাঁধিয়া দিয়াছিলাম। পূর্বাবধি অভিলাষ ছিল যে, তিলোত্তমাকে রক্ষা করিতে না পারিলে, তোমার সহিত আর একবার সাক্ষাৎ করাইয়া অন্তিম কালে তাহার অন্তঃকরণকে তৃপ্ত করিব। সেই জন্তই তোমাকে আসিতে লিখিয়াছি। তখনও তিলোত্তমার আরোগ্যের ভরসা দূর হয় নাই; কিন্তু বুঝিয়াছিলাম যে, দুই দিন মধ্যে কিছু উপশম না হইলে চরম কাল উপস্থিত হইবে। এই জন্ত দুই দিন পরে পত্র পড়িবার পরামর্শ দিয়াছিলাম। এক্ষণে যে ভয় করিয়াছিলাম, তাহাই ঘটিয়াছে। তিলোত্তমার জীবনের কোন আশা নাই। জীবনদীপ নিব্বাণোন্মুখ হইয়াছে।

এই বলিয়া অভিরাম স্বামী পুনর্ব্বার রোদন করিতে লাগিলেন। জগৎসিংহও রোদন করিতেছিলেন।

স্বামী পুনশ্চ কহিলেন, “অকস্মাৎ তোমার তিলোত্তমা সন্নিধানে যাওয়া হইবেক না; কি জানি যদি এ অবস্থায় উল্লাসের আধিক্য সহ্য না হয়। আমি পূর্বেই বলিয়া রাখিয়াছি যে, তোমাকে আসিতে সংবাদ দিয়াছি, তোমার আসার সম্ভাবনা আছে। এই ক্ষণে আসার সংবাদ

দিয়া আসি, পশ্চাৎ সাক্ষাৎ করিও ।”

এই বলিয়া পরমহংস, যে দিকে ভগ্নাট্টালিকার অন্তঃপুর, সেই দিকে গমন করিলেন। কিয়ৎক্ষণ পরে প্রত্যাগমন করিয়া রাজপুত্রকে কহিলেন, “আইস ।”

রাজপুত্র পরমহংসের সঙ্গে অন্তঃপুরাভিমুখে গমন করিলেন। দেখিলেন, একটি কক্ষ অভয় আছে, তন্মধ্যে জীর্ণ ভগ্ন পালঙ্ক, তত্পরি ব্যাধিক্ষীণা, অথচ অনতিবিলুপ্তরূপরাশি তিলোত্তমা শয়নে রহিয়াছে ; এ সময়েও পূর্ব লাভণ্যের মৃদুলতর-প্রভাবপরিবেষ্টিত রহিয়াছে নির্ব্যাণোন্মুখ প্রভাততারার ন্যায় মনোমোহিনী হইয়া রহিয়াছে। নিকটে একটি বিধবা বসিয়া অঙ্গে হস্তমার্জ্জন করিতেছে ; সে নিরাভরণা, মলিনা, দীনা বিমলা। রাজকুমার তাহাকে প্রথমে চিনিতে পারিলেন না, কিসেই বা চিনিবে, সে স্থিরযৌবনা ছিল, সে এক্ষণে প্রাচীনা হইয়াছে।

যখন রাজপুত্র আসিয়া তিলোত্তমার শয্যাপার্শ্বে দাঁড়াইলেন, তখন তিলোত্তমা নয়ন মুদ্রিত করিয়া ছিলেন। অভিরাম স্বামী ডাকিয়া কহিলেন, “তিলোত্তমে ! রাজকুমার জগৎসিংহ আসিয়াছেন।”

তিলোত্তমা নয়ন উন্মীলিত করিয়া জগৎসিংহের প্রতি চাহিলেন ; সে দৃষ্টি কোমল, কেবল স্নেহব্যঞ্জক ; তিরস্কারণাভিলাষের চিহ্নমাত্র বর্জিত। তিলোত্তমা চাহিবামাত্র দৃষ্টি বিনত করিলেন ; দেখিতে দেখিতে লোচনে দর দর ধারা বহিতে লাগিল। রাজকুমার আর থাকিতে পারিলেন না ; লজ্জা দূরে গেল ; তিলোত্তমার পদপ্রান্তে বসিয়া নীরবে নয়নাসারে তাঁহার দেহলতা সিক্ত করিলেন।

একবিংশ পরিচ্ছেদ : সকলে নিষ্ফল স্বপ্ন

পিতৃহীনা অনাথিনী, রুগ্নশয্যায় ;—জগৎসিংহ তাঁহার শয্যাপার্শ্বে। দিন যায়, রাত্রি যায়, আর বার দিন আসে ; আর বার দিন যায়, রাত্রি আসে ! রাজপুত্র-কুল-গৌরব তাহার ভগ্ন পালঙ্কের পাশে বসিয়া গুঞ্জন করিতেছেন ; সেই দীনা, শব্দহীনা বিধবার অবিরল কার্য্যের সাহায্য

করিতেছেন। আধিক্ৰীণা ছাখিনী তাঁহার পানে চাহে কি না—তার শিশিরনিপীড়িত পদ্মমুখে পূর্বকালের সে হাসি আসে কি না, তাহাই দেখিবার আকাঙ্ক্ষায় তাহার মুখপানে চাহিয়া আছেন।

কোথায় শিবির? কোথায় সেনা?—শিবির ভঙ্গ করিয়া সেনা পাটনায় চলিয়া গিয়াছে! কোথায় অনুচর সব? দারুকেখর-তীরে প্রভুর আগমন প্রতীক্ষা করিতেছে। কোথায় প্রভু? প্রবলাতপবিশোধিত সুকুমার কুসুম-কলিকায় নয়নবারি সেচনে পুনরুৎফুল্ল করিতেছেন।

সুকুম-কলিকা ক্রমে পুনরুৎফুল্ল হইতে লাগিল। এ সংসারের প্রধান ঐন্দ্রজালিক স্নেহ! ব্যাধি-প্রতিকারে প্রধান ঔষধ প্রণয়। নহিলে হৃদয়-ব্যাধি কে উপশম করিতে পারে?

যেমন নির্ব্যাণোগ্যুখ দীপ বিন্দু বিন্দু তৈলসঞ্চারে ধীরে ধীরে আবার হাসিয়া উঠে, যেমন নিদাঘশুষ্ক বল্লরী আষাঢ়ের নববারি সিঞ্চনে ধীরে ধীরে পুনর্বার বিকশিত হয়; জগৎসিংহকে পাইয়া তিলোত্তমা তদ্রূপ দিনে দিনে পুনর্জীবন পাইতে লাগিলেন।

ক্রমে সবলা হইয়া পালঙ্কোপরি বসিতে পারিলেন। বিমলার অবর্তমানে ছুজনে কাছে কাছে বসিয়া অনেক দিনের মনের কথা সকল বলিতে পারিলেন। কত কথা বলিলেন, মানসকৃত কত অপরাধ স্বীকার করিলেন, কত অজ্ঞায় ভরসা মনোমধ্যে উদয় হইয়া মনোমধ্যেই নিবৃত্ত হইয়াছিল, তাহা বলিলেন; জাগরণে কি নিদ্রায় কত মনোমোহন স্বপ্ন দেখিয়াছিলেন, তাহা বলিলেন। রুগ্নশয্যায় শয়নে অচেতনে যে এক স্বপ্ন দেখিয়াছিলেন, একদিন তাহা বলিলেন—

যেন নববসন্তের শোভাপরিপূর্ণ এক ক্ষুদ্র পর্বতোপরি তিনি জগৎ-সিংহের সহিত পুষ্পক্ৰীড়া করিতেছিলেন; স্তূপে স্তূপে বসন্তকুসুম চয়ন করিয়া মালা গাঁথিলেন, আপনি এক মালা কণ্ঠে পরিলেন, আর এক মালা জগৎসিংহের কণ্ঠে দিলেন; জগৎসিংহের কটিস্থ অসিম্পর্শে মালা ছিঁড়িয়া গেল। “আর তোমার কণ্ঠে মালা দিব না, চরণে নিগড় দিয়া বাঁধিব” এই বলিয়া যেন কুসুমের নিগড় রচনা করিলেন। নিগড় পরাইতে গেলেন, জগৎসিংহ অমনই সরিয়া গেলেন। তিলোত্তমা পশ্চাৎ পশ্চাৎ ধাবিত

হইলেন ; জগৎসিংহ বেগে পর্বত অবতরণ করিতে লাগিলেন ; পথে এক ক্ষীণা নিৰ্বরিণী ছিল, জগৎসিংহ লক্ষ্য দিয়া পার হইলেন ; তিলোত্তমা শ্রীলোক—লক্ষ্যে পার হইতে পারিলেন না, যেখানে নিৰ্বরিণী সংক্ষীর্ণ হইয়াছে, সেখানে পার হইবেন, এই আশায়, নিৰ্বরিণীর ধারে ধারে ছুটিয়া পর্বত অবতরণ করিতে লাগিলেন । নিৰ্বরিণী সক্ষীর্ণ হওয়া দূরে থাকুক, যত যান, তত আয়তনে বাড়ে ; নিৰ্বরিণী ক্রমে ক্ষুদ্র নদী হইল ; ক্ষুদ্র নদী ক্রমে বড় নদী হইল ; আর জগৎসিংহকে দেখা যায় না ; তীর অতি উচ্চ, অতি বন্ধুর, আর পাদচালন হয় না ; তাহাতে আবার তিলোত্তমার চরণ-তলস্থ উপকূলের মৃত্তিকা খণ্ডে খণ্ডে খসিয়া গম্ভীর নাদে জলে পড়িতে লাগিল, নীচে প্রচণ্ড ঘূর্ণিত জলাবর্ত, দেখিতে সাহস হয় না । তিলোত্তমা পর্বতে পুনরারোহণ করিয়া নদীপ্রাস হইতে পলাইতে চেষ্টা করিতে লাগিলেন ; পথ বন্ধুর, চরণ চলে না ; তিলোত্তমা উচ্চৈঃশ্বরে কঁাদিতে লাগিলেন ; অকস্মাৎ কালমূর্তি কতলু খাঁ পুনরুজ্জীবিত হইয়া তাঁহার পথরোধ করিল ; কণ্ঠের পুষ্পমালা অমনই গুরুভার লোহ-শৃঙ্খল হইল । কুমুমনিগড় হস্তচ্যুত হইয়া আত্মচরণে পড়িল ; সে নিগড় অর্মানি লৌহনিগড় হইয়া বেড়িল ; অকস্মাৎ অঙ্গ স্তম্ভিত হইল ; তখন কতলু খাঁ তাঁহার গলদেশ ধরিয়া ঘূর্ণিত করিয়া নদী-তরঙ্গ-প্রবাহমধ্যে নিক্ষেপ করিল ।

স্বপ্নের কথা সমাপন করিয়া তিলোত্তমা সজলচক্ষে কহিলেন, “যুবরাজ, আমার এ শুধু স্বপ্ন নহে ; তোমার জ্ঞান যে কুমুমনিগড় রচিয়া-ছিলাম, বুঝি তাহা সত্যই আত্মচরণে লৌহনিগড় হইয়া ধরিয়াছে । যে কুমুমমালা পরাইয়াছিলাম, তাহা অসির আঘাতে ছিঁড়িয়াছে ।”

যুবরাজ তখন হাস্য করিয়া কটিস্থিত অসি তিলোত্তমার পদতলে রাখিলেন ; কহিলেন, “তিলোত্তমা, তোমার সম্মুখে এই অসিশূন্য হইলাম, আবার মালা দিয়া দেখ, অসি তোমার সম্মুখে দ্বিখণ্ড করিয়া ভাঙিতেছি ।”

তিলোত্তমা নিরুত্তর দেখিয়া রাজকুমার কহিলেন, “তিলোত্তমা, আমি কেবল রহস্য করিতেছি না ।”

তিলোত্তমা লজ্জায় অখোমুখী হইয়া রহিলেন ।

সেই দিন প্রদোষকালে অভিরাম স্বামী কক্ষান্তরে প্রদীপের আলোকে বসিয়া পুতি পড়িতেছিলেন ; রাজপুত্র তথায় গিয়া সবিনয়ের কহিলেন, “মহাশয়, আমার এক নিবেদন, তিলোত্তমা এক্ষণে স্থানান্তরে গমনের কষ্ট সহ্য করিতে পারিবেন, অতএব আর এ ভগ্ন গৃহে কষ্ট পাইবার প্রয়োজন কি ? কাল যদি মন্দ দিন না হয়, তবে গড় মান্দারণে লইয়া চলুন । আর যদি আপনার অনতিমত না হয়, তবে অস্থরের বংশে দৌহিত্রী সম্প্রদান করিয়া আমাকে কৃতার্থ করুন ।”

অভিরাম স্বামী পুতি ফেলিয়া উঠিয়া রাজপুত্রকে গাঢ় আলিঙ্গন করিলেন, পুতির উপর যে পা দিয়া দাঁড়াইলেন, তাহা জ্ঞান নাই ।

যখন রাজপুত্র স্বামীর নিকট আইসেন, তখন ভাব বুঝিয়া বিমলা আর আশমানি শনৈঃ শনৈঃ রাজপুত্রের পশ্চাৎ পশ্চাৎ আসিয়াছিলেন ; বাহিরে থাকিয়া সকল শুনিয়াছিলেন । রাজপুত্র বাহিরে আসিয়া দেখেন যে, বিমলার অকস্মাৎ পূর্বভাবপ্রাপ্তি ; অনবরত হাসিতেছেন, আর আশমানির চুল ছিঁড়িতেছেন ও কিল মারিতেছেন ; আশমানি মারপিট তৃণজ্ঞান করিয়া বিমলার নিকট নৃত্যের পরীক্ষা দিতেছে । রাজকুমার এক পাশ দিয়া সরিয়া গেলেন ।

দ্বাবিংশতিতম পরিচ্ছেদ : সমাপ্তি

ফুল ফুটিল অভিরাম স্বামী গড় মান্দারণে গমন করিয়া মহা-সমারোহের সহিত দৌহিত্রীকে জগৎসিংহের পাণিগৃহীত্বী করিলেন ।

উৎসবদির জন্ম জগৎসিংহ নিজ সহচরবর্গকে জাহানাবাদ হইতে নিমন্ত্রণ করিয়া আনাইয়াছিলেন । তিলোত্তমার পিতৃবন্ধুও অনেকে আহ্বানপ্রাপ্ত হইয়া আনন্দকার্য্যে আসিয়া আমোদ আহ্লাদ করিলেন ।

আয়োষার প্রার্থনামতে জগৎসিংহ তাঁহাকেও সংবাদ করিয়াছিলেন । আয়েষা নিজ কিশোরবয়স্ক সহোদরকে সঙ্গে লইয়া এবং আর আর পৌরবর্গে বেষ্টিত হইয়া আসিয়াছিলেন ।

আয়েষা যবনী হইয়াও তিলোত্তমা আর জগৎসিংহের অধিক স্নেহ-বশতঃ সহচরীবর্গের সহিত দুর্গাস্তম্ভপুৰবাসিনী হইলেন। পাঠক মনে করিতে পারেন যে, আয়েষা তাপিতহৃদয়ে বিবাহের উৎসবে উৎসব করিতে পারেন নাই। বস্তুতঃ তাহা নহে। আয়েষা নিজ সহর্ষ চিত্তের প্রফুল্লতায় সকলকেই প্রফুল্ল করিতে লাগিলেন; প্রস্তুত শারদ সরসী-রুহের মন্দান্দোলন স্বরূপ সেই মৃদুমধুর হাসিতে সর্বত্র ত্রীসম্পাদন করিতে লাগিলেন।

বিবাহকার্য্য নিশীথে সমাপ্ত হইল। আয়েষা তখন সহচরগণ সহিত প্রত্যাবর্তনের উদ্যোগ করিলেন; হাসিয়া বিমলার নিকট বিদায় লইলেন। বিমলা কিছুই জানেন না, হাসিয়া কহিলেন, “নবাবজাদী! আবার আপনার শুভকার্য্যে আমরা নিমন্ত্রিত হইব।”

বিমলার নিকট হইতে আসিয়া আয়েষা তিলোত্তমাকে ডাকিয়া এক নিভৃত কক্ষে আনিলেন। তিলোত্তমার কর ধারণ করিয়া কহিলেন, “ভগিনি! আমি চলিলাম। কায়মনোবাক্যে আশীর্ব্বাদ করিয়া যাইতেছি, তুমি অক্ষয় স্মৃতে কালযাপন কর।”

তিলোত্তমা কহিলেন, “আবার কত দিনে আপনার সাক্ষাৎ পাইব?”

আয়েষা কহিলেন, “সাক্ষাতের ভরসা কিরূপে করিবে?” তিলোত্তমা বিষণ্ণ হইলেন। উভয়ে নীরব হইয়া রহিলেন।

ক্ষণকাল পরে আয়েষা কহিলেন, “সাক্ষাৎ হউক বা না হউক, তুমি আয়েষাকে ভুলিয়া যাইবে না?”

তিলোত্তমা হাসিয়া কহিলেন, “আয়েষাকে ভুলিলে যুবরাজ আমার মুখ দেখিবেন না।”

আয়েষা গান্ধীর্ঘ্যসহকারে কহিলেন, “এ কথায় আমি সন্তুষ্ট হইলাম না। তুমি আমার কথা কখন যুবরাজের নিকট তুলিও না। এ কথা অঙ্গীকার কর।”

আয়েষা বুঝিয়াছিলেন যে, জগৎসিংহের জন্ম আয়েষা যে এ জন্মের স্মৃতি জলাঞ্জলি দিয়াছেন, এ কথা জগৎসিংহের হৃদয়ে শেলস্বরূপ বিদ্ধ

রহিয়াছে। আয়েবার প্রসঙ্গমাত্রও তাঁহার অনুতাপকর হইতে পারে।

তিলোত্তমা অঙ্গীকার করিলেন। আয়েষা কহিলেন, “অথচ বিশ্ব্রুতও হইও না, স্মরণার্থ যে চিহ্ন দিই, তাহা ত্যাগ করিও না।”

এই বলিয়া আয়েষা দাসীকে ডাকিয়া আজ্ঞা দিলেন। আজ্ঞামত দাসী গজদন্তনির্মিত পাত্রমধ্যস্থ রত্নালঙ্কার আনিয়া দিল। আয়েষা দাসীকে বিদায় দিয়া সেই সকল অলঙ্কার স্বহস্তে তিলোত্তমার অঙ্গে পরাইতে লাগিলেন।

তিলোত্তমা খনাঢ্য ভূস্বামিকন্যা, তথাপি সে অলঙ্কাররাশির অদ্ভুত শিল্প-রচনা এবং তন্মধ্যবর্তী বহুমূল্য হীরকাদি রত্নরাজির অসাধারণ তীব্র দীপ্তি দেখিয়া চমৎকৃত হইলেন। বস্তুতঃ আয়েষা পিতৃদত্ত নিজ অঙ্গভূষণরাশি নষ্ট করিয়া তিলোত্তমার জন্য অগ্ন্যজ্ঞানদূর্ভ এই সকল রত্নভূষা প্রস্তুত করাইয়াছিলেন। তিলোত্তমা তত্তাবতের গৌরব করিতে লাগিলেন। আয়েষা কহিলেন, “ভগিনি, এ সকলের প্রশংসা করিও না। তুমি আজ যে রত্ন হৃদয়ে ধারণ করিলে, এ সকল তাঁহার চরণরেণুর তুল্য নহে।” এই কথা বলিতে বলিতে আয়েষা কত ক্লেশে যে চক্ষুর জল সংবরণ করিলেন, তিলোত্তমা তাহা কিছুই জানিতে পারিলেন না।

অলঙ্কারসম্ভিবেশ সমাধা হইলে, আয়েষা তিলোত্তমার দুইটি হস্ত ধরিয়া তাঁহার মুখপানে চাহিয়া রহিলেন। মনে মনে ভাবিতে লাগিলেন, “এ সরল প্রেমপ্রতিম মুখ দেখিয়া ত বোধ হয়, প্রাণেশ্বর কখন মনঃপীড়া পাইবেন না। যদি বিধাতার অন্তরূপ ইচ্ছা না হইল, তবে তাঁহার চরণে এই ভিক্ষা যে, যেন ইহার দ্বারা তাঁহার চিরসুখ সম্পাদন করেন।”

তিলোত্তমাকে কহিলেন, “তিলোত্তমা! আমি চলিলাম। তোমার স্বামী ব্যস্ত থাকিতে পারেন, তাঁহার নিকট বিদায় লইতে গিয়া কালহরণ করিব না। জগদীশ্বর তোমাдиগকে দীর্ঘায়ুঃ করিবেন। আমি যে রত্নগুলি দিলাম, অঙ্গে পরিও। আর আমার—তোমার সার রত্ন হৃদয়মধ্যে রাখিও।”

“তোমার সার রত্ন” বলিতে আয়েবার কণ্ঠরোধ হইয়া আসিল। তিলোত্তমা দেখিলেন, আয়েবার নয়নপল্লব জলভারস্তুভিত হইয়া

কাঁপিতেছে ।

তিলোত্তমা সমদ্ব্যর্থিনীর শ্রায় কহিলেন, “কাঁদিতেছ কেন ?” অমনি
আয়েষার নয়নবারিশ্রোত দরদরিত হইয়া বহিতে লাগিল ।

আয়েষা আর তিলোদ্ধ অপেক্ষা না করিয়া দ্রুতবেগে গৃহত্যাগ করিয়া
গিয়া দোলারোহণ করিলেন ।

আয়েষা যখন আপন আবাসগৃহে আসিয়া উপনীত হইলেন, তখনও
রাত্রি আছে । আয়েষা বেশ ত্যাগ করিয়া, শীতল-পবন-পথ কক্ষবাতায়নে
দাঁড়াইলেন । নিজ পরিত্যক্ত বসনাধিক কোমল নীলবর্ণ গগনমণ্ডল মধ্যে
লক্ষ লক্ষ তারা জ্বলিতেছে ; মৃদুপবনহিল্লোলে অন্ধকারস্থিত বৃক্ষ সকলের
পত্র মুখরিত হইতেছে । দুর্গশিরে পেচক মৃদুগম্ভীর নিনাদ করিতেছে ।
সন্মুখে দুর্গপ্রাকার-মূলে যেখানে আয়েষা দাঁড়াইয়া আছেন, তাহারই নীচে,
জলপরিপূর্ণ দুর্গপরিখা নীরবে আকাশপটপ্রতিবিম্ব ধারণ করিয়া
রহিয়াছে ।

আয়েষা বাতায়নে বসিয়া অনেকক্ষণ চিন্তা করিলেন । অঙ্গুলি হইতে
একটি অঙ্গুরীয় উন্মোচন করিলেন । সে অঙ্গুরীয় গরলাধার । একবার
মনে করিতেছিলেন, “এই রস পান করিয়া এখনই সকল তৃষ্ণা নিবারণ
করিতে পারি ।” আবার ভাবিতেছিলেন, “এই কাজের জন্ত কি বিধাতা
আমাকে সংসারে পাঠাইয়াছিলেন ? যদি এ যন্ত্রণা সহিতে না পারিলাম,
তবে নারীজন্ম গ্রহণ করিয়াছিলাম কেন ? জগৎসিংহ গুনিয়াই বা কি
বলিবেন ?”

আবার অঙ্গুরীয় অঙ্গুলিতে পরিলেন । আবার কি ভাবিয়া খুলিয়া
লইলেন । ভাবিলেন, “এ লোভ সংবরণ করা রমণীর অসাধ্য ;
প্রলোভনকে দূর করাই ভাল !”

এই বলিয়া আয়েষা গরলাধার অঙ্গুরীয় দুর্গপরিখার জলে নিক্ষিপ্ত
করিলেন ।
